

THEOLOGIA

SCHOLASTICO-DOGMATICA

LUXTA MENTEM

D. THOMÆ
AQUINATIS

AD USUM DISCIPULORUM

EJUSDEM ANGELICI PRÆCEPTORIS

ACCOMMODATA

PER F. VINCENTIUM LUDOVICUM GOTTI

Ordinis Prædicatorum, Sacre Theologiæ Magistrum, Doctorem
Collegiatum, & in Patriâ Bononiensi Universitate
Controversiarum Fidei Publicum Professore.

TOMUS I. IN PRIMAM PARTEM


De Prolegomenis, & Locis Theologicis.

Editio altera.



BONONIÆ MDCCLXVIII

Ex Typographia Sancti THOMÆ AQUINATIS
SUPERIORUM FERNISSU



INCREATÆ ÆTERNÆ
 OMNIUM CREATRICI
 INCARNATÆ
 HOMINUM REPARATICI
 DIVINÆ SAPIENTIÆ



D tuæ Supremæ Majestatis Thro-
 num, & Creationis, ac Redemptionis titulo,
 a a omnia

omnia meā, me ipsum humillimè prosterne-
 summa Religionis est. Huic tamen generali
 debito (quod in omnibus aliis qualibuscum-
 que à me editis Operibus persolvere cura-
 vi) specialio-rem rationem adfert hæc Theo-
 logia, quæ tota tua est. Tota, inquam, non
 solum nomine, quia *sermo de Te*, sed ipsâ
 re. Hæc enim Te in Te meditatur, dùm Dei
 existentiam, essentiam, attributa, tuæ omni-
 scientiæ profunda, tuæ voluntatis arcana, æ-
 ternæ tuæ generationis abdita inaccessa pene-
 trare, quantum potest, conatur. Hæc Te in
 tuis operibus investigat, dùm de Te omnium
 Creatore, hominum Redemptore, Auctore
 gratiæ, & gloriæ, ultimo omnium Fine (nam
 propter Te ipsum omnia operatus es) sermo-
 nem instituit. Quid ni ergo ad Te, à quo
 exivit, ad quem spontè vadit, cujus ope
 compacta est, revertatur, & in Te, propter
 quem est, requiescat? Hoc probè noscens
 Thomas Aquinas, quem tuæ mentis fidelem
 Interpretem Ecclesiæ tuæ obtulisti, & tuâ spe-
 ciali gratiâ mihi prælegisti Magistrum, omnia
 sua scripta ad Te non semel detulit, tuoque
 supremo, ac infallibili iudicio examinanda
 præsentavit. Ne dedigneris ergo, ut Magistri
 premens

premens vestigia Discipulus ; Theologicum,
hunc cursum tibi sistat venerabundus. Tho-
mæ Magistri scripta comprobasti , *Benè* , in-
quiens, *scripsisti de me Thoma*. Mercedem pro
labore exhibuisti, *Quam ergo mercedem accipies?*
Absit , ut à Te id præsumam inter Thomæ
Discipulos infimus . Spero tamen , fore , ut
ea, quæ de Thomà excerpti , ab iis, quæ de
meo adjunxi , fecernens , quæ Thomæ sunt ,
iterata commendatione excipias, quæ verò de
meo adjunxi , misericordi indulgentiâ non re-
pellas. Opus certè, ut par erat , non imple-
vi . Id , in quo veritatem sum assecutus, to-
tum tuum est ; Id verò , in quo eam asse-
qui non licuit, meum est: meum, inquam ,
non animo , & voluntate (quam , Tu scis,
Tibi Primæ, ac Æternæ Veritati, tuæque Ec-
clesiæ sui Pastoris voce, quæ tua est, loquen-
ti , subjeci, & subjiciam semper) sed mentis
debilitate, nimirum, non quia volui, sed quia
nescivi, aut scire nequivi. Adsis ergo. Tho-
mæ Doctrinam , ejusque Scholam tuo supre-
mo patrocinio suscipe, fove, tuere, defende,
tui luminis radio perfunde , ut quæ Magister
docuit, intellectu conspicerè , & quæ egit, i-
mitatione valeant semper compellere Discipu-

li. Mi-

li. Mihi verò Gratiam tuam clementer impartire, dùm vixero, ut tandem id, quod Thomas petiit in mercedem, mihi vertatur, in misericordiam, & gratiam, & ad æternam gloriam, ad Te ipsum nempe, valeam pervenire. Ità supplex humillimè deprecatur.

Fr. Vincentius Ludovicus Gotti
Ordinis Prædicatorum Sacerdos.



LECTORI



Eligiosa Obedientia factum in hac meâ Theologiâ tibi exhibeo, quisquis sis, amice Lector; Hinc cessabit admiratio, si quam fortè conceperis, cur post Theologicos cursus à Viris omnigenâ scientiâ præclarissimis adornatos, et vulgatosque, in arenam ego prodire ausus fuerim. Scias ergo oportet hujus mihi demandati Operis consilium. Multi sanè, & quidem doctè elaborati, Theologici cursus apud Nostrates, siue prælo jam editi, siue manu exarati, in dies, Discipulorum, & nostris oculis subjiciuntur. Sed quorum non modica pars purè scholasticis quaestionibus, & metaphysicis subtilitatibus, ac tricis plus equò indulgens, Juvenes penè jejunos dimittat in Veritatibus verè Theologicis, & solum ad nauseam usque repletos disputationibus ad fidei negotium, aut Sacram Eruditionem minime conducentibus, adeò, ut interrogati de Catholicâ Veritate adversus hereticos, & de controversiis, quæ à Lutheranis, Calvinistis, Anabaptistis, Socinianis, & id genus hominibus Catholicos secernunt, nec controversiæ statum (ne dicam nomen) exponere norint, ac Theologicam metam attingisse sibi adulentur, etiamsi quid inter illos, & nos, seu quid illos invicem intersit, nec à limine conspexerint.

Verùm

Verum utinam novum esset hoc infortunium! Utinam hoc præcavissent, animumque ad seria, veroque Theologo digna convertentes, magis, quam Aristotelem Scripturam Sacram, Traditiones, Concilia, Patres consulissent, in eisque exercitator sese ostendissent Theologi quidam, qui cum Luthero negotium susceperent! Huic audacissimo Apostata ansam procul dubio præripuissent eos increpandi, subsannandi, nec non dicendi (tom. 1. in respons. ad Silvestr.) si apud Jure-Consultos proverbium recipitur: Turpe est Juristam loqui sine textu: Tu vide, quàm sit honorificum, Theologum (qui maximè omnium debet) loqui sine textu, quem Apostolus (Ephes. 6.) jubet calceatum esse pedibus in præparatione Evangelii; Et Episcopum potentem, non in syllogismis, & opinionibus hominum, sed in Doctrinâ sanâ, nimirum eâ, quam alibi inspiratam vocat. Hoc enim consilium si fuisset servatum, minus nunc Ecclesia haberet inurilium questionum, & opinionum, & plus Evangelii, & Christianæ veritatis. Pudere debuisset Catholicos Theologos audire Lutherum tali reprehensione ipsis, eorumque Scholis insultantem, atque saniori consilio animum, ac mentem ad seria convertendo, apostatici nebulonis, ejusque gregalium impudentes cachinnos collatis manibus propulsare, opportunum fuisset. Verum res in deterius ruit. Succedentibus seculis, quibus hæretica pestis non modicam Europe partem invasis, Sacramenta majori ex parte sustulit, ab Eucharistiâ Christum ejecit, Sanctis Cultum, Sacris eorum, & Christi Imaginibus venerationem denegavit, ritus abolevit, Celibatum, Jæjunia exulare fecit, Romanum Episcopum eâ, quâ à Christo donatus semper viguit, auctoritate nudare tentavit, nec non antiquam veramque fidem falsis dogmatibus deturpavit, ementitâ jactantâ nil aliud, quàm Sacram Scripturam in ore gestans, ejusque Sacros Textus in suos, pravosque sensus, vel repugnantem,

tem, detorquens: quis non putasset, tunc ad Scripturas, ad Traditiones, ad Concilia, ad Patres, ad Disciplinam veteris studium Catholicis Theologis confugiendum fuisse, ut iisdem, quibus se triumphare existimabat, armis errorem obruerent, obstrepentis hæresis ora contunderent, simplicesque à deceptione liberarent? Ità sanè faciendum fuisse quisquis prudens existimabit. At non ità à plerisque factitatum est. Non defuere quidem, qui sancto pro Christi, ejusque fidei gloriâ zelo accensi, id pro dignitate præstiterint. Sed major Theologorum portio, Domitianum imitata, muscarum aucupio (inutilem dico, & purè metaphysicorum studio) occupata permansit, cum hostes fuerant debellandi.

Absit tamen invidia verbo. Nec enim existimet quispiam, me Scholæ detrachere, dum sacrarum dogmatum studium promoveo. Hoc fuit Lutheri genium, quod detestor. In Scholam tota hereticorum rabies invehitur, cujus armis in diem ad mortem usque vulnerantur, & transfiguntur. Nec minima Scholæ auctoritas esse potest, quam parvū facere sine fidei discrimine nemo unquam potuit. Connexæ quippe sunt, ac fuere semper, post natam Scholam, Scholæ contemptus, ac hæresum pestes. Scholasticæ usum defendam, imò & necessitatem demonstrabo. Scholasticas disputationes nec S. Thomas omisit: cur eas omittet Discipulus? Integra veri Theologi messis est, nedum in doctrinâ sanâ exhortari, sed & eos, qui contradicunt arguere. Hoc autem sine Theologiâ argumentatiuâ, seu scholasticâ quomodo præstabit?

Jamque palam fieri incipiet presentis Operis Idea. Cum enim aliqui res dogmaticas purè dogmaticè tractaverint, plerique scholasticis purè scholasticè vacaverint, desiderari videbatur Opus utrumque coniungens, & dogmaticum, & scholasticum, quodque sic scholasticis vacaret, ut dogmatica non omitteret, sed illa istis amico fœdere copulans scholastica, quantum

fieri potest, dogmaticè, dogmatica verò scholastica methodo persolveret. Hoc mihi demandatum prosequi, quantum potero, conabor, omnemque à me detergere suspensionem, ne, dum dogmatica propono, Scholæ quidquam me detrahere quis putet. Solum hoc Lectorem meum moneo, eam me vocare Scholæ doctrinam, quæ Sacrarum Litterarum fundamentis constituta sit, non eam, quæ Sacris Litteris longum vale dixerit. Theologo quidem in famulatum philosophica interdum accersere S. Thomas non damnat: nec ego improbo. Eos solum repudio, quos Theologos adscriptitios vocat Canus [lib. 8. Loc. Theol. c. 1.] qui quæstiones verè Theologicas, aut omittunt, aut aliis inutilibus toti vacant, aut si Theologica tractant, ea non Theologicè, sed vanis, invalidisque ratiunculis, magnum pondus, rebus gravissimis detrahentes absolunt. Eos pariter probare non possum, nec debeo, qui quasi ad discordiam nati, tum optimè se diservisse putant, cum contra alios dixerint, ut non tam pro veritate certare, quàm Adversarios convincere vellet videantur, & concertationibus, ac rixis totas chartas implentes, veritatem involvunt potiùs, quàm detegant.

Eorum non paucos esse in Ecclesiâ hisce temporibus nemo non videt, ex Scholasticis nedum, sed ex iis, qui se venditant Dogmaticos, qui nempe in sui ingenii ostensionem, & pompam, novæ doctrinarum merces ex suæ mentis officina exponere plus æquo satagentes, nec non critici nomine gloriantes, vel cuncta in dubium vocant, vel [quòd majus est] nihil, nisi novum, ac priscis Doctõribus, nec non venerabili antiquitati adversum, ac si omnes cæci fuerint, ipsi soli perspicaces, & oculati existant, suis scriptis evulgare gestiunt.

Utriusque generis vitium meus Candidatus evadet, si exactè custodierit Apostoli monitum, qui discipulos suos Timotheum, ac Titum sanis imbuens consiliis, Timotheo inquit (ep 2. c. 2. v. 3.) Stultas, & sine disciplinâ quæstiones devita, sciens, quia
 geno

generant lites: servum autem Domini non oportet litigare, sed mansuetum esse ad omnes, docibilem, patientem &c. *Tito autem* (c. 3. v. 9.) Stultas, ait, quæstiones, & genealogias, & contentiones, & pugnas legis devita; sunt enim inutiles, & vanæ. *Monita hæc religiose servabit, si ad Magistrum suum S. Thomam sedulus adspiciat, qui suæ Summæ, ac Scriptis nullam quæstionem, imò & articulum inserferit, qui non, vel aliquem errorem exterminet, vel alicujus utilitatis pro Ecclesiâ Sanctâ Dei existat; quod suis in annotationibus ad Summam Doctus æquè, ac Venerabilis Vir Fr: Seraphinus Capponi à Porreclâ ad oculum sigillatim ostendit. Qui insuper ingenio, animoque adeò docilem sese exhibet, tantaque veneratione Patres Vetereſque prosequitur, ut in iis quoque, in quæis reperit singulares, si nihil contrarium Ecclesiæ statuerit, eos non deserat penitus, sed quæstionem problematicè absolvens, suum eis honorem servet, vel si ab Ecclesiæ sensu dissentire videantur, benigna interpretatione ad sanum, verumque sensum eos trahere conatur. Qui demum S. Augustini vestigia adeò fideliter premit, ut Augustinum contractum eum Jansenius nuncupaverit, & indivisa semper fuerit Augustiniana, ac Thomistica doctrine fortuna, nec ullus à Thomâ unquam dissentire potuerit, quin dissenserit ab Augustino, nec Augustinum relinquere, quin & Thomam reliquerit.*

Hoc & ego religiose persequi, meumque Candidatum ejusmodi genio imbuiere, quantum potero conabor. In scholasticis quæstionibus, quas pertractare necesse fuerit, eas eligam, quas alicujus utilitatis fore dignoscam, ceteras vel omittens, vel calamo strictiori percurens. Controversias, quæ Catholicas Scholas dividunt, sic percensebo, ut mea quidem Schola sententiam pro viribus tuear, sed contendendi, ac rixandi animo prorsus deposito, cætararum invidiam declinem. In dogmaticis porro, ac Fidem quomodolibet tangentibus totus ero, ut eis Studiosum pro

merito instructum reddam. Non latet, me difficillimam provinciam assumere, meisque viribus longè superiorem. Non latet, divisis utrimque studiis, quibusdam Scholastica in totum mancipatis, quibusdam Dogmatica unicè vacantibus, arduum fore, ut unuscujusque partium votis satis faciam. Verùm si quis hujusce Operis ideam, Tyrones nimirum imbuendi, pacato animo revolvat, facile acquiescet, si ea tantum, quæ magis necessaria scitu, & captui incipientium accommodata sunt, me tradidisse contentus, ne labor in immensum abiret; pro uberiori rerum disquisitione ad Auctores, qui de singulis ex professo tractaverunt Lectorem plura desiderantem dimiserim. His expositum volui Candidato meo hujusce laboris consilium. Superest, ut, & ego, & ipse ad Deum confugientes; lumen ad rectè in doctrinâ percurrentium, & Spiritum veritatis, qui Spiritus pacis est, non dissensionis, humiliter petamus; quod, Angelico nostro Præceptore è Cælis intercedente, nos obtenturos fore piè speramus. Vale



CATA-

CATALOGUS

Eorum, quæ hic Primus Tomus in Primam
Partem pertractat.

TRACTATUS PRIMUS ISAGOGICUS.

QUÆSTIO PRIMA.

De existentia, necessitate, divisione &c. Theologia.

DUBIUM PRIMUM.

An existat Theologia, & an sit necessaria?

§. I. <i>Varia Theologia acceptiones.</i>	pag. 1.
§. II. <i>Necessitas Theologia ad cognoscendas res ex revelatis.</i>	4.
§. III. <i>Necessitas Theologia ad res naturali ratione investigabiles.</i>	5.
§. IV. <i>Quid nomine Theologia, seu Sacra Doctrina intelligat D. Thomas?</i>	6.

DUBIUM SECUNDUM.

De Theologia Positivâ, & Scholasticâ.

§. I. <i>Quodnam sit inter utramque discrimen?</i>	8.
§. II. <i>Antiquitas utriusque Theologia.</i>	11.

DUBIUM TERTIUM.

De utilitate utriusque Theologix, Positivæ, & Scholasticæ.

§. I. <i>Utilitas Theologia Positiva.</i>	15.
§. II. <i>Utilitas Theologia Scholastica.</i>	18.

DUBIUM QUARTUM.

Quid sit, quidque requiratur, ut aliquid sit dogma fidei?

§. I. <i>Resolvitur dubium.</i>	25.
§. II. <i>Quibus notis dogma fidei discernatur?</i>	27.
§. III. <i>Quid sit Doctrina purè Theologica?</i>	33.

DUBIUM QUINTUM.

De variis errorum gradibus.

§. I. <i>Quædam præmittuntur.</i>	36.
§. II. <i>De propensione, seu doctrina hæretica.</i>	38.

Tom. I.

b 3

§. III.

S. III. De propositione erroneâ, & errori proxima.	39.
S. IV. Alia species propositionum censurabilium.	40.

DUBIUM SEXTUM.

An omne dogma Catholicum sit Fidei dogma, & an omne
Fidei dogma sit articulus Fidei?

S. I. Resolvitur prima Pars.	44.
S. II. Resolvitur secunda Pars.	46.

QUESTIO SECUNDA.

De naturâ Theologia.

DUBIUM PRIMUM.

An Theologia sit verè Scientia?

S. I. Quadam praeoscitur.	49.
S. II. Conclusio.	50.
S. III. Objectiones contrariae.	52.

DUBIUM SECUNDUM.

An nostra Theologia subalternetur scientiæ Dei, &
Beatorum, & an maneat in Patriâ?

S. I. Resolvitur primum dubium.	51.
S. II. Resolvitur secunda Pars.	56.
S. III. Argumenta contraria.	ibid.

DUBIUM TERTIUM.

An nostra Theologia sit entitativè supernaturalis.

S. I. Quadam noscitur.	59.
S. II. Conclusio.	60.
S. III. Argumenta contraria solvuntur.	63.

DUBIUM QUARTUM.

An Theologia nostra sit speculativa, an practica,
an utrumque?

S. I. Quadam praeoscitur.	66.
S. II. Conclusio.	67.
S. III. Objectiones solvuntur.	68.

DUBIUM QUINTUM.

An Theologia sit certior, digniorque aliis scientiis; & an sit etiam Sapientia?

§. I. <i>Quadam notatu digna pro prima parte.</i>	70.
§. II. <i>Prima Partis resolutio.</i>	71.
§. III. <i>Resolutio secunda Partis.</i>	74.
§. IV. <i>Resolutio tertia Partis.</i>	75.

DUBIUM SEXTUM.

An Deus sit objectum Theologiæ.

§. I. <i>Resolutio dubii.</i>	77.
§. II. <i>Solvuntur contraria.</i>	79.

DUBIUM SEPTIMUM.

An Theologia sit argumentativa?

§. I. <i>Resolutio dubii.</i>	81.
§. II. <i>Quomodo sit argumentativa circa sua principia?</i>	ibid.

QUESTIO TERTIA.

De Locis Theologicis.

DUBIUM PRIMUM.

Quid, & quotuplex sit Locus Theologicus?

§. I. <i>Resolutio dubii.</i>	84.
§. II. <i>An ex omnibus præfatis locis aqualiter argumentari possit Theologus?</i>	85.

DUBIUM SECUNDUM.

De Sacrz Scripturz usu in argumentis Theologicis.

§. I. <i>Quid sit Sacra Scriptura, & quotuplex?</i>	85.
§. II. <i>An ex quolibet Scriptura sensu Theologus possit argumentari?</i>	88.
§. III. <i>Resolutio quæsti.</i>	91.
§. IV. <i>Quanam Scripturarum editio deferre possit Theologo ad certè probandas suas conclusiones?</i>	94.

DUBIUM TERTIUM.

De Loco à Traditionibus.

§. I. <i>Quid, & quotuplex sit Traditio Sacra?</i>	97.
§. II. <i>Regula pro discernenda Traditione Divinà à purè Apostolicà, & Apostolicà à purè Ecclesiasticà.</i>	100.
§. III. <i>Resolutio dubii.</i>	101.
	DM.

DUBIUM QUARTUM.

De Loco ab Ecclesiâ.

§. I. <i>De Ecclesiâ definitio.</i>	101.
§. II. <i>Resolutio dubii.</i>	104.
§. III. <i>Solvuntur argumenta.</i>	107.

DUBIUM QUINTUM.

De loco ab Auctoritate Conciliorum.

§. I. <i>Quid sit Concilium, quibus constet, & quoniam sit?</i>	116.
§. II. <i>Dua priores resolutiones.</i>	118.
§. III. <i>Resolutio præcipua de Concilio congregato, & confirmato auctoritate Papæ.</i>	120.
§. IV. <i>Solvuntur, quæ contra præcedens assertum militans.</i>	122.
§. V. <i>Solvuntur argumenta ex præteritis Conciliorum erratis.</i>	126.
§. VI. <i>Auctoritas Conciliorum non Generalium.</i>	131.
§. VII. <i>De Concilio Generali per Legatos Rom. Pont. celebrato.</i>	132.
§. VIII. <i>De Patribus Concilii.</i>	135.
§. IX. <i>Auctoritas Concilii relatæ ad Sacram Scripturam.</i>	137.

DUBIUM SEXTUM.

De Loco ab Auctoritate Summi Pontificis.

§. I. <i>Aliqua prænotantur.</i>	139.
§. II. <i>Romani Pontificis infallibilitas assertitur.</i>	ibid.
§. III. <i>Referuntur contraria motiva, & solvuntur.</i>	146.
§. IV. <i>Argumenta ex Pontificum erratis, & invicem pugnantibus definitionibus.</i>	157.
§. V. <i>Argumenta ex testimoniis Pontificum, & Conciliorum.</i>	162.

DUBIUM SEPTIMUM.

Locus ab auctoritate SS. Patrum.

§. I. <i>Quædam præmittuntur,</i>	170.
§. II. <i>Adversiones statuuntur.</i>	172.
§. III. <i>Solvuntur argumenta contra ultimam conclusionem.</i>	178.

DUBIUM OCTAVUM.

Locus ab auctoritate Theologorum Scholasticorum.

§. I. <i>Aliqua præmittuntur.</i>	181.
§. II. <i>Statuuntur adversiones.</i>	ibid.

DUBIUM NONUM.

Locus ab auctoritate Juris Pontificii Doctorum.

S. I.	<i>Theologi, & Canonista invicem comparantur.</i>	186.
S. II.	<i>Resolutiones dubii.</i>	187.

DUBIUM DECIMUM.

Locus à rationis naturalis, & scientiarum naturalium, & Philosophorum auctoritate.

S. I.	<i>Resolutio prima partis.</i>	192.
S. II.	<i>Locus ab auctoritate Philosophorum.</i>	194.
S. III.	<i>Locus à Juris Civilis auctoritate.</i>	197.

DUBIUM UNDECIMUM.

Locus ab Historiæ humanæ auctoritate.

S. I.	<i>Historia humana Theologo utilis.</i>	198.
S. II.	<i>Historia humana in Theologicis auctoritas.</i>	200.
S. III.	<i>Regula discernendi inter Historicor.</i>	202.



N O S F R. T H O M A S

R I P O L L

SACRE THEOLOGIE PROFESSOR

Ac totius Ordinis Prædicatorum humilis Magister
Generalis, & Servus.

HArum serie, nostrique auctoritate Officii licentiam concedimus
Rev. Adm. P. Magistro Fr. Vincentio Ludovico Gotti Pro-
vinciæ nostræ utriusque Lombardiæ imprimendi cursum *Scholastico-
Dogmaticum* ab eodem compositum; postquam fuerit revisum Opus,
& approbatum ab A. A. R. R. P. P. Magistris Fr. Hieronymo Cara-
vadossi, & Fr. Dominico Antonino Pazzaglia ejusdem Provinciæ;
servatis etiam aliis de Jure servandis. In nomine Patris, & Filii, &
Spiritus Sancti. Amen. In quorum fidem &c.

Datum Romæ in Conventu nostro Sanctæ Mariæ super Miner-
vam die 27. Julii 1726.

Fr. Thomas Ripoll
Magister Ordinis.

Loco ✱ Sigilli.

Registr. fol. 12.

Fr. Dominicus Ponfi
Mag. Exprov., & Socine.

Novo

NOvo cumulat honorè à Reverendissimo meo P. Generali Fr. Thoma Ripoll, post approbatum illud egregium Sacri Cēlĭbitas Defensorium, ab A. R. P. Fr. Vincentio Ludovico Gotti de Bononia Sacr. Theologiæ in nostra Provincia Magistro, ac in Patria Universitate publico Controversiarum Fidei, Professore compositum, hoc aliud, in debite meæ obedientiæ Tessarum, ejusdem Auctoris insignè Opus lustrandum assumpsi, cui titulus est: *Theologia Scholastico-Dogmatica, juxta mentem Divi Thomæ Aquinatis ad usum Discipulorum ejusdem Angelici Præceptoris accommodata* in plures Tomos divisa.

In hoc à nostra Schola exoptatissimo opere, comprehendente pro nunc, dissertationes Polemicas, & Scholasticas in Primam Partem Summæ Angelici Præceptoris: totum inveni, tum ad Catholicæ Ecclesiæ, tum ad Thomistæ Scholæ firmanda dogmata apprime elaboratum. Quâ parte Dogma Catholicum propugnat, nonnisi Divinarum Scripturarum, Sacrorum Conciliorum, probatorumque Patrum linguis loquitur; Quâ parte verò Scholasticas enucleare aggreditur difficultates, & præcipue subtiliores, De Scientia, De Voluntate Dei, De Prædestinatione, De Trinitate &c., nonnisi quàm DD. Augustini, & Thomæ calamo scribit, adeò, ut meritò dicere possim: Nostrium Vincentium Ludovicum esse simul *Augustinum, & Thomam contrarium*; Amboque in hoc suo verè aureo Opere, tanquam rarissimi pretii splendidissimas gemmas, mirâ arte tenere inclusos. Quamobrem hunc eruditissimum laborem, ad evidentem tum Catholicæ Ecclesiæ, tum Thomistice nostræ Scholæ utilitatem assumtum, publicâ luce dignissimum censeo.

Dabam Bononiæ in Ædibus SS. Patriarchæ Nostri Dominici idibus Augusti 1737.

*Fr. Petrus Hieronymus Caravadosi de Nicæa Sacra
Theologia Magister, & in Archiepiscopio Ord.
Præd. actualis Baccalaureus Mann propriâ.*

EXimium Opus, cui titulus, *Theologia Scholastico-Dogmatica juxta mentem D. Thomæ Aquinatis ad usum Discipulorum ejusdem Angelici Præceptoris accommodata*, ab Ad. R. P. Fr. Vincentio Ludovico Gotti Ordinis Prædic. S. Th. Mag. Doct. Colleg., & in Patria Bonon. Universitate, publico Professore in Primam Partem elaboratum, mei summi animi volūptate attentè perlegi; nec quidquam datum est reperire (sive Fidem spectas, sive Mores) quod umbrâ vel reprehensionis dignum videretur: quia, potius sapientiam, eruditionem, pietatem, modè an omnia nactus sum, redolere. In ipso enim Divinorum Scientia ita Scholasticæ partes agit, ut, adhuc hisce temporibus sibi adversis, tædio neminem efficere valeat; quippe quæ vanis speculationibus, superfluoque prætermisſis questionibus, necessaria dumtaxat omnino, verèque utilia pertrahet. Dogmaticæ quoque, adeò munia implet, ut penè ignores, an Studiosum magis delectet, quàm juvet. In utraque Auctor prolixitatem devitat, ne illâ nimium Tyrones defatigati plus legant, quàm discant, &, quantum patitur argumentum, u-

nice

nice brevitati fludet, sed mirum in modum perspicuitati fræderatæ, quod difficihiora cuilibet, minùs etsi perspicaci ingenio, plana statim fiant, captuque facilia. Verùm (quod negotium facessit) doctrinam undequaque famam tradit; Scripturis, Traditionibus, Conciliis firmatam; Patrum testimoniis roboratam; nec unquam solidis rationibus destitutam, præsertim ab Ecclesiæ luminibus Augustino, & Thoma plerumque mutuatis: Quorum sicut ubique vestigia fidelissimè premit, ità eorundem sinceram assequi mentem, potissimùm curat. Idcirco non vererer dicere, Discipulo adaptari posse, quod de Sancto Præceptore scriptum est: *Stylus brevis, grata sacundia: celsa, clara, firma sententia*. Hic demum habent Juvenes, unde non nominis, sed re Theologi evadant, veræque Thomisticæ scholæ reipsâ sectatores fiant: Fides arma reperit, quibus se ab omni genere hostium tueatur: Hæresis quæ argumenta meritò pertimescat. Dignum ergo Opus, quod in communem utilitatem Typis manetur, ego infrascriptus existimo. Atque utinam jampridem in lucem prodiiisset! & numerosiores Doctrinæ suæ Angelicus Magister amatores sortitus esset.

*Ità est Fr. Dominicus Antoninus Pazzaglia
de Bononia S. Theol. Mag. Ord. Prædic.*

*Vidit D. Anselmus Castanea Clericus Regularis Sancti Pauli, & in
Ecclesia Metropolitana S. Petri Bononia Penitentiarius pro SS. D.
N. BENEDICTO Papa XIV. Bononia Archiepiscopo.*

Die 5. Decembris 1747.

REIMPRIMATUR.

*Fr. Seraphinus Maria Maccarinelli Vicarius Generalis Sancti Officii
Bononia.*

TRACTATUS PRIMUS

ISAGOGICUS.

QUESTIO I.

De existentia, necessitate, divisione &c. Theologia.



Consueverunt Artis alicujus, vel Scientiæ Tractatores, priusquam ad Artis, vel Scientiæ secretiora penetralia tyrones suos introducant, illis, velat in atrio, & vestibulo, artis, vel scientiæ naturam, proprietates, methodum, nobilitatem, utilitatem, necessitatem, cæterasque dotes exponere; quod ad illius existimationem, desiderium, atque amorem excitati, eam alacriores ingrediantur. Hoc vel maxime à me præstandum esse, cui ad Sacram Theologiam, artem artium, scientiarum juvenes instituere, ac præparare in munere contigit, nemo non videt.

Solent etiam, ne omni doctrinæ vento circumferantur, eis Doctorem aliquem præfigere, cujus vestigia prementes, ea, quæ salebrosa, & aspera occurrent, tuto pede valeant superare. Hunc ego Tyronibus meis propono, de cujus veritate doctrinæ nescis est suspicari, D. Thomam scilicet Aquinatem, Angelicum, fidumque Divinorum Oraculorum Interpretem, à cuius mente, nec ad latum, unguem recedam; libertate tamen servatâ in iis, de quibus non est explorata S. Doctoris mens, quod verius, aut verosimilius videbitur, opinandi.

Propositum meum in hoc opere mihi erit idem, quod sibi fuisse in sua summa adornanda, testatur S. Thomas in prologo ad eandem: nimirum, *ea quæ ad Christianam Religionem pertinent, eo modo tradere, secundum quod congruit eruditioni.* Quia verò hujus doctrinæ novitios in iis, quæ à diversis scriptis, sunt plurimum imbuti consideravi. *Partim quidem propter multiplicationem innu-*

Tom. I.

tilium, questionum, articulorum, & argumentorum. Partim etiam, quia ea, quæ sunt necessaria talibus ad sciendum, non traduntur secundum ordinem disciplinæ. Partim, quia eorum frequens repetitio, & fastidium, & confusio, generabat in animis auditorum. Idecirco quæstiones, articulos, & argumenta inutilia, vel penitus omittam, vel si opus erit, aliqua dicere, sobriè pertractabo. Secundò ea, quæ maxime circa dogmata sparsim ab Auctoribus dicta sunt, suis disponam locis. Tertiò tandem à jam dictorum repetitione, quantum fieri poterit, abstineto

DUBIUM I.

An existat Theologia, & an sit necessaria.

S. I.

Varia Theologiæ acceptiones.

I. **T**heologia, si nomen species, idem est, ac *Sermo de Deo*: est enim vox confurgens ex græco nomine *Theos*, latine *Deus*, & Græco *Logos*, latine *Sermo*. Quare quicumque Sermo de Deo, sive Sacer sit, sive Prophæta, sive de Deo vero, sive falso, sive serius, sive fabulosus, Theologiæ nomine insigniri potest. Et sub hac generali ratione, ait D. August. l. 8. *de Civit. Dei c. 1.*, Theologiæ nomine significari intelligimus de divinitate rationem, sive sermonem.

II. Hinc & ipsi Pagani suam iactabant Theologiam, quæ de suis falsis diis sermonem habebat, quam referente D. Augustino l. 6. *de Civit. Dei c. 5.* in tria genera distinguebat Varro, in mythicam, scû fabularem, vel fabulosam, quæ utebatur Poetæ, maxime in Theatris, multa contra dignitatem diis affigentes.

A

In

In physicam, seu naturalem, quæ utebantur Philosophi, naturam, ac genus deorum investigantes. Et in civilem, quæ utebantur Cives in Urbibus, maxime Sacerdotes, dum, quos deos publice colere, quibus Ritibus, quibus Sacrificiis deberet, populum erudiebant. *Prima* (dicebat Varro) *maximè accommodata, est ad Theatrum; secunda ad Mundum; tertia ad Urbem.* Quasi quod alii dii pertinerent ad Mundum, alii in Templis adorarentur, alii riderentur in Theatris, ut notat S. Augustinus ibi *cap. 6.* Melius ergo Varro dixisset, tres omnes illias species fabulosas esse. Triplicem hanc Theologiam speciem reprobavit Apostolus Rom. 1. teste D. Thom. *ibid. lect. 7. in fin.* his verbis: *Videtur autem Apostolus triplicem Theologiam tangere Gentilium. Primò quidem civilem, quæ observabatur à Pontificibus in adoratione Idolorum in Templo; & quantum ad hoc dicit: & mutaverunt gloriam incorruptibilis Dei. Secundò Theologiam fabularem, quam Poeta trahebat: & quantum ad hoc dicit: & commutaverunt veritatem Dei in mendacium. Tertiò Theologiam naturalem, quam observaverunt Philosophi in Mundo, partes Mundi colentes, & quantum ad hoc dicit: & conluerunt, & servierunt Creaturæ potius, quàm Creatori.*

III. Quamquam autem Sacram Theologiam nomen prophanaverint Gentiles, illud tamen in vero sensu usurpare veriti non sunt Sacri Doctores, ut de vero Deo cognitionem, sermonem, & tractationem exprimerent. Quare Theologia, dividi consuevit in naturalem, & supernaturalem. Supernaturalis in beatam, infusam, & acquisitam. Acquisita in positivam, & Scholasticam, & hæc utraque in moralem, polemicam, & mysticam.

IV. Naturalis Theologia dicitur Dei, rerumque divinarum scientia, quæ solo rationis lumine paritur; qualis est metaphysica in ea parte, quæ de Deo disserit; qualis & illa, quæ Philosophicum cognovissent Deum, non sicut Deum glorificaverunt, ut ait Paulus Rom. 1. 21., & hæc ex creaturis ascendit ad Deum, teste eodem Paulo v. 20. *Invisibilia ipsius*

(Dei) à creaturis Mundi per ea, quæ facta sunt intellecta, conspiciuntur.

V. Supernaturalis vocatur ea, quæ supernaturali lumine paritur, idque vel per lumen gloriæ, vel per infusionem, vel per discursum ex revelatis; unde in beatam, infusam, & acquisitam dividitur.

VI. Beata, seu Beatorum propria dicitur, quæ Beati lumine gloriæ perfusi clarè, & intuitivè, seu, ut loquitur D. Paulus 1. Cor. 13. v. 12. *non per speculum in enigmate, sed facie ad faciem. vident Deum sicuti est.*

VII. Infusa verò dicitur, quæ nostro Audio comparatur, sed à Deo per infusionem in nos descendit: qualis fuit illa, quæ divinitus imbuti, & Spiritu Sancto afflati Christi Discipuli, ceperunt loqui magnalia Dei; quos idem in Petro Apostolorum Principe D. Dionysius in suo de Divinis Nominibus libro, Theologos appellat, dicens: *Aderat, & Petrus; Supremum Decus, & antiquissimum Theologorum culmen.* Huic addi posset lumen propheticum, quo Prophetæ, sæpe multa de Deo, & rebus divinis loquuntur, sed, quia istud non infidet menti Prophetæ per modum habitus, sed advenit per modum impressionis transiens, ut docet D. Thom. 1. 2. q. 68. *art. 3. ad 3., & 2. 2. qu. 171. art. 2. C.*, nec est virtus intellectualis, nec Theologica, ut docet D. Th. in 3. *diff. 23. qu. 2. art. 3. qu. 1. ad 4.*, ideo ad Theologiam, quæ est habitus, & virtus intellectualis, non pertinet.

VIII. Acquisita Theologia dicitur illa, quæ proprio labore, & studio comparatur per discursum, quo ex principis revelatis, & creditis hæc divini, aliqua veritas concluditur. Qualis est ea, quæ, qui præditi sunt, vulgo dicuntur hodie Theologi, & de qua, quia Viatorum propriâ, erit nobis hic potissimum quaestio; quæque propriè loquendo nihil aliud est, quàm quædam ex principiis revelatis, & Fide Divinâ creditis discursiva scientia; Et hæc, ut dixi, dividitur in positivam, & scholasticam; & utraque in moralem, polemicam, & mysticam.

IX. Theologia acquisita positiva dici-

TUR,

tur, dum discurrendo probat conclusiones suas per principia positiva; hoc est per principia, quæ non probantur, sed supponuntur, & ereduntur, quia accepta à Verbo Divino scripto, vel tradito, nobisque per Ecclesiam proposito. Theologia namque ninitur Verbo Dei tanquam principio, quod teste Apostolo *Ephef. 2. 10. Est fundamentum Apostolorum, & Prophetarum*: præter quod aliud nemo potest ponere *1. Cor. 3. 11.* Diciturque *positiva*, vel quia circa jus positivum divinum explicandum, exponendum, confirmandum tota versatur. Vel quia Positiones, & Theses statuit graviores fidei controversias, ac principes veritates concernentes, quibus fides roboretur, ac stabilietur; ideoque dogmatica etiam dici solet, cum circa fidei dogmata versetur. Vel denique, quia non disputatoriâ, & regulis dialecticæ methodo accommodatâ, sed fusiori, positivo, & oratorio stylo.

X. Scholastica Theologia sic dicta, quia in Scholis traditur, & discitur, eadem quidem est, ac Positiva (ut dicitur) sed Aristoteli modo, & methodo Dialecticæ regulis accommodatiori, à Scholarum Magistris proponitur, ut validius possit Catholicus contra fidei hostes procedere, & eorum tela retundere. Est autem Theologia Scholastica ex iisdem principiis procedat, ac positiva, interdum tamen suas conclusiones confirmat extraneis argumentis, utens scientiis inferioribus in obsequium sui, & quasi vocans ancillas ad arcem, ut Catholica fides extraneis etiam confirmata argumentis, facilius persuaderi possit iis, qui foris suat, & cuilibet poscenit, de fide nostra ratio reddi possit. Cæterum Scholastica Theologia, ait D. Th. *1. p. qu. 1. art. 8.* cum ex sub propriis discurret, non minus, ac positiva, ex Verbo Dei procedit. Sed de his iterum.

XI. Utraque tum Positiva, tum Scholastica, Moralis dicitur, si regulas ad mores nostros informandos præscribat. Polemica verò, seu bellatrix, si de rebus controversis, maximè contra Infideles, eos arguendo, & contra eos pugnando pertractet. Mytica tandem, seu affectiva vocatur, dum affectus no-

stros movet, ac dirigit in Deum. Ut enim docet D. Th. ad *Heb. 5. 1. 2.* aliæ scientiæ illuminant solum intellectum, ut cognoscat verum; at Theologia non solum illuminat mentem ad cognoscendum verum Divinum, sed etiam nutrit, & roborat animam movendo affectum, ut dirigatur ad amandum Deum hic in via donec illum tandem consequatur in Patria. His ergo positis, de existentia, & necessitate Theologiæ quæremus cum D. Thom. *1. p. qu. 1. art. 1.* primò in genere, deinde in specie; an scilicet præter Theologiam naturalem detur, & dari debeat Theologia supernaturalis, seu ex revelatis de Deo discurrens.

XII. Circa hoc noto primo, Veritates, quæ de Deo cognosci possunt, alias esse, quæ lumine naturalis rationis effectibus creatis investigari possunt: alias esse, quæ naturalis rationis lumen prorsus excedunt.

Nota secundò, necessarium dici dupliciter: uno modo absolute, & in se, alio modo ad finem aliquem consequendum; non enim absolute necessarium est habere equum, vel navim, sed necessarium quidem est equus ad equitandum, navis ad navigandum, quia sine equo non possum equitare, nec sine navì navigare.

Nota teritiò, necessarium hoc modo sumtum, aliud esse necessarium necessitate præcepti, aliud necessitate medii, aliud necessitate medii, & etiam præcepti. Primo modo audire sacrum diebus festis necessarium est ad salutem, quia præceptum; secundo modo Baptismus parvulis necessarius est ad salutem; tertio modo idem Baptismus necessarius est adultis, quia hi sine Baptismo vel in re, vel in voto nequeunt salutem consequi, & insuper Divino Mandato tenentur eam per Baptismum procurare.

Nota quartò, necessarium ad finem posse dici dupliciter. Uno modo, itaut sine illo finis nullatenus haberi possit, sicut equitare non potest haberi sine equo, & hoc vocant necessarium simpliciter; alio modo, itaut sine illo finis quidem haberi possit, sed commodius habebatur cum illo: sicut innecari possum quidem sine equo, aut sledâ, eun-

do pedester; commodius tamen, & facilius itinerabor equo vectus, vel rheda; & hoc vocant necessarium secundum quid, seu ad bene, vel melius esse.

XIII. Noto quintò, necessarium modò explicatum posse dici tale, vel respectu alicujus totius communitatis tantum, vel etiam singulis illius communitatis. Sic communitati necessarium est aliquem esse fabrum, cementarium, medicum &c. necessarium tamen non est singulis esse fabros, cementarios, medicos &c. e contra manducare, bibere, ad vitam necessarium est, nedum toti communitati, sed etiam singulis illius communitatis. His ergo prænotatis quærimus, an Sacra Theologia necessaria sit ad cognoscendas veritates de Deo, nedum rationis lumen excedentes, sed etiam lumine naturali vestigabiles. Rursus quâ necessitate; & demum, an singulis, an verò tantum Reipublicæ Christianæ.

S. I I.

Necessitas Theologia ad cognoscendas res ex revelatis.

XIV. **D**ico primo. Præter philosophicas disciplinas necessaria est homini aliqua Sacra Doctrina, quæ ex revelatis procedat: ita D. Th. 1. 2. q. 1. art. 1. & probò. Necessaria est homini doctrina, quâ possit cognoscere determinatè suum ultimum finem, ut possit ad illum determinatè tendere, ac sese, suasque actiones in illum dirigere: agens enim cognitione, & ratione præditum non potest finem determinatè intendere, nisi illum determinatè præcognoscat: quia nihil volitum, quin sit prius cognitum; & si determinatè suum finem non cognosceret, in incertum scopum collimaret: sed ad cognoscendum determinatè suum ultimum finem necessaria est homini doctrina sacra procedens ex revelatis: ergo &c. minor probatur. Finis, ad quem homo ultimò ordinatur, est Deus clarè visus, seu beatitudo supernaturalis: sed hæc sine doctrinâ ex revelatis procedente, non potest ab homine cognosci, excedit enim comprehensionem naturalis luminis, & rationis, juxta illud *Isaia 64. v. 4. A seculo non*

*audierunt, neque auribus perciperunt: oculus non vidit, Deus absque te, quæ preparasti expellamibus te. Quæ D. Paulus transferens in suam primam epistolam ad Cor. 13. v. 9., ait sicut scriptum est: quod oculus non vidit, nec auris audivit, nec in cor hominis ascendit, quæ preparavit Deus sit, qui diligit illum: Isaia autem, & Paulum de supernaturali hominis beatitudine fuisse locutos testantur, nedum D. Thom. hic, in cap. 64. *Isaia*, & in cap. 2. prima ad Cor. lect. 2. Sed etiam S. Cyprian. *epist. 36.* & S. Hieronym. in cap. 64. *Isaia* Ergo ad cognoscendum &c. necessaria est homini doctrina ex revelatis: quare D. Paulus loco laudato, cum de Sapientia Dei dixisset: *quam nemo Principum hujus seculi cognovit*: subdit: *nobis autem revelavit Deus per Spiritum suum.**

Probatur secundò à posteriori. Quotquot ex Philosophis veteribus conati sunt hominis beatitudinem cognoscere, nedum non sunt eam assecuti, sed in turpissimos errores inciderunt: unde octo supra ducentos, & octoginta sibi invicem contrarios enumerat Marcus Varro. Quin Aristoteles ipse, Philosophorum Aquila, scopum hunc attingere nequivit. Agens enim de hominis ultima felicitate, nullibi docuit, Deum elatè videndum, ac intuitivè, esse, ejus ultimum finem: imò 1. 2. *Ethic. c. 7.* finem ultimum hominis constituit in cognitione substantiarum separatarum. Ubi enim cap. 5. & 6. varias retulisset, & rejectisset veterum Philosophorum circa hominis beatitudinem sententias, duplicem ipse statuit hominis felicitatem, Moralem, & Civilem; alteram Speculativam, & Contemplativam. Moralem, & Civilem 1. *Eth. cap. 7.* statuit in operatione secundum optimum virtutum, quam aiebat esse prudentiam: ita ut hominem moraliter, ac civiliter beatum tunc existimaverit, cum sapienter, & ordinatè omnes suas actiones componeret. Speculativam autem, & Contemplativam 10. *Eth. cap. 6. 7. & 8.* in operatione omnium perfectissimâ collocauit, qualem censuit esse cognitionem Dei, ac substantiarum separatarum, abstractivam tamen, & discursivam. Signum est ergo, rationem naturalem non posse

posse nos manuducere ad notitiam veræ beatitudinis, ac proinde hanc debere haberi ex Magisterio Divino docente nos per revelationem. Quare D. Justinus Martyr rebort. 1. ad Græcos, causam, cum Philosophi tantâ, circa divinâ, laboraverint ignorantia, cur inter se adeo discordes fuerint assignans, fuisse hanc dicit: *Quid scilicet non à peritis discere voluerint, sed se ipsos humana mentis suâ solertiâ, cæcæ clari pervidere posse confisi fuerint, cum ne terrena quidem perficere quiverint.* Ex quibus patet præsentem resolutionem procedere de necessitate simpliciter tali.

XV. Nec tamen hinc inferas, hominem fore deterioris conditionis, quam ceteras creaturas, & intellectum fore imperfectiorem sensu. Cum enim ceteræ creaturæ propriis, ac naturalibus viribus suos fines ultimos consequi possint, imò & consequantur, & solus homo finem suum ultimum nec consequi potest, imò nec propriis viribus cognoscere. Rursus cum sensus nullo egeat auxilio supernaturali, ut circa quælibet sua objecta, feratur: oculus enim nativâ suâ activitate videre potest quodecumque visibile, solus intellectus viribus destitutus egebit supernaturali ope, ut cognoscat objectum suum principale, quod est Deus.

Non inquam, quia ut ait D. Thom. 1. sent. qu. 1. art. 1. ad 3. hoc axioma: *Illud quod per se suam perfectionem consequi potest, nobilior est eo, quod per se consequi non potest, vales quidem in his, quæ acquirunt æqualem bonitatem pro fine, sed illud quod acquirit bonitatem, perfectam, licet pluribus auxiliis, & motibus, est nobilior eo, quod imperfectam bonitatem acquirit paucioribus, vel per se ipsum, sicut dicit Philosophus in 2. de Celo, & Mundo text. 3.* Homo autem respectu aliarum creaturarum ordinatur ad acquirendam nobiliorem perfectionem, nimirum ipsius Divinæ Gloriæ participationem, propter quam factus est. Et ideo licet ad illam nedum acquirendam, verum & cognoscendam, egeat pluribus auxiliis, & motibus, quam ceteræ creaturæ ad suos fines, non erit deterior, aut imperfectior illis. Hoc idem docet S. Doct. 1. 2. qu. 5. art. 5. ad 3., &

qu. 14. de veritate art. 10. ad 5., ubi ait: *Ad quintum dicendum, quod homo perfectior est aliis animalibus, nec tamen determinata sunt sibi ab ipsa natura, quæ sunt necessaria ad finem consequendum, sicut aliis animalibus propter aux. rationes. Primum, quia homo ad altiore finem ordinatur; & ideo omnino pluribus auxiliis indiget ad ipsum consequendum, & sibi naturalia principia non sufficiant, nihilominus perfectior erit. Secundum, quia hoc ipsum est in homine perfectior, quia multipliciter vias potest habere ad consequendum finem suum. Unde non poterat ei una via naturalis determinari, sicut aliis animalibus; sed loco omnium, quæ natura aliis animalibus providit, data est homini ratio, per quam, & necessaria huius vias sibi parare potest, & disponere se ad recipienda auxilia divinitus futura vita.*

XVI. Eadem ratione sensus non erit nobilior intellectu, quamvis sensus sibi sufficiat ad omnia sua objecta attingenda, intellectus autem non. Imò oppositum; ex quo enim sensus sibi sufficiat ad omnia objecta, infertur, eum esse determinatum ad certa quædam objecta intra lineam, & certum naturale modum operandi contenta, & proinde ad ea limitatum, & restrictum. At ex quo intellectus sibi non sufficiat, sed egeat ope, & auxilio exteriori ad aliqua sua objecta, infertur, ejus sphaeram non esse determinatam ad objecta sola naturalia, sed extendi etiam ad objecta, naturæ captum excedentia; & proinde, quod intellectus possit elvari ad majorem perfectionem recipiendam, quam possit ipse producere, summa perfectio illi est. Indicium est enim, cum non perfici solemus iis, quæ intra naturæ limites continentur, sed protendi etiam ad ea, quæ supra naturam sunt, & aliquam excellentiorem perfectionem ad sui complementum exigere.

§. III.

Necessitas Theologia ad res naturales rationis vestigabiles.

XVII. Dico secundo. Ad cognoscendas etiam veritates illas, quæ de

de Deo possunt ratione humanâ investigari, necessaria est, aliqua Sacra, & revelata Doctrina. Ita D. Thom. 1. p. qu. 1. art. 3. his verbis: *Ad ea etiam, quæ de Deo ratione humanâ investigari possunt, necessarium fuit homines instrui revelatione divini; quia Veritas de Deo per rationem investigata, à paucis, & per longum tempus, & cum admixtione multorum errorum homini proveniret.*

XVIII. Ex his conficitur ratio probativa hujus asserti. Ad salutem cuilibet homini necessarium est, certò scire de Deo etiam veritates illas, quæ naturali lumine investigari possunt; sed absque doctrinâ revelatâ hujusmodi cognitionem assequerentur pauci, nec nisi post longum tempus, & cum admixtione multorum errorum: ergo &c. min. probat, & explicat D. Th. lib. 1. contr. gentes cap. 4. Et quidem pro prima parte: quia à veritatibus contemplatione plurimi impediuntur: quidam propter hebetudinem ingenii, quâ sic sunt indispositi ad sciendum, ut nullo studio possent ad hoc persingere, ut summum cognitionis gradum attingerent, qui in cognoscendo Deum consistit. Quidam necessitate rei familiaris, oportet enim ex hominibus plures esse, qui temporalia curent, & serè totum vitæ suæ tempus in hoc exercitio infumant, qui certè ab otio contemplationis arcidentur. Quidam tandem impediuntur pigritiâ. Ad cognitionem enim divinorum multa præcognoscere oportet ex Philosophiâ, quæ faciunt, ut nonnisi post longum studium, & laborem ad illam perveniri possit, quem quidem laborem pro amore scientiæ pauci subire volunt.

XIX. Pro secunda parte probat. Cum enim ex didis studium, & labor præquiratur antequàm homo perveniat ad cognitionem de Deo, in tali opere multum temporis impendi necesse est. Cumque juvenutis ætas, quâ diversis passionum motibus anima fluctuat, parum idonea sit quieti, quæ ad tam altæ veritatis cognitionem acquirendam necessaria est, fieret ut homines ad veritatem divinorum non pervenirent, nisi extrema ætate.

XX. Tertia similiter per eodem.

Angelico Magistro 1. contra gentes c. 4. sic explicatur: *Nam investigationi rationis humana plerumque falsitas admiscetur propter debilitatem intellectus nostri in judicando, & phantasmatum permissionem. Et ideo apud multos in dubitatione remanent ea, quæ sunt verissimè etiam demonstrata, dum vim demonstrationis ingorant: & præcipit non videant à diversis, qui sapientes dicuntur, diversa doceri. Inter multa etiam vera, quæ demonstrantur, immiscetur aliquando aliquod falsum, quod non demonstratur; sed aliqua probabili, vel sophisticè ratione aseritur, qua interdum demonstratio reputatur. Unde ex Philosophis gentilibus, qui de Deum cognoverunt, alii futurorum scientiam ei negaverunt, alii omnium rerum Providentiam, & Gubernationem, alii in alios multiplices, & turpissimos errores lapsi sunt. Concludit D. Th., & ideo oportuit per viam fidei fixâ certitudine, ipsam veritatem de rebus divinis homini exhiberi. Salubriter ergo Divina providit Clementia, ut ea etiam, quæ ratio investigare potest, fide tenenda præcipere: ut sic omnes de facili possent divina cognitionis participes esse, & absque dubitatione, & errore; hinc est, quod Ephes. 4. dicitur. Jam non ambuletis, sicut & gentes ambulant, in vanitate sensus sui, tenebris obscuratum habentes intellectum. Et 1saia 54. Pone universos filios tuos doctos à Domino. Ita D. Th. 2. contra gentes cap. 4. laudato.*

6. I V.

Quid nomina Theologia, seu Sacra Doctrina intelligat D. Thomas.

XXI. **D**ubium hoc ex doctrina hæcenus tradita statim emerge. Cum enim sacra doctrina, quam necessariam diximus, ad veritates, tum excedentes unam rationis, tum ad eas, quæ rationis lumine sunt vestigabiles, sit doctrina à Dei revelatione procedens, meritò ducatur, an sit doctrina immediate revelata, qualis est doctrina fidei, an verò revelata tantum mediâtè, idest procedens ex principis revelatis ad alia deduc.

deducenda, qualis est doctrina propriè Theologia.

Videtur enim D. Thomas per Sac. Doctrinam intellexisse Fidem Theologiam, quia hanc dixit esse ad salutem necessariam, certum autem est ad salutem necessariam quidem esse Fidem, non verò Theologiam.

Videtur etiā intellexisse Theologiam condistinctam à Fide: nam de ea Sacra Doctrina, ut homini necessaria loquitur *art. 1.*, de qua *art. 2.*, dicit esse scientiam *art. 3.*, esse unam scientiam *art. 5.*, esse digniorem aliis scientiis *art. 8.*, esse argumentativam: atqui fides neque scientia est, neque argumentativa; ergo est ordiæ, & coherentia doctrinæ, videtur D. Th. loqui etiam in *1. art. de Theologia* sub nomine Sacræ Doctrinæ.

XXII. Cajetanus in *commento. art. 1.* dicit, Sacram Doctrinam neque sumi pro fide, ut distinguitur contra Theologiam, nec pro Theologia, ut distinguitur contra fidem, sed pro cognitione à Deo revelata, sive formaliter, sive virtualiter, abstrahendo à ratione crediti, & sciti, & de hac dicit esse necessariam ad salutem.

XXIII. Verosimilius tamen videtur D. Thomam nomine Sacræ Doctrinæ intellexisse determinatè Theologiam. Id suadent nuper dicta, & ulterius, quia D. Thom. hoc *art. 1.* ad *2.* hanc Sacram Doctrinam vocat Theologiam, eamque comparat cum aliis scientiis naturalibus, & distinguit ab eis. Item *art. 5.* Doctrinam hanc vocat eam, quæ procedit ex principiis revelatis, quæ pro suis principiis habet articulos fidei *art. 7.* & *8.*, atqui sola Theologia procedit ex principiis à Deo revelatis, habetque articulos fidei pro suis principiis; ergo per Sacram Doctrinam intelligit Theologiam. Demum de ea Doctrina hic loquitur, dum dicit esse necessariam, de qua in præmio hujus quætionis dicit, se investigaturum quælis sit, & ad quæ se extendat, non investigat autem in hac quæstione de Sac. Doctrina abstrahit, & in genere, sed de Theologia; ergo de hac loquitur, dum dicit esse necessariam præter philosophicas disciplinas.

XXIV. At dicet: Sacra Doctrina, de

qua loquitur D. Thom., est necessaria, omnibus ad salutem; Theologia verò non est necessaria omnibus ad salutem, non enim omnes salvandi, Theologi esse debent, sed fideles; ergo de fide, non de Theologia sermo est, vel de doctrina abstrahente à doctrina fidei, & Theologia.

Respondeo tamen negando minorem, aliud enim est Theologiam omnibus hominibus necessariam esse ad salutem, aliud necessarium esse omnes homines esse Theologos, ut salventur. Sicut aliud est dicere, omnibus hominibus necessaria est medicina, ut sanentur, & aliud est omnibus hominibus ut sanentur necessarium est, quod sint medici. Sicut ergo verum est, cuilibet homini esse necessariam medicinam ut sanetur, absque eo, quod quilibet sit medicus: ita verum erit omnibus, seu cuilibet homini esse necessariam Theologiam ad salutem, etsi non quilibet homo sit Theologus.

Cur autem cuilibet homini ad salutem, ultra fidem, necessaria sit Theologia ostendo ex Doctrina D. Thom. *1. 2. quæ 6. art. 1.* Fides etenim est quidem fundamentum salutis, sed ad fidem concipiendam duo requiruntur: unum quod homini proponantur ea, quæ ipsi credenda sunt; alterum, quod homo assentiat iis, quæ sibi per fidem proposita sunt ut credenda. Licet autem ad talem assensum homo principaliter inclinetur à Deo interius movente per gratiam, Deus tamen viâ ordinariâ utitur ministerio alicujus exterioris inducentis ad fidem; Puta vel miraculi visi, vel hominis prædicantis, & persuadentis fidem, *Rom. 10. v. 14. quomodo credent ei, quem non audierunt, quomodo autem audient sine prædicante?* ex quibus inferit Paulus *v. 17. Ergo fides est ex auditu.* Si ergo viâ ordinariâ nemo potest credere nisi audiat, hæc audire sine prædicante, & influente ipsum de credendis, cuilibet homini ad fidem gignendam, & nutriendam necessaria erit instructio, persuasio, & prædicatio; hæc autem habetur ope Theologiæ, unde D. Th. laudatus ad primum dicit: *quod per scientiam gignitur fides, & nutritur per modum exterioris persuasionis, qua fit ab aliqua scientia, & hoc*

hoc ait exponens dictum D. Augustini lib. 14. de Trinitate c. 12., qui rerum divinarum scientiæ hoc tribuit, quo *fi des saluberrima, qua ad veram beatitudinem ducit gignitur, nutritur, defenditur, roboratur, quâ scientiâ non polent fideles plurimi, quamvis pulleant ipsâ fide plurimum.* Aliud enim est scire tantummodo, quid homo credere debeat propter adipiscendam vitam beatam, qua non nisi aterna est, aliud autem scire quemadmodum hoc ipsum, & piti optuletur, & contra impior defendatur, quam proprio appellare vocabulo scientiam videtur Apostolus. Hinc licet multi consequantur salutem, qui Theologi non sunt, non tamen sine adiumento Theologiæ, quæ in eis fidem gignat, nutriat, ac conservet. Quod verum est etiam de iis, qui de fide instruantur a parentibus idiotis, rusticis, ita ut nullos alios doctos viros de fide exponentes audiant. Nam licet parentes illi rudes, ac idiotæ absolutè Theologi non sint, in tali tamen instructione, quâ filios docent de vera credulitate, idest quid credere debeant, quomodo se gerere pro adipiscenda beatitudine, quidve fugere, aliquid de vera Theologia participant.

XXV. Ex hæcenus dictis inferitur, quod licet cuilibet homini necessarium non sit, quod verè, & propriè Theologum sit, & Theologiam calleat, necessarium tamen est Ecclesiæ Christi, seu collectioni fidelium, ut aliqui in ea Theologi sint. In omni enim republica bene ordiata necessarium est esse aliquos, qui doceant, dirigant, & instruant de sequendis, ac de fugiendis admoneant. Quod maxime in Republica Christiana verificatur. Si enim nulli essent Theologi, quomodo staret fides; quis eam tueretur ab hæresibus, eam, ac fideles subvertere à veritate conantibus? Propterea Theologiam fidei hostes quoque tempore disceritis, scommatibus, maledictis insectati sunt, ut eam à Catholicis exulare prorsus contingat, quò factos inermes expugnari facilius possint Philistæos imitantes, qui ut legitur 1. Reg. 13. v. 19. ut Israelitas funditus profligarent, fraude effecerant, ne faber ferrarius inveniretur in omni Terra Israel, aut ullus

qui faceret gladium, & lanceam. Adeo ut cum venisset dies prælii non sit inventus enfis, & lancea in manu totius populi, qui erat cum Saule, & Jonatha.

DUBIUM II.

De Theologia Positiva, & Scholastica.

§. I.

Quod nam sit inter utramque discrimen.

Dico primò. Utraque Theologia Positiva, & Scholastica est una, eademque essentialiter, solo accidentali quodam modo procedendi diversa. Probo primam partem. Utraque enim habet idem objectam, Deum nempe sub ratione Deitatis cognoscendum, per discursum. Utraque eadem principia agnoscit, easdemque fidei assertiones, sive scriptas, sive traditas, ex quibus suas conclusiones elicit. Utraque non hæret solis Scripturis Sacris proferendis, sed etiam colligit, & adijcit indubias Ecclesiæ traditiones, evoluit Ecclesiasticam Historiam, Decreta Conciliorum scrutatur, Commentaria SS. PP. inquiri, ut ex eis latentem Catholicam Veritatem detegat, & aperiat. Utraque eodem modo acquiritur, nempe non per infusionem, sed humanis actibus, & discursu. Rursus acquisitâ positivâ, nulla est difficultas formalis ad acquirendam scholasticam, aut e contra: quia nova difficultas formalis solum contingit in scientiis, in quibus principia, & lumen diversa sunt, quod in Theologia Positiva, & Scholastica non accidit; utraque enim procedit sub iisdem principiis, & lumine eodem, nempe virtualis revelationis.

II. Confirmatur hæc eadem pars. Magister sententiarum, qui, ut adversarii autumant, primus Theologiam ad methodum scholasticam tradidit, novam non condidit Theologiam, sed eam, quam SS. PP. ex Verbo Dei scripto, vel tradito libris consignaverant, solùm sub nova methodo, & forma scholis accommodatori proposuit, quam D. Thomas Scotus, ceterique Theologi postea secuti sunt.

sunt. Ergo transitus Theologiæ à merè positiva ad scholasticam merè accidentalis est. Quod magis urgetur. Nam omnes artes successu temporis accuratiori, ac subtiliori ingenio exercitæ sunt, quàm ab antiquis quondam exercerentur: quia ramen eadem semper principia fuerunt, idemque objectum, eadem essentialiter sunt Artes antiquorum, ac modernorum. Ergo à pari.

III. Ex dictis eruitur probatio secundæ partis. Eisdem enim utraque sub eisdem principiis, & lumine de suo objecto discurret; Positiva tamen oratorio modo, Scholastica Philosophico, & ordinatiori: ideoque scholastica exactior est, & accuratior in suadendis veritatibus, quia strictiori formâ, & ordine syllogistico illas proponit, vim illationis deregit, & contraria sophismata dissolvit. Adde, Scholasticam plerumque Philosophiæ naturalis auxilium, & lumen petere, nedum ut hæreticorum argumenta, & infidelium cæterorum contra fidei articulos vibrata retundat naturalis etiam, ac philosophico ratiocinio, sed etiam, ut fidei dogmata suadeat esse credenda, hoc etiam motivo, quod rationi naturali, & momentis philosophicis non sint contraria.

IV. Contra tamen obijcies primò. Multi sunt, qui bene Theologizant Positivè, qui tamen non bene Theologizant Scholasticè; nesciunt captiosas hæreticorum artes detegere, eorum sophismata solvere, eosque falsitatis argueret: ergo Theologia Scholastica addit novam difficultatem, & consequenter novum habitum supra Positivam.

Respondo distinguo antecedens. Qui tamen non bene &c. difficultate orta ex carentia principiorum, quibus Theologice proceditur; nego antecedens: orta, ex defectu artis syllogisticæ, & formæ arguendi; cone. antecedens: & distinguo consequens, novam difficultatem tollendam per habitum dialecticæ; concedo consequentiam, tollendam per novum habitum Theologiæ; nego consequentiam. Si enim quis perfectus Theologus positivus nesciat pericula scholasticè discurre, hoc non est, quia ad bene scholasticè theologizandum requirantur diver-

sa principia theologia, quæ illi desint; sed quia non bene callet regulas rectè argumentandi, atque sophismata eludendi. Verùm hæc difficultas vincenda est, non per novum habitum Theologicum, sed per habitum Dialecticæ, ad quem spectat Theologum methodo, & formâ arguendi informare: hæc enim difficultas non ex objecto, sed ex subiecto male disposito oriretur. Sicut esset ei, qui gladium habens acutum, ex imperitiâ artis gladiatoriæ nesciret eo uti ad hostem feriendum.

V. Obijcies secundò. Theologia Positiva non est argumentativa. Scholastica vero tota argumentationibus intenta, ad litigiis plena; ergo essentialiter differt à Positiva.

Respondeo negando antecedens pro prima parte. Si enim Theologia Positiva argumentativa non esset, nec esset Theologia, quæ essentialiter est habitus, quo ex principiis revelatis deduci possunt, & cognosci conclusiones. Neque à fide differret, cum Theologia viatorum in hoc differat à Fide, quod Fides res à Deo revelatas sine discursu credit; Theologia verò ex revelatis, vel circa revelata discurret. Quare D. Thom. 2. 2. qu. 1. art. 2., ait quod Theologia non argumentatur ad sua principia probanda, quæ sunt articuli fidei, sed ex eis procedit ad aliquid ostendendum; sicut Apostolus 1. Cor. 15. ex Resurrectione Christi argumentatur ad resurrectionem communem probandam.

Imò prosequitur D. Thom. Theologia non solum argumentatur ostendendo alia ex suis principiis, verùm argumentativè etiam aliquandò procedit circa sua principia, vel ea explicando, vel ea defendendo. Sicut enim licet inferiores scientiæ, nec probent sua principia, nec contra negantem principia disputent, sed hoc relinquunt superiori scientiæ: suprema verò inter eas, scilicet metaphysica disputat contra negantem sua principia, si adversarius aliquid concedit, si autem nihil concedit, non potest cum eo disputare, potest tamen solvere rationes ipsius. Sic Sacra Scriptura (vel ut verius in Mss. Codice) Doctrina cum non habeat superiorem, disputat cum negante.

sua principia, arguendo quidem, si adversarius aliquid concedat eorum, quae per divinam revelationem habentur: sicut per auctoritates Sacrae Doctrina disputamus contra haereticos, & per unum articulum contra negantes alium. Si vero adversarius nihil credat eorum, quae divinitus revelantur, non remanet amplius via ad probandum articulos fidei per rationes, sed ad solvendum rationes, si quas inducit contra fidem. Cum enim fides infallibili veritati innitatur, impossibile autem sit de vero demonstrari contrarium, manifestum est, probationes, quae contra fidem inducuntur non esse demonstrationes, sed solubilia argumenta. Hæc D. Thom. 2. quæ in 1. c. Theologica præ oculis habenda sunt.

VI. Obijcies tertio. Theologia Scholastica ex principiis naturalibus procedit, & discurret: Positiva autem ex revelatione, & solâ fide creditis argumentationes conficit: ergo ista differt essentialiter ab illa.

Respondéo diss. antecedens ex naturalibus principiis tanquam ex propriis, & necessariis; nego antecedens, tanquam ex extraneis, & probabiliter; conc. antecedens. Responsio hæc est D. Thom. 1. p. quæ 1. art. 8. ad 2. ubi docet, quod argumentari ex auctoritate est maxime proprium hujus doctrinae, eo quod principia hujus doctrinae per revelationem habentur. Et sic oportet quod credatur auctoritati eorum, quibus revelatio facta est. Nec hoc derogat dignitati hujus doctrinae; nam, licet locus ab auctoritate, quæ fundatur super ratione humana sit infirmior; locus tamen ab auctoritate, quæ fundatur super revelatione divina est efficacior. Utitur tamen Sacra Doctrina etiam ratione humanâ: non quidem ad probandum fidem (quia per hoc tolleretur meritum fidei) sed ad manifestandum aliqua alia, quæ traduntur in hac doctrina.

Cum igitur gratia non tollat naturam, sed perficiat, oportet, quod naturalis ratio subserviat fidei, sicut & naturalis inclinatio voluntatis obsequitur charitati. Unde & Apostolus dicit 2. Cor. 10. In captivitate regentes omnem intellectum in obsequium Christi. Et inde est, quod etiam auctoritativus Philosophorum Sacra

Doctrina utitur, ubi per rationem naturalem veritatem cognoscere potuerunt, sicut Paulus act. 17. inducit verbum Arati, dicens: Sicut & quidam poetarum vestrorum dixerunt, Genus Dei sumus. Sed tamen Sacra Doctrina hujusmodi autoritatibus utitur, quasi extraneis argumentis, & probabilibus. Autoritatibus autem canonicis scriptura utitur propter necessitatem argumentando. Autoritatibus autem aliorum Doctorum Ecclesia, quasi arguendo ex propriis, sed probabiliter. Innititur enim fides nostræ revelationi Apostolorum, & Prophetarum facta, quæ canonicos libros scripserunt, non autem revelationi, si qua fuit aliis Doctoribus facta. Unde dicit Augustinus in epist. ad Hieronymum (olim. 19. nunc verò 82.) Solis eis scripturarum libris, qui canonici appellantur didici hunc timorem, honoremque deferre, ut nullum auctorem eorum in scribendo errasse aliquid firmissimè credam. Alios autem ita lego, ut quantalibet sanctitate, doctrinæque præpollant, non idem verum putem, quod ipsi ita senserunt, vel scripserunt. Hæc D. Thomas.

VII. Sed inquires. Si rationes naturales sunt à Theologo extraneæ, & solum probabiliter suadent: cur tantus labor à Scholasticis assumitur in iis congerendis? Quorum libri contra Gentiles rationibus naturalibus pleni? aut ergo hi non tradunt veram Theologiam, aut in extraneis nimis morati sunt.

Respond. veritates, de quibus agit Theologia, quasdam esse, quæ alio lumine, quàm divinæ revelationis cognosci nequeunt, ut est Mysterium Trinitatis, Incarnationis &c., & ad has probandas rationes naturales congerere, ineptia esset. Utiles tamen est naturalis ratio (est non ad eas probandas) ad ostendendum eas non esse impossibiles; nec lumini naturalis rationis contrarias: quod fit, ut ait D. Thomas supra laudatus, solvendo argumenta, quæ ex ratione naturali in contrarium adduci possunt. Quasdam verò esse veritates, de quibus Theologia secundariò procedit, quæ licet sint à Deo revelatæ, & ut tales à Theologia considerentur, adhuc tamén ratione naturali demonstrari possunt, ut sunt

Deum

Deum esse, esse unum, infinitum, immortalem, omnium provisorum &c., & ad illas contra Paganos stabilendas rationes naturalis non est penitus extranea, nec tantum probabiliter, sed demonstrative concludit. Sancti ergo Doctores, qui ingenio speculative prædiri fuerunt, rationes philosophicas conati sunt afferre, vel ut ostenderent, ea quæ fidei sunt, rationi naturali non esse contraria, sicque Fidem Catholicam ab irrisione, & contentu gentilium liberarent. Vel ut ea, quæ fides dicat, & etiam ratio naturalis evincit, duplici vi ostenderent; & hæc regulæ usus est D. Thomas, maxime in libris contragentes.

VIII. Hoc pro veritate dixi; non tamen animus habens tuendi abusum, qui inter Scholasticos irrepit, nimirum intrudendi in suam Theologiam quamplures quæstiones purè metaphysicales, nihil fidei veritatem, sed solum humani acumen ingenti ostendentes. Hos enim à vera Theologia rejiciendos esse censeo, & in his non se gerere ut Theologos, sed ut Philosophos sustineo, ut inferius dicam.

§. I I.

Antiquitas utriusque Theologia.

IX. Dico primo. Theologia generaliter sumpta prout importat cognitionem de Deo, rebusque divinis habitam per discursum ex articulis revelatis est mundo cœva. Hanc enim fuisse infusam Adamo docet D. Thom. 1. p. 2. q. 94. art. 3., ait enim, cum de supernaturalibus tantam cognitionem accepisse, quanta erat necessaria ad gubernationem vite humane secundum statum illum. Eam postea habuisse reliquos SS. Patriarchas, & Prophetas propriis actibus acquisitam, non est probatu difficile; cum eam haberent articuloz fidei notitiam, ut illos possint filii, ac nepotibus, quantum necessitas postulabat, explicare, & ex iis conclusiones, sive ad Sacrificium Deo soli offerendum, sive ad mores in vera pietate formandos, & opera ad finem supernaturalem ordinanda pertinentes deducere. Antequam

tamen doctrina revelata esset scripto tradita per Moysen, ac Prophetas, de credendis pro illo tempore instruebantur internâ revelatione Sancti illi Viri, quam deinde exteris communicabant; & ex revelatis docebant eos ad alia discurrere.

X. Dico secundo. Hæc Theologia quæ ab initio Mundi homines imbuti fuerant, dici potest Theologia Positiva. Quovis enim tempore necessaria fuit hominibus doctrina aliqua, quæ de inspiratis, ac revelatis à Deo discurreret, ea exponendo, ex illis alia inferendo, ac ab impugnatoribus ea tuendo; hic autem Theologiæ Positivæ character proprius est, quæ, ut vidimus, tota versatur, in rerum revelationum explanatione, ut fideles instruat, mysteria referet, & ex iis alia inferat, & doceat: eam propterea Tertullianus lib. de Præscript. cap. 14. *scripturarum exercitationem* appellat. Sed de hoc infra dicetur, ubi de Theologiæ Positivæ utilitate, ac necessitate sermo erit.

XI. Dico tertio. Quovis etiam tempore fuit aliqualis usus Theologiæ, quam hodie Scholasticam vocant. Nota, me hic non sumere Theologiam Scholasticam juxta exactam, & accuratam methodum, quæ traditur, & discitur in Scholis hodie; sed eam sumere, prout est Theologia ex revelatis à Deo discurrrens, & disputans, abstrahendo à tali, vel tali methodo. Ita cum Annato in *apparatu ad Theolog. Positiv. lib. 1. artic. 3.* & probo. Quovis tempore fuit necessaria aliqua fidelium quoad res credendas instructio; & necessarii semper fuerunt aliqui parati ad satisfaciendum omni poscenti rationem; & non tantum ad solum exhortandum in doctrina sana, quod Theologi positivi munus est, sed etiam ad arguendum eos, qui contradicunt; atqui hoc fieri non poterat, nisi aliqui servatâ methodo, & regulis boni discursus, & argumentationis, quod Theologiam Scholasticam aliquantulum sapit, quæ nil aliud est quàm methodica, & argumentativa res divinas tractandi via; ergo quovis tempore &c.

XII. Confirmo. Certum est, primos primorum temporum Patriarchas, & Primarios populi ante Christum rectores habuisse

buisset fidei nostræ, solum quoad generaliora mysteria, & præcipua capita, & præcipue de ultimo supernaturali fine consequendo per gratiam Mediatoris, cognitionem aliquam acceptam per fidem, quia sola placebant Deo. ut testatur Paulus ad Heb. cap. 11. & v. 6., ait *sine autem fide impossibile est placere Deo*. Certum pariter est, eos, cum pollicerent ingenio, ac eruditione summâ, vitæque fruerentur multo longiori nostrâ, potuisse per discursum conclusiones varias deducere, easque suo modo probare, & contra impugnantes, oppositas solvendo rationes defendere; & denique hæc omnia tradidisse, ac explicasse aliis, filiis videlicet, posteris, & populis.

Atqui credibile non est, hæc omnia eos fecisse confusè, inordinate, absque ulla methodo, & arte discurrendi dialecticè; si enim ordinem aliquem, & methodum, regulasque servasse credimus in tradendis mechanicis, ac naturalibus disciplinis: cur non servassent in Divinis, Supernaturalibus, & Theologicis? Iste autem ordo, quædam præformatio fuit illius, qui strictiori, & exactiori methodo successu temporis in scholas invehit.

XIII. Clarius id apparet in Novo Testamento exemplo Christi, Apostolorum, & Patrum, qui per sepe aliquâ arguendi, & discurrendi formâ usi sunt. Christus porro Matth. 22. v. 42., ut suam probet divinitatem, & se Dei, non tantum Davidis, filium naturalem esse, ex illo Psalms. 109. *Dixit Dominus Domino meo*, sic concludit: *Si ergo David vocat eum (Christum) Dominum, quomodo filius ejus est?* quasi diceret: qui à Davide vocatur Dominus, filius ejus purè non est, & purus homo: Christus à Davide vocatur Dominus; ergo Christus non solius Davidis, sed etiam filius Dei est, non purus Homo, sed Deus simul, & Homo.

Secundò Matt. 22. v. 30. ut concludat, Cæsari solvendum esse tributum, ostensâ sibi in numismate impressâ Imaginem Cæsaris, quaerit à Judæis *Cujus est imago hæc?* & respondentibus illis, Cæsaris esse, intulit: *reddite ergo quæ sunt Cæsari Cæsari*. Nonne hoc idem fuit, ac

dicere: quæ Cæsaris sunt, Cæsari reddenda sunt: numisma hoc gerens imaginem Cæsaris, Cæsaris est: ergo Cæsari reddendum est.

Tertiò, ut Phariseis probet matrimonium esse indissolubile, ex illo Genes. 2. v. 24. *propter hoc... & adhærebis uxori suæ, & erunt duo in carne una*, concludit Matth. 19. v. 6. *Quod ergo Deus conjunxit, homo non separat*. Hoc in forma arguendi idem est: quod Deus conjunxit homo separare non potest: Deus conjunxit virum cum uxore; ergo homo virum ab uxore separare non potest.

Quartò Luc. 10. v. 38. contra Saduceos probat animæ immortalitatem hoc ratiocinio: *Deus Exodi 3. dicitur: Deus Abraham, Deus Isaac, Deus Jacob: sed Deus non est Deus mortuorum, sed viventium; ergo Abraham, Isaac, & Jacob adhuc vivunt; sed non vivunt secundum corpus; ergo vivunt secundum animam; ergo anima est immortalis*. Rursus cum vivere sit totius suppositi ex anima, & corpore constituti, si Deus est Deus vivorum, concludit, Abraham, &c., vel adhuc vivere etiam secundum corpus, vel aliquando viaturos; sed non primum, ergo secundum; ergo aliquando Abraham &c. resurgent; ergo resurrectio aliquando futura est.

XIV. D. Paulus item sub aliqua Scholasticæ Theologiæ forma locutus est, 1. Rom. 11. v. 5., & 6., dum sic ait electio ad fidem ex gratia est: *Reliquia secundum electionem gratia salvos facti sunt*: sed quod ex gratia est, ex operibus non est, alioquin gratia, jam non est gratia; ergo electio ad fidem ex operibus non est.

Secundò 1. Cor. 12. v. 12. ut probet, non habere idem Donum à Deo, nec omnes esse debere Doctores, arguit sic: omnes, qui baptizati sumus in uno spiritu, sumus in Christo, sicut membra in uno Corpore: sed non omnia membra ejusdem corporis eundem adum habent: *Si enim totum corpus oculus, ubi auditus? si totum auditus, ubi odoratus?* ergo non omnes habemus à Deo idem Donum, non omnes Doctores &c.

Tertiò 1. Cor. 15. 12. ex resurrectione Christi ad generale mortuorum resurre-

surrectionem discurrit sic: *Si resurrectionem mortuorum non est, neque Christus resurrexit, conceditis quod Christus resurrexit, si enim Christus non resurrexit, inanis est predicatio nostra, inanis est fides vestra.* Ergo concedere debitis, dari resurrectionem mortuorum.

XV. SS. etiam PP. antiquiores aliqualem Scholasticæ Theologiæ usum habuisse testatur S. Hieronym. in *Catbal. Script. Eccles.*, dum S. Marci temporibus Alexandriæ Scholas Theologicas asserit, & in eis post Clementem Alexandrinum, Origenem Clementis discipulum docuisse notat *ep. 64. ad Pammach.*, & Oceanum datâ. Videri possunt Sancti Iustini pro Christianis apologia. Clementis Alexandrini Stromata; Eusebii demonstratio, & præparatio Evangelica; SS. Athanasii, & Hilarii Pictaviensis in Arianos scripta; Hieronymus contra Helvidium, Jovinianum, & Vigilantium. Augustini certamina contra Academicos, Manicheos, Donatistas, Pelagianos, & passim ubique deprehenditur aliqualem Theologiæ Scholasticæ præludium, & argumenta nedum ex scripturis, sed ex Philosophis, ex ratione exacto ratiocinio deducta.

XVI. Sed dices primò. Communis Doctorum consensus est, Theologiam Scholasticam ortum suum habuisse à Sancto Joan. Damasceno circa annum Christi 800.; augmentum verò suum à Petro Lombardo sententiarum Magistro circa annum 1160., & hodiernæ perfectionis statum, & usum à S. Thoma Doctore Angelico circa ann. 1260.; ergo ante Damascenum nullus erat Scholasticæ usus.

Respondeo hæc solum evincere ante Damascenum, Petrum Lombardum, & D. Thomam non fuisse Theologiam Scholasticam sub methodo adeo accurata, & stricta, sub qua modò in Scholis versatur; non verò ante illos non fuisse aliquam, sive perfectam, sive imperfectam; accuratam, vel non accuratam; scriptam, vel non scriptam; methodicam, & argumentativam res divinas tractandi viam; oppositum enim ostendi.

XVII. Fateor enim prioribus Ecclesiæ seculari positivam fuisse maximè frequen-

tatam, & Patres oratorio, ut plurimum more potius, quàm scholastico processisse. Nemo tamen ibit inficias, ipsos, dum rem præcisius agerent contra hæreticos, aliosque infideles, strictam methodum arguendi, quâ utuntur modo Scholastici, aliqualem usurpassè.

Cur autem antiquiores Positivum theologizandi modum frequentius usurpaverint, ratio esse potest; quia Theologia Positiva accommodatior erat Philosophiæ Platonici, quæ tunc in usu erat. Hæc enim allegoriis, & oratorio discursu plurimum utitur; cum Scholastica Aristotelicam, quæ per analysim, & pressiorem syllogizandi modum procedit, imitetur. Voluit autem Deus iustus de causis, ut nascentis Ecclesiæ filiis Platonici potius Philosophia deserviret. Primò, quia hæc philosophandi, & ratiocinandi modus frequentior erat apud Judæos, & Gentiles, quorum errores expugnandi erant, ut iisdem armis, quibus se tuebantur vincerentur. Secundò, quia Platonici Philosophia magis docilis erat, & aperta, idèquæ magis idonea ad insinuandas Fidei Veritates, & suadenda Divina Mysteria. Tertiò, quia cum Plato circa divina contemplanda totus sit, & plurimas Fidei Veritates, & nonnulla Mysteria ab Hebræis in Ægypto didicerit, eaque suis scriptis inseruerit: longè accommodatior videbatur ejus philosophia ad ea suadenda Philosophis, & Doctoribus Paganis, quàm Aristotelica, quæ circa naturalia tota occupatur, & vix res divinas scrutatur, ac investigat. Denique, quia Philosophia Platonica, cum parabolis, & allegoriis plurimum vigeret, & illustraretur, hisce involucris supernaturalis Divinæ Veritatis radios temperabat, & ad captum fidelium adhuc infirmiorum, veluti lac parvulis propinabat, & infidelibus ipsi multa etiam abscondebatur, quibus aperte sibi expositis, scandalum potius, quàm fidem concepissent. Hinc etiam factum existimo, ut Primi Patres abstinerint, à redigendis in summas Theologicas Christianis Veritatibus; & variis de eis formandis questionibus; nec & infidelibus abdita mysteria præfacerent, & talibus questionibus fidelium debilem adhuc fidem turbarent. Necessum ergo

creo fuit, ut allegoria præcederet analysi n. & ut novâ semper accedente veritatum manifestatione, Catholica Fides in plano staretur.

XVIII. Verùm ubi omnibus suis partibus solidè constitit Christiana Fides, ac Divinæ Veritatis satis superque fuerunt divulgatæ, & in Sanctorum Patrum scriptis hic, illicque sparsim disseminatæ, & ab illas impugnantibus, pro ut sese obtulit occasio hæresum insurgentium, solidis argumentis defensatæ: Tunc ad faciliorem illarum intelligentiam, & promptiorem earundem defensionem, oportuit, ut Theologi Catholicas Veritates in unum colligerent corpus, certum, ac methodicum in ordinem redigerent; & quæ PP. antiquiores sparsim, & oratorio modo comprobabant, ac defenso, ad strictiorem Aristotelicam philosophandi methodum reformarent: tum ut nitidius Evangelicæ Veritates elucesserent: tum, ut hæreticorum technæ, & sophismata facilius apparerent, & solvi possent. Quod tamen non tulit, quin in veterum scriptis aliqua hujus methodi semina deprehenderentur, quæ hæc novâ methodo accuratius exculta, majori luce perfusa in lucem prodierunt: hinc Sententiarum Magister, novi methodi Instaurator, ex scriptura, & PP. monumentis omnes serè suas probationes firmat, & contraria solvit argumenta.

XIX. Obijcies secundò. Theologia argumentativa, & consequenter scholastica reprobatæ à SS. Ecclesiæ Patribus, maxime à Sancto Ambrosio l. 1. de fide c. 5. dicente, *removenda sunt argumenta, ubi quaritur fides, & credimus pistoribus, non dialecticis*. Et à S. Leone Magno serm. 7. de natal. Dom. pariter inelamante. *Abigatur procul terrenarum caligo rationum, & ab illuminata fidei oculo mundana sapientia fumus abscedat*. Ergo apud Sancti. Patres. nullus probatus viguit Scholasticæ Theologiæ usus.

Respondeo negando anteced., quod non probant allati textus. Ambrosius enim, & Leo non loquuntur de Theologia, quæ scientia est, sed de fide; solum contentendos, argumenta, & humana ratiocinia eo sensu esse removenda, & abigen-

da, ut eis non nitatur fides nostra, nec potius rationi naturali, quàm divinæ credat auctoritati. Hoc vitio certè non peccat Theologia scholastica, & argumentativa; nam dum utitur argumentis, & discursu à ratione naturali, non eis nititur ad probanda ea, quæ fidei sunt; sed vel ad ea explicanda, vel ad ea defendenda, ostendendo scilicet, ea non, esse rationi naturali contraria; vel denique ad manifestanda alia, quæ in hac doctrina traduntur, ut supra diximus ex D. Thom. 1. p. q. 1. ar. 8., & præcipuè ad 1., ex quo ostendimus, Theologiam uti principiis naturalibus, non per se, & tanquam propriis, sed per accedens, & tanquam extraneis, & quasi ex abundantia, ut fidei hostes cognoscant, veritatibus, quas ipsa dicit, etiam Philosophicas rationes deservire, & famulari.

XX. Nec poterant Vetres Patres damnare arguendi modum, quo ipsi persæpe usi sunt, dum contra Ethnicos, & Atheos (qui nullâ aliâ, quàm discursu naturali, convinci possunt viâ) pugnan- di data fuit occasio, vel etiam contra hæreticos, qui Myſteria Fidei philosophicis argumentis quætere conati sunt; ut Calvinicæ modò impugnant realem Corporis Christi præsentiam ex impossibilitate unius corporis simul existendi in pluribus locis, & quidem modo inextenso, & indivisibili, quorum Philosophica argumenta diluere non posset Theologus, nisi ad philosophica principia recurrendo. Ita propterea processerunt Sanctus Justinus in Apolog. pro Christianis. S. Clemens Alexand. in suis Stromatum libris. S. Gregorius Nazianzenus, & S. Cyrillus dum ageret contra Julianum. Apostatam. S. Gregorius Thaumaturg. ad Tatianum celebrem scripti sermonum de anima, sic ab eo rogatus, nullis scripturæ testimoniis, sed solis argumentis, ac philosophicis demonstrationibus usus: *Juste (inquit) præstantissime Tatiane, ut cum efficacibus argumentis, sive demonstrationibus sermonem, atque disputationem de Anima tibi conscriptam mitterem, eaque in re nullis scripturarum uterer testimoniis*. Magnus itidem Athanasius (teste Gregor. Nazianz. orat. in laudem Athan.)

Athan.) contra Arianos perſepè pugnavit, nedum ſcripturis, ſed etiam philoſophicis rationibus, ut probabiliſibus argumentis, atque ad perſuadendum accommodatis. Sed quid plura? S. Paulus ut probaret, in Eccleſia non omnes debere eſſe doctores 1. Cor. 13., nonne id perſuadere conatus fuit exemplo membrorum, quæ non omnia in corpore idem officium habent? Rom. 9. 21. Deum pro ſua voluntate aliquos prædeſtinare, alios non, perſuadet exemplo ſiguli, in cuius poteſtate eſt facere aliud vas in honorem, aliud in contumeliam; & ut ait D. Thom. cit. art. 8. ad 2., act. 17. inducit auctoritatem Arati Poetæ, ut oſtendat Athenienſibus, Divinitatem in eſſe non poſſe auro, aut argento, aut cuilibet ſculptili. Sicut ergo idem Paulus omnibus omnia ſaciens, Hebræus Hebræis erat, & Paganis Paganus, ut omnes lucrificeret: ita Theologus interdum fiat necesse eſt Philoſophus Philoſophis, ut iſtos facilius, ac lucentius lucratur, ac devincat. Exhibenda enim cuique ſunt, qua conveniunt, & familiaria ſunt, ut per propria veniat ad fidem veritatis (inquit Melchior Canus.)

XXI. Neque dicas, Paulum ipſum ad Celos. cap. 2. v. 8. monere eos: videte, ne quis vos decipiat per Philoſophiam, & inanem fallaciam.

Nam Paulus ibi non monet Coloſſenſes, ut caveant à Philoſophia, quando hæc inducitur ad confirmanda fidei dogmata, uti eam inducunt Theologi, & ipſe eam induxit, ut nuper dicebamus: ſed monet eos, cæterosque fideles, ut caveant à Philoſophia, quando inducitur contra fidei dogmata: tunc enim vera Philoſophia non eſt, ſed inanis fallacia, quia verum non eſt contrarium. vero. Unde ait: videte ne quis vos decipiat per Philoſophiam, & inanem fallaciam, ſecundum traditionem hominum, ſecundum elementa Mundi, & non ſecundum Chriſtum. Loquitur ergo de Philoſophia, quæ Doctrinæ Chriſti contraria eſt.

DUBIUM III.

De utilitate utriuſque Theologiæ, Poſitivæ, & Scholaſticæ.

§. I.

Utilitas Theologia Poſitiva.

I. Dico primò. Theologia poſitiva Eccleſiæ Dei ſemper fuit utilis, imò neceſſaria. Huic aſſerſo maximam lucem aſſerunt, quæ hædenus dicta ſunt, maximè Dub. 1. §. 2. magis autem ſuadetur. Primò ex neceſſitate, quam ſemper habuit Eccleſia, ut in ea eſſent Doctores, qui Sacras Scripturas populo exponerent, illarum verum ſenſum aperirent, falſas interpretationes, atque hæreticorum fallacias detegerent, ac diſſiparent; atqui hoc indicat neceſſitatem Theologiæ Poſitivæ, cuius hoc officium eſt: ergo &c. minor ex dictis apparet. Major verò probatur ex S. Paulo, tum ad Epheſ. 4. 12. ubi dicit: Deum ſuam erga Eccleſiam providentiâ ei varios dediſſe Miniſtros, maximè verò Doctores in opus miniſterii, in adificationem Corporis Chriſti. Et hoc ideo v. 14. Ut jam non ſimus parvuli fluctuantes, & circumſtramur omni vento Doctrinæ in nequitia hominum, in aſtutia ad circumventionem erroris. Hinc ad Titum 1. v. 9. dicit, oportere, Epiſcopum eſſe amplectentem eum, qui ſecundum doctrinam eſt, fidelium ſermonem, ut potens ſit exhortari in doctrina ſana, & eos, qui contradicunt arguere. Sunt enim multi etiam inobedientes, vaniloqui, & ſeductores, maximè, qui de circumſiſione ſunt, quos oportet redargui: qui univerſas domos ſubvertunt, docentes, qua non oportet, &c.

II. Secundò probatur: hæretici Scripturas Sacras pravam in ſenſum detorquent, ut ſuis erroribus patrocinari videantur, & ſic decipiant infirmos. Ita Tertullianus lib. de præſcription. cap. 14. Scripturas obtendunt, & hæc ſua audaciâ, ſtatim quoſdam movent: in ipſo verò congreſſu, firmos quidem fatigant, infirmos capiunt, medicos cum ſcrupulo dimittunt,

mittunt, & c. 39. Nec periclitor dicere, ipsas quoque Scripturas, sic esse ex Dei voluntate dispositas, ut hæreticis materiis subministrarent; cum legam: oportet hæreses esse, qua sine scripturis esse non possunt. Idem sentit Origenes lib. 3. de principiis c. 11. Hilarius lib. 2. de Trinit., & S. Augustin. tract. 18. super Joan. his verbis: Neque enim nata sunt hæreses, & quedam dogmata perversitatis illaqueantia animas, & in profundum præcipitantia nisi dum Scriptura bona, intelliguntur non bene, & quod in eis non bene intelligitur, etiam temerè, & audacter asseritur. Sed quid plura? Inspicite proximis feculis exortas hæreses, easque videbitis de scripturis gloriantes, & ad Scripturas malè intellectas, atque in snorum patrociniū errorum adductas, provocantes Catholicos. Necesse ergo fuit, & est, ut sint aliqui Catholici Doctores, qui genuinum Scripturæ sensum aperiant, & detegant insidias, quas fidelibus, ex depravato Sacre Scripturæ sensu, struunt hæretici.

Hinc verè Ecclesiæ praxis quovis seculo fuit instituere Scholas, in quibus Theologia Positiva publicè traderetur. Hanc celeberrimam Alexandriæ olim fuisse refert Eusebius lib. 5. hist. Eccles. cap. 10. Per idem tempus Fidelium Schola præerat vir doctrina causâ celeberrimus nomine Pantanus, quippe jam à præseis temporibus Sacrarum Litterarum Schola in ea Civitate fuerat instituta, qua quidem nostrâ adhuc atate perseverat, & ab hominibus, tum eloquentiâ, tum Divinarum Litterarum studio instructissimis obtineri dicitur.

III. Tertiò probatur, Scripturæ Sacre sensum adeo profundum, ac reconditum habent, totque, ac tantas difficultates in eo assequendo occurrunt, ut summa opus sit eruditione, summoque studio ad eas exponendas, ac interpretandas, proindeque necesse est, ut aliqui huic expositioni, ac explanationi totam dent operam; atqui hoc fit ope Theologiæ Positivæ; ergo &c. Minor patet. Major, quam negant recentiores hæretici; prob. ex D. Petro epist. 2. cap. 3. v. 16., qui de Pauli epitolis, cæterisque scripturis; *In quibus (inquit) sunt*

sunt quadam difficilia intellectu, qua indocti, & instabiles depravant, sicut & ceteras scripturas ad suam ipsorum perditionem. Idipsum pene omnes SS. PP. testantur. Origenes l. 7. contr. Celsum: *Alii (inquit) quoque cordati viri scrutando Scripturam, intellectum ejus invenire potuerunt; licet re vera sit multis locis obscura.* Ambros. epist. 44. *Mare est Divina Scriptura habens in se sensus profundos, altitudinem Prophetiarum, enigmatum.* Sanctus Augustinus lib. 22. conf. c. 14., & lib. 2. de Doctr. Christi. c. 4. loquens de Scripturarum lectione, ait: *Sed multis, & multiplicibus obscuritatibus, & ambiguitatibus decipiuntur, qui temerè legunt aliud pro alio sentientes; quibusdam autem locis, quid vel falsè suspiciuntur, non inveniunt; ita, obscurè quadam dicta, densissimam caliginem obducunt. Cujus obscuritatis rationem reddens: Quod totum (ait) provissum divinitus esse non dubito, ad edmandam labore superbiam, & intellectum à fastidio revocandum, cui facillè investigata plerumque viscescunt.* Augustino concinit S. Gregor. homil. 6. in Ezech. videndus.

Verùm hæc SS. PP. doctrina hereticis recentioribus non placet, qui Sacram. Scripturam solum meridiani clariorem esse venditant. Unique pro cunctis Calvinus lib. 2. inst. c. 7. §. 2. ait: *Non obscuriorem veritatis suæ sensum ultrò Scriptura præfert, quàm coloris sui res alba, aut nigra, saporis suaves, & amara.*

IV. Quare contra illam objeunt 1. Psalm. 18. dicitur: *Præceptum Domini lucidum illuminans oculos.* Prov. 6. *mandatum lucerna est, & lex lux.* 2. Petri 1. v. 19. *habemus firmiorem propheticum sermonem, cui bene factis attendentes tanquam lucerna lucenti in caliginoso loco.* Ergo Scriptura nedum non est obscura, imò ipsa lux, lucerna est, quæ alias veritates illuminat, & patefacit. Ergo si Theologia Positiva ob id statuitur, ut Sac. Scripturæ obscuritates, & ambiguitates solvat, superflue statuitur.

V. Quæro primò ab adversariis: si Sacra Scriptura tota lux est, adeoque clara, & illuminans alia; Ideoque superfluit Theologia Positiva, quæ illam explicet.

plicet. Cur ipsi infundant in edendis Sacra Scripturæ commentariis, & interpretationibus? cur ipsi Universitates, Scholæque publicas habent, pro Theologiæ studio? cur denique in assignando vero sensu Scripturæ adeo inter se discordes sunt, ut nullâ viâ conciliari poterint, quod contigit in assignando vero sensu illius propositionis *hoc est Corpus meum*?

VI. Secundo respondeo, Prophetam, & Sanctum Petrum non loqui de Sacra Scriptura, quoad omnem sui partem, ita ut in omni sui parte sit aperta, & clara, sed solum quoad aliquam, & maximè quoad Præcepta Decalogi, quæ rationi naturali adeo sunt conformia, ut cuilibet ratione utenti per se pateant, ideoque dicit David: *Præceptum Domini lucidum: Mandatum lucerna est, & lex lux*, dicit Salomon. S. Petrus etiam loquitur, non de quocumque prophetico sermone, sed de prophetico sermone, de Christo, & Lege Evangelicâ, qui quidem clarè adeo lucet, ut non nisi obsecatis non appareat. Cæterum ipse Petrus, ut nuper dicebamus, multa difficilia in epistolis Pauli, sicut & in cæteris scripturis adesse fatetur. Neque David ipse hoc negabat, dum, & in lege aliqua latentia observans, aiebat *Psalms. 118. Da mihi intellectum, & scrutabor legem tuam; revela oculos meos, & considerabo mirabilia de lege tua..... Illumina super servum tuum, & doce me justificationes tuas*. Ad quæ respiciens Sanctus Hieronymus, ep. ad Paulinum: *si tantus (inquit) Propheta tenebras ignorantia constituitur, quâ nos putas parvulus, & pendentes in scitis nocte circumdari?* Hoc autem veiamus non solum in facie Moysi, sed & in Evangelio, & Apostolis positum est.... nisi aperta fuerint universa, quæ scripta sunt ab eo, qui habet clavem David, qui aperit, & nemo claudit, claudit, & nemo aperit, nullo alio reserant penduntur.

VII. Inquirunt tamen: Scripturæ Sanctæ non sunt intellectu difficiles, nisi superbis, & malitiâ excæcatis, dicente Paulo 2. Cor. 4. v. 3.: *Si opertum est Evangelium nostrum, in iis, qui pereunt, est opertum*.

Tome I.

At non vident, Paulum ibi non loqui de Sacra Scriptura, sed de Evangelio à se prædicatio, subdit enim, *non enim nosmetipsos prædicamus, sed Jesum Christum Dominum nostrum*; Quod certè opertum erat iis, qui ex malitiâ, & mentis excæcatione illud repellabant? Falsum pariter est, quod solis superbis Sacra Scriptura sit obscura, & difficilis. Non enim superbus erat David, qui tamen à Deo petebat Scripturarum, & legis intelligentiam. Superbus non erat Eunuchus ille Reginz Cagdacis *act. 8.*, qui dum legeret Isaiam Prophetam, & nihil intelligens, eguit, ut Philippus ei explicaret. Intelligentia ergo, & interpretatio Scripturarum donum Dei est, nimirum interpretatio sermonum, vel donum scientiæ, sed hoc nunquid omnibus datur? Paulum audio dicentem, aliis dari, aliis non. 1. Cor. 12. v. 7. *alii quidem sermo Sapieniæ: alii autem sermo Scientiæ... alii interpretatio sermonum. Nunquid omnes doctores? nunquid omnes interpretantur? ibid. v. 30., & ad Ephes. 4. v. 12. posuit Deus, alios autem Pastores, & Doctores*. Non omnibus ergo adeit intelligentia, & interpretatio Scripturarum, sed quibus dat spiritus, *dividens singulis prout vult*. Et quidem, valde miror, quod continentiam, quæ donum Dei est, non omnibus etiam humiliter petentibus certè dari Protestantibus velint, Scripturarum autem intelligentiam, & interpretationem, etiam si donum Dei sit, omnibus adesse contendunt, & contra Apostolum velint, omnes esse doctores, omnes interpretari, habere omnes donum Scientiæ.

VIII. Obijciunt secundo. Si Sacra Scriptura aliquibus tenebris offundatur, eas tamen non ab homine exterius explicante, sed à Deo interiori docente esse dissipandas. Dum autem cuique fideli adesse, donando lumen ad veritatis cognitionem, juxta illud *Isaia 54 v. 13. Ponam universos filios meos doctores à Domino; & Jeremia 31. v. 34. dabo legem meam in corâs eorum. & in corde eorum scribam eam: non docebit ultra vir proximum suum, dicens, cognosce Domini; omnes enim scient me à minimo eorum, usque ad maximum*. Un-

C

de

de 1. Joân. c. 2. v. 17. Inquit Joannes ad fideles scribens: *Non necesse habetis, ut aliquis doceat vos, sed sicut unctio ejus docet vos de omnibus.*

IX. Retorquero argumentum: si fideles omnes immediate docentur à Domino, & non est necesse, ut aliquis eos doceat; Cur dicit Paulus laudatis locis, in Ecclesia aliquos esse debere Doctores? Cur ipse tot epistolas scripsit, cæterique Apostoli, ut Ecclesias, quas fundaverant, erudirent? Cur Patres tot, tantaque scripserunt, homilias, sermones, tractatus ediderunt, ut instruerent populos? Cur Præfantes ipsi, Prædicantes, & Ministros alunt, & Catechismos ediderunt? hæc omnia superflua sunt, si fideles omnes docentur à Domino, si necesse non habent, ut aliquis doceat illis. Dicendum ergo, Deum quidem fideles suis lumine perfundere, sed sicut Ecclesiam visibiliter regit per Pastores; ita fideles visibiliter instrui vult per Doctores, isti tamen, ut eorum exteriori doctrinæ cooperetur ipse suâ internâ illustratione, si obicem non inveniat.

X. Respondeo ergo Itaiam, & Jeremiam statuere differentiam inter doctrinam Legis Mosaicæ, & Evangelicæ, quiddam, ubi illa tradita fuit per homines, ista tradenda erat immediate per ipsummet solum Dei, quod & expressit Sanctus Paulus ad Hæb. 1. *multifariam, multisque modis olim Deus loquens Patribus in Prophetis; novissimè di-bus istis locutus est nobis in filio.* Quo fit, ut Christiani omnes dicantur Theotidacti, hoc est à Deo edocti, vel immediate, ut Apostoli, cæterique, qui Christum audierunt, vel mediâtè saltem, ut cæteri fideles.

Vel dico, prælaudatos vates, ut exponunt Chrysostom. Theophil., & Oecumenius in cap. 8. ad Hæb., & Sancti August. de gratia Christi c. 12. solum, indicare, quoddam tanta futura sit facilitas & gratia Legis Evangelicæ, ut non sit opus magno labore ad discenda necessaria ad salutem; & tanta erit Spiritus Sancti illustratio, & tam obviu ejusdem impulsus ad credendum, sperandum, & amandum, ut externa fidei prædicatio, comparata ad internam illam vocationem,

parum, & quasi nihil esse videatur.

Vel dico Prophetas præfuisse illi mirando illapsui, quo in die Pentecostes Apostoli, alique Ecclesiæ nascentis filii erudiebantur, quibus cum baptismo Spiritus Sanctus, & cum eo dona scientiæ, prophetiæ, genera linguarum &c. divinitus infundebantur, itaut idiotæ quique, & rudes in momento sapientissimi evaderent.

Sancti autem Joannes ibi solum innuit, fideles, ad quos scribebat, & jam docuerat, per ea sola, quæ didicerant, eadem tueri, ac servare posse contra quamcumque aliam perversam Pseudo Apostolorum doctrinam, Spiritus Sancti internâ auxiliante gratiâ. Unde præmiserat hæc scripsi vobis de his, qui seducunt vos. Et vos unctiorem, quam accepistis ab eo, maneat in vobis, ac si diceret: contra seductores nil aliud facite, nisi servate fidem, quam edocui estis.

§. II.

Utilitas Theologia Scholastica.

XI. **N**on loquimur de Theologia Scholastica, prout dicit aliqualem methodum, aridiorerque discurrendi modum: hanc enim quovis seculo in usu aliquatiter fuisse supra ostendimus præcedenti dubio §. 1. loquentes de utriusque Theologiæ antiquitate. Sed loquimur de Theologia Scholastica, prout in Scholas Catholicas inducta fuit, redigens nimirum in summam, & methodum accuratam, & strictam tractatus, & quæstiones Theologicas, easque tractans modo formaliori, & dialecticæ regulis accommodatiori.

XII. Dico secundò. Theologia Scholastica utilis est Ecclesiæ, imò & necessaria, sic, ut non plene sufficiat Positiva, sed utraque requiratur. Id probat ipsum Theologi officium. Oportet enim inprimis, Theologum, sicut & Episcopum, non solum amplecti cum, qui secundum doctrinam est, fidelem sermonem, ut potens sit exhortari in doctrina sana, sed etiam eos, qui contradicunt arguere, & rationem reddit Sanctus Paulus ad Tit. 1. v. 11. *sunt enim multi etiam inobedientes,*

dientes, & docentes, qua non oportet, infideles quippe multi, Judæi, Hæretici. Secundò juxta Sancti Petri monitum ep. 1. cap. 3. v. 16. Paratus esse debet ad satisfaciendum omni poscenti rationem de ea, qua est in nobis, &c. Denique ex Sap. 8. v. 8. debet scire *versutias sermonum, & dissolutiones argumentorum.* Atque cum sola Theologia Positiva esse possit amplecti fidelem sermonem, & exhortari in doctrina sana, non tamen (saltem ita prompte, ac expedite) eos, qui contradicunt arguere, satisfacere omni poscenti rationem, scire versutias sermonum, & dissolutiones argumentorum sine Scholastica posset, quæ docet accurate argumentari, fallacias detegere, ac versutias sermonum, easque dissolvere: ergo &c.

Theologus ergo positivus Scholasticus penitus destitutus, esset veluti miles habens arma, carens verò arte, & dexterritate ea tractandi. Sicut ergo militi ars, & peritia tractandi arma, & eludendi hostium insidias necessaria est, ita Theologo peritia arguendi, & hostium argumenta eludendi: hoc autem ipsi præstat Theologia Scholastica. Propterea vel ipsos SS. PP. dum hæreticorum technas dissolverent, ad aliqualem Scholasticæ usum recurrisse supra ostendimus.

XIII. Secundò probat. Theologia Ecclesiæ utilis, ut ait D. August. *lib. 14. de Trinit. cap. 1.*, debet fidem gignere, nutrire, defendere, roborare: atque hoc totum Scholastica præstat: fidem namque gignit, dum declarans, & explicans Scripturam Sacram, objectivæ revelariæ proponit, dispositivè fidem in corde generat: *fides enim ex auditu, auditus autem per Verbum Christi. Rom. 10. 17.* Fidem nutrit, rationes enim, & similitudines, motiva, & exempla, quibus Theologi Scholastici fidei articulos eluciant, & credibilem demonstrant, foveant fidem, eam nutriunt, & augent. Fidem defendit dum hæreticorum falsas ratiocinias, & male philosophantium technas, & sophistata detegens, ac dissolvens, fidei suam lucem restituit. Fidem tandem roborat, dum Theologicis discursibus ostendit, fidei articulos non esse contra, licet sint supra rationem.

naturalem: imò plerumque demonstrat, eos esse naturalibus principiis conformes, quo intellectus, inclinatur, ut eis firmiorem, ac tenaciorem præbeat assensum, ex quo fides maximè roboratur, & firmatur.

XIV. Theologicæ Scholasticæ utilitatem probat ulterius illius toto litterario in orbe usus. Eam omnes Academiæ excolunt, ac profitentur. Eam commendat Ecclesiæ: Concilium enim Lateranense.

IV. magnificè laudat, & approbat Petrus Lombardi Scholasticam docendi methodum, damnat & contra ejus impugnatorem Abbatem Joachimum. Concilium insuper Viennense tanti fecit Scholasticos Theologos, ut in questione de baptismi parvulorum effectu, majorem sui temporis Scholasticorum partem sequendam esse decreverit. Varii Summi Pontifices eam probavere in S. Thoma Doctore Angelico, cujus summam Theologicam summis laudibus extulerant, inter quos Urbanus IV., Innocentius VI., Joan. XXII., sicut Innoc. IV., & Alexandr. IV., quorum unus Alexandro Alensi mandavit, ut summam Theologicam conscriberet alter verò jam conscriptam suo diplomate approbavit.

Et jure quidem merito: sicut enim nemo rationis compos vituperandum existimaret, qui scientiam aliquam antea perturbatam, inordinatam, indigestam, ordinaret, in partes distribueret, omnia suis locis antea dispersa collocaret, multis etiam questionibus auferret, ac strictiori, & accuratiori methodo ea pertractaret, quæ ratione nemo damnat, imò quilibet laudat Aristotelem, qui hoc præstitit in Philosophia: sic tantum abest, ut convitiis digni sint Theologi Scholastici, imò potius summam laudem apud omnes mererant, quod hoc idem in Theologicis peregerint, ordinando videlicet in unam summam, ea quæ in SS. PP. erant dispersa, novâ methodo ea, donando, pluribusque augendo questionibus, fidei mysteria mirè illustrantibus, ea indagando, expendendo, excutendo, & ab impugnationibus liberando.

XV. Soli propterea Theologos Scholasticos odio habent hæretici, eosque impudenter convitiis onerant. Eorum.

C a

Scholastic

Scholas *Cainitica* *castra* vocat Wicleffus; *Conventus idolatria*, & *impietatis scholas* Calvinus; *Antichristi Lupanaria* Lutherus. Scholasticam Theologiam *propbanam* Melancthon, *negotium verò perambulans in tenebris* vocitat Kemnitius. Uno verbo quotquot invenere Theologiæ Scholasticæ libros publico tradidere rogo Wittembergenfes anno 1520, sperantes, ut olim Pagani Sacri Codicibus combustis Religionem Christianam extinguere, sic illi, Scholasticâ extinctâ, Catholicam Fidem defensoribus vacuum funditus evertere. Non defunt tamen aliqui Catholici, qui zelotæ, sed non secundum scientiam, scholasticam plus nimio deprimentes, soli positivæ, quasi sufficienti vacandum tyronibus suis suadent.

XVI. Contra eam ergo obijciunt primo. Scholastica longè abest à veterum Theologorum dicendi gravitate, & peritiâ: gravius siquidem illi tractabant Divina Myſteria, quia nihil, nisi auctoritate Scripturæ, aut Conciliorum definitionibus, vel Priorum Patrum sententiis adjudicabant. Formulas autem istas syllogisticas imbecillium muscipulas, vel ignorabant, vel tanquam inutiles averſabantur, & respuebant. Theologi vero Scholastici, omiſſis omnibus præſitis, quæ fideles maximè decet, quæcumque ad rationis trutinam, dialecticasque regulas examinant. Insuper eorum stilius incultus est, & verba duriora, ac barbara, *materialiter, formaliter, reduplicativè, specificativè, metaphysicè, entitas, proprietates personalis, quidditas, ratio formalis &c.*, imò nonnunquam solecismi gloriantur, ut cum agentes de Sacramentis dicunt, ea causare gratiam *ex opere operato*.

XVII. Respondeo negando antecedens. Cùm enim Theologia Scholastica, ut diximus, non descricat essentialiter à Positiva, iſdem utitur principiis, ac Positiva, & à doctrinâ antiquorum Patrum in hoc solum discrepat, quòd, quæ illi ſuori, & oratorio stylo, ad vulgi intelligentiam accommodatori, integris libris, ac voluminibus disputant: hæc brevi, & strictiori dialectico dicenda mo-

do procedit, identidem ad rationes naturales recurrrens, non per se, & tanquam intraneas, sed ut extraneas modo supra à D. Thom. 1. p. *quæst.* 1. *art.* 8. in corp., & ad 2. explicat. Quòd si aliqui Scholastici reliquâ Scripturâ, & Concil., & PP. auctoritate, plus æquo ad rationes naturales confugiunt, non Theologiæ, sed Theologorum vitium est, qui Metaphysicos potius se ostendunt, quàm Theologos.

Voces autem illæ, cæteròquin barbaræ, mirè explicant, tolluntque æquivocationem, quæ circa Divina Myſteria orta est aliquando, & oriri poſſet, unicoque verbo id expriment, quod SS. PP. multorum verborum circumlocutione expreſſerunt. Idèòque omnium consensu receptæ sunt, & factæ idioma Theologicum; unde qui illis alias substituere vellet, id tentaret, quod vir, qui receptum in aliquo Regno idioma, mutare conarctur. Neque currandum est, si ad clarius exprimendam veritatem interdum à grammaticæ regulis discedatur. D. Augustinus *serm.* 3. in *Psalm.* 36. non curavit dicere *generat pro generatur*, & ut populus melius caperet, admittere barbarismum. *Egeneratur quidem* (inquit) *latine dicitur, & qui dat mutuum, & qui accipit: Planius autem hoc dicitur, si dicamus generat. Quid ad nos quid Grammatici velint? Melius in barbarismo nostro vos intelligitis, quàm in nostra diſſertitudine vos deſerti eritis.*

His addo. Si ob incultum stylum, scholastica deſpicienda est, deſpicienda etiam erit Sacra Scriptura, quæ simplici, & inculto modo procedit. Sub rudipallio sæpè latet eruditus Philoſophus, & montes magis asperi, & inculti interdum auri venas abscondunt. Veritas, præſertim divina, verborum lænociniis non indiget, ut fulgeat. Satiùs est sermonem facili, & vulgari, & vocabulis rudioribus illam exprimere, quàm affectatè elegantia eam offuscare.

XVIII. At iniquis præcitati Scholasticorum termini veritatis magis offuscant, dum populo incogniti ſunt. Insuper novi ſunt: novitas autem in Eccleſia vitanda est.

Sed respondeo, quamlibet disciplinam suos

suos habere terminos aliis incognitos, & pro decentium arbitratu excogitatos. Notos quidem solis illius disciplinæ professoribus, sed qui strictius, & plenius rei ideam expriment. Quid ni ergo Theologiæ hoc concedi poterit? Novitas autem, si in dogmate sit, metueda certè est, nec audienda; ut Vincen- tius Litinenfis in suo commentis, à capite 24. Non tamen novitas methodi doctrinæ, maxime si clarior sit, ac facilior. Imò ad hoc Litinenfis cap. 22. Theologum adhortatur, dum super illa verba Pauli 1. ad Timoth. 6. v. 20. O Timothee, depositum custodis, devitans prophanas vocum novitates, ait, à Timothee, à Sacerdot, à Traditor, à Doctor, si te divinum munus idoneum fecerit ingenio, exercitatione, doctrinâ, esto spiritalis tabernaculi Besekeel, præstiosas divini dogmatis gemmas exculpe, fideliter coapta, adorna sapienter, adice splendorem gratiam, venustatem. Intelligatur, te exponente, illustris, quod ante obscuris credebatur. Per te posteritas intellectum gratuletur, quod ante vetustus non intel- lectum veneratur. Eadem tamen, qua didicisti docere, ut CUM DICAS NOVE, NON DICAS NOVA. Eadem ergo ratione quâ ad exprimenda mysteria nomina Incarnationis, consubstantialis, transubstantiationis, & similia inventa sunt, novè quidem exprimentia, sed non nova; Sic à Scholasticis novè voces repetitæ, ut clariùs exprimerent ea, quæ obcuriora videbantur, & fraudu- lentas hæreticorum insidias meliùs dete- gerent.

XIX. Obijciunt secundò. Theologia Scholastica plura tractat scitu non neces- saria, & ad salutem superflua; ergo inu- tilis est.

Si respondeas, Theologiam Scholasti- cam plura quidem tractare, quæ non sunt necessaria scitu populis, idiotis, ac mulierculis, quarum est in Ecclesia tacere; non tamen quæ non sint necessaria scitu Doctõribus, & Pastoribus, quorum est alios in Lege Domini erudire, par- vulis panem frangere, & eos, qui con- tradicunt arguere, & omni poscenti rationem satisficere. Illos enim multa sci- re decet, aliis scitu non necessaria, quæ

licet ad salutem non conducant, condu- cunt tamen ad profundiorum aliquarum veritatum intelligentiam, quæ valdè ju- vant ad Fidei Mysteria adversus oppu- gnatores tuenda, ipsoque Theologos promptos, & faciles reddunt ad expla- nanda parvulis pertinentia ad fidem. Et de istis cum agitur Scholastica, non proinde superflua dicenda est, alioquin superflua dicenda esset Scriptura Sacra, dum agitur de Corvo Elig, de Cane To- biæ, de Asina Balaam, ac de aliis hi- storis, quæ scitu non necessaria popu- lis, & ad salutem spectantia non sunt. Quod tamen nullus dixerit.

XX. Urgebis, Scholastici plerumque vanis, & inutilibus quætionibus merè Philosophicis, quæ nec ad fidei illustra- tionem conferunt Tyrones suos diutius detinent: ergo saltem ex hac parte su- perflua est. Quia hinc rixæ, dissidia, contentiones interminabiles, quibus inu- tiliter præsumitur teritur tempus, oriuntur, & propter has, quæstiones ad fidem neces- sariæ omittuntur.

Dicam absque metu: hoc non Theologia Scholastica, sed aliquorum Theologorum vitio vertendum esse. Theologia enim Scholastica sita Professori præ- scribit res fidei, vel fidem quomodocum- que spectantes accuratè, & exactè tracta- re ex ipsius fidei principiis, nempe Verbo Dei scripto, & tradito, Conciliis SS. PP., & ex iis per legitimum dis- cursum conclusiones inferendo, advocan- do identidem in præsidium, & famula- tum rationem naturalem. Quod maxime confert ad mysteriorum elucidationem, hæresum extirpationem, & fidelium in- structionem. Nam, ut egregiè ait noster Melchior Canus lib. 9. cap. 4. *Rationem si à Theologia submoveas, Theologia ipsa, & rem amittit, & nomen.* Itaque cita- to libro distinguit triplex Theologorum genus. *Unum eorum, qui usque adeo arguuntur à ratione duci addixerunt se, ut sive disputent, sive scribant, Scripturam Sacram, Sanctorumque Patrum libros ne legisse quidem videantur: Qui pa- rum illis dissimiles sunt, quos Eusebius lib. 5. histor. Eccl. e. ultimo commemorat, in tantum sultitia prolapsos, ut si quis sermonem de Scripturis proposuisset,*

illis

illi à contrario proponerent utrum ille sermo, de quo agebatur, conjunctum an separatum genus syllogismi faceret: de quibus varium Eusebius: Derelinquentes, ait, Sanctas Scripturas Dei, geometriam traſtaunt &c.: Ac fuisse olim nonnullos, qui rationem auctoritati præferentes, rem Theologicam syllogismiſis niſoluerint, Auguſtinus in epiſt. ad Dioſcorum 56. (nunc 118.), Bernardus quoque ep. 189., teſtes locupletiffimi ſunt. Hoc verò ſeculo fuiſſe etiam in Academiis multos, qui omnem ſerme Theologia diſputationem ſophiſticis, ineptiſque rationibus tranſegerint, utinam ipſi non fuiſſemus experti. Egiſt autem diabolus, quod ſine lacrymis non queo dicere, ut, quo tempore adverſus ingruentes ex Germania hæreſes, oportebat ſubula Theologi optimis eſſe armis inſtruſtor, eo nulla præſus haberent, niſi arundines longas, arma videlicet levia puerorum. Ita irriſi ſunt à pleriſque &c. huiusmodi Canus citato libro cap. 1., ubi plura eruditè acce ulat à ſtudioſo legenda. Alter autem error illorum eſt (proſequitur cap. 2.) qui ſolis Sacrarum Litterarum teſtimoniis, aut interdum ſcriptorum veterum omnia deſiniunt, ab argumenti natura hanc aliſter abhorrentes, quàm ſi eſſent Theologia adverſa, & inimica. In hoc errore (inquit cap. 3.) fuiſt Lutherus, qui non modò aſeruit, Philoſophiam eſſe Theologo inutilem, & noxiam, verùm etiam omnes ſpeculativas diſciplinæ errores eſſe, & infra: Erunt enim il, ſi ita res procedit, optimi, præſantiſſimique Theologi, qui plurima loca memoriâ tenuerint, & quod Jurisperitiſ obijcitur, qui Eleenbi fuerint librorum, & indices, id quod in Germania regnante Luthero accidiſt, ut ſutores, qui novum teſtamentum memoria mandarunt; magni, & præclari Theologi haberentur; atque adeo muliercula, quoniam Evangeſta, & Paulinas epiſtulas memoriter recitarent poterant, omnium Academicarum Theologi ad diſputandum provocarent, auderentque viris concurrere, non virgines, ſed mulieres corruptiſſima.

Concluam ergo Canus laudatus c. 4. Theologum debere divina quicquid callet, ſi a philoſophicam ratiocinandi formam non ignorare. Theologus enim,

ſeu Chriſtianæ Doctrinæ Profeſſor, duabus quaſi debet indutus eſſe perſonis. Unâ communi, ex eo quod homo, & rationis particeps eſt, alterâ propriâ, unde Theologica argumenta expectantur. Cumque nec humanarum rerum intelligetia divinarum cognitioni obſiſt, ſed eam potius juvet, illique inſerviat; nec divinarum cognitio humanarum intelligentiam extinguat, quia gratia non tollit naturam, ſed perficit, nec natura gratiam repellit, ſed ſuſcipit; hinc nec Sacra Theologia humanam rationem abijciat, nec ratio humana Theologiam, & neutram debebit in alterius propria functione Theologus rejicere. Ita verum à falſis Theologiſ ſecernit Auditor laudiffimus.

XXI. Quod rixas, contentioneſque, ac diſſidia, quæ inter Theologos ſervent, ac ſcholas dividunt. Dico in primis, iſta non concernere fidei veritates, in quibus Theologi cujuſcumque ſcholæ uniſ labiſ ſunt, & ſermonum eorumdem. Vel ergo ſunt circa modum Fidei Veritates explicandi, vel circa quæſtiones à Fidei Veritatibus proſus extraneas, & vanas, atque Theologiæ ſini inutiles. Si primi generis, nihil officiunt; ſunt enim velut diverſæ viæ, quibus ad eundem terminum pervenitur. Imò varietas iſta opinionum plurimum juvat ad magis illuſtrandam veritatem. Dum enim quiſque ſuas partes tuetur, & conquiſtiſt undeque rationibus, ſuam ſententiam firmare, omnique eruditionis genere excolere nititur, infiniti ſcientiarum Theſauri in Eccleſiæ decus, & ornamentum cumulantur; Interimque Catholica Veritas itat veluti regina circumamicta varietate. Si autem ſecundi generis ſint, eas Theologia non probat, ſed Doctores in vanis quæſtionibus operam, ac tempus terentes, ut Theologos recipere designant.

XXII. Miror tamen, cur tantâ fronte hæretici Theologorum noſtratum culpæ audeant diſſenſiones. Quis enim, neſciſt, quoniam rixis, quàmque intenſis contentioneſ Proteſtantes hæretici invicem pugnant? Ex unica Lutheri ſchola prodire itatim Anabaptiſta, Confeſſiſſiſta, Sacramentariſ, qui in diverſas Se-

At postea divisi, miram est, in quot frustra Lutheranam hæresim conciderint. Neque enim in levioribus tantum, sed & in præcipuis fidei articulis invicem dissident, ita ut sibi invicem hæretici nomen commutent. Hæreticos sacramentarios vocat Lutherus: Sacramentarii, & contra, Lutherum, plenum os diaboli habere reputant. Quodque inconstantiæ caput est, una eademque Secta in fidei articulis sibi ipsi non constat; quos ante credebatur, postea discredens, adeo ut Georgius Saxonie Dux à Catholicis rogatus, quid ibi crederent Lutherani, responderit: *Quid nunc credant, scio: quid sequenti anno credituri sint, ignoro.* Illisque aptari possit, quod de Arianis scripsit Hilarius lib. 1. ad Constantium. *Periculosum nobis, atque miserabile est, tot nunc fides existeret, quot voluntates: Et tot nobis doctrinæ esse, quot mores... dum, aut ita fides scribuntur, ut volumus, aut ita esse, ut volumus, intelliguntur... sic plurima ceperunt esse fides, ne ulla sit.... annuat, atque mensurat, de Deo fides decernimus &c.*

XXIII. Obijciunt tertio aliqui, quibus tota Theologia sita esse videtur in historica sacrorum narratione. (Hi enim, per hoc, quodd sciant, quo anno celebratum sit hoc, vel illud Concilium, quæ hæresis in illo damnata, memoriterque sciant aliquos Scripturæ textus, Theologos eximios apud vulgus se venditare solent) Sic omnes hæreses à Philosophis, & Scholasticis inventæ sunt: unde Philosophi à Tertulliano hæreticorum Patriarchæ vocantur. Ergo Scholastica odibilis est.

XXIV. Et confirmant: Apostoli non habuerunt Philosophiam, neque Dialecticam, qui tamen fuerunt veri Theologi: ergo Philosophia, & Dialectica non est Theologo necessaria, alias Spiritus Sanctus, qui Apostolos docuit omnem veritatem, has etiam disciplinas ducisset. Quare Socrates lib. 1. bist. cap. 8. refert, quod cum Dialectici quidam in Concilio Nicæno suis argumentationibus omnia turbarent, multique verborum suavitæ allicerentur, laicus quidam ex confessorum numero, recto, ac simplici præditur sensu, cum Dialecticis congregitur, bisque

illos verbis compellavit. *Christus, & Apostoli non artem nobis Dialecticam, nec inanem versutiam tradiderunt, sed apertam, ac simplicem sententiam, quæ fide, bonisque assibus custoditur. Quæ cum dixisset, omnes, qui aderant, admiratione percussi, ei assenserunt. Dialectici verò simplici sermone veritatem audito, posthac aequiore animo conquirere. Et Sancti Augustini lib. 1. de assis contra Felicem Manicheum, qui gloriabatur, Manicheum docuisse initium, medium, & finem, & quomodo, vel quare factus sit Mundus, de cursu Solis, & Lunæ, aliisque rebus Physicis, respondit: Non legitur in Evangelio, Dominum dixisse, mitto vobis Paraclitum, qui vos doceat de cursu Solis, & Luna. Christianos enim facere volebat, non Mathematicos. Sufficit autem, ut homines de his rebus, quantum in schola didicerunt noverint, propter humanos usus. Ad usum igitur Theologiæ dialectica, vel humana ratio nihil Catholico proderit.*

XXV. Respondeo retorquendo argumentum: nulla hæresis fuit, quam Scholastici viri Scholastico gladio non debellarint, & in dies non debellent; ergo scholastica necessaria est. Abusus ergo Scholasticæ nimium Philosophicis, & Dialecticis adherendo, & vanis ratiunculis fidem metiendo hæreses inveniit; ergone propter hoc damnanda erit scholastica, quæ non ex ratione naturali fidem metiens, ac regulans, sed potius rationem naturalem fidei ancillari faciens, hæreses debellat? Damnandus est abusus, laudandus usus. Nulla hæresis fuit, quæ ex Sacræ Scripturæ abusu non prodierit; Diabolus ipse, ut Christum deciperet, ad Scripturas coniugit. *Scriptum est enim, quia Angelis suis mandavit de te.* Ergone Scriptura Sacra odibilis est, noxia est? Fallitur, vel fallere vult ita arguens, fallaciâ non causa pro causa.

XXVI. Ad confirmat. respondeo ex laudato Cano lib. 9. loc. Theol. cap. 9. Primò retorquendo Argumentum: Apostoli, nec fuerunt grammatici, nec eloquentes; Apostoli hæreticis Philosophis, Tyrannisque evincendis nullo studio, sed repente, ex tempore sapientissimè loquebantur, implentes igitur seipsum Christi primum

Miss.

Matt. 10. v. 19. Nolite cogitare quomodo vobis in illa hora quid loquamini; ergo si exemplum Apostolorum placet, Theologus non oportebit, ut grammaticam calleat, ut eloquentiam profiteatur, nec Theologiæ studium amplectatur; nihil consulto, & cogitato meditatur, & præparatum inferat, quia sic fecerunt Apostoli. Quod si hoc non valet, & temerarie quis ita discurreret, cur temerè non loquuntur, qui dicunt, Apostoli Philosophiæ operam non dederunt; ergo neque illi dare operam debent Theologi Christiani. Apostoli ergo, speciali Spiritus Sancti suggerentis dono, Theologi facti sunt, non humano labore, & studio; nos autem per discursum, studium, ac laborem Theologiam comparamus, & proinde, ut res divinas attingamus, ut eas doceamus, ut ab impugnatoribus liberemus, ut satisficiamus omni poscenti rationem, & rebus naturalibus ad divinas ratiocinari sæpe indigemus, non quidem dialecticâ arte veritates fidei probando, ut dialectici in Concilio Niceno tentarunt, sed ostendendo veritates fidei dialecticæ, & Philosophiæ verè principis non adversari, solvendo rationes oppositas. Quia in te audiendus est Clemens Alexandrinus lib. 1. Stromat. pag. 319., ubi docet, quod Philosophia, & Dialectica sunt cooperatrices, & adiutrices veritati inquirendæ sicut: visus, & auditus, & vox confert ad veritatem, mens autem est, qua apprehendit, & naturaliter cognoscit... Perspicuitas itaque opem fert ad tradendam veritatem; & Dialectica, ne prosterneamur ab hæresibus, qua faciunt incursum. Et est quidem per se perfecta, & nullius indiga Servatoris doctrina, cum sit Dei virtus, & sapientia. Accedens autem græcia Philosophia, non veritatem facit potentior, sed debilem adversus eam efficit sophisticam argumentationem, & propulsans molestas adversus veritatem insidias, dicta est vinum apta saperi, & vilius. Et quæ quidem ex parte veritas, tanquam panis necessaria est ad vivendum. Quæ autem præcedit discipula, est obsequio similis, & bellarius; discente verò exercitatus, suavis placuit, ut ait Pinianus Thebanus. Hanc regulam non serva-

bant, nec dialectici relati à Socrate, qui dialecticis quibusdam paralogismis Filii divinitatem probare conabantur, quare benè illos arguit laicus ille. Myleria enim Verbo Dei revelanti credenda sunt, non ratiunculis fundenda. Eadem ratione Felicem Manichæum reprehendit D. Augustin. scire enim ad Fidem Christianam pertinet quid medium, initium, & finem, cursum Solis, & Lunæ? neuter tamen negat, Doctorem Christianum Philosophicis, & Dialecticis instructum esse debere, ut ostendat Philosophiam non contrariari fidei, & sophisticas rationes in contrarium valeat dissipare.

Porro, ut de mente S. Aug. omnis dubitatio tollatur, præstat, ipsum audire lib. 1. contra Cresconium cap. 13. Hæreticis iste Donatista carpebat S. Doctorem, quod Dialecticus esset. Hunc ergo ita redarguit. Quid est aliud Dialectica, quam peritis disputandi? quod idè aperendum putavi, quia etiam ipsam mihi obijcere voluisti, quasi Christiana non congruat veritati, & idè me Doctores vestri velut hominem Dialecticum, meritis fugiendum putatis, & cavendum, quàm refellendum, revincendumque censuerint. Quod cum tibi non persuaserint, nam te adversum nos, etiam scribendo, disputare non piguit; tu tamen in me dialecticam eriminasti, quod falleres imperitor, illosque laudares, qui disputando mecum congrēdi noluerant. Sed tu videlicet non dialecticè uteris, cum contra nos scribis? Ut quid te ergo in tantum disputandi periculum projecisti, cum disputare non noveris? aut si nosti, cur dialecticam criminaris, ita vel temerarius, vel ingratus; ut aut imperitiam, quod vinceris, non refranes, aut doctrinam, quæ juvaris accenses? Inspicio sermonem tuum, ipsum ipsum, quem ad me scripsisti, video, te quadam copiosè, ornate quæ explicare, brevè eloquentè, quadam quæ subtiliter argutè quæ discurrere, hoc est dialecticè, & tamen eloquentiam, dialecticamque reprehendis. Si noxia sunt, quare hoc facis? si non sunt, cur arguis? Ita Donatillam urgebat Augustinus. Ita quoque urgeri potest Lutheranus, aut Calvinista, Theologiam scholasticam damnanus, quæ ipse utitur: Si noxia sunt, quare hoc facis? si non sunt, cur arguis?

Et

Et c. 14. postquam ostendit, Dialecticam græcè dici artem disputatoriam, sicut Grammaticam artem literatoriam, & dialecticum latine dici disputatorem, sicut Grammaticum latine litteratum, sic ad Cresconium convertitur: Puto jam quiddam Apostolum disputatorem non neges, etiam si Dialecticum neges. Improbare ergo in vocabulo græco, quod approbare egeris in latino, quid est aliud, quam indoctis prætentare fallaciam, doctis facere injuriam? Aut si, & disputatorem Apostolum negas, qui tam asiduè, tam egregiè disputabat, nec græcè nosti, nec latine; vel quod esse credibilis, & in verbo græco fallis eos, qui græcè nesciunt, & in latino, qui nunc latine sciunt. Quid enim est, non dico imperitius, neque enim tu ista non nosti, sed omnino fallacius, quàm, cum audias, & legas tam multos, multiplicesque sermones Apostoli asserentes veritatem, convincentes falsitatem, negare, quod solet disputare, cum hoc fieri, nisi disputando, non possit?

DUBIUM IV.

Quid sit, quidque requiratur, ut aliquid sit dogma Fidei.

§. I.

Resolvitur dubium.

I. **V**iro Theologo necessarium maxime est nosse distinguere inter ea, quæ fidei sunt, & fide tenenda; ea, quæ fidei sunt, non tamen fide tenenda; & ea, quæ nec fidei sunt, nec fide tenenda. Noto itaque, non esse idem, aliquid esse de fide, & esse ut de fide tenendum. Esto enim omnia, quæ de fide tenenda sunt, de fide sint, non tamen omnia, quæ secundum se de fide sunt, infertur, ea esse de fide tenenda. Nam ut aliquid in se de fide sit, seu ad fidem pertineat, sufficit, ut à Deo revelatum sit; ut verò de fide sit quoad nos, seu ut tanquam de fide, & à Deo revelatum credere teneamur, requiritur insuper, ut nobis certò constet à Deo revelatum esse, & tanquam

revelatum nobis proponatur, non enim omnis revelatio statim acceptanda est, nec omni spiritui credendum, monente Joanne episcopo. 1. cap. 4. v. 1. nolite omni spiritui credere, sed probate spiritus, si ex Deo sint, quoniam multi pseudo-propheta exierunt in mundum. Ut ergo Theologiæ candidatus in promptu habeat tutam aliquam regulam pro discernendis verè à falsò revelatis.

II. Dico primò, illud omne, & solum est de Fide Divina in se, quod est revelatum in Dei Verbo. Hæc regula traditur à D. Paulo Roman. 10. v. 17. fides est ex auditu, auditus autem per Verbum Christi, seu Dei: ergo id omne, & solum est de fide in se, quod est revelatum, & contentum in Verbo Dei; sicut illud omne, & solum ad fidem humanam pertinere dicimus, quod verbo hominis revelatum est. Quia verò (ut suo loco dicitur) verbum aliud est scriptum, aliud non scriptum, sed traditum; idè illud omne, & solum de Fide Divina est, quod est revelatum per Verbum Dei scriptum, vel traditum.

III. Dico secundò. Ut aliqua veritas tenenda à nobis sit tanquam de fide, & ut à Deo revelata, requiritur ulterius, ut ab Ecclesia Catholica sit omnibus proposita tanquam à Deo revelata, & ut Fide Divinà credenda. Sicut enim ut lex, aut mandatum Regis obliget subditos ad ejus observantiam, non sufficit, ut sit à Rege latum, sed requiritur, ut sit omnibus propositum, & intimatum, publicà formâ, ut sic voluntas Regis omnibus certò sit nota: Ita, ut præceptum de credendo aliquid, ut à Deo revelatum, obliget omnes, debet omnibus proponi, & intimari, illud esse à Deo dictum, ut nemo de hoc dubitare queat: Atqui hanc certitudinem habere non possumus, nisi per Ecclesiam Catholicam, nobis proponentem veritatem illam, ut à Deo revelatam, & ita esse affirmantem; Cùm enim Deus per se ipsum id non faciat, non enim loquitur immediate nobis, sicut olim loquebatur Patriarchis, Prophetis, & Apostolis, nobis aliud testimonium irrefragabile non superest in re dubia, præter dictum Ecclesiæ Catholicæ, cujus judicium in discernendo

nendo Dei Verbo ab omnibus verè fidelibus ut irrefragabile habitum semper fuit; est enim, teste Paulo 1. *Timoth.* 3. v. 4. *Columna, & firmamentum veritatis*, & de qua sola dixit Christus *Matth.* 16. v. 18. *& porta inferi non prevalebunt adversus eam*; & rursus cap. 18. v. 17. *qui Ecclesiam non audierit, sit tibi velut Ethnicus, & Publicanus*. Hinc celebris D. Augustini sententia lib. contra epistolam fundamenti cap. 5. *Ego verò Evangelio non crederem, nisi me Catholica Ecclesia commoveret auctoritas*, & lib. 4. de Baptismo contra Donatistas cap. 16. Statutus duobus hominibus, qui versentur in errore Photini, quorum unus sciat, errorem illum esse contra fidem, & ab Ecclesia damnatum; alter vero existimet, dogma Photini esse Catholicam Fidem, ait: *Istum nondum hæreticum dico, nisi manifestatū sibi doctrinā Catholica Eidei resistere maluerit, & illud quod tenebat elegerit.... Itaque, in hoc, sola falsa opinio, in illo etiam divisio corrigenda est*.

IV. Confirmatur: cum, ut supra dixi, non omnia, quæ in Verbo Dei continentur, sint expressæ, & clarè revelata, sed aliqua implicite, & perobscurè; ut teneamur ea credere, dari debet Doctor infallibilis, qui ea explicet, atque revelata à non revelatis discernat, ne, ut ait Apostolus ad Eph. 4. v. 14. *simus parvuli fluctantes, & circumferamur omni vento doctrina in nequitia hominum, in astutia ad circumventionem erroris*; aliàs Deus defuisset Ecclesiæ in necessariis: hic autem Doctor, cui infallibilitas in Verbo Dei explicando promissa sit, alius esse nequit, quàm Ecclesia; ergo &c. Maj. patet exemplo hæreticorum Ecclesiæ magisterium rejicientium, soloque spiritu privato (ut ajunt) regi volentium; hi enim quot in Sectas, & errores divisi sunt? Telsi pro omnibus una sit Anglia, in qua serè tot Sectæ dominantur, quot familiæ, ne dicam, quot capita.

V. Sed instabis cont. prim. assertum. Qui veritatem aliquam in Scriptura revelatam negaret, eo ipso hæreticus esset; ergo eo ipso, quod aliquid in Scriptura revelatum sit, absque ulla Eccle-

sia propositione est de fide tenendum.

Respondeo primò nego antec. cum D. August. nuper relato lib. 4. de Baptismo cap. 16., qui non audeat pronunciare hæreticum, qui sequeretur errorem Photini, nisi manifestatū sibi doctrinā Catholica Veritatis resistere maluerit, & qui lib. con. epist. fundam. c. 5. dicit, se non crediturum Evangelio, nisi Ecclesiæ Catholicæ eum commoveret auctoritas. Quod adeo verum est, ut idèd Evangelii Matthæi, Marci, Lucæ, & Joannis credamus; & è contra non credamus Evangelii Petri, Andreæ, Bartholomæi, & Thomæ, quia ad hoc nos commovet Ecclesiæ Catholicæ auctoritas proponens, ut Dei Verbum illa, ista verò reprobantis.

VI. Respondeo secundò dist. antec. si haberet animum permanendi in suo errore, quævis Catholica Ecclesia contrarium illi manifestaret, concedo antec. si absque tali animo illud negaret, nego antecedens. Responso est D. Thom. 1. 2. quæst. 11. artic. 2. ad 3. citantis D. August. epist. 16. *si qui sententiam suam quamvis falsam, atque perversam, nullā pertinaci animositate defendunt, quarum autem totā sollicitudine veritatem, corrigi parati, cum invenerint, nequāquam sunt inter hæreticos deputandi*. Hucusque Augustinus, quia scilicet (subjungit D. Thom.) *non habent electionem contradicentem Ecclesiæ Doctrinā*.

VII. Obijcies cont. secundum assertum. Ecclesia non potest facere de fide, quod de fide non est; ergo esse aliquid fide tenendum non dependet ab Ecclesia, sed unicè à divina revelatione.

Respondeo distinga. consequens: non dependet ab Ecclesia, ut à causa scientie, ut sit de fide; conc. consequ., ut à signo ostendente; illud esse de fide, & habendum ut tale; nego consequentiam. Sicut sigillum non facit, diploma esse. Regi manu exaratum, vel Regio verbo dictatum, sed solum est signum ostendens, & testificans, illud esse à Rege scriptum, aut dictatum: ita Ecclesia tuo judicio non facit, aliquid esse dictatum, aut revelatum à Deo, sed est signum, testificans illud esse à Deo revelatum, quod antea ut tale non habebatur. Hinc ait D. Thom. 2. 2. qu. 1. art. 7., quod licet

licet plura expresse credantur à nobis, quæ ab antiquis non credebantur, attamen articuli Fidei non creverunt quantum ad substantiam: sed quantum ad explicationem crevit numerus articulorum, quia quadam explicitè cognita sunt à posterioribus, quæ à prioribus non cognoscantur explicitè.

Propterea neque sequitur, fore hæreticum, non qui resistit Dei Verbo, sed qui resistit Ecclesiæ judicio. Non inquam, nam qui resistit Ecclesiæ judicio, idem hæreticus est, quia resistens Ecclesiæ judicio, resistit Dei Verbo, Ecclesiæ judicium commendanti *Matth. 18. v. 17.*, qui Ecclesiam non audierit, sit tibi sicut *Ethnicus, & Publicanus*.

VIII. Sed urgebis palmarem hæreticorum instantiam: Si credendum Scripturæ propter Ecclesiam, & rursùm Ecclesiæ propter Scripturam, voluitur circulo vitioso fides nostra.

Respondetur negando antecedens: Circulatio enim, quæ ut argumentationis vitium ponitur à Dialecticis, tunc contingit, quando unum probatur per aliud, & vicissim, in eodem genere causæ; non verò quando contingit in diverso genere, sicut in præsentī. Credimus enim Ecclesiæ propter Scripturam, ly propter dicente causam à priori, cur Ecclesiæ credamus: Credimus autem Scripturæ propter Ecclesiam, ly propter dicente signum à posteriori ostensivum, quia si Ecclesia dicit, hoc esse revelatum, signum est hoc esse revelatum, idèdque ut tale credendum.

Addo: quod fidei nullum est vitium, quòd duo testes, vel duo Prophetæ sese mutuo ostendant, & commendent, sicut Christus ostendit, & commendat Joannem, & Joannes ostendit, & commendat Christum; ita vitium non est, quod credamus Ecclesiæ propter commendationem Scripturæ, & Scripturæ propter testimonium Ecclesiæ; verum enim utriusque testimonium est, & utrumque à Deo venit.

XI. Peto demum ab adversariis: Quare credunt Evangelium, quod præfert nomen S. Matthæi, esse revera S. Matthæi, aliosque Sæc. Scripturæ libros esse Divinam Scripturam? Respondebunt, quia Ecclesia Catholica illos semper judicavit tales. Peto rursus: quare cre-

dunt judicium Ecclesiæ hæc in re esse, certum? non aliter respondere poterunt, nisi, quia illud esse tale attestatur Scriptura. Ecce ergo & ipsi credunt Scripturæ propter Ecclesiam, & rursùm Ecclesiæ propter Scripturam. Fortius. Peto à Theologo Protestante: quare credis, sensum, quem Sacræ Scripturæ assignis, esse verum, legitimum, & à Spiritu Sancto intentum? Respondebis: quia spiritus privatus, qui cuique fideli præstò est, ita dijudicat, & mihi dicit. Iterum, peto. Quare credis, hunc spiritum tibi adesse, & cerò dijudicare? Respondebis: quia Scriptura hoc mihi adæclatur. En ergo tu credis Scripturæ propter spiritum privatum, & rursus spiritui privato propter Scripturam.

§. I I.

Quibus notis dogma fidei discernatur.

X. **R** Espondetur. Aliquid dogma fidei dici potest, vel immediatè, quia nimirum in Verbo Dei scripto, vel tradito continetur; vel mediatè, quia ex Verbo Dei hujusmodi necessarii inferuntur, & colliguntur; tale enim genus conclusionum, quæ cum rebus fidei necessariò colliguntur, saltem mediatè ad fidem pertinere dicendum est: Cùm hæc sit natura connexorum, ut si superior concesseris, concedas, & inferius necesse sit; in bona enim consequentia non potest dari antecedens verum, & consequens falsum: etsi negaveris inferius illatum, superius etiam, ex quo inferuntur, negare cogaris.

XI. Ex iis, quæ in Verbo Dei continentur, aliqua continentur adeo clarè, ut de iis nemo sanus dubitare quæat, neque de sensu Sacræ Scripturæ ambigere. Alia verò, èto in Scriptura sint, ea tamen non ita apertè, quin de sensu Scripturæ dubitari possit. Insuper ex iis, quæ ex principiis fidei nascuntur, alia sunt, quæ ex solis principiis fidei inferuntur. Alia, ad quæ inferenda non fides sola sine externarum disciplinarum adiutorio concurrat, sed ascitis, aut uno principio, aut pluribus lumine naturæ cognitis; & hæc, licet non eodem gradu, ad fidem tamen spectare dicenda sunt,

D 2

quæ

quasi fidei appendices: nec ita adherent fidei, ut sine illis fides omnino stare non possit, quare si quis in illis errat, egrotare facit fidem, non perire. His stantibus, quæ notat Mag. Cano *loc. Theol. I. 12. c. 6.*

XII. Quantum ad ea, quæ in Verbo Dei scripto, vel tradito adeo clare, & perspicue continentur, ut à nullo, nisi negante Sacre Scripturæ auctoritatem, negari possint, ut de vero Scripturæ sensu dubitari, ut sunt Christi Nativitas, Passio, Mors, Resurrectio, Ascensus in Cælum, exteræque in Symbolo Apostolorum contenta, nulla regula præscribenda est, cum per se pateat, immediate ad fidem, imò ad fidei fundamenta pertinere. Quantum verò ad alia.

XIII. Dico primò. Cum Scripturæ Divinæ sensus fuerit obscurus, ille sensus, quem ei Catholica Ecclesia dederit, & præfixerit, habendus erit ut germanus, ac legitimus sensus Scripturæ, & ex isto conclusiones suas poterit Theologus rectè deducere. Constat ex dictis 9. præcedenti. Si enim Ecclesia Catholica habet certissimum suum discernendi Verbum Dei à verbis hominum, separando libros divinos à non divinis, habebit quoque idem jus, ut in Verbo Dei, separet, & discernat sensum Dei à sensu hominum; ne dicamus Ecclesie concessam fuisse Scripturam, ut olim Ptolomeo Regi Ægypti, vel ut nunc Hebræis, qui habent verba, non sensum; unde *Seriniarii Sacrorum Codicum* lapidè vocantur ab Augustino *lib. 12. contra Faustum cap. 13. Capssarii, in psal. 40. n. 14., & librarii, unde in psal. 56. v. 9. Codicem, inquit, portat Judæus, unde credat Christianus. Librarii nostri falsi sunt, quomodo solent servi post dominos codices ferre, ut illi portando deficiant, illi legendo proficiant. Vel ut hæretici, qui verba Scripturæ habent, eaque jactant, sed non schism., dicente D. Hieron. in cap. 1. ad Galat. nec putamus, in verbis Scripturarum esse Evangelium, sed in sensu; non in superficie, sed in medulla, non in sermonum foliis, sed in radice rationis. Ambas igitur res Christi Ecclesia custodit, semperque custodiet, & verbum, & spiritum verbi, spiritum, inquam, veritatis*

promissum à Christo, *Joan. 14. v. 16. & 17.*, qui suggerat illi omnia, qui doceat illam omnem veritatem, & cum illa maneat in æternum, quo aperiatur illi sensus, ut intelligat Scripturas. Neque enim præfata verba ad Apostolos solos dixit Christus, sed in Apostolis toti Ecclesie, ut scilicet spiritus ex Apostolis transfret ad Ecclesiam, quam propagabant. Quod si spiritus iste certus intelligendi Scripturas datus Apostolis ad Ecclesiam non transfret, si nullus modò est certus Index de verò sensu Scripturarum, quænam forma Reipublicæ stultior esset? Nullus enim dissidiorum finis, nulla esset incunæ concordie via, nullus fidelium consensus, nulla fidei unitas. Rursus si Apostoli non sensum Evangelicæ doctrinæ, sed verba tantum tradidissent, quomodo docuissent omnes gentes servare quæcumque fuerant illis à Christo Domino commendata? Qualis enim Evangelii prædicatio, qualisve Doctrina absque intelligentia? qualis certè puerorum, aut pſtatorum, qui sine mente dant, accipiuntque sonum. Ergo Apostoli verum Evangelii sensum tradiderunt. At Apostolicæ traditionis testis, & cultos nemo fidelior est, quàm Ecclesia: ergo &c.

XIV. Dico secundò. Ecclesie Catholice nomine, non modò fidelium omnium cætus; verum etiam, & precipue, veniunt Ecclesie Pastores, & Doctores in Concilio congregati. Assertio hæc suo loco probabitur, dum ostenderet Concilium OEcumenicum in definitionibus circa si-
dem errare non posse. = Pro tyronum
verò notitia in præsens sic ostendo. D.
Paulus ad Ephef. 4. docet, quod Ec-
clesie Christus ipse dedit quosdam qui-
dem Apostolos, quosdam autem Prophe-
tas, alios verò Evangelistas, alios au-
tem Pastores, & Doctores ad consum-
mationem Sanctorum in opus ministerii,
in adificationem Corporis Christi, do-
nec occurramus omnes in unitatem fi-
dei, & agnitionis filii Dei in virum,
perfectum, in mensuram ætatis plenitu-
dinis Christi, ut jam non sonus parvu-
li fluctuantes, & circumferamur omni
vento doctrina, in nequitia hominum,
in malitia ad circumventionem erroris;
super quæ verba dicit S. Hieronymus.

(in cap. 4. ad Ephes.) nec verò putandum, quod sicut in superioribus tribus, alios dixit esse Apostolos, alios Prophetas, alios Evangelistas; ita & in Pastoribus, & Magistris, officia diversa posuerit. Non enim ait, alios autem Pastores, & alios Magistros, sed alios Pastores, & Magistros, ut qui Pastor est, esse debeat, & Magister. Nec in Ecclesiis, quamvis Sanctus sit, Pastoris sibi nomen assumere, nisi possit docere, quos pascit. Vel cerè aliter: ut unus, atque idem pascet Ecclesia sit Pastor, & Doctor, Pastor ovium, Magister hominum. Posuit ergo Christus in Ecclesia Pastores, qui simul essent Doctores, ut pascerent gregem doctrina in edificationem Ecclesiae, ne simus fluctantes parvuli, & circumferamur omnivento doctrinae, ne circumveniamur errore. Si autem omnes simul isti à Dei verbo recederent, vel recedere possent, quales posuisset Doctores? quomodo essent in edificationem? Nonne post eorum iudicium, si falli, & fallere posset, essemus merito adhuc fluctantes? = Dico sic: si nullum Ecclesiae suae Pastorem, ac Doctorem daret Christus, sine dubio ovile suum Pastor bonus desereret: atqui multò meliùs Ecclesiae est, nullos habere, quàm habere errantes; ergo si Pastores, & Doctores ad unum omnes in errorem caderent, oves suas Christus vel maximè destitueret.

XV. Confirmo hoc: vel populus fidelis teneret acceptare sensum, quem Concilium OEcumenicum praefigit Sacrae Scripturae, vel potest etiam rejicere. Si teneret acceptare, jam errante Concilio errabit & populus. Si verò rejicere potest, cur in illo rejiciendo errare populus non potest? quod si non. Quis erit spiritus infallibilis assistens populo, & non assistens Pastoribus? Hoc esset, Pastores regi, ac inservi à populo, non populum à pastoribus. Si vero & populus errare potest, quoniam stultior Reipublicae forma, in qua omnes cœci? nonne de Ecclesia repeti posset, quod Christus de Pharisæis Matth. 23. 14. Cæci sunt, & duces caecorum, caecus autem, si eaco ducatum praestet, ambo in foveam cadunt? Eset equidem Scriptura. Ve-

rum Scriptura nec sentit; neque intelligit, nec de se ipsa iudicium ferre potest. Quid ergo, si nullus ejus intelligentiam, & sensum cerè absque timore erroris assequi posset?

XVI. Observandum tamen est, ex iis, quae in universalibus Conciliis proponuntur, id solum tenendum esse de fide, quod est definitionis objectum, non verò definitionis motivum, neque alia, quae à Patribus in Conciliis, vel dicta, vel laudata; neque rationes, quae adducuntur, neque ea, quae ad explicandum afferuntur; imò nec verba singula, quibus definitio exprimitur, nisi de verbo ipso decretum fiat. Et ratio est, quia in decretis Conciliorum, id solum tenendum de fide est, quod à Concilio proponitur, ut à Deo revelatum in Scriptura. Quare dum in Concilio Florentino definitum fuit, Spiritum Sanctum etiam à Filio procedere, non per hoc censeri debet, definitum, & de fide, motivum inter alia ibi adductum, nempe, quod ex sola processione unius ab alia habeatur realis distinctio inter Divinas Personas: Et propterea sententia Scoti assensentis, quod etsi Spiritus Sanctus à Filio non procederet, adhuc ab illo realiter distingueretur, contraria fidei non est. Similiter, dum in II. Niegno Concilio definitum est, Angelos posse pingi, non proinde censeri debet, definitum, fuisse motivum à Jo: Thessalonicensi ibi ad. 5. allegatum ex Basilio, Athanasio, & Methodio, quia nimirum Angeli non sint omnino incorporales, quin imò oppositum censuit Concilium ad. 4. in sua confessione, ubi vocat Angelos, Sanctos, & incorporales, quique hodie Angelos assereret, non omnino incorporales esse, temerariè saltem loqueretur. Neque timendum, definitionem Ecclesiae falsam esse, licet motivum ab aliquo pro definitione adductum falsum sit. Nam Ecclesia, dum aliquid definit tanquam de fide, non innititur rationi humanae, vel scientifico discursui, sed uniè divinae revelationi, in qua dignoscenda cerè à Spiritu Sancto regitur.

XVII. Hinc ad particularia descendendo resolvi potest primò: Hominem formaliter iustificari iustitià sibi inhaerente, non

non autem eâ iustitiâ, quâ Deus iustus est, tenendum esse de fide, quia hoc expressè definitum Ecclesiâ Catholica in Tridentino *sess. 6. can. 11.* Quodd verò hæc iustitiâ inhærens si habitus in specie qualitatis, esto sit sententia omnium ferè Theologorum, & hoc nomine à Concilio Viennensi commendetur, quod ipsam ut probabiliorē elegit, si aliquis contrarium opinaretur, temerariè quidem, non autem hæreticè loqueretur; cum hoc nec à Tridentino, nec ab ullo generali Concilio fuerit unquam definitum.

XVIII. Secundâ, Christi Corpus esse verè, realiter, & substantialiter præsens in Eucharistia sub speciebus panis, & Sanguinem sub speciebus vini, Fides Catholica est, quia id expressè definitum est ab universali Ecclesiâ in Tridentino *sess. 13. can. 1.* Quodd autem species illæ vera, & physica accidentia sint, licet sit sententia omnium ferè Theologorum, approbata in Concilio Colonienfi, & etiam in Constantiensi laudata, de Fide Catholica non est, quia in nullo generali Concilio definita; Verum quidem est, sine notâ, ac censurâ negari non posse. Similiter, quodd Christus in Eucharistia sit sedens, vel stans, longus, latus, sicut erat in Cruce, nedum de fide non est, sed omnino falsum, quia Christus ibi est sacramentaliter, non secundum modum naturalem: esse autem sedentem, vel stantem sunt affectiones, quæ solùm conveniunt corpori, habenti modum existendi naturalem.

XIX. Tertiò, dari, seu existere Purgatorium, animasque ibi detentas fidelium precibus juvari, fidei dogma est, sanctum in Tridentino *sess. 25.* Quodd autem in Purgatorio ignis sit, quodd sit unius, ejusdemque speciei cum nostro, in quo loco sit determinatè, & quanto tempore duraturus, fidei dogma non est, quia nullibi definitum fuit; imò in Concilio Florentino Græci expressè negabant ignem in Purgatorio; & tamen Concilium *sess. ultimâ* definit, Purgatorium esse, nullâ fidei mentione ignis. Porro, quia sententia asserens ignem in Purgatorio, est omnium Theologorum, imò D. Gregorii *lib. 4. Dialogorum cap. 29.*,

& D. Augustini *l. 21. de Civit. Dei c. 26.*, & Scriptura sæpè nomine ignis exprimit Purgatorium, idè opinio negans temeritatis censurâ non caret.

XX. Quartò, bonum, & utile esse, Sanctos cum Christo in Cælo regnantes invocare, de fide est definitum, videlicet in Tridentino *sess. 25.* quodd autem Sancti audiant preces orantium in terris, licet videatur necessariò sequi ex aliquo de fide, nimirum ex eo, quodd bonum sit, Sanctos invocare, attamen formaliter, & expressè de fide non est, quia, Tridentinum licet non ignoraverit, id etiam à Protestantibus negari, adhuc tamen hoc expressè non definit.

Xæc, & alia similia faciliè inferre poterit Theologiæ candidatus, habens semper præ oculis, nihil esse posse immediatè de fide, quodd non fuerit ab Ecclesiâ universali expressè propositum, ut revelatum in Verbo Dei.

XXI. Dico tertiò: si Sedes Apostolica aliquem Scripturæ sensum præhnerit, ille idem Veritas Catholica, verusque Scripturæ sensus censendus est. Fundatur hæc assertio in celebri illa conclusione: Sedem Apostolicam in fidei iudicio labi non posse, quam suo loco statuimus, contra quosdam, etsi Catholicos, perperam contra mutant. Quid enim claves habet Petrus, nisi ut librum clausum aperiat? quid quodd adversus hanc Petram ne poræ quidem Inferi prævalere quæant? quid quodd pro Petro oravit Christus, ne deficeret fides ipsius, quo fratrū vacillantem, nutantemque fidem confirmaret? Porro ad Sedem Apostolicam, Romanam dico, omnium Ecclesiarum Episcopi quovis seculo in fidei causis provocarunt, ab illius ore fideles, fidei semper oracula petiere, illius iudicii Catholici omnes in religionis controversis expectarunt.

Si ergo elarior legis interpret nullus est, quàm perpetuus Ecclesiæ usus, Ecclesiâ verò pro habendo vero, ac legitimo Scripturæ sensu, non ad Antiochenum, Alexandrinum, Constantinopolitanum, aut alium quemcumque Orbis Episcopum, sed ad Romanum Episcopum semper recurrit; qui dubitet, hunc esse, quem fidum Verbi Dei interpretem, & in

& in quæstionibus fidei Judicem, ac Magistrum, post Petrum, Christus reliquit? Certè aut hic est, aut nullus est: idèque, qui Romanum Pontificem in fidei controversiis judicem negant, nullum alium ponunt.

XXII. Neque timendum est, ne Judex iste, dum Judicem universalem se gerit, proponendo universali Ecclesiæ sensum Scripturæ, & aliquid, ut à Deo revelatum, omnes partes agat, quas agere debet, ut certum judicium proferat. Quidquid enim sit de ipso, dum suam privatam opinionem proferat, vel quasi præteriens loquitur, dum tamen constanti judicio, fixoque decreto, ut Judex, Pastor, & Doctor aliquid toti Ecclesiæ tenendum, tanquam revelatum præponit, anathemate feriens, qui contradixerit, ad eum certum est, ipsum nec falli, nec fallere, ut oppositum timere, idem sit, ac de divino Christi promissum formidare. Quemadmodum enim si Christus Petro dixisset: *ego rogavi pro te, ne deficiat caritas tua;* certò certius intelligeretur, diligentiam, curam, vigilias, preces, ceteraque auxilia opportuna Petro impetrasse, quæ sunt ad caritatis conservationem necessaria: ita cum dixit: *ego rogavi pro te, ne deficiat fides tua;* procul dubio intelligimus, id se à Patre suo consecutum, ut, quæ ad rectum judicium de fidei quæstione oportere, ea omnia adesset Petro, sive à Deo immediate, sive per homines habenda essent. Si enim Deus promississet anno sequenti frugum abundantiam, promississet etiam, agricolas semina terræ mandatueros, ut oportet; ergo dum Petro, ejusque Successoribus promissit spiritum veritatis, fidem indefectibilem ad confirmandos fratres, promissit etiam illis, nihil defuturum eorum, quæ ad talem fidem tutò consequendam necessaria sunt. Etenim, si semel hæreticis hanc licentiam permitimus, ut in quæstionibus vocent, num Ecclesiæ Judices eam diligentiam, & curam adhibuerint, quæ opus erat, ut quæstio ad normam Verbi Dei finiretur, quis non videt, omnia hucusque definita, sive à Summis Pontificibus, sive à Conciliis OEcumenicis (idem enim quoad hoc de iis sermo est) labefactari? sed

de hoc latius suo loco.

Hoc unum adverto, me hætenus locutum fuisse de Sede Apostolica, seu de Pontifice, ut Doctor universalis est, & in causa fidei: non vero de Personâ, nec in quæstionibus puri facti, non connexi cum dogmate, nec concernentibus fidem, aut mores. Quare ea, quæ Summi Pontifices, ab aliquo consulti in casibus particularibus, per decretales corpori juris insertas, responderunt, non ob hoc præcisè, ut dogmata fidei habenda sunt, neque ex iis Theologus potest necessarium conficere argumentum. Sed de hoc alibi.

XXIII. Dico quartò. Consentiens, eademque omnium SS. PP., conspirantique sententia circa Scripturam intelligentiam, ipsissima est Fidei Catholice Veritas; quia concursus omnium Patrum intelligentia indivisa est ab intelligentia universalis Ecclesiæ, quam (ut diximus) esse testem indubiam de vero sensu Scripturarum, nemo ambigere potest. Id enim docet Tridentinum *sess. 4.* in decreto de editione, & usu Sac. Lib. Et merito. In his enim, quorum cognitio non pertinet ad populum, Ecclesiæ fides, fides majorum est. Cum igitur verum Scripturæ scrutari sensum, rectamque ex ipsa haurire intelligentiam, non spectet ad plebem, nisi Lutheranorum insaniam seque velimus, Patrum certè nostrorum in libris sacris intelligentia, Ecclesiæ ipsissima intelligentia censeri debet. Si itaque omnes Patres in Sacris Litteris intelligendis errarunt, Ecclesiæ proculdubio erravit: Cumque Ecclesiæ judicium, Christo præcipiente, sequi debeat populus in his maxime, de quibus judicare ad ipsum non spectat, erraret populus, idque Christo præcipiente. Non ergo. Sed sicut ab omnibus Patribus communi, unaque mente sentientibus, Dei Verbum recedere potuisse nefas est credere, ut videlicet omnes aliquam Scripturam præcanonica haberent, quæ canonica non esset; aut è diverso aliquam communi consensu exploderent, quæ canonica esset: ita nec veram intelligentiam Verbi Dei potuisse simul ab omnibus recedere, fas est cogitare. Utrumque enim Ecclesiæ primum est, & spiritus; et verbum;

bum; & si utrumlibet omnibus SS. Doctoribus defecisset, Ecclesiæ pariter defecisset. Quod verò, & verbum, & spiritus intelligentiæ verbi in Ecclesia conjuncta sint, testatur Isaias *ex 59. v. 21.* his verbis: *Spiritus meus, qui est in te, & verba mea, quæ posui in ore tuo, non recedent de ore tuo, & de ore seminis tui amodo usque in sempiternum.* Semen vero Christi Ecclesiam esse, fidelium, negabit nemo: ergo ab Ecclesia, & consequenter à cunctis Sanctis collectivè sumtis, abesse non possunt verbum, & spiritus intelligentiæ verbi.

XXIV. Si tamen non omnes Patres concordēs sint, sed aliqui unum interpretentur, alii reclamant, licet hi pauciores sint, auctoritas priorum non præstat Theologo firmum argumentum, sed solum probabile, nisi majori parti Patrum judicium Ecclesiæ universalis accesserit. Sic auctoritas Patrum asserentium, venientes ab hæreticis, & ab istis baptizatos, non esse rebaptizandos, quæ olim argumentum probabile conficiebat, postquam Ecclesia suo judicio hoc statuit, & oppositum reprobavit, firmum exhibere cepit argumentum.

Auctoritas item Patrum, etiamsi omnium, in eo genere quæstionum, quæ ad fidem minimè pertinent, fidem quidem probabilem facit, sed non certam. Quare Vincentius Lirinensis *comment. 1. num. 28.*, ait: *Sanctorum Patrum consensus, non in omnibus Divina Legit quasi-unculis, sed solum certè præcipit in fidei regula, magno nobis studio, & investiganda est, & sequenda.* Sed de hoc sufficit infra.

XXV. Dico quintò. Illud, ut dogma fidei ex Apostolica traditione descendens habendum est, quando Ecclesiæ usu, & Doctrinâ consecratum; vel Conciliorum, aut Summorum Pontificum auctoritate; vel certè Sanctorum omnium concordia, ac constanti assertione, tale esse declaratur: supponit hæc assertio, dogmata fidei non ex sola Scriptura, sed ex Apostolica traditione petenda, quod suo loco ostendam. Quæ verò Christi, & Apostolorum traditiones sint, non ex alio testimonio, quàm Ecclesiæ peti debet. Hoc autem innoscere aliunde non po-

test, quàm ex Conciliorum, vel Sedis Apostolicæ decretis, ac Sanctorum Doctorum consensu. Cùm ergo neque Ecclesia, neque Concilium generale, neque Sedes Apostolica, neque Sancti omnes possint in fidei judicio falli; certè quodcumque nobis fidei dogma tradiderint, si in Sacris Litteris non habetur, Christo, Apostolicisque tradentibus in Ecclesiam venisse credendum est, & eodem gradu habendum, ac si Scriptura patenter illud traderet, idèquæ ex illo firmum argumentum sumere potest Theologus.

XXVI. Dico sextò: si Scholastici Theologi aliquam conclusionem firmam, stabilemque statuerint, omnesquæ uno ore probant, & perpetuò docuerint, ut certè ex principiis fidei deductam, est illa ut fidei dogma immediatè habenda non sit, mediatè tamen, & quasi Catholica veritas reputabitur. Explico me. Fides Divina, est non immediatè, mediatè tamen versatur circa eas conclusiones, quæ per evidentem, & necessariam consequentiam ex articulis fidei colliguntur; quare necesse est, ut infidelitas mediatè quoque circa conclusiones illas contrarias versetur. Cùm enim fieri non possit, ut universi Scholæ Theologi in certis quibusdam præfinitionibus Theologicis errent, sicut ne in fide quidem, quod eorum error, error esset Ecclesiæ, utpote, quæ ad huiusmodi res discernendas, non alios, quàm Theologorum oculos habeat, qui si fallerent, totum Ecclesiæ corpus in suum traherent errorem: inde fit, ut eorum in rebus fidem consequentibus concors sententia, sententia etiam sit Ecclesiæ, & qui illis refragaretur, repugnaret Ecclesiæ, & si ex ignorantia loqueretur, quia vel illationis vim non perciperet, etiam perspicuum, vel aliquam præmissam naturalem negaret, est non de infidelitate suspectus, de stultitiâ tamen accusandus esset. Qui verò pertinaciam adderet errori, ut infide plurimum claudicans, & ut proxime, & quasi infidelis reputaretur, ut infra. Ecclesia enim, tametsi intelligit, ejusmodi conclusiones non à fide tantum, sed ex principiis quoque naturæ pendere: quia tamen non putat, hominem rationalem, ea, quæ rationi perspicua sunt,

sunt, & manifesta negare; tūc, qui illas negaret, præsumit non in ratione naturali, sed in fide claudicare. Hæc quoad præfens compendio sufficiat prælibasse, suffūs enim pro rei dignitate tractabimus de locis Theologicis agentes.

§. III.

Quid sit Doctrina purè Theologica.

XXVII. Hoc desideratur ad completam hucusque dictorum notitiam, explicare nimirum, quid sit Conclusio verè Theologica.

Dico ergo: Doctrina, seu Conclusio verè Theologica, est veritas ex revelatis à Deo, seu ex duabus, vel saltem ex una præmissa de fide per legitimam consequentiam, & discursum deducta; ut patet in hisce ratiociniis; *Omnis homo habet liberum arbitrium; sed Christus est homo; Ergo Christus habet liberum arbitrium; & in isto: omnis homo est risivus; sed Christus est homo; ergo Christus est risivus.* In quorum utroque conclusio illata est veritas Theologica, & in primo inferitur ex duabus præmissis, quæ sunt ambæ de fide: in secundo autem ex uno principio de fide, & altero naturali, & certo. Dico certo, quia veritas, quæ ex uno principio revelato, & altero naturali solum probabili deducitur, non est propriè, & in rigore Theologica; ut in hoc exemplo: *Omnis hostia ritè consecrata, continet verè, & realiter Sacrum Christi Corpus; sed hæc hostia per illum Sacerdotem offensa, & elevata est ritè consecrata; ergo hæc hostia verè, & realiter continet Christi Corpus:* Ubi conclusio esto procedat ex principio de fide, nempe majori propositione, quia tamen minor propositio est solum probabilis; cum probabile tantum sit, illum Sacerdotem talem hostiam ritè consecrasset, cum non sit certum, nullum defuisse ex requiritis ad validè consecrandum. Cumque aliàs ex regulis dialecticæ conclusio sequi debeat debiliorem partem, idè illa conclusio non est Theologica, neque scientifica, quia non omnimodè certa, sed potius prudentialis, quia certa solum moraliter; sufficiens tamen, ut illam.

Tom. I.

teneamur absolūtè adorare.

XXVIII. Ex hoc inferitur primò, Conclusionem Theologicam deduciam ex duabus præmissis, unà de fide, & alterà naturali, esse minoris certitudinis, quàm sit illa, quæ ex duabus de fide deducitur; majoris tamen, quàm sit quæcumque alia Conclusio non Theologica. Ratio prioris partis est, quia eò conclusio certior est, quò certiora sunt principia, ex quibus fuit, cum ab iis suam certitudinem sumat; sed duo principia, quorum utrumque de fide est, certiora sunt, quàm duo, quorum unum de fide sit, & alterum naturale; ergo &c. Ratio verò secundæ partis est, quia Conclusio Theologica procedens saltem ex una præmissa, quæ sit de fide, est saltem virtualiter, seu in sua causâ, revelata, Conclusio verò non Theologica nullo modo est revelata: sed conclusio virtualiter revelata certior est eâ, quæ nullo modo revelata est; quia principia revelata, quibus nititur illa, certiora sunt principiis naturalibus, quibus nititur illa, utpotesumentia suam certitudinem à Divina Veritate, & veracitate, quæ summa est, & à qua omnis veritas naturalis derivatur; ergo &c.

XXIX. Inferitur secundò, Conclusionem Theologicam non esse tantæ certitudinis, quantæ est propositio de fide. Tum quia propositio de fide est principium, unde Conclusio Theologica sumit suam certitudinem, principium autem (ajunt logici) certius est, quàm conclusio, secundum axioma: *propter quod nunquamque sale, & illud magis.* Tum, & maxime, quia motivum, seu ratio certitudinis in propositione de fide est dictum, seu locutio divina, quæ omni certitudine certior est, cum nil certius sit, quàm esse verum id, quod Deus dixit, qui est prima, & summa veritas, & veracitas, quæ nec falli, nec fallere potest. Certitudo autem Conclusionis Theologicæ fundatur in dependentia, & connexionem cum principiis de fide, ex quibus per legitimam consequentiam deducitur, quæ longè minus certa est, quàm sit certa divina locutio.

XXX. Dices tamen: hæc propositio *Christus habet duas voluntates* est conclusio

E

lio

ho Theologica deducta per hunc discursum: *suppositum habens duas naturas, habet duas voluntates; Christus est suppositum habens duas naturas, divinam, & humanam; ergo Christus habet duas voluntates*; & tamen hæc conclusio est tantæ certitudinis, quantæ propositio de fide, cum sit fide tenenda; ergo conclusio Theologica est tantæ certitudinis &c.

Si dicatur, dictam propositionem habere certitudinem fidei, non quatenus est conclusio Theologica deducta per discursum ex præmissis de fide, sed quia aliunde, & ipsa est propositio de fide definita in VI. Synodo Oecumenica contra Monothelitas, tanquam revelata in Verbo Dei.

XXXI. Contra. Saltem ista propositio *Christus est risus* est conclusio merè Theologica, & nullibi definita ut de fide, & tamen certitudine fidei certa est, ut, qui illam negaret, esset hæreticus.

Respondetur, qui dictam propositionem negaret, non fore hæreticum, quia illam immediate, & præcisè negaret, sed quia negando hanc propositionem *Christus est risus*, præsumeretur negare istam alteram: *Christus est homo*, quæ de fide est, & ex qua naturaliter sequitur illa.

XXXII. Adhuc tamen urgebis. Ista propositio: *Christus mortuus est pro me*, est conclusio Theologica illata ex ista de fide: *Christus mortuus est pro omnibus*; & tamen est certa certitudine fidei, dicente Paulo ad Galat. 2. v. 20. *In fide vivo Filii Dei, qui dilexit me, & tradidit semetipsum pro me*; ergo &c.

Resp. negando maiorem. Hæc enim propositio *Christus mortuus est pro me* non est conclusio merè Theologica, sed articulus Fidei; licet enim videatur inferri ex ista *Christus mortuus est pro omnibus*, iste tamen discursus non est verè illativus, sed solum explicativus; sicut enim ille discursus: *Omnis homo est rationalis; ego sum homo; ergo ego sum rationalis* non est discursus verè illativus, sed solum explicativus, quia significatum hujus propositionis: *Ego sum rationalis* continetur in ista *omnis homo est rationalis*; ita in præfato discursu. Hæc enim

propositio *Christus mortuus est pro me*, continetur quoad suum significatum in ista *Christus mortuus est pro omnibus hominibus*. Quare, qui ei assentitur, non assentitur ratione connexionis cum ista revelata; sed quia putat, Deum revelando Christum mortuum esse pro omnibus; revelasse etiam esse mortuum pro singulis hominibus, & consequenter etiam pro se.

XXXIII. Ex dictis liquidè apparet, quid sit quæstio, & conclusio verè Theologica (pro eodem enim accipio quæstionem, & conclusionem). Dum per interrogationem electa in controversia ponitur, quæstio est, dum per argumentationem colligitur, & resolvitur, conclusio non omnes enim quæstiones, quæ à Theologis hodie agitantur in scholis, Theologicæ sunt. Inutiles illæ, & ab humano, ac luxurianti ingenio excogitatæ, quæque à Theologicis principiis alienæ sunt, neque ullam cum illis connexionem habent, etsi plerumque impleant Theologorum scripta, & in disputationibus principum locum obtineant, ad Theologiam minimè spectant; quæ cum Dei Doctrina sit, & ex dictis à Deo procedat, solidas, aptas, utiles quæstiones, ut suas admittit; ineptas, vanasque, & inutiles rejicit ut extraneas. *Ego sum Deus tuus* (inquit Isaïas c. 48. v. 17.) docens te utilia. Theologia ergo inutilia non colligit: quin super fidei fundamentum, quod ab Apostolis positum est, aurum, argentum, lapides pretiosos superædificat 1. Cor. 3. v. 12. Unde qui ligna, scænum, & stipulam coæcervant, non ex Theologia, sed ex luxuriante ingenio faciunt.

XXXIV. Neque tamen solas eas quæstiones ad Theologiam spectare puto, quæ ex principiis revelatis immediate resolvuntur. Aliæ enim sunt quasi Theologiæ appendices, quæ explicandi gratiâ illas, quæ verè, & propriè Theologicæ sunt, appositæ, & graviter adiunguntur, quæ jure quodam, vel similitudinis, vel propinquitatis, vel etiam ordinis, Theologicæ non absurdè vocari possunt; sive quia inventæ sunt ad explicanda, & quodammodo suadenda Theologiæ principia, contra ea negantes, vel revocantes in dubium;

dubium; five; quia aptæ sunt ad clariùs intelligendas Theologicas veritates. Quæ res D. Thomam, cæterisque Theologis adduxit, ut in quæstionibus Theologicis quarant de existentia Dei, aliisque, quæ potius deberent supponi; & ne unum. quidem principium in Theologia addit, quod in quæstionem Theologi non verterint, ut si à quopiam fuerit negatum, qui fortè alia principia concesserit, parati sint ex his, quæ concesserit hominem evincere. Hoc enim scientiæ supremæ privilegium est, sua principia, necdum supponere, sed, si oportuerit, probare, explicare, tueri. Quod idem circa conclusiones inde deductas multò magis præstare illi conceditur, si utile, ac expediens judicaverit: de quo monitum velim Theologicæ candidatum, ut utilia ab inutilibus possit discernere.

XXXV. Quæstionum ergo Theologicarum, ex Cano lib. 11. cap. 5. de locorum usu; duo sunt genera; alterum cognitionis, serviens nimirum contemplationi; alterum actionis concernens eam, quæ agenda sunt. Primi generis sunt illæ, quarum finis est cognitio, & scientia, ut si quæritur: an Pater, & Filius sint unum principium Spiritus Sancti, vel duo. Num Divinæ Personæ distinguantur absolutis, an reclusis. Secundi generis sunt, quarum finis est actio, & salus hominis, ut: an Pœnitentia sit ad salutem necessaria ut medium, an ut præceptum. An Sacramenta novæ Legis gratiam conferant, & virtutes. Quæstiones, ad cognitionem spectantes, sunt quadruplicis generis, ut cum de Deo, vel Angelo, aut anima rationali quæritur, an sit, quid sit, qualis sit, au cur sit. Quæstionum verò actiones concernentium duo sunt genera; unum ad salutem necessarium, alterum utile tantum. Prioris generis sunt; an si honor Christi periclitetur, aut salus etiam spiritualis proximi, homo Christianus teneatur vitam prodigere; an detur præceptum de Baptismo subundo. Posterioris verò generis, cum quæritur: an a qua lustralis diluit peccata venialia, tollatque pœnas temporales vi suâ, vel (ut ajunt) ex opere operato; an solum ex opere operantis, ejusque merito. Num Ecclesiæ Sa-

cramentum ex attrito faciat contritum; & an recedente fisione, suum effectum conferat, sicut Baptismus, & Pœnitentia. Quarum quæstionum plena est D. Thomæ summa. Theologus enim non semper de necessariis differit, sed quandoque etiam de his, sine quibus salus, religioque constat.

XXXVI. Quæstiones insuper Theologicæ, five ad cognitionem, five ad actionem spectantes, aliæ naturales sunt, quarum cur ita sint, naturalis ratio reddi potest. Aliæ supernaturales, quæ ex supernaturalibus tantum principiis definiuntur. Aliæ mediæ, quæ partim ex supernaturali, partim ex naturali principio pendent. Primi generis est quæstio: num Deus sit ubique; num immutabilis: num animus hominis immortalis sit: quorum probationes ex Sacris Litteris esse petere liceat, quâ ratione ad fidem utique pertinent, sunt tamen, etiam lumine naturæ claræ, & evidentes; idèque fidei quæstiones per se non sunt, sed fidei quali appendices. Secundi generis est hæc: an omnes mortui simus: quam Paulus hac argumentatione definit: Si pro omnibus Christus mortuus est, omnes mortui sunt, at pro omnibus mortuus est Christus; ergo omnes mortui sunt. Item ista: an omnes resurgemus. Quam Apostolus terminat sic: Christus resurrexit: ergo & nos resurgemus. Terti generis ista est: Num Christus sit risurus: num habeat duas voluntates, duos intellectus, quæ ex principio naturali, & supernaturali finiuntur, ut supra dictum est.

XXXVII. Aliæ etiam Theologicæ quæstionis cujuscumque generis divisio addi potest. Aliquæ enim sunt, pro quarum veritate Theologus etiam cum capitis discrimine stare debet, quia sunt veritates ad fidem spectantes, sicut istæ: An Christi anima simulatque verbo conjuncta fuit, Deum clarè viderit; & an in aliquo ex locis inferis Purgatorium sit, ubi fidelium anima peccatorum penas lunt. Aliæ verò, quæ in utranque partem, & ignorari, & negari sine fidei jacturâ possunt; Quarum plura exempla profert S. August. lib. 2. de peccato origin. contr. Pelag. cap. 23., & alibi sæ-

pè, ut: *Cum quaritur qualis, vel ubi sit Paradisus: ubi constituit Deus hominem quem formavit ex pulvere, cum tamen illum esse Paradisum fides Christiana non dubitet. Vel cum quaritur, ubi sit nunc Elias, vel Henoch, an ibi, an alibi alibi, vel cum quaritur, utrum in corpore an extra corpus in tertium Cælum sit rapitur Apostolus, an viderit clarè Deum, & similia, quæ in utramque partem salvâ fide resolvi possunt.*

XXXVIII. Officium itaque Theologi erit sæpè dispicere, quam quætionem sit versaturus, & identidem se interrogare, cujus generis illa sit, & maxime, an præter fidem illa sit, an potius ad fidem, religionemque pertineat, ut quæ ad fidem minimè necessaria est, sobriè, ac sine animi contentione pertractet, totiusque incumbat illi stabiliendæ, quâ Fides, & Religio juvari possit. Hoc faciet, si nomen Theologiæ secum ipse reputet, titulumque suum, hoc est Theologi, frequenter legat, sciaturque, nullam sibi quætionem adfiscendam, nisi quæ ad veram, quæ supra naturam est, Christi, Apostolorum, & Prophetarum, Philosophiam referatur. Huius considerationis immemores quidam, innumeris in quætionibus, præsertim Dialecticis, Physicis, Metaphysicis explicandis, importunissimi, longissimi sunt; in quætionibus verò Theologiæ propriis adeo frigidî, & parci, ut vix eas attingant; Hoc dico, non quia quæstiones illas omnino à Theologis exterminandas putem. Isti enim animorum, ingeniorumque exercitatio non modò acuminis plena, sed etiam ad Theologiam scholæ valde utilis, sed ne in his tractandis, quasi sibi finem constituat. Sic S. Augustinus lib. 2. de Genesi ad litteram cap. 9. & 10. varias quæstiones, in quibus Manichæi immorabantur, quasi præteriens, solvit, quia illis incunâs, atque tractandis, neque Episcopo temporis satis erat, neque illis, quos ad salutem, & Sanctæ Ecclesiæ necessariam utilitatem, cupiebat informari; hoc scilicet reprehendens illos, qui in iis excitandis, atque solvendis, longa, & rebus salubribus impendenda, temporum spatia occupant. Hoc ego ex-

emplo munitus, in iis quætionibus, quæ vel Theologiæ verè sunt, vel ad eas explicandas conferunt, totus ero, alias in scholis tractari solitas, stridè, & quasi præteriens tangam. Nec enim iis contentio, qui scholæ perpetuum invidium constantes, spargunt, controversias circa Aristotelem exortas, esse disquisitione Theologi prorsus indignas, cum, si quæ in Cicerone erant ambigua, ea non sit designatus explicare S. August. lib. 2. de ordine cap. 16.

DUBIUM V.

De variis errorum gradibus.

§. I.

Quadam præmittuntur.

I. **P**ost completum scrutinium de veritatibus fidei, vel quæ fidem, quomodo libet tangunt, ad eandemque reducuntur, instruendus est Theologiæ candidatus, de erroribus illis oppositis. Sed quoniam errores eorum, qui de fidei veritatibus pravè senserunt, non in eodem gradu esse accepimus à Concilio Constantiensi sess. 8. hos omnes errorum gradus paucis exponere dignum erit. Et sanè sicut læsiones corporum, aliæ sunt mortales, quæ immediatè auferunt vitam, aliæ verò, quæ licet non auferant vitam, homo tamen per eas male se habet, & disponitur ad corruptionem, vel in toto, vel in parte: sic errores, & propositiones lædentes fidem, aliæ sunt, quæ immediatè illam destrunt, & sunt illæ, quæ manifestam continent hæresim, aut infidelitatem, aliæ verò, quæ licet illam immediatè non destruant, ad fidei corruptionem tamen disponunt.

11. In discernendis autem erroribus, & propositionibus fidei quomodocumque nocivis, & earum gradibus, censuræ Ecclesiæ standum est. Non minus enim infallibilis debet esse Ecclesiæ in rejicienda doctrina non tam, & fidei Catholicæ quomodocumque nocivâ, quàm in admittendâ doctrinâ sanâ, & fidei consonâ; sed propter primum ad discernendum,

an.

an aliquid sit à Deo revelatum, vel Divinæ Fidei consonum, recurrendum est ad Judicium Ecclesiæ, ut dubio præcedente statuiamus; ergo ob secundum ad rejciendum aliquid, ut contrarium revelatis à Deo, & Fidei Catholicæ nocivum, expectandum est iudicium, & censura Ecclesiæ. Sic ut, quemadmodum non est tenendum, aliquid esse revelatum, & de fide, donec Ecclesia, ut tale illud proposuerit, ita neque tenendum erit, aliquid esse contrarium fidei, donec Ecclesia suâ censurâ illud non notaverit. Censura enim est nota, quâ Ecclesia præhabito riguroso examine, inurit aliquas propositiones non continentes doctrinam sanam circa materiam fidei, seu fidem Catholicam aliquomodo ledentes.

III. Quod si dixeris, doctrinam aliquam esse nocivam fidei ex hoc solo, quod sit contraria Verbo Dei: ergo ex hoc præcisè absque ullo respectu ad Ecclesiæ iudicium, aut criterium nociva fidei censenda erit.

Nego consequentiam: esto enim ex solâ oppositione cum Verbo Dei doctrinâ, aliqua evadat fidei nociva, ut tamen à nobis tanquàm talis habeatur certò, ad Ecclesiam respicere debemus. Vel enim contrariatur veritati clarè revelatæ, ut sunt veritates ad salutem prorsus necessariæ, & sic doctrinam illis contrariam tuò dignoscimus per Ecclesiæ constantem, ac perpetuam confessionem. Vel non adeò clarè conitat, eam esse à Deo revelatam, nec de traditione satis compertum est: idè ad hoc certò dignoscendum, ad Ecclesiæ iudicium, & criterium Catholicis confugere debet, & ex hoc doctrinam contrariam dicere. Hinc Sanctus Augustinus lib. 2. *contr. Cresconium cap. 32.* aperte profitetur, se non recipere doctrinam Cypriani de baptizandis Hæreticis, & Schismaticis, quia hoc non recipitur ab Ecclesia. *Non accipio* (inquit) *quod de baptizandis Hæreticis, & Schismaticis B. Cyprianus sensit, quia hæc Ecclesia non accipit, pro qua B. Cyprianus sanguinem suum fudit.* Et eadem ratione ab erroris labe Cyprianum excusat, quia ejus doctrina ab Ecclesiâ nondum fuerat judicata lib. 2. *de baptis-*

mo contr. donst. c. 4.

Huic iudicio omnes viri Catholici se, suæque doctrinæ subiciunt, parati semper, in omnibus corrigi ad limam Catholicæ Ecclesiæ, quibus faciem præfert exemplo suo D. Hieron. *epistol. 14. alias 57. ad Damasum*, qui cùm ab Episcopo Arianorum, & aliis multum ageretur, nec sciret, an Catholicè admittere posset tres hypostasies in Deo, ad Cathedram Apostolicam confugit. *Idè*, inquit, *mibi Cathedram Petri, & fidem Apostolicam ore laudatam censui consulendam.* Inde laudatâ fide Romanâ, dicit: *Ego nullum primum, nisi Christum sequens, Beatitudinî tuæ, idè Cathedra Petri communionem conficiat;* Deinde rogat Damasum, ut decernat, an debeat fateri tres hypostasies: *Decernite, obsecro, si placet, non timbo, tres Hypostasies dicere.* Hinc etiam fit, ut licet aliqui SS. PP., vel etiam Doctores aliqua scripserint, quæ hisce temporibus contraria fidei judicantur, non censentur tunc, vel censendi modò sunt hæretici, quia eo tempore nondum ab Ecclesiâ declaratum erat, eorum doctrinam esse. Verbo Dei oppositam, habebantque insuper animum paratum retractandi eam, si fortè Ecclesiæ iudicio non foret comprobata, quare Cyprianum excusat D. Aug. *sup. laudatus.*

IV. Septem ergo gradus propositionum, seu doctrinarum censurabilium recensentur in Conc. Constantinensi *sess. 8.*, ubi examinatis articulis Wiclem, Sanctur, plures ex illis esse notorè hæreticos, & à pluribus SS. PP. reprobatos, alios non Catholicos, sed erroneos, alios scandalosos, & blasphemos, quosdam piarum aurium offensivos, nonnullos autem temerarios, & seductivos. Octava censuræ species colligitur ex Bullâ S. Pii V. contra Bajum, in quâ prælati addunt propositio suspecta: & in *cap. accusatus in 6.* adjungitur nona, nempe *sapientia hæresim*. Relatis censuris nonnulli addunt subsequentes, nempe *proximas hæresis, suspectas de hæresi, malè sonantes, simplicium seductivas, schismaticas, injurias, judaicas, paganas, & alieas.* Has ergo omnes pro vinctis excutimus.

§. I. I.

De propositione, seu doctrina
hæretica.

V. Dico. Propositio, seu doctrina, hæretica illa est, quæ immediatè adversatur, aut expressè Dei Verbo, aut expressæ definitioni Ecclesiæ. Dicitur adversari Dei Verbo, quia Dei Verbum, sive scriptum, sive traditum sunt duo fontes, ex quibus hauriuntur omnes articuli fidei. Dicitur etiam adversari verbo Dei immediatè ad differentiam propositionis erroneæ, quæ (ut dicemus) adversatur Dei Verbo solum mediatè, quia adversatur propositioni deductæ ex Dei Verbo: Dicitur adversari Verbo Dei expressè, hoc est veritati, quæ in Verbo Dei expressè continetur, ut sunt Christi mors, sepultura, resurrectio &c. Hinc patet; hanc propositionem, quæ inter quinque Jansenianas damnata legitur num. 2. ab Innocentio X. *Interiori gratia in statu naturæ lapsæ nunquam resistitur*, meritò tanquam hæreticam fuisse proscriptam, quia contradictoriè immediatè opponitur huic expresso Dei Verbo *Alt. 7. v. 51. Vos semper Spiritui Sancto resistitis*. Sicut & hanc aliam ab Alexandro VIII. damnatam: *homo non tenetur amare Deum neque in principio, neque in decursu vitæ suæ mortalis*. Contradictoriè etenim adversatur huic expresso Dei, & Christi mandato *Deuteronom. 6. 5., & Matth. 22. v. 37. Diliges Dominum Deum tuum ex toto corde tuo*.

VI. Dicitur insuper, aut expressæ definitioni Ecclesiæ: siquidem propositio, quæ implicitè tantum continetur in Dei Verbo, postquam Ecclesiæ declaravit, eam reverà in illo contineri, Fide Divinâ expressè credi debet ab iis, quibus sufficienter innotuit latum ab Ecclesiæ judicium. Propter hanc rationem doctrina de rebaptizandis baptizatis ab hæreticis cum debita forma, & intentione, sicut & doctrina de celebrando Paschate quartadecima lunâ Martii, quâcumque diè incidere; cetero olim non foret doctrina

hæretica, quia nondum expresso Ecclesiæ judicio constabat, oppositam doctrinam implicitè contineri in Verbo Dei, sive scripto, sive tradito, postquam Ecclesiæ hac de re in plenariis Conciliis suum tulit sententiam, utraque doctrina habenda est, ut hæretica.

VII. Sic ergo explicata conclusio, hoc discursu probatur. Ea propositio, aut doctrina rectè dicitur hæretica, quæ immediatè contradictoriè opponitur doctrinæ, & propositioni Catholicæ: ideo enim hæc propositio, *Christus non est Deus*, hæretica est, quia directè contradicit huic alteri, quæ est Catholica, *Christus est Deus*, seu *Filius naturalis Dei consubstantialis Patri*: sed propositio, quæ adversatur, aut expressè Dei Verbo, aut expressæ definitioni Ecclesiæ, est contradictoria propositioni Catholicæ; hæc enim definitur, quod sit ea, quæ expressè in Dei Verbo continetur, aut si tantum implicitè, ab Ecclesiâ declarata, fuit reverà in Verbo Dei contineri; ergo &c.

Ut autem aliqua propositio possit hæreticè censurâ notari, debet esse, vel in materia juris ad fidem, sive mores pertinens, vel in materia, quæ in Dei Verbo, aut scripto, aut tradito continetur, aut in materia facti connexi cum Jure. Aliæ enim quæstiones puri facti, quæ in Dei Verbo nec explicitè nec implicitè continentur, etsi accesserit Ecclesiæ judicium, materiam fidei non constituunt; idèque doctrina contraria non esset habenda, ut hæretica, quia non contradiceret Ecclesiæ judicio infallibili regulato à Dei Verbo, sed humanâ informatione. Sic qui diceret, sextam Synodum malè damnavisse, & inter hæreticos Monothelitas rejecisse Honorium Papam, non esset hæreticus, quia licet judicio Ecclesiæ sese opponeret, non tamen in eo, in quo regitur à Verbo Dei, sed tantum ex humanâ fallibili informatione. Ita Cardinalis Turrecremata *lib. 2. de Ecclesiâ cap. 93.*, & Bellarminus *lib. 4. de Rom. Pont. c. 11.*

VIII. Observat tamen Mag. Cano *lib. 12. de lictis Theol. cap. 7.* non semper doctrinam, vel propositionem hæreticam certò indicare, in eo, qui eam profer,

vel

vel scribit, hæresim esse. Sicut enim (inquit ille) urina est improprie sana, quia signum est sanitatis, etiam si fallax aliquando sit, sic propositio, vel in voce, vel in scripto vocatur hæretica, quod signum hæresis esse solet, quamvis internum is, qui dixerit, ab hæresi excusetur, quia ignorans fuit. Potest ergo propositio aliqua hæretica esse solum ex genere, & ex objecto, non autem ex subiecto, sicut concubitus primus Jacob cum Lia, quæ non erat sua, dici potest fornicatus ex specie, & ex objecto, qui tamen ex subiecto, idest ex parte Jacob, qui concubuit cum Lia, credens invincibiliter esse suam, fornicarius non fuit. Sic doctrina aliqua ex objecto, & materialiter dici potest hæretica, quin formaliter, & ex subiecto hæresis sit, si eam proferens erret, putans esse doctrinam Catholicam. Neque enim ex eo, quod contradicat fidei statim hæresis est, sicut nec omnis color, qui contrariatur albo, statim niger est. Sic igitur fieri potest, ut in Christiano, error aliquis sit fidei aliquo modo adversus, quin adhuc formaliter hæresis sit, ut patet in allato exemplo de colore albo, cui rubens, glaucus, viridis contrarii sunt, imperfecti tamen. Et eadem proportionali ratione quidam etiam sunt Christianorum errores, qui cum inchoati sint, & informes, hæreseos speciem nondum attingunt, licet ad eam ipsam proximè accedant. Ut ergo doctrina aliqua formaliter, & subiectivè hæresis sit, debet errori circa fidem habere adjunctam pertinacem electionem, & adhesionem errori contra ipsam, ita ut qui illam tenet sciens, & volens eam teneat, quamvis se à Catholico Grege noverit separari. Quod si ignorans, adhuc culpabiliter, in eo errore versetur, peccabit quidem, sed non peccato hæresis.



§. III.

De propositione erronea, & errori proxima.

VIII. QUantum ad propositionem erroneam. Noto, propositionem erroneam in sui latissima significatione idem esse, ac propositionem falsam, quia error dicitur ex eo, quod à scopo veritatis aberret. Propositio verò erronea Theologicè dicitur omnis propositio à fidei veritate devians: quo sensu etiam propositio hæretica erronea dici potest. At strictius loquendo error Theologicè est quid inferius ad hæresim, hæresi tamen proximum. Quare propositio erronea in stricta acceptione illa est, quæ equidem fidem immediatè non destruit, ad eam tamen destructionem proximè disponit.

IX. Hoc supposito. Omnis opinio-num varietate, Dico, Propositionem erroneam in fide esse illam, quæ opponitur veritati, seu doctrinæ, quam unanimes SS. Patrum, ac Doctorum consensus judicat esse revelatam, sed nondum per Ecclesiam definita est: vel illam, quæ opponitur doctrinæ, per quam quidem per Ecclesiam definitur, at formaliter, & expressè revelatur, communiter tamen à Doctoribus per aliter necessariò illatæ ex revelatis. Quare conclusio Theologica communiter dicitur virtualiter revelata, quia ita proximè accedit ad fidem, ut nihil ei desit, quod de fide sit, nisi expressa Ecclesiæ definitio. Unde fit, quod propositio erronea, & hæresis proxima coincident. Sit exemplum: usque modò Ecclesia non definit, quod in hac propositione *Christus est homo* includatur ista *Christus est risurus*. Ex communi tamen Theologorum sensu habetur, quod ista *Christus est risurus* contineatur in ista *Christus est homo*, quia scriptura innuit, Christum esse hominem perfectum habentem hominis proprietates, scilicet quarto modo proprias hominis, sicut est risivitas. Qui ergo negaret, Christum esse risivum, non esset quidem hæreticus, quia non negaret veritatem expressè contentam in scriptura, vel definitam ab Ec-

ab Ecclesia; esset tamen erroneus, & hæreticus proximus. Sic opinio Cypriani de invaliditate Baptismi collati ab hæreticis; opinio Sergii de una tantum in Christo operatione, potuit dici erronea, antequam Ecclesia definiret, oppositum contineri in Verbo Dei, nunc autem postquam Ecclesia definivit, non amplius erronea tantum, sed hæretica censenda est.

X. Conclusio sic explicata probatur. Nam per hoc propositio erronea differt ab hæretica, quia ista negat veritatem, aut expressè revelatam, aut implicite solum, sed addit Ecclesiæ Catholicæ definitionem. Differt quoque à cæteris propositionibus censurabilibus, ut infra dicitur.

Porrò immerito ab Juenin. *Instit. Theolog. Prolegomen. differt. 5. de prop. censur. qu. 2.* reprehenditur Melchior Canus, quod propositionem erroneam unicè dixerit esse eam, quæ adversatur quicquid alicui veritati Catholicæ, seu quam universa tenet Ecclesia, sed tamen quæ fides non evertitur, licet aliqua ei labestratur. Nam laudatus Canus in tres gradus distinguit propositiones erroneas. In prim. ponit illam (de qua Juenin.) quæ scilicet fides quantitur, sed non evertitur. Distinguit enim veritates Catholicas, seu quas universa tenet Ecclesia, in eas, quibus sublati hæc tollitur, & eas, quibus sublatis hæc laeditur, sed non perit, ut sunt istæ: *hectales orationes applicata uni personæ*; *Praetor, seu Religiosus, magis presunt, quam generales*. *Religiosi non tenentur labore manuum victum querere, sed licet eo esse mendicos*; quibus si quis contradicat, erroneus quidem erit, hæreticusque proximus, sed nondum hæreticus. In secundo autem gradu ponit illam, quæ contradicere quidem veritati, quæ sapientium quidem opinione constanti, fidei veritas est, sed nondum ut talis ab Ecclesia definita, nec certo argumento demonstrata. In tertio verò gradu eam ponit, quæ certæ veritati Catholicæ adversatur, non manifestè quidem, sed sapientum omnium longè probabili, ac ferè necessaria sententia; concluditque: *Quicumque ergo vel doctrinam fidei appendicem liquandè evertit*

ut: vel fidem ipsam in discrimen adducit vehementer, ille sancti in Christiana disciplina errat, atque aded ejus diffinitio appellatur erronea. Canus ergo non solum resolutioni non refragatur, sed eam extendit.

XI. Propositio errori proxima est illa, quæ opponitur ei, quam plures, sed non omnes Theologi censent esse Conclusionem Theologicam. Sic propositio negans, facta consecratione manere vera accidentia panis, & vini, videtur errori proxima, quia opponitur huic: In Sacramento Altaris facta consecratione manent vera accidentia, quam plures, imò Theologorum sanior pars, censet, esse conclusionem Theologicam illatam ex definitionibus de fide Conciliorum, Constantinensis, & Tridentini.

S. I V.

Alia species propositionum censurabilium.

XII. **P**ropositio sapiens hæresim [quæ non in alio videtur deesse à propositione hæresis suspecta, nisi quod illa cum majori, ista cum non aded magna, multà tamen probabilitate judicatur hæretica] illa est, quæ saporem, & suspicionem hæresis ingerit; Vel quia in se ad hæresim videtur accedere, vel hæresim redolere. Vel quia licet in aliquo sensu tolerari posset, tamen ex circumstantia personæ, loci, & temporis adjunctam habet gravem, vel gravissimam suspicionem, aut saporem hæresis. Sit exemplum in hac propositione, *Christus est creatura*, quæ in se ad hæresim Nestorianam accedere videtur: nam cum *ly Christus* supponat pro Persona, videtur asserere, Personam Christi esse creaturam: & licet prolata à Catholico tolerari possit, quia videtur intelligi, quod sit creatura quantum ad humanam naturam; prolata tamen ab hæretico Ariano, vel Nestoriano, maximam suspicionem, & saporem hæreseos facit, nimirum, ne intelligatur, quod Christus etiam quantum ad suppositum sit creatura. Sic etiam ista fides iustificat, quæ in ore D. Pauli Catholica est, in ore autem Lutheri,

theri, qui vult, solam fidem iustificare, hæresis suspicionem facit. Quo in sensu damnatae sunt plures propositiones à Jansenistis prolatae, quæ licet in Sacra Scriptura iisdem ferè terminis legantur, & in D. Augustino, in ore tamen Jansenistarum sensum hæreticum præferunt.

XIII. Propositio sapiens errorem, seu de errore suspecta, ea similiter est, quæ ex circumstantia Personæ, loci, & temporis gravem suspensionem, apparentiam, & saporem erroris ingerit; vel ut alii explicat, ea est, quæ cum erroneâ similitudinem habet aliquam: sicut, si quis propositionem aliquam assereret, quâ assertâ videretur asserere istam: *Christus non est risus*: sive negaret aliquam, quâ negatâ, videretur negare istam conclusionem Theologicam: *Christus est risus*.

XIV. Propositio temeraria dicitur illa, quæ sine fundamento in scriptura, Patribus, Doctoribus, & traditione, imò contra sensum istorum, in materia fidei, aut morum aliquid enunciat. Pro cuius explicatione adverto ex D. Thoma 2. 2. *quæst. 53. art. 3. ad 2.* aliquid fieri temerè, dupliciter posse contingere; uno modo ex impetu voluntatis, vel passionis, & sic potius dicitur precipitatio. Alio modo ex contemptu regulæ dirigentis; Et hoc propriè importat temeritas, unde videtur ex ea radice superbia provenire, quæ refugit subesse regulâ alienâ. Cum ergo aliquis absque gravi fundamento resistit ab eo, quod in Theologia communiter docent Theologi, hoc non potest oriri ex alio principio, nisi quia nimis amans iudicium proprium, non vult acquiescere majorum sententis, & idè temeritatis notam incurrit; Sicut si quis negaret, B. V. fuisse assumptam in Cælum, etiam quoad corpus; vel negaret historias piâs ab Ecclesia receptas, & propositas. Quo morbo recentiores non pauci, criticæ intemperantis studiosi, laborare videntur. Similes sunt etiam Theologi morales, qui absque ullo fundamento in Scriptura, Patribus, ac traditione solis levissimis ratiunculis moti, varias propositiones, tum circa cultum Deo debitum, tum circa caritatem erga proximum, circa homicidium, & fur-

tum, aliaque ediderunt; quas Alexander VII., & Innocentius XI. meritis confixerunt.

XV. Quæres, an omnis propositio temeraria sit hæretica, aut erronea, & an omnis hæretica, & erronea sit temeraria?

Respondeo ad primum, negativè. Quia multæ propositiones temerariæ sunt respicientes facta, quæ post Apostolorum tempora contigerunt; vel si eorum temporibus evenire, non continentur in Verbo Dei, nec immediatè, nec mediatè, nec de illis ulla est Ecclesiæ Catholicæ definitio, & per consequens non sunt hæreticæ, neque erroneæ, quia hæreticæ, tales dicuntur, quia immediatè opponuntur Verbo Dei, erroneæ verò, mediatè.

XVI. Ad secundam verò respondeo, omnem quidem propositionem hæreticam esse temerariam. Quæ enim major temeritas, quàm expresso Verbo Dei, aut Ecclesiæ iudicio nolle se subicere? Non tamen omnem propositionem erroneam esse temerariam: multæ namque propositiones erroneæ defensæ fuerunt à Viris doctissimis, qui eis adherebant, gravi, ut eis videbatur, nisi fundamento; ideoque temeritatis notâ inneri non debebant, maxime, quia ea in re, Ecclesiâ nihil adhuc fuerat locuta. Sic temeritatis notam effugit Cyprianus, etsi propositionem erroneam de rebaptizandis hæreticis suslineret. Neque hæc notâ confingendus erat Joannes 22., si (ut aliqui volunt) erroneæ defensus, animas Iustorum antè universalem resurrectionem Deum clarè non visuras; ipsi enim non deerant (saltem apparenter) gravia fundamenta.

XVII. Propositio scandalosa ea est, quæ per se occasionem præbet ruine spiritualis proximo, vel inclinando eum ad peccata, vel avertendo ab exercitiis virtutum. Scandalum enim (apud grammaticos) est offendiculum, quod positum ante pedes alicujus causa est, ut cadat. Ut autem propositio sit scandalosa, satis est, ut per se nata sit parere ruinam spirituales proximi, licet per accidens, nempe ex partè subiecti, eam non pariat. Insuper propositio scandalosa, ut

distinguitur ab aliis, debet esse talis, ut in ea nec hæresis, neque falsum dogma notari possit; aliàs confunderetur cum propositione hæretica, vel erronea. Ut si quis diceret, multa fecit incommoda ex jejuniis Ecclesiasticis, ex votis, ex peregrinationibus, ex confessione auriculari, quibus homines arceri possunt ab exercitio talium operum: vel si diceret: Sanctos mysticos exclusisse à statu animarum unitarum exercitia virtutum, ut impie asserbat Michael de Molinos.

XVIII. Propositio piarum offensiva dicitur ea, quæ aliquid absonum, & subiecto, de quo loquitur, indignum, enunciat, quo audientes offenduntur. Dicitur offensiva aurium, non propter sensum, quem contiort, sed propter modum, quo sensum exprimit. Dicitur offensiva aurium, non quarumcumque, sed piarum, quod enim offendantur, sicut olim Pharisei offendeantur de Christi doctrina, & modo loquendi, non est curandum. Insuper, an propositio aliqua sit piarum aurium offensiva, non est pensandum ab hominibus, piis quidem, sed indoctis, qui sæpe ex imperitia, vel stolidi pietate offenduntur ex propositione suapte naturâ non offensivâ. Neque enim in serendo iudicio de aliqua propositione, consuli debet promiscuum vulgus, ut bene notat Mag. Canus lib. 11. *laudato cap. 11.* sed ii, qui pietati doctrinam junxerunt. Si enim turba nobis lex esset, Evangelii verba fuissent piarum aurium offensiva; Turbæ enim aliquando Christi verbis turbatæ sunt, imò etiam discipulis durus erat illius sermo. Multaque alia (prosequitur Canus) offensiva dici deberent, quæ non sunt, si plebis iudicium audiendum esset. Debet insuper propositio offensiva piarum aurium continere aliquid absonum, & indecorum subiecto, de quo est, qualis esset ea, quæ indecorè de Deo, aut Sanctis (licet non falsò) enunciaret. Sicut si de partu Virginis loquens, aliqua indecora misceret, vel actiones humanas Christi, aut partes, & membra corporis ejus turpibus explicaret vocibus.

XIX. Malè sonans propositio, licet à Mat. Cano loco citato conjungatur cum offensiva piarum aurium, ab aliis tamen

ab ea fecernitur, & dicitur illa, quæ incongruè, & inordinatè Theologicè loquitur; itaut licet verum sensum habeat, Theologicè tamen malè sonet. Quare si quis diceret, in Deo sunt tres essentie relativæ, sensus Catholicus esset, sed Theologicè loqueretur incongruè, & inordinatè, quia uteretur nomine *essentia*, ad significandum relativum, quo Divinæ Personæ distinguuntur, contra bonam Theologiam, eo utentem solum ad significandum absolutum, & naturam, in qua sunt unum.

Propositio malè sonans ab Juenin, & aliis sic explicatur, quòd sit illa, quæ duos habet sensus, unum congruum fidei, alterum incongruum? itaut ab audientibus sæpe in malam partem, seu in sensum fidei incongruum trahatur. Sic hæc propositio, *Christus est minor Patre* absolute prolata, licet Catholicè sensum faciat, esse minorem Patre quantum ad humanitatem, juxta dictum Christi: *Pater major me est*; quia tamen alium sensum facit, quòd Christus absolute, & quantum ad suppositum sit minor Patre, idèò absolute prolata malè sonans dici potest.

XX. Simplicium seductiva illa est, quæ sub specie pietatis, v. l. prætextu boni erroris tegens, apta est simplicium mentes seducere; hujus generis fuerunt plures, quibus Michael de Molinos, ejusque discipuli, simplices seducebant. Quo etiam pacto Ariani Catholicos simplices in Concilio Ariminensi decipere tentarunt. Ut enim eos inducerent ad subscribendum sub spe futuræ pacis, formulæ, quam ipsi subdole ediderant, dixerunt, Filium Dei esse: *homiuson* Patri. Quare Catholici simplices, putantes, vocem *homiuson* eandem esse, ac illam *homouson*, hoc est *ejusdem substantia*, seu *consubstantialem*, & non Creaturam, plures subscribere. Sed se deceptos agnovērunt, dum noverunt, hæc voce *homiuson* Filium non *ejusdem*, sed *similem* tantum *substantia* cum Patre, & verè creaturam, Arianos intellexisse, & consequenter non Catholicum, sed Hæreticum sensum fallaciter obtulisse.

XXI. Schismatica ea est, quæ aperte viam divisioni, & scissioni corporis my-

stici

fici Ecclesiæ, seu quæ fideles ab unitate Ecclesiæ retrahit, vel ab obedientia superiorum. Sicut si quis diceret, Benedictum XIII. non esse legitime electum, nec verum Papam, eique non esse obediendum. Sicut Henricus VIII. Angliæ Rex, dum suo Edicto declaravit, se in suo Regno esse supremum, tum in Temporalibus, tum in Spiritualibus Caput, & Gubernatorem, præcipiens, ne ullum extra Angliam, superiorem Angli agnoscerent.

XXII. Injuriosa propositio est, quæ facit injuriam alicui personæ, vel statui. Dico alicui personæ, vel statui, quia si esset in Deum, vel Sanctos esset impia, & blasphema. Sic si quis diceret, hunc, vel illum statum Monasticum esse dissolutionibus plenum, nec esse viam ad salutem, sed ad perditionem, injuriosè loqueretur.

XXIII. Impia porro, seu blasphema propositio est, quæ Deo, Deiparæ, aut Sanctis est injuriosa, vel quia negat perfectiones eis debitas, vel tribuit eis defectus, & imperfectiones indebitas: Ut si quis videns, in hoc mundo bonos sæpè affligi, malos autem in deliciis vivere, Deum vocaret injustum; Si qui Deiparæ virginitati perpetuæ aliquomodo detraheret; si quis de Apostolis infanda evomeret, quod fuerint homines nequam, & similia. Blasphema etiam habenda est, nedum hæretica, ex damnatis 3. propositionibus Jansenianis prima, nimirum, aliqua Dei præcepta hominibus iustis, volentibus, & conantibus, secundum præsentem, quas habent, vires, sunt impossibilia: deest quoque illis gratia, qua possibilia sunt. Facit enim Deum injustum legislatorem, qui præcipit ea, quæ impossibilia sunt, etiam volentibus, nec dat vires, unde possunt. Quia tamen blasphemia sæpè conjungitur cum hæresi, vel cum errore, vel cum suspitione hæresis, dividi potest in hæreticalem, erroneam, & de hæresi suspectam; quare aliquibus hæc censura non videtur specialis, cum possit cuicumque ferè alteri censuræ conjungi.

XXIV. Judaica propositio est, quæcumque de Christo sentit cum Judæis, qualis esset illa, quæ Messiam nondum ve-

nisse, vel adhuc venturum enunciaret.

XXV. Pagana est, quæ cum Paganis plures Deos admittit, qualis est ista, *dii te perdant*.

XXVI. Athea è contra est, quæ eum Atheis Deum esse negat, qualis est illa *Psalmi 13. v. 1. Dixit insipiens in corde suo, non est Deus*. Qualis & quælibet alia, quæ omnem prorsus religionem, & cultum tolleret; sublata enim quæcumque religione, tollitur etiam Deus, cum nulla fuerit unquam religio, quæ cultum Deo, sive vero, sive falso non exhibuerit; quare, qui religionem habet nullam, nullum Deum pariter habere censendus est. Hinc Atheus fuit miser ille Carthesianæ Sæcæ Philosophus, vir natione Judæus, *Espinosa* nomine, qui calcata Judæicâ religione, *Tractatus Theologico-Politicum* scripsit unum, ad hoc unice tendens, ut omnem aboleret religionem, liberum cuique vivendi modum permittens, & purum atheismum insinuaret.

XXVII. Quæres primò. Quid sit propositio improbabilis?

Dico, eam esse, quæ nullo, aut Scripturæ, aut traditionis, aut rationis Theologicæ pondere firmatur; probabilis enim in rebus fidem, vel mores spectantibus, uni ex dictis tribus inniti debet.

XXVIII. Quæres secundò. An propositio improbabilis fundet speciem censuræ à temeraria distinctam?

Respondeo, quod si propositio improbabilis sit, quia non solum destituitur auctoritatis, & rationis pondere, sed etiam profertur animo sese opponendi communi Theologorum placito, ad censuram temeritatis spectat. Si verò improbabilis sit, quia præcisè asseritur abique ullo fundamento, non autem animo contradicendi communi Theologorum voto, censurâ temeritatis inurenda non est, quia locutio temeraria, non solum est locutio imprudens, qualis est illa, quæ sine fundamento auctoritatis, & pondere rationis profertur, sed etiam debet esse ex contemptu regulæ dirigentis, ut supra dictum est, seu, quia sic loquens, dictis sapientem non vult acquirere: quod tunc dignoscitur, quando non so-

lūm suam opinionem profert, sed & contrariam, & communem refutare conatur.

XXIX. Quæres tertio. An qui privato spiritu propositionem aliquam (aliā probabilem) notat censurā gravi, censuram incurrat?

Respondeo cum distinctione. Vel enim propositio illa unanimi sensu Theologorum, ut probabilis admittitur. Et sic, qui illam censurare auderet, incurreret notam gravis temeritatis: quia absque gravi rationis fundamento sese opponere unanimi sensui Theologorum, notæ temeritatis est. Vel propositio illa apud aliquos probabilis est, apud alios verò improbabilis, & sic nullam censuram incurrit. Constat ex praxi S. Sedis, ad quod quotiescumque delatæ sunt hujusmodi querelæ de censuris hinc inde factis super propositionibus inter Theologos controversis, ut in materia de efficacia gratiæ, de probabilitate, de dispositione ad Sacramentum Pœnitentiæ, vel aliis similibus, nil aliud facere consuevit, quàm utrique parti silentium indicare, donec S. Sedes super his judicium suum protulerit.

Vetat tamen Innocentius XI. in suo decreto, quo 65. propositiones proseripsit, ne quisquam privatâ auctoritate audeat propositionem aliquam censura notare, eum hujusmodi judicium soli S. Sedi reservetur. Verba Decreti sunt: *Tandem, ut ab injuriis contentionibus Doctores, seu Scholastici, aut alii quicumque impetrum se abstineant, & ut pauci, & caritati consulatur; idem Sanctissimus in virtute Sanctæ Obedientiæ precipit, ut tam in libris imprimendis, ac manuscriptis, quàm in thesibus, disputationibus, ac prædicationibus, caveant ab omni censura, & nota, necnon à quibuscumque convitiis contra eas propositiones, quæ adhuc inter Catholicos hinc inde controversantur, donec à S. Sede recognita, super istis propositionibus judicium profertur.* Quibus verbis præceptum continetur, sed nullâ censurâ contrarietates notantur. Verum, ut plenius de hac materiâ juvenis candidatus instrui possit, ponitur.

DUBIUM VI.

An omne dogma Catholicum sit Fidei dogma, & an omne Fidei dogma sit articulus Fidei.

§. I.

Resolvitur prima Pars.

I. Dubium istud excitat Annatus lib. 1. Apparatus. artic. 7., quia (inquit) Catholici dogmatis nomine decipi communiter solent Tyranni non pauci, arbitantes nimirum, nihil omnino dogma Catholicum dici posse, nisi sit fidei dogma. Propterea statuit, dogma Catholicum genericè, & latè sumtum, nihil aliud esse, quàm doctrinam Ecclesiæ Catholicæ, seu doctrinam, quæ licet, & citra censuram in Catholicâ tenetur Ecclesiâ. Hoc supposito.

II. Dicit, Dogma Catholicum hoc modo acceptum triplex esse, aut dici posse, videlicet imperatum, liberum, & toleratum. Dogma imperatum est doctrina, quam Catholica Ecclesiâ se profertur, ut cunctis eam fidelibus proponat eum obligatione eam tenendi, & credendi. Liberum verò est doctrina, quam liberum est cuique tenere, vel non tenere, qualis est doctrina, quæ nec de fide est, nec fidei nociva, aut moribus, ideoque vocatur doctrina libera. Toleratum verò dogma illud est, quod in Ecclesiâ Catholica toleratur, nimirum permittitur cuique, illud tenere, vel non tenere; quia nondum satis notoriè fidei nocivum, vel erroneum, aut hæreticum deprehenditur; & talis est quæcumque doctrina, quæ a multis licet impugnata, & rejecta, nondum tamen est Ecclesiæ judicio damnata: & hæc dicitur tolerata.

III. Ex his solum Dogma Catholicum imperatum, est verè, & propriè dogma Catholicum, & dogma Fidei; reliqua verò duo, liberum nimirum, & toleratum solum genericè, & latè Catholici dogmatis nomine appellantur, nec fidei dogmatis nomenclaturâ donari possunt. Et probatur. Illud enim solum propriè dogma Catholicum, & Fidei est, quod

ita

itâ Ecclesia docet, ut imperet omnibus fidelibus credi, & teneri, & si quis tenere, aut credere refragetur, illum à se ejiciat, tanquam alienum, & hæreticum: Sed Ecclesia id solum præcipit de dogmate imperato; alia enim, vel libera, relinquit, vel in utramque partem tolerat, & sustinet: ergo solum dogma imperatum dogma fidei est, & strictè dogma Catholicum. Quid enim aliud vox Catholicum sonat, nisi universale: unde Vincentius Lirinensis in suo Commonitorio t. c. 3. id (inquit) propriè Catholicum est, quod ubique, quod semper, quod ab omnibus creditum est.

IV. Dogmatis Catholici imperati, & propositi omnibus cum obligatione illud credendi tanquam fidei dogma, sequentia exempla produci possunt.

1. Quod Deus sit unus in essentia, solus, & non multiplex: contra Polytheos.

2. Quod sit trinus in Personis realiter distinctis, Pater, Filius, & Spiritu Sancto: contra Sabellianos.

3. Quod Christus Dominus sit Dei Patris æterni Filius eique consubstantialis: contra Arianos.

4. Quod Spiritus Sanctus sit pariter Deus cum Patre, & Filio adorandus: contra Macedonianos.

5. Quod dua in Christo sint natura (contra Eutichianos, dua voluntates contra Monothelitas) una tamen Persona, & hac Divina: contra Nestorianos.

6. Quod in Sacramento Eucharistia realiter sit Christi Corpus, & Sanguis; quod Missa sit verum Sacrificium; quod Purgatorium existat post hanc vitam ista, qui non penitus purgati decesserunt; quod pium, bonum, & utile sit Sanctos invocare, & alia similia fidei dogmata, quæ omnibus fidelibus credenda proponit, & præcipit Catholica Ecclesia, contra recentiores hæreticos Lutheranos, & Calvinistas.

V. Dogmatis verò liberi exempla sunt.

1. De impossibilitate, vel possibilitate mundi ab æterno.

2. De futuro, vel non futuro Christi adventu, si Adam non peccasset.

3. De æterna hominum prædestinatione

ante, vel post prævisa merita.

4. De efficaciâ gratiæ, sive ab intrinseco, sive tantum ab extrinseco, & ex prævisione consensu futuro, ideoque de non admittendâ, vel admittendâ in Deo scientia media.

5. De admittendâ, vel non admittendâ inter divina attributa distinctione formali Scoticâ, vel Thomisticâ virtuali.

Itæ, aliæque similes doctrinæ, quæ in Scholis Catholicis circumferuntur, quas tenendi, vel repudiandi libera enique in Ecclesiâ facultas, dogmata Catholica, id est libera vocari possunt.

VI. Dogmatis verò tellerati exempla fuerunt olim. Primò

Doctrina de millenario Christi in terzis regno, post resurrectionem, & judicium extremum futuro, quam tenuisse dicuntur (ex Papia primo inventore) S. Iulianus martyr, & Irenæus, quæque in Ecclesiâ tolerata fuit, usque ad Damasci Papæ tempora.

Secundò, doctrina de non valido hæreticorum Baptismo, quæ tolerata fuit usque ad tempora Concilii Nicæni I., vel ut alii volunt, Arelatenfis.

Tertiò, Doctrina de dilatâ iustorum visione beatifica ad extremum usque iudicii diem, quæ tolerata fuit in Ecclesiâ usque ad tempora Benedicti XII., & Concilii Florentini, à quo, sicut & à Tridentino damnata fuit, ut hæretica.

Itæ, aliæque doctrinæ, quæ olim toleratæ fuerunt in Ecclesiâ Catholica, aliæque etiam, quæ fortè hodie tolerantur, antequam Ecclesiâ de iis iudicium proferat, dici possunt Dogma Catholicum toleratum.

VII. Hæc ex Annato delibata sunt, qui non improbabili discursu. Ceterum nisi abusivè loqui velimus, & dogmatis Catholici nomen à sua vera diuturne significatione, solum dogma, quod Ecclesiâ Catholicâ universam proficitur, & docet, quodque omnibus fidelibus credendum, ac tenendum proponit, ac præcipit, itaut qui nudè tenere, ac credere recusaverit, Catholicus non sit, sed hæreticus, verè dogma Catholicum esse, ac dici debere censo; ideoque idem esse dogma Catholicum, ac dogma Fidei, & pro-

& pro eodem reputandum concludo. Movet me, quia *dogmata* propriè dicuntur ea, quæ in unâquaque Sectâ, aut Religione, Decreta, & Statuta sunt: sicque artes, & scientiæ propria *dogmata* sibi vindicant, quæ à professoribus illius artis, vel scientiæ, ut certa, & inconcussa tenentur. *Dogma* enim idem est, ac *Regula*, seu *Canon*. Quare D. Augustinus lib. 1. qu. Evangelior. q. 11. *Dogmata autem*, inquit, *sunt placita Sectarum, idest, quod placuit singulis Sectis*. Ex quo fit, quodd dogma Catholicum, apud Theologos propriè illud solum dicendum sit, quod est placitum universæ Ecclesiæ, & tenetur ab omnibus tanquam regula certa, sive fidei, sive morum. Unde Theologia Dogmatica dicitur illa, quæ dogmata orthodoxa exponit, eaque tueretur contra hæreticos, aut aliorum dogmatum sceleratores: & dogma esse illud, quodd spectat ad fidem, dicit Glossa in Canon. Omnes dist. 3., & rursus 25. qu. 2. c. Si quis dogmata, anathema pronuntiatur, qui dogmata Sedis Apostolicæ contemserit. Quapropter Theophilus Alexandrinus Lib. Paschali 1. apud D. Hieron. t. 4. edit. Maurina p. 692. Neque, inquit, Celsitium possant recipere Sacramenta Verborum, qui Divinis Ecclesiæ dogmatibus contradicunt. Quod si Annatus nomine dogmatis sumat doctrinam vagæ, non dissentiat: sed hoc est sumere *dogma* minus propriè.

S. I I.

Resolvitur secunda Pars.

UT quæsitum hoc resolvatur, in quo quæritur, an omne id, quodd est de fide, seu dogma fidei, sit articulus fidei, seu an constituat specialem fidei articulum; examinandum prius est, quid sit articulus fidei, & quid requiratur ad constituendum specialem articulum fidei.

VIII. Et quidem si admittatur definitio Richardi Victorini deficiens articulus fidei, quodd sit indispensabilis veritas de Deo arctans nos ad credendum, concludi debet, quodd, cum omnis veritas de fide, seu revelata ardeat nos, & obliget ad credendum, omnis veritas, seu

dogma fidei; esset articulus fidei.

IX. Verùm quia, ut ait S. Thomas 2. 2. q. 1. art. 6. ad 3., illa definitio datur de articulo magis secundum quandam etymologiam nominis, prout habet derivationem latinam, quam secundam ejus veram significationem, preat à græco derivatur, unde non est magni ponderis: Ideo articulus fidei aliter definitur ab aliis post S. Thomam, quodd articulus fidei est: Principalis fidei veritas omnibus ad explicitè credendum proposita, & distinctam continens difficultatem. Ratio hujus est, quia, ut docet S. Thom. laudato ar. 6. in corp. cum de ratione objecti fidei fit, ut sit quidd obscurum, & invidens, & proinde ad videndum difficile, sequitur, quodd ubi sunt fidei objecta, quæ diversas ad videndum difficultates, seu dubitandi rationes afferunt, illa diversos constituunt fidei articulos; & e contra, ubi sunt diversa fidei objecta, quæ non plures, sed unam, & eandem difficultatem offerunt, non plures constituunt, sed ad eundem revocari debent fidei articulum. Sic v. gr. ista tria, Passio, Mors, & Sepultura Christi, quia non tres difficultates offerunt, sed unam tantum, cum, Christi Passione jam cognita, & credita, facile cognoscantur, & credantur eiusdem mors, ac sepultura: ideo hæc tria fidei nostræ objecta non tres constituunt, sed ad unum revocantur fidei articulum. Et quia è contra Resurrectio Christi specialem, ac distinctam difficultatem offert, ideo specialem, ac distinctum constituit fidei articulum. Verba S. Thomæ art. 6. laudato in Corp. sunt hæc: Est autem, obiectum fidei aliquid non visum circa divinam, ut supra dictum est: & ideo, ubi occurrit aliquid speciali ratione non visum, ibi est specialis articulus: ubi autem multa secundam eandem rationem, sunt cognita, vel non cognita, ibi non sunt articuli distinguendi; sicut aliam difficultatem habet ad credendum, quodd Deus sit passus, & aliam quodd mortuus resurrexerit: & ideo distinguitur articulus Resurrectionis ab articulo Passionis. Sed quidd sit passus, mortuus, & sepultus, unam, & eandem difficultatem habent, ita quodd, uno suscepto, non est difficile, alia suscipere; & propter hoc omnia hæc

per-

pertinent ad unum articulum.

X. Infuper ex eodem D. Th. citato a. 6. ad 1. Veritates revelatæ; aliæ ſpeſtant ad fidem ſecundum ſe, & principaliter, tanquam fundamentales Fidei Chriſtiane, ideoque ab omnibus, & ſingulis explicitè credendæ, tanquam ad ſalutem neceſſariæ, quia ea ſunt, quæ principaliter ſperamus videre in Patriâ, ut ſunt, Deus trinus, & unus, Filius Dei incarnatus &c. Aliæ ſunt, quæ ſpeſtant ad Fidem tanquam appendices, & conſequentes ad præſatas veritates principales, ad quas reducuntur. Articuli ergo Fidei diſtingui debent, non ſecundum has, ſed ſecundum illas. *Aliqua ſunt credibilia* (ait D. Thom.) *de quibus eſt fides ſecundum ſe... & ſecundum iſta diſtinguuntur articuli Fidei..... Aliqua vero ſunt credibilia, de quibus non eſt fides ſecundum ſe, ſed ſolum in ordine ad alia..... & ſecundum talia non oportet articulos diſtinguere.* Quænam autem ſint credibilia, de quibus eſt fides ſecundum ſe, exponit D. Thom. ibid. *Fides eſt principaliter expreſſa de his, qua videnda ſperamus in patria, juxta illud Pauli Hebr. c. 11. v. 1. dicentis: Eſt autem fides ſperandarum ſubſtantia rerum, & ea, quæ videnda ſperamus in patria, ſunt tres Perſona Omnipotentis Dei, Myſterium Incarnationis Chriſti, & alia hujusmodi.*

XI. Dico ergo, non omnia fidei dogmata conſtituunt ſpeciale articulum Fidei, ſed ſolum ea, quæ principaliter pertinent ad Fidem, utpotè, quæ ſperamus videnda in Patriâ; vel quæ, ut credantur, ſpeciale aſſerunt difficultatem. Itaque articulos Fidei poſſumus parti-ri quaſi in duas Claſſes generales. Primam conſtituit Deus, ut eſt in ſe; & in iſtâ continentur omnes Articuli ſpeſtantes ad Unitatem, & Trinitatem Dei. Secundam conſtituit Deus proviſor, Deus remunerator; & in iſtâ continentur omnes Articuli ſpeſtantes ad Incarnationem, Mortem, & Reſurrectionem Filii Dei, ad vitam æternam, & media conducentia ad illam. Has duas claſſes inſinuat Paulus ad Hebr. 11. v. 6. ubi poſtquam dixit, ſine fide impoſſibile eſſe placere Deo, addit: *Credere enim oportet accedentem ad Deum, quia eſt, & inquirentibus ſe*

remunerator ſit. Et Chriſtus ipſe Joan. 17. v. 3. *Hæ eſt vita æterna, ut cognoscant te ſolum Deum verum, & quem miſiſti Jeſum Chriſtum.*

Aſſertio ſic explicata pro prima parte patet ex diſtis. Nam illæ ſolæ veritates fidei conſtituunt capita, & claſſes articulo-rum, ſeu credendorum, de quibus ſecundum ſe, atque primariò fides eſt, quia ſunt fundamenta rerum ſperandarum; hæ autem ſunt veritates concer-nentes, vel Deum in ſe, vel Deum Incarnatum, ac remuneratorem; quare iſtæ omnibus ſeitu neceſſariæ ſunt, & om-nibus ad credendum explicitè proponun-tur. In iſtis autem duabus claſſibus illæ ſolæ veritates articulos fidei diſtinguunt, quæ novam rationem non viſi, ſeu novam difficultatem ad credendum offerunt, ut ex D. Thom. dictum eſt.

XII. Secunda verò pars ſuadetur ex diſ-tis: quia veritates, quæ nec ſunt dire-ctæ, & per ſe fidei baſis, & fundamen-tum, neque novam ingerunt difficulta-tem, reducuntur ad aliam aliam, ex quâ dependentiam, aut connexionem habent; ergo non eſt, ear conſtituant novum articulum, ſed reducuntur ad arti-culum, in quo continentur, vel ad quem ſpeſtant. Sicut in corpore naturali non omnia, quæ in illo ſunt, propriè ſunt corporis artus, & membra; ſed membra & artus dicuntur ſolum partes principa-les, quæ corporis ſubſtantiam conſtitu-unt, quæque exercent peculiare, ac di-ſtinctum officium; alia verò, quæ in cor-pore ſunt, in aliquo ex membris conti-nentur, illique inſerviunt. Adde: mul-tas veritates fidei eſſe, quas explicitè ſci-re, & credere, non omnibus, & ſingu-lis neceſſarium eſt ad ſalutem, ſive ne-ceſſitate mediæ, ſive præcepti, ſed ſatis eſt, ut ſciantur à Doctõribus, & Paſto-ribus; ſed articulos fidei propriè tales, ab omnibus explicitè ſciri, & credi ne-ceſſe eſt; ergo non omnes &c.

XIII. Neque juvat, ſi dicas, nulla eſt fidei veritas, quam quique fidelis non teneatur credere ſub pœnâ hæreſis; ergo nulla eſt fidei veritas, quæ non ſit articulus fidei propriè dictus.

Nam reſpondeo ex diſtis negando con-ſeq.: ut enim veritas fidei ſit articulus fidei

fidei propriè talis. Satis non est, ut fidelis quisque teneatur illam credere sub pena hæresis, sed requiritur ulterius, ut sit veritas fidei principalis, explicitè credenda, & specialem addens difficultatem in credendo, nec possit reduci ad fidei articulum aliquem; quod non convenit omnibus, & singulis veritatibus, ut dictum est; quare claritatis gratiâ distinguo consequens: sit articulus fidei, vel reducat ad aliquem fidei articulum; eo; consequentiam: constituendo specialem fidei articulum; Nego consequentiam. Iste enim veritates, quæ Christus pannis fuerit involutus, quod fuerit in Præsepio positus, quod octavo die fuerit circumcissus, quod fuerit adoratus à Magis, quod Magi apertis Theauris, aurum, thos, & mirram ei obtulerint, omniaque in Evangelio contenta, concernentia Nativitatem, prout ibi relata, sunt veritates fidei; sed nunquid hæc constituunt speciales articulos? nequaquam. Omnes quippe reducantur ad articulum de Christi Nativitate. Idem de singulis dicito, quæ in Scripturis narrata, & prout ibi dicta fide divinâ credenda, nec tamen articuli fidei dicenda sunt. Imò in Sacra Scripturâ multa continentur, quæ nec pertinent ad Religionem, nec ad Doctrinam Christi. *Genesis* enim 6. v. 15. dicitur de Arcâ, trecentorum cubitorum erit longitudo Arcæ, quinquaginta cubitorum latitudo, & triginta cubitorum altitudo illius. *Jo: cap. 2. v. 6.*, quod Hydræ lapidæ, positæ in Nuptiis Canæ, fuerint capientes singula metretas binas, vel ternas. 4. *Reg. c. 6. v. 25.*: quod in obsidione Samariæ tanta fuerit olim ciborum penuria, ut quarta pars cibi perceris columbarum quinque argenteis vendideretur, alique similia, ut de Cane Tobie caudâ plaudente, *Tobia c. 11. v. 9.*: de Penulâ D. Pauli relictâ Troade, quam ut ad se afferret scripsit *Timotheo 2. ad Timoth. c. 4. v. 13.* Quare cum D. Th. 1. p. quæst. 32. art. 4. in Corp. dicendum est, ad fidem pertinere posse aliquid dupliciter, videlicet directè, & indirectè. Ea ad fidem directè pertinere dicuntur, quæ nobis sunt principaliter divinitus tradita, ut Deus esse trinum, & unum, E-

lius Dei esse incarnatum, & hujusmodi.... indirectè verò ad fidem pertinent ea, ex quibus negatè consequitur aliquid contrarium fidei; sicut si quis diceret, Samuelem non fuisse filium Helcana, ex hoc enim sequitur, Scripturam Divinam esse falsam.

XIV. Concludit ergo idem S. Doctor 2. 2. qu. 1. art. 8. in corp. quòd, sicut dictum est, illa per se pertinent ad fidem, quorum visio in vitâ aternâ perscrutemur, & per qua ducebimur ad vitam æternam. Duo autem nobis videnda proponuntur, scilicet occultum divinitatis, cujus visio nos beato facit; & mysterium humanitatis Christi, per quod in gloriam Filiorum Dei accessum habemus, ut dicitur *Rom. 5. Unde dicitur Jo: 17.* hæc est vita æterna, ut cognoscant te Deum verum, & quem misisti Jesum Christum. Et idè prima distinctio credibilium est, quæ quædam pertinent ad Majestatem Divinitatis, quædam verò pertinent ad Mysterium Humanitatis Christi, quod est pietatis Sacramentum, ut dicitur 1. ad *Timoth. 4.* Articuli ergo fidei primò dividuntur in articulos pertinentes ad divinitatem, & articulos pertinentes ad Incarnationem, seu Christi humanitatem.

XV. Prosequitur deinde S. Doctor. Circa majestatem autem divinitatis tria nobis credenda proponuntur. Primò quidem unitas divinitatis; & ad hoc pertinet primus articulus. Secundo, Trinitas Personarum; & de hoc sunt tres articuli secundum tres Personas. Tertiò verò proponuntur nobis opera divinitatis propria, quorum primum pertinet ad esse naturæ; & sic proponitur nobis articulus creationis. Secundum verò pertinet ad esse gratiæ; & sic proponuntur nobis sub uno articulo omnia pertinentia ad sanctificationem humanam. Tertium verò pertinet ad esse gloriæ; & sic proponitur nobis alius articulus de Resurrectione Carnis, & de Vitâ Eternâ; & ita sunt septem articuli ad Divinitatem pertinentes.

XVI. Similiter etiam circa humanitatem Christi ponuntur septem articuli. Quorum primus est de Incarnatione, sive de Conceptione Christi. Secundus de Nativitate ejus ex Virgine. Tertius de Pas-

sione

ione ejus, & Morte, & Sepultura. Quartus est de descensu ad Inferos. Quintus est de Resurrectione. Sextus de Ascensione. Septimus de ad adventu ad Judicium. Et sic in universum sunt quatuordecim.

Addit tamen, quod quidam distinguunt duodecim Articulos Fidei, sex pertinentes ad Divinitatem, & sex pertinentes ad Humanitatem. Tres enim articulos trium Personarum comprehendunt sub uno; quia eadem est cognitio trium Personarum, Articulum verò de opere glorificationis distinguunt in duos, scilicet, resurrectionem carnis, & gloriam animæ. Similiter articulum Conceptionis, & Nativitatis conjungunt in unum.

XVII. Quia verò dubitari poterat, Sacramentum Eucharistiæ, quia habet specialem difficultatem præ multis articulis, specialem articulum constituere, respondet ad e. Quid in Sacramento Eucharistiæ duo possunt considerari. Unum scilicet quod Sacramentum est: & hoc habet eandem rationem cum aliis effectibus gratiæ sanctificantis. Aliud est, quod miraculosè ibi Corpus Christi continetur, & sic concluditur sub omnipotentia, sicut & omnia alia miracula, quæ omnipotentia attribuantur.

QUÆSTIO II.

De natura Theolog.

DE existentia, utilitate, necessitate Theologiæ, & aliis, quæ visa sunt opportuna, pro primo ad eam ingressu, in præcedenti quæstione actum est. Nunc de ejus natura, & proprietatibus instituendus erit sermo, nimirum; an sit scientia, & qualis; an subalternata Scientiæ Dei, & Beatorum: an entitativè naturalis, vel supernaturalis; an practica; quodnam sit ejus objectum; aliaque ad perfectam naturæ, & proprietatum Theologiæ intelligentiam necessaria.

DUBIUM I.

An Theologia sit verè scientia.

§. I.

Quadam prænotantur.

DUBIUM præsens non excitatur de Theologia, quasi secundum se, & objectivè sumta. Mic enim certò certius judico, eam esse scientiam, cum habeat principia certò, & evidenter cognoscibilia, nimirum divinas veritates, ex quibus sunt deducibiles per necessariam illationem necessariæ, & evidentes conclusiones; Qui modus objectivus procedendi est proprius modus scientiæ. Insuper Theologia est unus ex habitibus, imò & virtutibus intellectualibus; virtutes autem intellectuales ex Aristot. 6. Ethic. cap. 4, & D. Thom. 1. 2. qu. 57. quinque tantum sunt, videlicet intelligentia, sapientia, scientia, prudentia, & ars. Intelligentia versatur circa prima principia, & quidem absque discursu. Hinc istuduo, quodlibet est, vel non est, bonum est amandum, malum est fugiendum, sunt objectum intelligentiæ. Sapientia agit de rebus, non per proximas earum causas, sed per altiores, & universales; sic sapiens dicitur Legislator, qui in ferendis legibus procedit respiciens ad causas altiores, & universales, nempe bonum, & tranquillitatem Reipublicæ, potius quàm ad privatum bonum, & commodum hujus, vel illius personæ. Scientia vero (ut à Philosophis definitur) est habitus certus, & evidens per demonstrationem acquisitus, seu procedens ex causis proximis. Prudentia verò agit circa ea disponenda, quæ hic, & nunc, seu in particularibus circumstantiis agenda sunt; an scilicet in præsentii rerum statu bellum in hostes movendum sit, an paci studendum. Ars tandem versatur circa factibilia, seu circa opera, quæ per potentias externas, manus, pedes, fieri solent. Atqui Theologia secundum se spectata non est intelligentia; non enim versatur circa prima principia immediata.

re. Non est prudentia, cum non tractet de ordinandis iis, quæ in particularibus circumstantiis agenda sunt. Multò minus est ars, quia non versatur circa factibilia per externas potentias; ergo erit, vel scientia, vel sapientia.

Nec refert, quòd agat de singularibus. Nam per se agit de Deo, qui singularis quidem est, sed summè necessarius. Intantum autem habitus, qui per se versatur circa singularia, scientificus esse non potest, quia hæc cum in continuo fluxu, & contingentia sint, certam sui cognitionem fundare non possunt, ut ad scientiam requiritur. Licet autem agat etiam de singularibus præter Deum, de iis agit, inquit D. Thom. hæc qu. 1. art. 2. ad 2. non quia de eis principaliter tractetur, sed introducuntur, tum in exemplum vite, sicut in scientiis moralibus; tum etiam ad declarandum auctoritatem vivorum, per quos ad nos revelatio divina processit, super quam fundatur Sacra Scriptura, seu Doctrina.

II. Dubium ergo præcedit de Theologia ex parte subjecti, si prout est intellectuali, vel tali subjecto, an verè possideat conditionem, & naturam scientiæ. Potest autem Theologia reperiri in duplici subjecto; vel in Beato, sive Angelo, sive Homine, vel in Viatore. Et quidem Theologiam prout in Beato esse scientiam, extra controversiam esse debet, quia beatus ex principiis clarè, & certò visus in verbo, (quæ nos viatores credimus) alia necessariò concludit; quare beato tum conclusiones, tum earum principia, sunt certò, ac evidenter cognita. Questio tota reducitur ad Theologiam, prout in nobis viatoribus est: Cum illi desit actualis evidentia, seu cognitio evidens principiorum, quæ, cum sint articuli fidei, à nobis non videntur, sed fide divinà creduntur. Fides autem, cum sit argumentum non apparentium, est de non visus.

III. Scotus, quem refert, & sequitur Frassen disput. 2. præf. art. 2. qu. 1. negat, Theologiam Viatorum esse verè, & propriè scientiam, eo quòd desit illi actualis evidentia, tum principiorum, tum conclusionum, quam dicit esse con-

ditionem necessariam ad substantiam scientiæ. Thomistæ verò cum D. Thoma hæc quæst. 1. art. 2., & in 1. sent. ad Anabala. Censent, Theologiam Viatorum esse propriè quodam substantiam scientiam, esto non habeat omnem perfectionem accidentalem, quam petiti habere. Supponunt enim quòd, sicut homo, dum est adhuc puer, est quidem verè, ac substantialiter homo, sed nondum pervenit ad statum perfectum, in quo erit, dum fiet adultus: ita Theologia, dum est in Viatore, qui nondum videt, sed solum credit, existat verè, & substantialiter scientia, nondum tamen habeat statum, perfectum scientiæ, quem habebit, dum erit in Beato. His adhaeret Henno, et si Scotista disput. præf. q. 2. conclus. 2.

§. I I.

Conclusio.

IX. Dico. Theologia in Viatore est verè, & substantialiter scientia, licet non habeat statum perfectum, quem habet in Beato. Prima pars probatur primò ex D. Augustin. lib. 14. de Trinit. c. 1., ubi postquam dixit, Theologiā fidem saluberrimam, quæ ad veram beatitudinem ducit, gigni, nutrirī, defendi, roborari, subdit: quā scientiā non possent fideles plurimi, quamvis polleant ipsā fide plurimū. Hinc Jeremia 3. v. 15. appellatur scientia lis verbis: Dabo vobis Pastores iuxta eorū meum, & pascent vos scientiā, & doctrinā. Sapient. 10. v. 10. Dedit illi scientiam Sanctorum. Et 2. Petri 1. v. 5. Ministrare in fide vestra virtutem, in virtute autem scientiam.

V. Accedunt, & rationes. Prima, nam Theologia, ut in Viatore, est verè, & propriè virtus intellectualis, quia facit cum firmiter adhærere vero: cum ergo, ut vidimus, nec sit intelligentia, neque prudentia, neque ars, si non est scientia, aut sapientia, quid erit? Dicere enim, esse habitum quemdam innominatum, medium inter scientiam, & fidem, ut (teste Gonet) dicunt Valentia, & Vasquez, quo fundamento asseritur?

VI. Secunda. Cum scientia sit cognitio rei per causam, & quoniam illius est causa; ut aliquis sit verè sciens, debet certò cognoscere causam, certò cognoscere effectum, & certò cognoscere, illam esse causam talis effectus, seu effectum illum procedere à tali causa; sed Viator Theologus habet summam certitudinem de causis, nempe veritatibus revelatis, quas credit fide divinà, habet summam certitudinem de conclusionibus, quas ex illis deducit: scit etiam certò, imò evidenter, illas conclusiones ex illis principiis deduci certò, & evidenter; unde esto non habeat evidentiam consequentis, neque antecedentis, habet tamen evidentiam consequentis; ergo Theologus Viator certò cognoscit rem per causam: ergo est verè sciens.

Totum hoc confirmo hoc ratiocinio: Ad scientiam propriè dictam tria requiruntur. 1. Ut per illam homo habeat certitudinem de veritate principiorum. 2. De veritate conclusionum. 3. Quòd habeat evidentiam consequentis, seu connexionis, quam conclusiones habent cum suis principiis; Atqui hæc tria præstat Theologia Viatoribus, ergo in eis est verà scientia.

Si dicēs, requiri ad veram scientiam, etiam evidentiam principiorum.

VII. Contra est: 1. Esto scientia subalternans debeat procedere ex principiis à se evidenter notis, scientia tamen subalternata procedit ex principiis evidenter manifestatis in scientia superiori, à qua ea accipit, & cui credit; sed Theologia est scientia aliquomodo subalternata scientiæ Dei, & Beatorum; ergo non requiritur, ut habeat evidentiam suorum principiorum, sed sufficit, ut illa credat, & supponat evidenter cognita à scientia Dei, & Beatorum. Hac ratione utitur S. Thom. hæc 1. p. q. 1. art. 2.

VIII. Contra 2. In scientiis merè humanis ideo requiritur evidentia principiorum, quia oportet scientem esse certum, ac prorsus immutabilem, quemadmodum dicitur *lib. 1. Post. cap. 2.* in ejusmodi autem scientiis talis certitudo immobilis haberi non potest, nisi principia evidenter cognoscantur; neque hoc suppleri potest per testimonium asserens, ea

esse evidenter cognita in scientia superiori, quia hoc testimonium, utpote humanum, fallibile est: sed Theologus absque evidentiā habere potest certitudinem immobilem suorum principiorum, per testimonium divinum; quod ipsa evidentiā certis est, cum, nec fallere possit, nec falli; ergo Theologia etiam in eo, in quo deest evidentiā principiorum, habet quiddam requiritur ad characterem, & substantiam scientiæ.

Confirmo hoc ex Philosopho supra citato, ubi significat, sufficere ad scientiam, quòd principia ejus teneamus scientiā, vel meliore habitu: atqui Theologus viator esto non teneat principia Theologiæ per scientiam, quia non habet de illis evidentiā, ea tamen tenet meliore habitu, quia ea tenet per fidem divinam, quæ est melior, ac certior habitus, quàm intellectus principiorum, & per illam sumus magis immobiles in cognitione, quàm per istum, & per quamcumque evidentiam naturalem, ut patet 2. 2. q. 4. art. 8., ergo potest ex illis sic cognitis deducere conclusionem scientificam: sicut enim certitudinem in aliis scientiis generat evidentiā, ità in hac eandem, imò, & majorem, causat auctoritas divinæ. Evidentiæ igitur defectum, qui in Theologia nostra reperitur, Deus nobis compensat majori certitudine, quæ est in principiis, & conclusionibus Theologiæ propriis. Secunda vero pars nostri asserti constat. Nemo enim est, qui ambigat, quin Theologia perfectiorem statum habeat in eo subiecto, in quo cum certitudine conjunctam habet evidentiam suorum principiorum, & conclusionum, quàm in eo in quo habet certitudinem sine evidentiā atqui in Viatore habet certitudinem sine evidentiā, in Beato autem certitudinem habet, & evidentiam; ergo in Viatore est Theologia in statu minus perfectio, quàm in Beato. Videri potest de hac quæst. Gonct *disput. proem. art. 1. Juenin. Institut. Theol. Prolegomen. dissert. 3. q. 1. cap. 1. Bancel qu. 2. art. 3. Contenson. dissert. 1. cap. 1. speculatione 2.* Sylvius ad quæst. 1. D. Thom. art. 2.

§. III.

Objectiones contrariae.

IX. **O**bjiciunt 1. D. Thom. in 3. dist. 33. q. 1. art. 2. quæstionem. 4. dicentem, si autem esset aliqua scientia, qua non posset reduci ad principia naturaliter cognita, non esset ejusdem speciei cum aliis scientiis, neque univoce scientia diceretur. Sed Theologia non resolvit suas conclusiones in principia naturaliter cognita, ut dictum est; ergo non est propriè, & univoce scientia.

Respondetur, explicando ultima verba Divi Thomæ, neque univoce scientia diceretur per excessum super alias scientias eo: per defectum à vera ratione scientiæ, nego majorem. Et concessa minori nego consequent. Eodem enim modo loquitur D. Thomas ibi de scientia supernaturali comparatè ad scientias naturales, sicut de virtutibus infusis, de quibus ibi agit, comparatè ad virtutes acquisitas; sicut ergo virtutes infusæ veræ virtutes sunt, licet non convenient univoce, idest in eadem ratione cum virtutibus acquisitis, quia excellentiores istis sunt: ita scientia supernaturalis erit vera scientia, licet non conveniat in eadem ratione, sed altiore modo procedat, quàm scientiæ merè naturales. Quod autem hæc sit mens S. Doctoris indicant verba ejus sequentia, addit enim: Unde cum fines virtutum infusarum non præexistant in seminariis naturalibus virtutum, sed naturam humanam excedant; oportet, quod virtutes infusæ, à virtutibus acquisitis, quæ ab illis seminariis procedunt, differant specie. Hinc ergo sequitur solum, Theologiam esse altiozem, & digniorem aliis scientiis naturalibus, quod offendit S. D. hac 1. p. quæst. 1. art. 5. tum propter certitudinem, quia alia scientia certitudinem habent ex naturali lumine rationis humanæ, quæ potest errare, hæc autem certitudinem habet ex lumine divina scientia, quæ decipi non potest. Tum propter dignitatem materię, quia est principaliter de his, quæ suâ altitudine rationem transcendunt.

X. Objicies 2. habitus, qui de suo

subiecto non potest facere veras demonstrationes à priori, non est verè scientificus; sed Theologia de suo subiecto, quod est Deus, non potest facere veras demonstrationes à priori, ut enim docet D. Thom. 1. contrag. cap. 25. sicut Deus definiri non potest, quia omnis definitio est ex genere, & differentiis, ita non potest demonstratio de ipso fieri, nisi per effectum, quia principium demonstrationis est definitio ejusdem, de quo fit demonstratio. Quod repetit hæc 1. p. quæst. 3. art. 5. in corp.

Respondeo, distinguendo min. de suo objecto, quod est Deus, adæquatè sumto, conc. min. inadæquatè sumto, subdistinguo: demonstrationem per verum, & reale medium, conc. minorem; per medium virtuale nego min. De Deo igitur adæquatè sumto non potest fieri demonstratio à priori, sed solum per effectus, quia, ut ait D. Thom. 1. p. q. 3. art. 5. in argumento, sed contra, nihil est prius Deo, nec secundum rem, nec secundum intellectum. Cognito tamen Deo per effectus, nihil prohibet, quin concipientes ipsum inadæquatè, concipiamus in ipso naturam, & essentiam, ut priorem virtualiter attributis, unum attributum, ut virtualiter prius alio, & sic possumus assumere naturam Dei, non ut verum medium, sed ut rationem à priori ad demonstranda de Deo attributa, & unum attributum de alio, & tales sunt demonstrationes Theologicæ. Addo; hoc argumentum probare, neque Theologiam Beatorum fore scientiam; imò nec Deum habere scientiam de se ipso.

XI. Objiciunt 3. Frassen, alique. Perfecta demonstratio debet fieri nedum ex certa, sed evidenti cognitione principiorum; sed Theologus caret evidentiâ principiorum, ex quibus suas conclusiones deducit; ergo non facit perfectas demonstrationes; ergo non est perfectè sciens.

Urgent 1. Nullus, nisi stolidus, aut protervus dissentire potest propositioni perfectè demonstratæ; sed conclusionibus Theologicis plures dissentiant, ut constat de hæreticis, & infidelibus, qui ridet omnes rationes Theologicas, quibus Mytheria Fidei suadere nitimur; Ergo signum est, eas non esse perfectè demonstratas.

XII.

XII. Urgent 2. Nulla abhæsiō voluntaria est scientifica, scientia enim necessitat intellectum ad assentiendum, ut Logici docent, sed Theologus voluntariē suspendit assensum suum, tam circa principia credita, seu articulos fidei (*credere enim est in potestate nostra*, inquit Augustin. *lib. de spiritu, & littera cap. 31.*) quàm circa conclusionem ipsam; ergo talis assensus non est scientificus.

XIII. Urgent 3. Ille non est perfectè sciens, qui assentitur conclusioni magis propter auctoritatem, & veracitatem revelantis, quàm propter legitimam illationem conclusionis ex præmissis; sed Theologus experitur, se magis assentiri conclusioni ob infallibilem auctoritatem Dei dicentis, quàm ob legitimam illationem ex præmissis; ergo &c. Minor probatur. Theologus firmius, & tenaciùs adheret conclusioni Theologicæ, quàm cuilibet conclusioni Philosophicæ; sed hoc non est ob perfectiorem illationem syllogisticam, quæ in utràque est equalis; ergo est, quia firmius innititur auctoritati Dei revelantis præmissas conclusionis Theologicæ, quàm lumini naturali manifestanti principia conclusionis Philosophicæ; ergo magis assentitur ob auctoritatem, quàm ob illationem.

XIV. Urgent 4. Notitiā Theologicā caret perfectō, & præcipuo charactere scientiæ, nimirum evidentiā; definitur enim, quodd sit cognitio certa, & evidens; quia sicut per certitudinem distinguitur ab opinione, sic per evidentiam essentialiter discrepat à Fide, tum divinā, tum humanā. Imò certitudo nascitur ex evidentiā; ideo enim intellectus conclusionis firmum assensum præbet, quia conspicit, eam evidenter deduci ex principiis evidenter, cum evidentia conclusionis oriatur ex evidentia principiorum, sicut effectus à sua causa; ergo notitiā Theologicā caret &c.

XV. Respondetur ad hæc omnia, quæ sunt præcipuum Frassenij, & aliorum fundamentum, dist. maj.: perfecta demonstratio, perfectione, tum essentiali, tum accidentali, debet fieri &c., conc. majorem; Perfecta &c. perfectione purè essentiali: iterum distinguo: Si sit demonstratio purè Philosophica, transeat

maj.: si sit demonstratio Theologica, neg. maj. Dato ergo, quodd ad essentiam demonstrationis purè Philosophicæ requiratur evidentia principiorum, quia sine evidentia eorum non potest intellectus firmiter certificari de illis, ut dictum est: In demonstratione tamen Theologica, evidentia requiritur quidem ad ejus accidentalem perfectionem, qualem habebit in beatis, non tamen ad ejus essentiam, quia auctoritas Dei revelantis illa principia facit, ut intellectus illis firmiter, imò firmius assentiatur, quàm si illa videret: quia, ut supra dicebam cum D. Thom. 1. 2. p. q. 1. art. 5. in corp., lumen rationis humanæ potest errare, lumen verò Divinæ Scientiæ decipi non potest. Quod repetit articulo 3. ad 2.

XVI. Ad id, quod primò urgent, distinguo majō. nullus, qui assentitur præmissis, & cognoscat connexionem earum cum conclusione, dissentire potest &c. conc. majō. nullus, qui, vel non assentitur præmissis, vel non penetret connexionem earum cum conclusione, potest; nego majō., & similiter ad min. Quodd enim infidelis, aut hæreticus rideat rationes Theologicas, hoc ideo est, vel quia non vult assentiri præmissæ, ut à Deo revelatæ, vel quia non cognoscit connexionem ejus cum conclusione. Ceterum qui assensum præstat præmissæ, & connexionem illius cum conclusione penetrat, conclusioni dissentire nequit. Nihil autem prohibet (ait D. Thom. ar. 5. ad primum) id, quodd est certius secundum naturam, esse quodd minus certum debilitate intellectus nostri... Unde dubitatio, quæ accidit in aliquibus circa Articulos Fidei, non est propter incertitudinem rei, sed propter debilitatem intellectus humani.

XVII. Ad id, quod urgent secundò, nego min. quodd secundam partem. Licet enim assensus præmissis sit voluntarius, supposito tamen, quodd Theologus dedit assensum præmissis, & evidenter cognoscat, conclusionem ex illis præmissis necessariò inferri, non potest suspendere assensum circa conclusionem; quodd si suspendit, signum est, cum non penetrare connexionem præmissarum cum-

con-

conclusionem, ut docent Logici.

XVIII. Ad id, quod tertio urgent. Dico primò, hanc instantiam, quæ est Frassenii, destruere ejus secundam conclusionem, quæ ait: *Theologiam nostram posse dici scientiam, quatenus scientia dicitur cognitio certa de objecto necessario, & infallibili, & per legitimum discursum genita, non verò prout etiam objecti evidentiam desiderat.* Si enim Theologus magis, idest potius, & immediatè assentitur conclusioni ob auctoritatem Dei revelantis, ita ut motivum assentiendi formale, & proximum sit Dei auctoritas, & non illatio, nullo modo erit sciens (neque etiam ut scientia est cognitio certa absque evidentia) sed unice credens. Deinde modus iste arguendi destruit omnem scientiam. Si enim qui non videt principia, sed ea credit, assentitur conclusioni ob auctoritatem dicentis magis, quàm ob legitimam illationem, & idè non est sciens, pariter qui videt principia, assentitur conclusioni ob evidentiam principiorum magis, quàm ob legitimam illationem: & sicut quò firmiter est auctoritas dicentis, eò firmitus adhæret conclusioni; ità quò major erit evidentia principiorum, eò tenacius adhærebit conclusioni, non propter perfectiorem illationem, quæ in omnibus demonstrationibus est æqualis, sed quia firmiori evidentia assentitur principiis: ergo si propter primum, discursus Theologicus non est scientificus, propter secundum nullus discursus etiam evidens erit scientificus.

XIX. Respondeo ergo distinguendo majore. Propter auctoritatem, quæ sit causa immediata, & formale motivum assensus, conc. maj. propter auctoritatem, quæ sit causa solum mediata assensus, nego maj.: & eodem modo distinguo min.. Auctoritas Dei revelantis est quidem causa immediata, & formale motivum, eum Theologus assentitur præmissæ de fide, sed causa immediata, & formale motivum, cur assentitur conclusioni ex illa illatæ, est necessaria connectio, quam habet conclusio cum illa præmissa. Sicut evidentia, quam habet aliquis, & quæ assentitur præmissæ evidenti, non est ratio immediata, & forma-

lis, cur assentiatur conclusioni ex illa illatæ, quia præmissæ assentitur per lumen primorum principiorum; conclusio vero per lumen scientiæ. Ex quo autem Theologus firmitus adhæreat conclusioni Theologicæ, quam cuilibet conclusioni Philosophicæ, solum sequitur, quod auctoritas Dei dicentis mediata, & virtualiter concurrens ad assensum conclusionis, influat in eam majorem certitudinem, quia (ut docent Logici) certitudo præmissarum influat certitudinem in conclusionem, & quò assensus præmissarum est certior, eò certior sit assensus conclusionis ex tali assensu deductæ.

XX. Ad id, quod quartò urgent, nego maj. si loquatur de charactere essentiali, & specifico scientiæ: concedendo autem illam, si loquatur de charactere accidentali, & proprio scientiæ habentis in subiecto suum statum perfectum.. Ideo autem Philosophus definit scientiam, quòd sit cognitio certa, & evidens, quia loquebatur de scientia deducta ex principiis naturalibus, quàm solum ipse noverat, quoniam non potest habere certitudinem immobilem de suis principiis, nisi per evidentiam: Quod non valet de scientia procedente ex revelatione à Deo; hæc enim majorem certitudinem habere potest de suis principiis, etsi ea non videat, propter auctoritatem Dei revelantis. Quare scientia non eodem modo petit evidentiam, ac certitudinem: certitudinem enim petit propter se, evidentiam autem propter certitudinem, & ideo si aliunde possit habere certitudinem, quàm ex evidentia, stat scientia sine evidentia. Scientia autem sine evidentia adhuc essentialiter discrepabit à fide. Tum quia fides essentialiter excludit evidentiam: hanc autem scientia essentialiter non excludit, quamvis possit sine eâ esse, sic Theologia licet in Viatore stet sine evidentia, in Beato tamen stabit cum evidentia, in quo tamen non stabit fides. Quare fides est essentialiter obscura, Theologia autem est obscura solum permissivè, & ratione subiecti, & status. Neque valet: Fides est obscura, Theologia est obscura; ergo Theologia, & fides non discrepant. Si-

ne-

DUBIUM II.

An nostra Theologia subalternetur
scientiæ Dei, & Beatorum, &
an maneat in Patriâ.

§. I.

Resolvitur primum Dubium.

cut non valet: homo est animal; equus est animal; ergo homo non discrepat ab equo; quia alio modo est obscura fides, alio modo Theologia; unde medium in neutrà præmissâ distribuitur. Tum etiam, quia Theologia est discursiva, fides autem non. Distingui etiam potest aliter maj., quoddam character scientiæ sit evidentia consequentis, conc. evidentia antecedentis, vel consequentis nego maj.. Theologia autem, esto non habeat evidentiam de antecedente, vel de consequente in se, habet evidentiam, & clarè videt, illud consequens connelli, sequi, & inferri ex illo antecedente: & sic licet careat evidentia antecedentis, & consequentis materialiter, ut in se sunt; habet tamen evidentiam de consequente, ut illato, & de antecedente, ut illativo.

Ex distis infero 1., quoddam esto in multorum opinione scientia subalternata naturalis, in eo, qui caret scientiâ subalternante, non sit vera quoad substantiam scientia; Hoc idem non est, quia præcisè in eo subiecto careat evidentia principiorum, sed quia, cum careat evidentia, & debeat niti testimonio humano attestanti, illa principia esse probata in scientiâ superiori, quod testimonium est fallibile, consequenter caret etiam certitudine necessariâ ad scientiam. At Theologia Viatoris, esto careat evidentia principiorum, non caret tamen, imò majori gaudet certitudine ob testimonium Dei infallibile illa revelans.

Infero 2., quoddam licet fides, & scientia non possit de eadem veritate reperiri in eodem subiecto, quando scientia clara, & evidens est, non tamen, quando scientia, in subiecto, in quo est, evidentiam, & claritatem de re demonstrat non asserat: cumque talis sit Theologia in Viatore, ideo Viator eandem veritatem potest, & credere, & Theologicè scire, ac demonstrare.



Occasionem huic dubio dat D. Thomas in hoc articulo 2. cum enim doceat, Theologiam nostram procedere ex principiis notis lumine superioris scientiæ, sicut musica procedit ex principiis per Arithmeticam manifestatis; Idem jure dubitatur, an, sicut musica, subalternatur Arithmeticæ, sic nostra Theologia subalternetur scientiæ Dei, & Beatorum, in quâ clarè manifestantur principia, quæ Theologia nostra credit.

I. Dico. Si loquamur de subalternatione scientiarum, quemadmodum loquuntur Philosophi, Theologia nostra non propriè subalternatur scientiæ Dei, & Beatorum. Est probabilior etiam apud Scotistas, & probatur. Nam ad scientiam propriè subalternatam duo saltem necessaria sunt. Prius, quoddam diversa principia scientiæ subalternatæ, & subalternantis: ita scilicet, ut quæ in subalternatâ principia sunt, sint conclusiones in scientiâ subalternante, ratione, cujus illa dicitur incipere, ubi illa desinit. Posterius, ut obiectum scientiæ subalternatæ addat supra obiectum subalternantis aliquam differentiam accidentalem, ratione cujus fundet speciales proprietates demonstrabiles, quomodò musica, quæ considerat numerum sonorum, addit supra obiectum Arithmeticæ, quod est numerus, differentiam accidentalem sonoritatis, ex quâ oriuntur speciales proprietates per musicam demonstrabiles.

Atque neutrum horum verificatur inter Theologiam nostram, & Theologiam Beatorum, utriusque enim eadem sunt principia, & idem prorsus obiectum, eademque conclusiones, cum hoc solo discrimine, quod ea, quæ à nobis cognoscuntur obscurè, à Beatis tam principia, quam conclusiones, quam obiectum

Quum ipsum cognoscuntur clarè, sive, quia ea omnia vident in verbo, vel per revelationem claram. Ergo Theologia nostra propriè non subalternatur scientiæ Dei, & Beatorum. Neque obiectum Theologiæ nostræ ullam accidentalem differentiam addit supra obiectum Theologiæ, & scientiæ Dei, & Beatorum.

II. Si verò loquamur de subalternatione non secundum rigorem philosophicum, sed impropiè, & secundum quandam similitudinem, non incongruè dici poterit, Theologiam nostram esse subalternatam scientiæ Dei, & Beatorum, quia est inferior illa, quia procedit per principia clarè in illà manifestata, & quia ordinatur ad consequendum eum finem, quem beati sunt jam consecuti; & D. Thomas dum Theologiam nostram assimilât musicæ, solum intendit, quodd sicut musica est inferior, & procedit ex principiis manifestatis in Arithmetica, ità & Theologia nostra inferior sit, & procedat ex principiis notis lumine superioris scientiæ, quæ scilicet est scientia Dei, & Beatorum, & quodd sicut musica creditur principia tradita sibi ab Arithmetico, ita Doctrina Sacra creditur principia revelata sibi à Deo. Hoc tamen ad rigorosam, & philosophicam subalternationem non sufficere, jam dictum est.

§. I I.

Resolvitur secunda Pars.

III. **D**ico. Theologia hîc acquisita, manebit in Patriâ. Est hæc assertio menti D. Thom. conformior, ut bene notat Sylvius *quæst. 1. ad art. 2. quæstio 2.* nam S. Thomas 1. part. *quæst. 89. artic. 5.* resolvens, habitum scientiæ manere in animâ separatâ; & ar. 6. docens, in eadem animâ manere actus scientiæ hîc acquisitæ, comprehendit etiam scientiam rerum divinarum; unde ad primum argumentum ex Apostolo 1. Corinth. 13. v. 8. *scientia destruetur* respondet, Apostolum non loqui de scientiâ quantum ad habitum, sed quantum ad actum, seu modum actus, quia scilicet neque phantasmata remanent destructo corpore, neque est usus scientiæ per con-

versionem ad phantasmata. Et qu. 20. de veritate art. 3. ad 1. generaliter docet, quodd scientia hîc acquisita remaneat, quoad essentiam habitus, sed tollatur modus, quo hîc scientiâ utimur, quod repetit in c. 13. prioris ad Cor.

IV. Probatur verò sic. Theologia nostra comparatur ad scientiam Beatorum, sicut musica ad arithmeticam, quia sicut musica procedit ex principiis ab arithmetica manifestatis: ità nostra Theologia procedit ex principiis in scientiâ Beatorum manifestatis: & sicut musica in eo, qui non habet arithmeticam, obscure tantum cognoscit sua principia, ità Theologia in Viatore cognoscit sua principia per lumen obscurum fidei: sed musicus, si fiat arithmeticus non amittit musicam, quam prius habebat, sed eam perficit: ergo Viator, dum evadit Beatus, non amittit Theologiam, quam prius habebat, sed illam perficit per visionem clariorum, quæ prius obscure solum cognoscebat. Quia sicut obscuritas conveniebat musicæ non per se, sed per accidens, & ratione subiecti, ità obscuritas non convenit Theologiæ per se, sed tantum per accidens, & ratione subiecti, quia scilicet erat in Viatore, ut patet clarior, dum contraria momenta solvemur.

Confirmo. S. Hieronymus *epist. ad Paulinum.* adhortans cum ad studium Sacre Scripturæ: *diximus (inquit) in terris, quorum nobis scientia perseveret in Calis.* Et Sanctus Chrysostom. in *cap. 13. 1. ad Cor. non abolebitur (ait) scientia, sed desinet esse non perfecta.* Ergo in Sancto Viatore, dum fiet Beatus, non abolebitur, sed perseverabit, & solum desinet esse non perfecta scientia, quàm hîc in terris comparavit, quia per eadem principia eadem veritates, quas hîc cognoscit lumine per accidens obscuro, ibi lumine claro cognoscet.

§. I I I.

Argumenta contraria.

V. **O**bijcit I. Frassenius cum aliis. Paulus 1. ad Cor. *cap. 13. v. 8.* cum dixisset *charitas nunquam exiit*, sub.

subiungit, *sive prophetia evacuabuntur, sive lingua cessabunt, sive scientia destruetur*. Ex quibus sic arguit. Scientia, quam in Patria destruendam indicat Apostolus, est Theologia hinc acquisita, eam enim scientiam dicit esse destruendam; de qua prius v. 2. locutus dixerat: *Si habuerim prophetiam, & noverim mysteria omnia, & omnem scientiam*. Scientia autem, quæ versatur circa mysteria, & ex eis eruit conclusiones, scientia Theologica est: ergo hæc in patriâ destruetur.

Si dixeris, Apostolum velle scientiam fore destruendam, non quidem quantum ad substantiam, & quoad habitum, sed solum quantum ad statum, nimirum obscuritatis, & incidentiæ, & quantum ad actum, qui non amplius erit per conversionem ad phantasmata.

VI. Contra urget. Huiusmodi expositio menti Apostoli contraria est; 1. Quia Apostolus absolute dicit, quod scientia destruetur; destructio autem non est sola rei defectio, sed totalis rei cessatio. 2. Dicit, quod scientia destruetur, sicut destruetur prophetia; sed prophetia omnino deficit; ergo & scientia. 3. Quia huius deletionis rationem reddens Paulus v. 9. & 10. dicit, *ex parte enim cognoscimus, & ex parte prophetamur: cum autem venerit, quod perfectum est, evacuabitur, quod ex parte est*. Hoc est, quod modò partim per prophetiam, partim per scientiam Theologicam novimus ex parte, prorsus tollitur, cum venerit evidens cognitio beatifica.

VII. Respondetur tamen, datam expositionem esse conformem menti Apostoli, cuius testem habemus D. Jo: Chrysostomum nuper relatum, & D. Thom. in expositione præfati textus. Neque obstant instantiæ allatæ. Non quidem prima; non enim semper in Scripturâ destructio significat deletionem totalem, rei, & subrogationem alterius specie substantiali diversæ. Nam in morte destruitur corpus animale, sicut dum seminatur, destruitur, & moritur granum, teste Apostolo 1. Cor. 15. v. 36. & 37., & resurget corpus spirituale; & tamen corpus animale, quod moritur, distinguitur à corpore spirituali solum quoad perfectionem, & statum, non quoad sub-

stantiam. Ergo in casu nostro de scientiâ, vult Apostolus, scientiam destruendam esse in patriâ, quoad statum imperfectum obscuritatis, quam habebit in viâ, sicut corpus destruitur quoad statum corruptibilitatis; & colligitur exemplo, quod statim subjicit Paulus de scientiâ parvuli, & scientiâ adulti, dicens v. 11. *cum essem parvulus, loquebar ut parvulus, sapiebam ut parvulus, cogitabam ut parvulus*. Quando autem factus sum vir, evacuavi quæ erant parvuli. Quis autem dicat, scientiam parvuli evacuari in viro per hoc, quod alia sit scientia in viro, quam in parvulo, & non potius, quod sit eadem quidem in utroque quoad habitum, sed quoad actus, & modum cognoscendi perfectior sit in viro, quam in parvulo? Addo: Quod si per hoc, quod dicat Paulus, in patriâ evacuabitur, & destruetur scientia, inferenda est destructio Theologiæ, inferetur etiam destructio ejuslibet scientiæ naturalis, quia Apostolus absolute loquitur de scientiâ, imò dicit expressè, & *omnem scientiam*. Quod certè (ut puto) nec Erasmen, nec ullus Scotista dicit.

VIII. Neque officit secunda instantia. Nego enim absolute min. Prophetia enim non excludit visionem claram, ideoque fuit in Christo, qui beatus erat, in quo tamen non fuisset, si essentialiter esset lumen obscurum, sicut hæc ratio in Christo non fuit fides. Sicut ergo dona Spiritus Sancti, licet in nobis Viatoribus regulentur per fidem, remanent tamen in patriâ, teste D. Thom. 1. 2. q. 68. artic. 6., quia hoc illis contingit per accidens, & ratione subjecti, in quo sunt, ita Theologia, & prophetia, quæ in Viatore regulantur per fidem, in patriâ poterunt regulari per visionem, aut revelationem claram.

IX. Neque officit, quod tertio urget. Ex laudatis enim Apostoli verbis colligimus oppositum cum D. Thoma. Ex parte enim cognoscimus, idest imperfectè, iuquit S. Doctor: pars enim est imperfecta respectu totius, quod est perfectum. Cum igitur venerit, quod perfectum est, idest Theologia patriæ, quæ tota est perfectè, evacuabitur Theologia viæ, non ex toto, sed ex parte, idè non secundum

substantiam, & quantum ad habitum, sed quantum ad actum, seu modum cognoscendi per conversionem ad phantasmata, secundum quem est imperfecta.

X. Sed dices: Grante hac expositione, jam non subsistet discrimen, quod statuit Apostolus inter caritatem, & scientiam, quod *caritas nunquam excidit: scientia vero destruitur*. Quod sic ostendo. Nam etiam caritas pro statu viæ est imperfecta, cum reguletur per fidem, quæ est obscura, non minus, ac per fidem reguletur scientia: quam imperfectionem evacuabit in patriâ, ubi regulabitur per lumen gloriæ, quod est clarum, & perfectum; ergo vel etiam caritas excidit, vel non excidit, & destruitur scientia; ergo non subsistet discrimen. &c.

XI. Respondetur, discrimen inter caritatem, & Theologiam adhuc subsistere. Nam imperfectio, quam habet caritas, ut est in viâ, prorsus accidentaliter est tam habitui, quam actui caritatis; unde non solum eodem habitu caritatis, quo diligimus Deum in viâ, diligemus in patriâ, sed eodem actu; at imperfectio, quam habet scientia hic in viâ, licet sit accidentaliter habitui, non est tamen accidentaliter actui, sed illi essentialiter, cum actus cognitionis viæ essentialiter respiciat, & convertatur ad phantasmata; & ideo manebit quidem in Beato eadem scientia Theologica, quam habuit in viâ, quoad habitum, non tamen quoad actum; ibi enim eliciet alium actum specie materiali diversum, non per conversionem ad phantasmata, sed ad solas species intelligibiles, ad modum cognitionis Angelorum, quibus tunc homo erit similis, regulatum insuper non lumine fidei, sed lumine claro. Sicque verificatur, quod caritas nusquam excidit, quia, nec excidit quoad habitum, nec quoad actum; scientia vero destruitur, quantum ad actum, & modum cognitionis, non tamen eundem habitum. Totum hoc colligo ex D. Thoma, qui exponens verba Apostoli, ait lect. 2.: *sic ergo remanet scientia in animâ post corporis mortem quantum ad species intelligibiles, (nempe quoad habitum) non autem quantum ad inspectionem phantasma-*

tum, idest quantum ad actum, seu modum cognitionis.... Et secundum hoc Apostolus hic dicit, quod scientia destruitur. Scilicet secundum conversionem ad phantasmata. Et paulo post assignans discrimen inter caritatem, & scientiam, ait: Imperfectio est ergo de ratione scientia prout hic de Deo habetur, in quantum scilicet cognoscitur ex sensibilibus: non est autem de ratione caritatis, ad quam cognitum bonum diligere pertinet: & ideo superveniente perfectione gloria cessat probetia, & scientia, idest quoad actum. Caritas autem non cessat, idest nec quoad habitum, nec quoad actum, sed magis perficitur, quia, quantum perfectus cognoscitur Deus, tanto etiam perfectius amabitur.

XII. Obijciunt 1. Fides, quæ est habitus principiorum Theologiæ non manet in patriâ; ergo nec Theologiâ, quam habemus in viâ: non enim potest manere scientia, non manente habitu, à quo accipit sua principia.

XIII. Confutatur. Theologia nostra secundum se est inevidens: talis enim est secundum se, qualis secundum se est habitus principiorum ipsius. Neque potest fieri, quod habitus idem modò sit inevidens, & postea evidens, sicut neque assensus inevidens potest idem numero fieri evidens.

XIV. Respondetur conc. antered. nego consequentiam, ad cuius probationem nego suppositum, quod scilicet lumen principiorum, cui essentialiter nititur Theologia, sit lumen fidei. Nam lumen, quo regitur Theologia secundum se, est lumen divinum revelans, ejusque principia sunt veritates immediatè revelatæ abstrahendo ab hoc, quod revelentur clarè, vel obscurè. Quare quod sic revelentur, ut revelentur solum per fidem, & obscurè, non est de ratione Theologiæ secundum se, sed illi convenit ratione subjecti, quia scilicet est in Viatore: & propterea, si lumini obscurò succedat lumen, & revelatio clara non solum non destruitur, sed perficitur Theologia, imò hoc secundum se petit Theologia, ut sit perfecta: tu enim autem, & revelationem obscuram solum admittit tanquam supplementum. Hinc

XV. Ad conf. nego antecedens. Quod enim Theologia nostra sit inevidens, non convenit ei secundum se, inquantum est Theologia: cum enim sit de objecto evidenter cognoscibili, sic petit potius lumen clarum pariens evidentiam; sed convenit illi solum per accidens, & ratione status. Quare habitus Theologiæ, qui modò est inevidens, potest fieri evidens, dum erit in patriâ. Neque est simile de assensu conclusionis Theologicæ elicito hinc in viâ: hic enim est actus reduplicans statum, quem Theologia habet in viâ: cumque reduplicato statu viæ Theologia sit essentialiter inevidens, ideo actus ab eâ pro hoc statu elicitus, essentialiter est inevidens, nec potest idem manens transire in evidentem. Uno verbo. Habitus Theologiæ de se est indifferens ad elicendos conclusiones, & actus, sive juxta regulam fidei, sive juxta regulam luminis clari, assensus autem eliciti juxta regulam luminis obsecuti, cum ab hac specificetur, non est indifferens, ut elicatur juxta regulam alterius luminis.

XVI. Obijciunt 3. Theologia Beatorum est habitus per se infusus, nostra autem est habitus per se acquisitus, ideoque differunt specie, ergo vel in patriâ habebimus duplicem habitum Theologiæ, si manet habitus, quem habemus in viâ, vel is, qui fuit hic acquisitus, ibi non manebit.

Respond. nego antec. Nam præter scientiam beatam, quâ vident res in Verbo, non infunditur Beatis alia scientia Theologica; sed ille habitus scientiæ, quem de rebus Theologicis habent extra visionem Dei, in quibusdam sequitur ex visione beatificâ. In aliis est acquisitus per præcedentes actus in hac vitâ; quique majorem perfectionem accipit ex conjunctione ad visionem beatificam.

XVII. Ex his colligo, in Beatis esse triplicem scientiam. Prima est intrinsece supernaturalis, nempe visio beata, quæ eminenter dici potest scientia, & quâ Deum videntes, eodem unico simplicissimo intuitu omnia divina vident, sive principia, sive conclusiones: ideoque formaliter discursiva non est, sed eminenter solum, & dicitur scientia beata.

Secunda est, quâ ex viis per scientiam beatam discuntur ad alia extra verbum; & hæc est Theologia Beatorum, quæ in iis, qui, dum erant Viatores, fuerunt Theologi, est idemmet habitus speciei, & numero, quem habebant in viâ, esto cum majore perfectione. In iis verò, qui non fuerunt Theologi, sequitur ex ipsâ beatificâ visione, & hæc scientia est formaliter discursiva, & entitativè naturalis, sicut dicemus statim de nostrâ Theologia. Tertia est scientia purè naturalis, quam Beati habent de rebus naturalibus per principia lumine naturali nota, eademque, quam habuerunt in viâ, quæque remanet etiam in dæmonibus. Quare Theologia, alique scientiæ hic comparatæ remanebunt non solum ad ornatum in Patriâ, sed ad exercitium, licet alio, & perfectiori cognitionis modo; quia non amplius per conversionem ad phantasmata, sed per conversionem ad species intelligibiles immediatè se exercebant, ut dictum est.

DUBIUM III.

An nostra Theologia sit entitativè supernaturalis.

§. I.

Quædam notantur.

I. Supernaturale est illud, quod est supra naturam creatam, & creatibilem, illiusque vires excedit, quod dupliciter contingere potest. Vel solum quoad modum, qualiter supernaturalis dicitur resuscitatio mortui, aut visus restitutus cæco: vita enim restituta mortuo, aut visus restitutus cæco in se, & entitativè res naturalis est, utpotè ejusdem speciei cum vitâ, & visu aliorum hominum; quia tamen modus talis restitutionis excedit vires totius naturæ, & à solo agente supra totam naturam haberi potest, dicitur supernaturalis quoad modum. Vel potest esse supernaturale etiam intrinsece, & quoad entitatem, ut sunt Mytheria Trinitatis, Incarnationis, visio beata &c., quæ quoad entitatem, & speciem suam excoquant totam

H a natu-

naturam, ejusque vires, imò & exigentiam, cum sint prorsus in ordine superiori. Et ideo quærimus, an habitus, & actus Theologiæ nostræ sit hoc modo supernaturalis, & quidem formaliter, & intrinsicè.

Quod enim Theologia nostra sit supernaturalis radicaliter, & remotè, seu originative, quia nimirum radicatur in fide supernaturali, & divinà, & ex ipsà originem ducit, tanquam scientia conclusivum ex habitu principiorum: quodd etiam sit supernaturalis extrinsicè, & objectivè, quia respicit obiectum supernaturale, nempe Deum, in controversiam non vocamus.

Nunc in re non una est Theologorum, etiam Thomistarum, sententia: licet enim major pars istorum sentiat, Theologiam esse habitum entitativè naturalem cui adherent Schotistæ; aliqui tamen, inter quos Contenton differt. 1. cap. 2. *specul.* 3., & alii, sentiunt, esse entitativè supernaturalem. Majori ergo parti subscribo.

§. I I.

Conclusio.

II. **D**ico. Theologia nostra sumta, sive quoad habitum, sive quoad actum, est entitativè naturalis. Et probò 1. Judicium de naturalitate, aut supernaturalitate alicujus rei formari debet, non ex causâ radicali, & remotâ, sed ex causâ immediatâ, & proximâ: sed licet causâ radicalis, & remota habitus, & assensus Theologici sit supernaturalis, nempe lumen fidei revelans, & principia revelata; causa tamen immediatâ, & proximâ, & ratio formalis, sub quâ Theologia procedit, est naturalis: ergo Theologiæ habitus, & assensus Theologicus est entitativè naturalis. Major probatur. Quia effectus speciei sunt à causâ proximâ immediatè influente, non autem à causâ remotâ: quare licet actus fidei, & caritatis procedant remotè ad intellectum, & voluntate, quæ potentie naturales sunt, quia tamen habitus fidei; & caritatis, à quibus proximè, & immediate procedunt, sunt su-

pernaturalis, hinc actus fidei, & caritatis sunt supernaturales. Et licet causæ universales, putâ sol, æqualiter in omnes effectus influant, quia tamen causæ proximæ, & immediatæ, diversæ sunt, ideo effectus diversi sunt; & iste effectus est in specie hominis, quia causa proxima est homo; ille in specie equi, quia causa immediatâ est equus, licet in utrumque eadem causa universalis remotè concurrat. Et ratio est, quia causa proxima, & immediatâ determinat, & modificat, & trahit ad hanc potius speciem, quàm ad aliam concursum causæ remotæ.

Minor autem probatur. Esto causa remota, & radicalis assensus Theologicæ conclusioni sint veritates immediatè revelatæ, quæ (ex dictis) sunt principia nostræ Theologiæ, causa tamen proxima, & immediatâ, imò & specificativa talis assensus, ut distinguitur ab assensu fidei, est, ex parte objecti, connexio necessaria principiorum cum conclusione, & ex parte intellectus, ratiocinium, quo, stante tali connexionem discurret à principiis ad conclusionem, eamque infert ex principiis: scientia enim, ut distinda à lumine principiorum, definitur, quodd sit habitus per demonstrationem acquisitus: sed suppositâ fide connexio illa præmissarum cum conclusione naturali lumine, cognoscibilis est, ratiocinium etiam illud naturale est: ergo causa immediatâ, & proximâ assensus Theologici naturalis entitativè est. Minor explicatur, & simul probatur. Si alicui Gentili Philosopho fiat hæc demonstratio Theologica: *omne suppositum habens duas naturas, habet duas voluntates; sed Christus est suppositum habens duas naturas: ergo Christus habet duas voluntates*; Ille Philosophus statim dicet. Ego non existimo præmissas hujus argumenti esse veras, quia fidem non adhibeo religioni vestræ: sed tamen suppositâ semel præmissarum veritate, ego per meam Philosophiam optimè cognosco, quodd ex talibus præmissis sequitur evidenter præfata conclusio. Quodnam quæso clarus signum dari potest, quodd connexio præmissarum, & conclusionum Theologiæ, quamvis supernaturalium, sit naturalis, & naturali lumine cognoscibi-

scibillis? Insuper. Si ratiocinium, quo Theologus discurret, esset supernaturale, & à fide immediatè, ille melius theologizaret, qui fortiores haberet habitus fidei, non verò qui habet perspicacitatem vim naturalem intellectivam; quia habitus supernaturales sunt tota ratio agendi (ut docent nostri in tractatu de visione) & actus supernaturales unice correspondent intentioni luminis supernaturalis, non verò naturalis virtutis, & perspicacitatis: sed oppositum contingit: non enim ille est melior Theologus, qui magis credit, cum sæpe viri, & mulieres idiotæ firmius credant, qui tamen theologizare nesciunt; ergo principium, & causa immediata assensus conclusioni Theologicæ non est fides, aut aliquod supernaturale principium, sed ratio, & perspicacitas naturalis.

III. Hæc ratione ita expensâ præcluditur communis adversariorum responsio, nimirum, discursum, & ratiocinium naturale concurrere ad assensum Theologicum, non per modum causæ proximæ, sed tantum per modum conditionis, sicut applicatio ignis concurret ad comburendum.

Præcluditur inquam. Nam si assensus Theologicus commensuratur, non lumini fidei, sed unice ratiocinio, & perspicacitati intellectus, hæc non erit pura conditio, sed causa immediata illius, aliàs dicere possemus, habitus supernaturales esse puras condiciones, non rationes formales totales agendi.

Quod magis urgeo primò. Inter conditionem, & rationem formalem, hoc adest discrimen, quòd sine ratione formali res nec esse potest, nec concipi; sine conditione tamen res non potest quidem esse saltem naturaliter, sine eâ tamen concipi potest, quod in exemplo allato patet. Quia enim ratio formalis calefaciendi est calor, nec esse, nec concipi potest ignis calefaciens, quin concipiatur calidus. Quia verò approximatio ignis ad lignum est solum conditio sine, qua non, esse naturaliter non possit ignis calefacere, nisi sit approximatus ligno, possum tamen concipere ignem calefacientem, nihil cogitans de approximatione. Atqui scientia Theologica.

nullatenus concipi potest, non concipio ratiocinium, & discursu à principis ad conclusiones; quia ablato discursu, vel formali, vel virtuali scientia amplius non est; ergo discursus non est pura conditio &c.

Urgeo secundò. Eadem est ratio formalis constitutiva, ac essentialiter distinctiva; sed esse discursivum est ratio essentialiter distinctiva scientiæ ab habitu, qui non est scientia; quare definitur, quòd sit per demonstrationem acquisita; ergo ratio discursivi est ratio constitutiva scientiæ &c.; & per rationem discursivi scientia distinguitur ab opinione, quòd scientia sit discursiva, ex necessariis, opinio verò ex probabilibus.

IV. Probatur secundò hæc ratio. Ille habitus non est intrinsecè supernaturalis, qui nostris actibus, & studiis acquiritur; sed habitus Theologiæ nostris actibus, & studiis acquiritur; ergo non est &c. Maj. probatur: tum quia actus, & studia nostra sunt exercitia ordinis purè naturalis, effectus autem non potest excedere (præsertim ordine) causam suam proximam. Tum etiam, ideo enim virtutes Theologicæ, aliaque dona nostris actibus, & studiis comparari non possunt, quia supernaturales intrinsecè sunt. Minor probatur, tum ex D. Th. in *prolog. 1. sent. quasi. unica art. 3. quasiunc. 2.*, ubi sic ait: *sicut habitus primorum principiorum non acquiritur per alias scientias, sed habetur à natura; sed habitus conclusionum ex primis principii deducuntur: ita etiam in hæc doctrinâ non acquiritur habitus fidei, qui est quasi habitus principiorum, sed acquiritur habitus eorum, quæ ex eis deducuntur.* Tum experientiâ, quâ constat, modum comparandæ Theologiæ, non esse devotionem, & orationem, quæ homines solent se præparare ad assequendos habitus supernaturales, sed opus esse summo studio, & assiduâ exercitatione, & scientiarum etiam naturalium, maxime Philosophiæ, subsidio, ut quis evadat peritus Theologus; eos autem, qui orationi tantum indulgent, & hujusmodi studia, & exercitia contemnuunt, etiam rebus Theologicis vacuos, & inanes, sal.

saltem viâ ordinariâ, experimus.

V. Huic discursui variè dicunt contrarij. Dicit primò Contenson, Theologiam, etsi nostris actibus partam, esse tamen in se supernaturalem, quia partam assensibus supernaturalibus articulorum fidei; cum enim non assentiamur conclusioni, nisi propter præmissas, quando assensus præmissarum est supernaturalis, assensus conclusionis supernaturalis esse debet. Inter Theologiam autem, & virtutes per se infusæ duplicem statuit differentiam: prima est, quia virtutes per se infusæ effluunt à gratiâ sanctificante, ut proprietates ejus: unde sicut gratia nequit produci nostris actibus, ita nec ejus proprietates, quæ petunt fieri eâdem actione, quâ sit essentia, cujus sunt passiones. Secunda differentia est, quod virtutes per se infusæ dant simpliciter posse in ordine supernaturali, sicut potentia in ordine naturali; unde sicut potentia nostris actibus non acquiruntur, sed effluunt ab anima; ita virtutes effluunt à gratiâ. Theologia autem cum supponat fidem dantem simpliciter posse, non dat nisi promptè, & facilliter operari; idèdque nostris actibus poterit acquiri.

VI. Sed contra. Theologia, sicut & quælibet scientia, non paritur per assensum præmissarum secundum se, sed per assensum præmissarum, ut inferentium, seu potius, per assensum conclusioni, ut illatæ ex præmissis, cum scientia sit discursiva: sed licet assensus præmissarum Theologiæ absolute sit supernaturalis, assensus tamen conclusioni, ut deductæ, cum fiat humano ratiocinio, intrinsicè supernaturalis non est; ergo firmum stat argumentum allatum, nimirum, quod per actus merè naturales acquiri nequit habitus supernaturalis.

VII. Contra id, quod dicit de duplici differentia inter Theologiam, & virtutes per se infusæ, inflo primò sic. Dato quod responso hæc valeat de virtutibus Theologicis, quando producantur simul cum gratiâ, ut in fidei, qui iustificatur, non tamen, quando producantur separatim à gratiâ, ut in fidei nondum iustificato. Quare sic arguo, sicut Theologia, ita & fides, & spes possunt produci separatim à gratiâ, & tamen dum

itâ producantur, non possunt acquiri nostris actibus, non aliâ de causâ, nisi quia sunt supernaturales; ergo si Theologia, similiter supernaturalis esset; non posset acquiri nostris actibus. Neque subsistit secunda differentia. Nam contra eam sic insurgo. Virtutes per se infusæ dant simpliciter posse, quia, cum sint supernaturales entitative, nullum posse supponunt in naturâ; ergo si Theologia erit entitative supernaturalis, nullum posse supponet in naturâ, & sic dabit simpliciter posse. Neque valet quod Theologia supponat fidem. Etenim fides dat quidem posse credere revelata à Deo, non tamen posse ex revelatis discurrere ad conclusionem; ad hoc enim ponitur Theologia, ut habitus distinctus. Ergo si hoc etiam est supernaturale, ad hoc Theologia dabit simpliciter posse, sicut virtutes morales per se infusæ, licet supponant caritatem, quia tamen entitative supernaturales sunt, dant simpliciter posse, nec possunt nostris actibus acquiri.

VIII. Dicunt secundò alij, habitum Theologiæ non esse acquisitum studio, & labore, sed reverâ infundi, quia entitative supernaturalem; require tamen studium, & discursum naturalem, non, tanquam causam sui productivam, sed tanquam conditionem, sine quâ non infunderetur Theologia, & tanquam dispositionem præparantem subiectum ad infusionem, & receptionem illius: sicut à simili voluntas præparatur per varios actus ad infusionem, & susceptionem gratiæ sanctificantis, quæ præparatio non impedit, quin sit entitative supernaturalis.

IX. Sed contra. Nam primò dicere Theologiam esse habitum non acquiritum sed per se infusum, est manifestè contradicere Divo Thomæ, qui loco supra relato expressè dicit, quod licet habitus fidei non acquiratur, acquirunt tamen doctrinâ, quæ ex principiis fidei inferitur. Secundò, quia discursum naturalem non esse puram conditionem, sed causam immediatam Theologiæ, & assensus Theologici, jam supra probatum est. Tertiò, si actus nostri requirerentur, ut dispositiones, & præparationes ad infusionem Theologiæ, vel requirerentur, ut dis-

posi-

positiones positivæ, & moventes Deum ad illam infundendam, vel ut dispositiones negativæ removens à subjecto ea, quæ huic infusioni forent contraria. Sed neutrum dici potest. Non quidem primum, tum quia dispositiones debent esse ejusdem ordinis cum forma, ad quam disponunt. Unde Theologi contra Semipelagianos docent, neminem posse per vires naturæ se disponere proximè ad receptionem primæ gratiæ vocationis ad fidem; ergo per studium, & exercitia naturalia non posset homo se disponere ad infusionem Theologiæ, si ista habitus supernaturalis esset: quare dispositiones, quibus voluntas præparatur ad gratiam, intrinsecè supernaturales sunt, utpotè à Spiritu Sancto movente cor, licet nondum inhabitante; ut ait Tridentinum. *sess. 14. cap. 4.* Tum etiam, quia certum est, Deum ad hanc infusionem magis moveri, & efficacius per orationes, jejunia, & electi. *synas &c.*, quàm per studium, & laborem, illa enim pietatis opera sunt illi acceptoria, quàm quodlibet studium; & tamen qui his pietatis operibus magis incumbunt, non propterea sunt perfectiores Theologi. Tum denique: si tales exercitationes Deum moverent ad infusionem habitus Theologici, id esset maximè ob aliquod pactum, & promissionem, sicut in Sacramentis; sed nullum simile pactum legitur in Scriptura, imò quoties proponitur scientia comparanda, toties indicitur labor subeundus: etenim qui addit scientiam, addit, & laborem, inquit Ecclesiastes *c. 1. v. 18.* Non etiam secundum, quia si nullæ dispositiones naturales requiruntur ad infusionem cæterorum habituum supernaturalium, cur requirerentur ad infusionem habitus Theologici, cùm de hoc nullum sit pactum, nulla lex; nulla promissio?

§. III.

Argumenta contraria solvuntur.

X. Objicitur primò, promissionem haberi tum ex *epist. Jacobi c. 1. v. 5.* Si quis indiget sapientiâ, possit à Deo, qui dat omnibus affluenter,

& non improperat, & dabitur ei. Et Ecclesiastici *1. v. 10.* Deus sapientiam effundit super omnia opera sua, & super omnem carnem secundum datum suum, & præbuit illam diligentibus se: ergo Theologia, quæ est vera Sapientiâ, à Deo infunditur, & donatur.

Respondeo primò, si sapientiâ datur petentibus, & diligentibus, ut colligitur ex præfatis textibus; ergo infunditur intuitu orationis, & amoris, non audit, & laboris, ut adversarii volunt. Respondeo secundò, illis textibus non indicari sapientiam mentis, quæ traditur, & studio discitur, quæque ex revelatis conclusionibus deducitur; sed sapientiam mentis, & cordis, quæ Spiritus Sancti donum est, quâ res cælestes nobis sapiunt per mysticam earum speculationem, & contemplationem; undè non sunt ad intentum.

XI. Objiciunt secundò. Theologia vocatur à D. Thoma hie *art. 1. Scientia revelata, & divinitus inspirata* & *art. 3. ad 2.* dicitur esse *velut quædam impressio Divina Scientia*, quæ certè supernaturalis est. Ergo secundum D. Thom. Theologia est, & infusa, & supernaturalis.

Respondeo, D. Thom. solum velle, Theologiam esse radicaliter, seu virtualiter revelatam, quia fidei nititur, quæ divinitus revelata, & inspirata nobis traditur. Dicitur etiam velut quædam impressio Divinæ Scientiæ, virtualis quidem, non formalis: cùm enim contineatur in fide tanquam in semine, & habitu ministrante ei prima principia, & in ea suas conclusiones resolvat, quæ principia sunt locutiones divinæ, rectè dici potest *velut*, idest virtualis Divinæ Scientiæ participatio.

XII. Objicies tertio cum Contentson. Obiectum Theologiæ est supernaturale; ratio etiam formalis sub qua illud contemplatur, est supernaturalis; ergo Theologia est habitus intrinsecè supernaturalis. Anteced. probatur. Obiectum Theologiæ est Deus, ut à fide cognoscitur, & consequ. ut supernaturalis. Ratio item formalis Theologiæ in hoc à lumine metaphysicè distinguitur, quòd ista agit quiddam de Deo, sed lumine à rebus natura-

tura.

turalibus accepto: Theologia de Deo tractat sub lumine divinae revelationis; neque aliis principiis, mediis, & motivis per se nititur, quàm articulis supernaturalibus fidei.

Respondeo, nego antec. intellectum de objecto formali, & de ratione sub quâ immediatâ, & proximâ. Ad probat. dico, objectum quidem Theologiae esse Deum, at non Deum, ut revelantem nobis mysteria, sed Deum, ut de ipso ex revelatis ratiocinio humano fieri possent demonstrationes, quo pacto specificativè est supernaturalis, non reduplicativè. Item ratio formalis Theologiae, seu lumen sub quo immediatè procedit, non est ipsa formalis revelatio, aliàs non fecerneretur à fide; sed est revelatio solum virtualis, idest lumen, quo ex revelatis discurrit ad alia, quod est quidem radicaliter, & originativè supernaturalis, non tamen formaliter, cum formaliter procedat humano ratiocinio. In quo distinguitur Theologia à Metaphysica: quia Metaphysica agit de Deo sub lumine, quoddam naturale, & formaliter, & originativè, idest agit de Deo, nudo humano, & naturali ratiocinio, sed etiam deducto ex principiis merè naturalibus. At Theologia agit de Deo sub lumine, quod equidem in se est naturale, attamen radicaliter, & originativè est supernaturalis, idest agit quidem humano ratiocinio, sed fundato, & radicato in mediis, & principiis fidei, quæ supernaturalia intrinsecè sunt.

XIII. Instabis. Quod habet causam sui entitativè supernaturalem est entitativè supernaturale, nam effectus sequitur naturam suæ causæ; sed Theologia habet causam sui supernaturalem, nempe fidem, & veritates revelatas, quæ sunt principia Theologiae, & supernaturalia sunt; ergo Theologia &c.

Respondeo dist. maj. Quod habet causam sui proximam supernaturalem est &c. conc. maj., causam sui remotam nego maj., & dist. pariter min., Causam remotam conc. min., causam proximam nego min. Causa enim proxima, & specificativa Theologiae non est veritas revelata, sed connexio, quam res revelata habet cum aliâ veritate, & iudicium

de tali connexione, quæ connexio, ac iudicium, est radicaliter supernaturalia. sunt, formaliter tamen sunt quid naturale. Nam illa connexio naturali studio, & acumine est cognoscibilis, & consequenter iudicium de tali connexione lumine naturali formaliter perficitur.

XIV. Pro huius elatiore intelligentiâ sciendum, quoddam sicut in quâcumque scientiâ naturali principia talis scientiæ possunt considerari dupliciter, vel entitativè in seipsis: & sic non spectant ad scientiam nisi radicaliter, formaliter autem ad habitum principiorum pertinent. Vel ut illativa alterius veritatis, quam necessariò inferunt, & sic formaliter specificant scientiam, & sunt lumen, sub quo scientia procedit. Sic in Theologia res revelatæ, quæ sunt ejus principia, possunt dupliciter inspicì. Vel ut revelatæ, & dictæ à Deo, & sic formaliter pertinent ad Fidem, ad Theologiam, verò solum remote, & radicaliter. Vel ut tales veritates revelatæ sunt connexæ, & illativæ alterius veritatis, & sic formaliter ad Theologiam pertinent, sunt ejus medium, ac motivum, ejus namque actio est ex revelatis ad alia discurrere. Quare circa principia duplicem possumus præstare assensum, unum circa ipsa in se, & secundum se spectata, quatenus sunt veritates immediatè cognoscibiles, & principia naturalia; & hic assensus pertinet ad lumen principiorum, & sic veritates immediatè revelatæ sunt principia Theologiae; & hic assensus pertinet ad fidem. Alio modo possumus assentiri principiis, sive naturali lumine, notis, sive revelatis, ut connexis, & illativis aliarum veritatum, & hoc propriè pertinet ad scientiam. Loquendo ergo de principiis Theologiae, prior assensus pertinet ad fidem est entitativè supernaturalis, posterior verò pertinet ad Theologiam, entitativè naturalis est, quamvis radicaliter supernaturalis. Quæ doctrina hac in re præ oculis habenda est, quam tantùm abest ut nullus Philosophus docuerit (quomodo putat Contenson) quin potius nullus si Philosophus, qui eam non docuerit.

Quoddam si non datur duplex assensus circa conclusionem, unus circa eam secundum

dum se, alius circa eam ut illatam, hoc ideo est, quia conclusio sive consideretur secundum se, sive ut illata, semper pertinet ad eundem habitum, nempe scientiam: præmissæ verò in se, & entitativè suntæ pertinent ad diversum habitum; nam entitativè consideratæ in scientiis naturalibus pertinent ad lumen principiorum, in Theologia verò pertinent ad lumen fidei: at ut illativæ, formaliter pertinent ad scientiam. Est autem conclusiones tam entitativè, quàm ut illativæ pertineant ad eundem assensum scientiæ; non proinde inferas, quòd, cum conclusio Theologica sit in se supernaturalis, supernaturalis etiam debeat esse assensus Theologicus. Nam licet idem assensus feratur in conclusionem entitativè, & ut illatam, ita tamen fertur, ut entitas sit ratio, quæ attingitur, & illatio passiva sit ratio sub quâ; & cum hæc naturalis sit, inde est, quòd attingit quidem conclusionem supernaturalem; sed sub ratione naturaliter cognoscibili.

XV. Obijcies quartò. Ideo Theologia non esset supernaturalis, quia procedit circa principia quidem supernaturalia, sed medio discursu naturali: sed hoc non evincit. Ergo &c. minor probatur primò, quia ille discursus est pura applicatio luminis principiorum ad illuminandas conclusiones, sicut applicatio caloris ignis ad comburendum: sicut ergo combustio non commendatur applicationi, sed calori: ita assensus non correspondet discursus, sed luminis, quod cum supernaturale sit, assensus erit supernaturalis. Secundo, scientia non specificatur à discursu, sed à medio: atqui medium, quod assumitur in discursu Theologico, est supernaturale; ergo &c. maj. probatur, licet tam opinio, quàm scientia procedant per discursum, quia tamen medium, quod in scientia assumitur, est diversum ab eo, quod assumitur in opinione, nempe, illud demonstrativum, istud tantum probabilis: ideo provenit diversus specie habitus, opinativus scilicet, & scientificus. Tertiò probatur, & confirmatur ratio præcedens. Ab eo scientia sumit suam speciem, à quo sumit suam differentiam essentialem, nempe certitudinem, quâ scientia distinguitur essentialiter ab

opinionem, & errore: sed certitudinem non accipit à discursu, sed à medio, seu principio, quod in Theologia est supernaturalis, quare Theologia dicitur certior omni scientia merè naturali: ergo &c.

XVI. Respondetur neg. min., ad primam probationem nego assumtum. Nam sicut discursus, seu ratiocinium, sive formale, sive virtuale, distinguit scientiam à lumine principiorum, ita discursus talis, vel talis, cum tali, vel tali illatione distinguit scientiam ab opinione, & errore.

XVII. Ad secundam probat. min. dist. maj. Sed à medio entitativè sumto, nego maj. à medio, ut connexo eum extremis ad inferendam conclusionem, quo pacto specificat Theologiam, formaliter naturale est: quia hæc connexio humano ratiocinio cognoscitur, & formatur. Neque hinc inferas, quòd, cum discursus pertineat ad Logicum, solum sequitur, Logicam esse scientiam naturalem, non, verò Theologiam, quæ discursu, utitur; eo vel maxime, quòd licet procedat, & assentiat per discursum, non tamen assentitur propter discursum, sed propter medium. Non inquam, nam in discursu duo consideranda sunt, nimirum forma discursus, & objectum discursus, seu materia. Forma quidem discursus pertinet ad logicam, sed objectum, seu materia discursus, nimirum objectiva connexio, quæ est inter principium, & conclusionem ad Theologiam pertinet. Concedo etiam, quòd Theologia assentiat propter medium ut connexum, sed medium ut connexum quid est aliud, nisi objectum formale discursus? hinc scientia distinguitur ab opinione, quia illa, assumit medium necessariò connexum, ista tantum probabiliter.

XVIII. Ad tertiam dico, certitudinem Theologiæ esse quidem supernaturalem, radicaliter, & resolutivè, non autem formaliter, & immediatè; & sumi quidem à principio supernaturali, non quatenus respicit auctorem supernaturalem, nempe Deum revelantem, sed quatenus comparatur ad intellectum, ex eo ad alia
discur-

discurrentem, & in ipsum alia resolu-
tem. Ex quò fit, quòd certitudo Theo-
logiæ esto radicaliter sit supernaturalis,
quia resolvitur in principium in se su-
pernaturale, non tamen sit formaliter su-
pernaturalis; quia supernaturalitas certi-
tudinis non sumitur à principio remo-
to, & radicali, sed à principio immedia-
to, & proximo: major tamen omni cer-
titudine cuiusvis alterius scientiæ, sicut
minor certitudine fidei; quia certitudo
fidei immediatè fundatur in auctoritate
Dei dicentis: at certitudo Theologiæ so-
lùm mediatè, & remotè. Ubi aliarum
scientiarum certitudo unicè fundatur, &
resolvitur in principia solo lumine na-
turali certa.

XIX. Obijcies quintò. Theologiæ con-
veniunt dotes, quæ soli scientiæ super-
naturali possunt convenire. Primò enim
subalternatur fidei, & beatificæ visioni,
quæ sunt supernaturales; nihil autem
naturale potest subalternari, & dicere
ordinem ad aliquid supernaturale; quæ
actus nostri naturales non possunt di-
cere ordinem positivum ad gratiam pri-
mam, quia hæc supernaturalis est; Cùm
supernaturale definiatur, quòd sit supra
naturam, & supra totum ordinem, &
exigentiam naturæ. Secundò, Theologia
respicit Deum, ut auctorem gratiæ, tan-
quam suum objectum, qui supernaturalis
maximè est.

XX. Respond. nego antec. ad primam
probat. dico, quòd esto nihil naturale,
& entitativè, & radicaliter possit subal-
ternari, & dicere ordinem ad aliquid
supernaturale. ut probat exemplum al-
tatum; id tamen, quod in se quidem
naturale est, supponit tamen necessariò,
& radicatur in aliquo supernaturali, po-
test ad illud ordinem positivum dicere;
talem autem esse Theologiam diximus;
ideoque qui per habitum supernaturalem
fidei assentitus est præmissis, potest per
habitum Theologiæ, etsi entitativè na-
turalem, ex illis deducere conclusiones,
easque ad principia, etsi revelata, & su-
pernaturalia resolvere; & sic cognitio
naturalis, supposità fidei, potest percipi-
re connexionem principii, etsi superna-
turalis, cùm alia veritate, hancque ex
illo, lumine rationis deducere, & in il-

lud resolvere; quia sicut veritas purè na-
turalis continetur in suo principio, ita
supernaturalis in suo. Totus ergo labor
est in cognoscendo principio supernatu-
rali, quod sit per fidem, hoc autem po-
sitò, Theologia lumine rationis, ex il-
lo discurrere potest.

XXI. Ad secundam dico, Theologiam
respicere Deum auctorem gratiæ, non
ut in se supernaturalis est, sed ut de
ipso possunt certæ, & necessariæ illa-
tiones aliarum veritatum fieri, & ex ip-
so ad alia discursi; quare respicit ob-
jectum supernaturale mediatè, & specifi-
cativè, non immediatè, & reduplicati-
vè, ut hæcenus dictum est. Oportuit in
hæc quæstione diutius immorari, quia et-
iam inter Thomistas controversa est, &
quia multis aliis quæstionibus solvendis
aperit viam.

DUBIUM IV.

An Theologia nostra sit speculativa,
an practica, an utrumque.

§. I.

Quadam præmittuntur.

I. **T**heologiam esse simpliciter præ-
dicam sentiunt cum Scoto eius
discipuli, inter quo Frassen.
disput. præm. artic. 3. quæst. 1. Henno
disput. præm. quæst. 3. D. Thomas verò
hæc *quæst. 1. artic. 4.* vult, eam sub se
comprehendere utrumque, speculativum,
& practicum, magis tamen speculativam
esse, quàm practicam; cui adherent
omnes, qui ejus doctrinam profitentur.
Priusquam statuatur conclusio, obser-
vandum est, illum habitum dici specu-
lativum, qui per se ordinatur ad veri-
tatis considerationem, non referendo ip-
sam ad opus extra intellectum; illum
verò practicum, qui ordinatur per se
ad praxim, ita nimirum, ut operis fa-
ciendi extra intellectum det regulas, &
ad opus faciendum dirigat. Quare ut
habitus quispiam sit practicus, non suffi-
cit, quòd ex parte scientis sequatur ali-
qua praxis, velut amor, delectatio, aut
simile, sed requiritur, quòd ipse per se
audi-

ordinateur ad praxim, & versetur circa suum obiectum, cum ordine ad opus, præscribens regulas ad illud agendum. Hinc Philosophus *lib. 2. metaph. c. 2.* ait, speculativæ scientiæ finem esse veritatem, præctiæ verò opus.

Observandum insuper, quòd licet subinde solet distingui praxis, seu actio ab effectione, quòd actio maneat in agente, effectio autem in exteriorem materiam transeat, ut patet ex *2. 2. quest. 57. artic. 4.*, & *2. 2. qu. 47. artic. 5.* Hæc distinctio hic locum non habet; sed praxis generaliter sumitur pro opere, sive illud sit actio immanens, sive actio transiens; unde practicum hic non distinguitur à factivo, sed à speculativo.

§. III.

Conclusio.

II. **D**ico. Theologia nostra utrumque complectitur, & speculativum, & practicum, magis tamen speculativa est, quam practica. Prima pars probat. ratione D. Thomæ. Theologia una existens se extendit ad ea, quæ pertinent ad diversas scientias philosophicas, prout sunt divino lumine manifestabilia; sed scientiæ philosophicæ, aliæ versantur circa speculabilia, aliæ circa operabilia; ergo licet in scientiis philosophicis, alia sit scientia speculativa, alia practica, Theologia tamen comprehendit sub se utrumque; & sicut Deus eadem scientiâ cognoscit se, & ea, quæ facit, ideoque scientia Dei practica simul est, & speculativa, ut D. Thom. *1. 2. p. qu. 54. art. 16.*, ita Theologia, quæ Scientiæ Divinæ proximior est participatio, & vestigium, erit practica simul, & speculativa.

III. Confirmatur: in scientiis naturalibus Metaphysica est speculativa, quia primam veritatem contempletur; Moralis est practica, quia de ultimo fine, mediisque ad ipsum ducentibus disserit; ergo Theologia, quæ utrumque præstat (agit enim de Deo, ut est prima veritas, & etiam ut est ultimus finis, & ad eum dirigit) comprehendit utrumque, & speculativum, & practicum.

Urgetur magis hæc ratio. Obiectum Theologiæ, nempe Deus, est prima Veritas, & ultimus finis, supremum intelligibile, & summum bonum ergo est simul obiectum speculationis, & regulæ, indefectibilis humanorum actuum, qui à fine dirigitur: Atqui rationes, quæ sunt in obiecto formali resplendent in habitu, qui circa ipsum versatur; ergo Theologia adunat utramque rationem, & speculationis, & praxis.

IV. Hinc Theologia secundum aliquam sui partem, perficit intellectum in ordine ad cognitionem veritatis, sine ullo ordine ad actionem: Cùm enim considerat, quòd Pater non sit Filius, quòd Filius non sit Spiritus Sanctus, quòd Spiritus Sanctus à Patre, Filioque procedat, quòd Deus non ab æterno, sed initio temporis creaverit Angelos, quòdque hi sint immateriales, & alia huiusmodi, manifestum est, quòd considerat veritatem, quæ uniet intellectum per se perficiunt ad contemplationem. Secundum verò aliam sui partem perficit intellectum, non purè ad cognitionem veritatis, sed ut ex cognitione veritatis dirigatur ad opus, ad quod regulas præscribit: Ut cùm explicat naturam, efficaciam, virtutum, bonorum operum, legum divinarum, & humanarum; quando tradit quomodo Sacramenta sint administranda, & suscipienda, quomodo peccata fugienda; quibus, aliisque patet nos instruere non solum, ut ea cognoscamus, sed ut per ea dirigamur ad nostrum ultimum finem. Facit ergo Theologia, & ea, quæ sunt scientiæ speculativæ, & ea, quæ sunt scientiæ practicæ.

V. Secunda verò Conclusionis pars probatur ratione D. Thomæ. *Theologia principaliter agit de rebus divinis, quàm de actibus humanis, de quibus agit secundum, quòd per eos ordinatur homo ad perfectam Dei cognitionem, in quâ æterna beatitudo consistit.* Atqui ex eodem D. Thom. in *prolog. lib. 1. sent. quest. 3.* Scientia omnis principaliter pensanda est ex fine, finis autem ultimus istius doctrinæ est contemplatio primæ veritatis, in patria; ergo principaliter speculativa est.

§. III.

Objectiones solvuntur.

VI. **O**bjiciunt primò Scotistæ contra primam partem. Impossibile est, duas differentias oppositas divisi-vas alicujus generis, vel eoram proprietates, simul uniri in eodem contento sub illo genere; & hæc ratione non possunt in eodem uniri corporeum, & incorporeum, rationale, & irrationale, kinnibile, & risibile; sed speculativum, & practicum sunt differentie essentielles dividentes genus scientiæ, aut saltem proprietates earum, ergo nequeunt &c.

VII. Huic argumento (in quo exultat Fraßen) communis nostratum respon-sio est, quòd practicum, & speculativum licet videantur esse differentie essen-tiales, & licet fortassis ita sit in scientiis inferioribus; non sunt tamen tales in scientia superiori, quia ibi conveniunt in eadem ratione formali. Quòd pertinet id, quod dicit S. Doctor hic *art. 3. ad 2.*, & iterum hoc *art. 4. nimirum*, ea, quæ in diversis scientiis Philosophicis tractantur, posse considerari à Theologia sub una ratione. Sicut ergo visibile, & audibile sunt differentie dividentes ob-jectum sensibile, diversificantes sensus particulares, adiuntur tamen in sensu communis ita speculabile, & operabile, esto sint differentie essentielles respètu scientiarum inferiorum, non erunt tamen tales respètu scientiæ superioris, qualis est Theologia; sicut nec sunt respètu intellectus, nec respètu fidei. Quare in forma dict. min. sunt differentie essentielles dividentes genus scientiæ inferioris, conc. min. scientiæ ut sic, nego min. neque est idem de corporeo, & incorporeo, ratio-nali, & irrationali, quæ sunt differentie substantiales ex suis rationibus formaliter oppositæ, non autem purè ratione limi-tationis subiecti, & objecti, sicut sunt practicum, & speculativum, ideoque in nullo adunari possunt.

Quare absolute negari potest minor. Illæ enim propriè sunt differentie essen-tiales, quæ suis rationibus formalibus ita opponuntur, ut una essentialiter præsup-

ponat in subiecto privationem alterius, ut sunt visio, & fides. Non verò illæ, quæ solum sunt oppositæ relatè ad sub-jectum, quod ratione suæ limitationis eas non potest in se unire. Cùm ergo practicum, & speculativum, non sint suis rationibus formalibus absolute incom-possibilia, cùm uniantur tum in intelle-ctu, tum in fide sed solum ratione limi-tationis subiecti, nempe scientiæ parti-cularis, quæ determinata est ad obiectum purè contemplabile, hinc est, quòd si detur scientia, quæ respiciat obiectum, nedùm ut contemplabile, sed etiam ut acquisibile, nedùm ut verum, sed & ut bonum, qualis est Theologia, possit ut-rumque amplecti, sub diversâ tamen ra-tione; non quòd adæquatè, & tota sit speculativa, & tota practica, sed inadæ-quatè, idest sub una ratione sit specula-tiva, sub aliâ practica: sicut ejus obiectum sub una ratione est speculabile, & sub aliâ finis actionis.

VIII. Dices tamen primò. Etiam me-taphysica considerat Deum, qui, sicut est summum verum, ita summum bonum, ideoque obiectum speculationis simul, & praxis; & tamen metaphysica non est simul speculativa, & practica.

IX. Dices secundò. Si Theologia esset simul speculativa, & practica, quilibet ejus actus esset speculativus, & practicus; sed hoc est falsum, nam Theologia eli-cit plures actus, qui per se merè specu-lationes sunt, ut eùm probat, in divi-nis quatuor esse relationes; ergo &c.

X. Respondi. ad primam instantiam dis-tinguis anteced.: considerat Deum sub ratione Deitatis, & non solum ut pri-mam veritatem, sed etiam ut summum bonum, nego antecedens. Sub ratione entis, & ut primam veritatem tantum, conc. ant. Metaphysica namque respicit Deum, ut summum ens, contentum sub ratione entis, in ejusque contemplatione tota per se consistit. Deum enim consi-derare, ut ultimum finem actuum huma-norum ad scientiam moralem pertinet. At Theologia considerat Deum sub ra-tione deitatis, & sub lumine fidei, quæ illi utrumque proponit, & Deum, ut summè verum, & summè bonum tan-dem assequendum; ideoque utrumque complectitur.

XI.

XI. Ad secundam instantiam quidem neg. min. volentes, in quolibet actu theologico reducere rationem speculationis, & praxis, quibus tamen non assentior. Licet enim Theologus verè pius, debeat omnem suam considerationem de Deo ordinare ad Deum amandum, id est ex parte operantis; cæterum Theologia dum inclinat hominem ad Deum considerandum, per se non inclinat ad Deum amandum. Quare nego maj. non enim necesse est, ut adæquata ratio formalis objecti, & habitus in quolibet actu respiciat, sicut nec quilibet actus animæ rationalis est simul vegetatio, sensatio, & intellectio, quamvis anima comprehendat simul vegetativum, sensitivum, & intellectivum, adæquate sumpta.

XII. Obijcies secundò contra secundam partem. Illa scientia, & notitia est practica, quæ determinat intellectum ad volitionem rectam; sed notitia Theologica determinat intellectum ad volitionem rectam, nimirum ad Deum amandum, colendum &c.; ergo &c.

Confirmatur. Principia Theologiæ sunt practica. sumuntur enim à Deo, qui est ultimus finis: Unde Joann. 10. 31. dicitur: *hec autem scripta sunt, ut credatis, quia Jesus est Christus filius Dei, & ut credentes vitam habeatis in nomine ejus.* Non ait, Divina Mysteria ideo sunt exarata, ut Deum, ejusque perfèctiones acutius investigetis. Et ideo D. August. lib. 1. de Doctr. Christiana circa suam, ait, Theologiam ordinari ad dirigendos quatuor actus, videlicet credere, sperare, diligere, & virtuosè vivere.

XIII. Respondeo dist. maj. illa &c. est practica, quæ unicè, & in omni sui parte, & quidem principaliter determinat intellectum &c.; conc. maj., quæ non unicè, & scilicet in aliqua sui parte, & minùs principaliter &c.; nego maj. & distincta min. nego consiq. Non nego, Theologiam totam in aliqua Theologiæ parte determinare intellectum ad volitionem rectam, ad Deum amandum, & colendum &c., & idèd non nego, Theologiam esse practicam, sed quòd id unicè præstet, principaliter, & in omni sui parte: hoc nego.

Ad consim. nego ant. in sensu argu-

entis. Nam principia Theologiæ sumuntur à Deo, qui est quidem ultimus finis, sed etiam est prima veritas: unde nedum illuminant ad Dei amorem, sed principaliter, & proximius ad Dei contemplationem; quia (ut ait D. Thom. hic) Theologia principaliter agit de rebus divinis, quàm de actibus humanis, per quos homo ordinatur ad ultimum finem. Imò ex hoc etiam, quod Theologia legem veterem, & novam ordinet ad beatitudinem, quæ est Divinæ Veritatis contemplatio, sequitur, magis eam esse speculativam, quàm practicam; & per hoc respondetur ei, quod adducitur tum ex Joanne, tum ex Augustino; quia etiam ea, quæ scripta sunt, & ipsa Theologia ordinantur ad producendum hominem per fidem, spem, caritatem, & virtuosam vitam ad beatitudinem, quæ aliud non est, quàm Veritatis Divinæ contemplatio, sequitur, eam ultimè, & principaliter ordinari ad contemplationem.

XIV. Dici etiam potest, alium esse finem scientiæ ab eà per se intentum, & propter quem ipsa principaliter instituta est; alium esse finem scientis, quem sciens debet sibi præfigere. Etsi autem finis scientis, seu finis Theologi, vere pii, & Christiani sit, omnes etiam suas speculationes ordinare ad Deum amandum, colendum, & tandem in patriâ possidendum; & nedum speculationes Theologicas, sed etiam omnes alias naturales: Finis tamen intrinsecus, & proprius Theologiæ est, principaliter hominem perducere ad cognitionem, & contemplationem divinorum. Quà distinctione præhabita evacuantur alia multa, quæ contrariè accumbunt ad probandum.

Theologiam esse, vel solàm, vel principaliter practicam.

(C)

DUBIUM V.

An Theologia sit certior, dignior
aliis scientiis; & an sit etiam
Sapientia.

S. I.

Quædam notata digna pro primâ parte.

I. **C**ertitudo à Philosophis triplex
distingui solet, nimirum ob-
jecti, subiecti, & motivi. Cer-
titudo objecti est immobilitas, & invari-
abilitas rei in se, vel quoad existentiam,
& hæc solius Dei propria est; vel quoad
essentiam, nimirum connexionem præ-
dicatorum essentialium; & hæc, vel est
metaphysica, quâ prædicatum ita cum
subiecto connectitur, ut sine illo stare
nequeat, nec divinitus, ut homo est a-
nimal rationale; vel physica, quâ præ-
dicatum saltem naturaliter connectitur
cum subiecto, ut hæc propositio: ignis
omnis applicatus combustibili urit.

II. Certitudo subiecti, sive subiectiva
est firma adhæsiō intellectus alicui ob-
jecto cognito, quod vel est, vel putatur
esse verum, licet tale non sit: quâ sit,
ut tenaciū quis adhæreat propositioni
tantum probabilis, aut etiam falsæ, quam
putat esse demonstratam, vel veram: inde
tenaciū hæretici adhærent suis er-
roribus, quam interdum Catholicos, Ca-
tholicis veritatibus. Hinc Arist. 7. Ethic.
cap. 3. sunt, inquit, qui non minus o-
pinioni suæ, quàm illi suæ scientiæ cre-
dunt. Hæc autem pertinacia potius di-
cenda est, quàm certitudo.

Certitudo motivi est connexio infalli-
bilis mediū cogniti cum re, quæ cognos-
citur: quæ connexio apparet, vel per
experimentum, qualem habemus, quod
omnis ignis sit calidus. Vel ex eviden-
tiâ luminis naturalis, qualis est certitudo
circa prima principia. Vel per illa-
tionem ex principiis evidenter cognitis,
qualis est certitudo conclusionis natura-
lis debite illius ex præmissis evidentibus.
Vel denique per revelationem alicujus
veracis, qualis est certitudo fidei; aut
per illuminationem ex veritatibus revelatis,

non evidenter, sed certo cognitis,
qualis est certitudo conclusionis Theolo-
gicæ.

III. In Theologiâ verò processus à
principiis ad conclusionem fieri potest tri-
pliciter; aliquando enim proceditur ad
conclusionem aliunde scitam: ut cum
concluditur, Deum esse unum, infinitum,
immemsum, quæ per metaphysicam scita
supponuntur. Aliquando verò proceditur
ad conclusionem, de quâ nondum deter-
minatum est, quid sit tenendum, ut sunt
omnes conclusiones de efficaciâ gratiæ,
de contritione necessariâ ad Baptismum,
& Pœnitentiam. Aliquando vero ad con-
clusionem jam determinatam per Eccle-
siam; ut quod in Christo dux sint vo-
luntates; quod baptizati ab hæreticis
non sint rebaptizandi; cuius veritas licet
olim controversa, modò tamen ab Eccle-
siâ determinata est.

IV. Supponendum etiam ex dictis est,
Conclusionem Theologicam inferri posse,
vel ex duabus propositionibus Fidei Di-
vina creditis, ut si dicatur: *Christus est
beatus; sed Beatus videt Deum facie ad
faciem; ergo Christus videt Deum facie
ad faciem*, vel ex unâ creditâ, & aliâ
naturali necessariâ, ut si dicas: *omnis ho-
mo est risorius; Christus est homo; ergo
Christus est risorius*. Vel ex unâ propo-
sitione creditâ, & aliâ naturali solum-
probabili, ut si dicas: *Christus habet ve-
rum corpus; sed verum corpus est tale
per formam corporeitatis ab anima ratio-
nali distinctum*, ergo *Christi corpus &c.*
minor enim propositio probabilis est Sco-
tistis, Thomistis verò negantibus. Vel
tandem ex duabus probabilibus, ut si di-
cas: *Sacramenta nova legis fortitudo cau-
sant gratiam, quàm sacramenta veteris
legis; sed sacramenta veteris legis cau-
sabant gratiam moraliter; ergo Sacramen-
ta nova Legis causant gratiam plusquam
moraliter*.

Certum est ergo, quod ex duabus pro-
babilibus, vel ex unâ creditâ, & alte-
râ probabilis, non habetur conclusio cer-
ta, sed solum probabilis, quia conclusio
sequitur sortem præmissarum, & si una
est probabilis, licet altera sit fide certa,
non sequitur conclusio, nisi probabilis,
juxta philosophicum cætum: Conclusio
sequi-

sequitur debiliorem partem. Dum ergo quaerimus, an Conclusio Theologica sit certior, loquimur de ea, quae, vel ex duabus Fidei Divinæ creditis, vel ex una creditā, & alterā naturali necessariā procedit.

§. 11.

Prima Pars resolutio.

V. Ico. Conclusio Theologica, quæ inferitur, vel ex duplici præmissā revelatā, vel ex urā naturali necessariā, & alterā revelatā, certior est secundum se, seu certitudine objecti, & motivi, quācumque scientiā naturali: & etiam per se loquendo certitudine subiectivā; quamvis per accidens videantur scientiæ naturales majorem aliquando imprimere certitudinem.

Prima pars traditur à D. Thom. hle art. 5. illa enim notitia certior est secundum se, & certitudine objecti, & motivi, quæ fertur in objectum magis necessarium, & immutabile, & per motivum firmitus, ac certius: hujusmodi est Theologia, quæ versatur circa Deum, magis habentem immobilitatem, & necessitatem essendi, quàm objecta Scientiarum naturalium. Fertur etiam in eum per medium, & motivum firmitus, quàm sint motiva scientiarum naturalium: nititur enim principiis revelatis, & Fidei Divinæ creditis, quæ certè majorem habent certitudinem longè, quàm principia lumine naturali cognita, quibus scientiæ naturales fulciuntur. Primò, quia, ait Christus Luc. 21. v. 33. *Cælum, & Terra transibunt, verba autem mea non transibunt.* Secundò, quia habet certitudinem objectivam supernaturalem, & divinam, quæ infinitè major est quāvis certitudine naturali, & creatā. Tertiò, quia innititur primæ veritati, & essentiali, quæ certior est eo, quod nititur veritati participatæ. Ergo Theologia nostra ex parte motivi, & objecti certior est &c.

VI. Secunda vero pars, quod Theologia per se loquendo sit certior etiam subiectivè, probat. ex D. Th. 2. 2. q. 4. art. 2. ad 2. dicente: *multò magis homo*

certior est de eo, quod audit à Deo, quàm falli non potest, quàm de eo, quod videt propriā ratione, quā falli potest. Unde D. Augustinus lib. 7. confes. cap. 10. *facillimèque dubitare vivere me, quàm non esse veritatem, quā per eā, quā facta sunt, intellectu, conspiciunt; & patet ratione adductā pro primā parte.* Quod verò per accidens aliquando minorem imprimat certitudinem, docet idem S. Doctor hle art. 5. ad 2. dicens: *nihil prohibet, id, quod est certius secundum naturam, esse quoad nos minus certum propter debilitatem intellectus nostri; & 2. 2. quæst. 4. articuli. 8., ubi quaerit, an fides certior sit habitu primorum principiorum, sapientiā, & scientiā, resolvit, fidem esse quidem certiorē secundum se habitibus scientiæ, quia certiorē habet causam, nempe Veritatem Divinam, cū scientia habeat pro causā rationem humanam. Ex parte tamen subiecti dicitur esse certius, quod plenius consequitur intellectus hominis: & per hunc modum, quia ea, quæ sunt fidei, sunt supra intellectum hominis, non autem ea, quæ subsunt tribus prædictis (habitu principiorum, sapientiæ, & scientiæ) idē ex hac parte fides est minū certā. Sed quia nunquodque judicatur, simpliciter quidem secundum causam suam; secundum autem dispositionem, quā ex parte subiecti est, judicatur secundum quid; inde est, quod fides est simpliciter certior; sed alia sunt certiora secundum quid, scilicet quoad nos.*

Ex quibus potest concipi ratio. Illud ex parte subiecti certius, & firmitus est, quod magis intellectum movet, plenius ab eo possidetur, & connaturalius ad illud fertur; sed scientiæ naturales firmitus movent, quia movent ratione certitudinis, & evidentie simul; plenius etiam ab intellectu possidentur, quia earum veritates in se ipsis videt; & connaturalius ad illas fertur, quia sibi magis proportionatas, & ad quas non eget alio lumine, quàm naturalis: & contra verò, ut assentiatur veritatē revelatæ, debet intellectus surgere supra se, & supra proprium naturale iudicium, rebus etiam, quæ aliquando rationi naturali repugnare videntur, illamque fidei magisterio

serio subicere; juxta illud Pauli 2. Cor. 10. v. 5. *in captivitatem redigentes omnem intellectum in obsequium Christi*. Ergo &c.

VII. Dices tamen primò contra primam partem. Illud est certius, quod habet plures causas suæ certitudinis; sed aliæ scientiæ habent plures causas suæ certitudinis, scilicet ex parte mediæ, & ex parte evidentæ, & sunt certiores ex omni parte, nempe nequàm ex parte objecti, & mediæ, sed etiam ex parte subiecti. Ergo &c.

Respondeo, majorem esse veram, si cætera sint paria, quod non contingit in casu. Nam auctoritas divina, quæ est causa certitudinis in Theologia, majoris est certitudinis, imò majorem certitudinem potest parere, quam rationes humanæ cum certitudine, & evidentia. Quod si non semper eam parit, hoc ex defectu subiecti accidit, quod eam non plenè assequitur. Unde D. Thom. 2. 2. qu. 4. art. 8. ad 1. loquens de dubitatione, quæ aliquando insurgit in intellectu circa ea, quæ sunt fidei. *Ille dubitatio (inquit) non est ex parte causæ fidei, sed quoad nos, inquantum non plenè assequimur per intellectum ea, quæ sunt fidei, sicut si noctua in meridiana luce parum videat, aut nihil, non tribuitur defectui luminis, sed videntis: Nihil enim prohibet (inquit D. Thom. 2. 2. quæst. 1. art. 5. ad 1.) id, quod est certius secundum naturam, esse quoad nos minus certum propter debilitatem intellectus nostri, qui se habet ad manifestissimam naturam, sicut oculus noctua ad lumen solis*. Hoc autem solum probat, Theologiam esse minùs certam quoad nos, & secundum quid, non autem simpliciter.

VIII. Hinc licet cognitio principiorum naturalium habeatur sine discursu, cognitio verò Theologica per discursum, & cognitio habita sine discursu sit certior, utpote habens certitudinem ex se, & connexionem immediatam terminorum, non verò ab aliâ participatam; non sequitur adhuc, cognitionem principiorum fore secundum se certiore cognitione Theologica. Nam ratio hæc valeret quidem, si utraque cognitio esset ejusdem ordinis, scilicet naturalis, in quo non

est dubium, quin cognitio, quæ certitudinem habet ex se, certior sit eâ, quæ certitudinem habet ab alio; sed cum in casu cognitio, quæ est certa ex se, sit in ordine naturali, quæ verò certa est ex alio, sit in ordine supernaturali, & consequenter eam habeat à principio incomparabiliter certiori, ratio non valet, quia inter ea, quæ sunt diversî ordinis, comparatio non datur.

Similiter licet intellectus, dum assentitur veritati naturali, necessariò prorsus procedat, quia evidentia convidetur; dum verò assentitur Fidei, vel Theologicæ veritati, liberè saltem radicaliter procedat, cum ex piâ motione liberè moveatur ad credendum; non sequitur firmius adherere veritati naturali, quam veritati Theologicæ. Quia illa piâ motio cum à Spiritu Sancto sit, quamvis liberè moveat, firmius tamen, & magis infallibiliter movet, quam moveat natura ipsa necessitans ad assentiendum per evidentiam; sicut Deus agens liberè firmius agit quolibet agente naturali necessariò. Intantum autem in scientiis naturalibus assensus liber non est æquè certus, ac necessariùs, quia semper oritur ex medio fallibili, & non certo, quod proinde non infallibiliter obtinet assensum.

IX. Dices secundò contra eandem. Quod est causa certitudinis conclusionis Theologicæ est certius ipsâ conclusione; sed principia naturalia sæpe sunt causa certitudinis in conclusione Theologica; ergo hæc istâ sunt certiora. Maj. patet ex duplici Philosophico axiomate, nimirum: *propter quod unumquodque tale, & illud magis, & istud: Conclusio semper sequitur debiliorem partem*.

X. Hoc argumento concluditur quidem, Conclusionem Theologicam deductam, ex unâ præmissâ de fide, & alterâ naturali fore minùs certam conclusionem deductâ ex duabus præmissis de fide, ut multi existimant, non tamen fore minùs certam etiam conclusionem deductâ ex duabus præmissis solum naturaliter notis, cujus oppositum hic sustinemus.

Ceterum respondeo dist. maj., quod est causa adæquata, & ratione sui certitudinis &c. est certius &c. conc. maj., quod est

est causa solum in adæquata, nec influens nisi ratione alterius: nego maj., & similiter distincta min. nego consequentiam. Quia ergo propositio naturalis assumpta in demonstratione Theologica non concurrat ad conclusionem, ut causa adæquata, neque ratione sui, sed ut elevata, & interveniens alteri præmissæ de fide, explicando veritatem, quam ipsa enunciat; ideo certitudo conclusionis ex ipsa non defumitur, nec cum eâ commensuratur, sed unice cum præmissâ de fide. Sicut esto ad actum supernaturalem visionis Dei concurrat intellectus, & lumen gloriæ, quia tamen intellectus non concurrat, nisi per lumen, & ut elevatus à lumine, visionis claritas unice correspondet lumini, non intellectui. Hinc ad illa duo axiomata; respondeo, quod cum sola præmissa revelata sit illa, quæ ratione sui immediatè insluit, & propter quam Conclusio Theologica est certa, solum sequitur, quod præmissa revelata sit certior Conclusionem Theologica. Ad secundum axioma dico, illud verificari, quando pars, seu præmissa debilior insluit in conclusionem, quatenus est debilior, non verò quando, vel non insluit, vel insluit ratione partis fortioris. Observat tamen Sylvius in 1. p. quæ 1. art. 5., quod hoc axioma non sic veritatem habet, ut oporteat omnino, defectum, qui est in præmissa debiliori, esse in conclusione: nam ex Philosophia constat, ex falso posse concludi verum, & ex contingenti necessarium; sed sic, ut defectus, qui fortè reperitur in conclusione, semper deputandus sit causæ debiliori. Aut alioquin intelligendum est, quando causa fortior non elevat debiliorem.

XI. Replicabilis. Si ita est, quod præmissa naturalis necessaria, ut elevata per præmissam de fide, possit ad conclusionem certam Theologicè concurrere, eadem ratione dici poterit, quod etiam præmissa naturalis probabilis, ut conjuncta cum præmissa de fide, possit concurrere ad Conclusionem Theologicam certam. Quod tamen est falsum.

Nego paritatem. Nam propositio naturalis necessaria est intrinsicè certa, & ex conjunctione cum præmissâ de fide eleva-

tur ad majorem certitudinem: at præmissa tantum probabilis, eum sit ex se intrinsicè fallibilis, & dubia, omnisque expert certitudinis, & per hoc, quod assumatur in syllogismo Theologico, non judicetur, & approbetur à fide, vel Theologia ut certa, sed tantum ut probabilis, remanet semper probabilis. In hoc tamen potest fieri paritas. Quod sicut propositio certa naturaliter, dum assumitur à Theologia, induit majorem certitudinem, sic propositio probabilis induit majorem probabilitatem, quam ex se haberet, quod non negabimus.

XII. Dices tertio contra eandem primam partem. Propositio hæc disjunctiva: *Deus est trinus, vel non trinus*: quæ reducitur ad hoc principium naturale: *quodlibet est, vel non est*: certior est quolibet categoricè ipsam componens; ergo certior est hac categoricè: *Deus est trinus*: quæ est propositio de fide; & sic datur aliquod principium naturale certius propositione de fide.

Respondet Gonet, quod in hac propositione: *Deus est trinus*: duplex certitudo considerari potest; una, quam habet ex vi contradictionis cum istâ: *Deus non est trinus*; ex illo primo principio: *quodlibet est, vel non est*; alia, quam habet ex lumine Fidei, & Divinæ Revelationis. Licet autem si attendatur prima certitudo, propositio disjunctiva: *Deus est trinus, vel non trinus*: aliquomodo dici possit certior istâ categoricâ: *Deus est trinus*; non tamen si in istâ attendatur certitudo, quam habet ex eo, quod est revelata. Sed quia hæc responsio concedit, veritatem revelatam in aliquo sensu esse minus certam propositione aliquâ naturali. Ideo aliter responderi potest, negando absolutè anteced. cum Frassen. *differt. 2. art. 3. quæ 3. concl. 1.*; nam eodem actu, quo quis assensit huic veritati: *Deus est trinus*: eodem dissentit propositioni oppositæ: *Deus non est trinus*. Sicque eo ipso, quod proponitur, Deum esse trinum, proponitur, non esse ejus oppositum. Quare hæc propositio: *quodlibet est, vel non est*: continetur in propositione revelata, & est revelata virtualiter in articulo, quo esse trium proponitur. Unde certitudo rei

revelatæ non fundatur in illa principio, sed potius certitudo illius principii fundatur in certitudine rei revelatæ.

§. III.

Resolutio secunda Partis.

XIII. **D**ico. Theologia nostra dignior est scientiis naturalibus. Ità D. Thom. *hoc art. 5.* cujus ratione probatur sic. Theologia comprehendit in se speculativum, & practicum; atqui nulla alia scientia naturalis comprehendit in se speculativum, & practicum; ergo ex hæc parte illas transcendit dignitate. Insuper superat dignitate omnes scientias, tum speculativas, tum practicas. Speculativas quidem; Nam speculativarum scientiarum una est alterâ dignior, vel quia certior, vel quia circa digniorem materiam versatur; atqui Theologia superat alias scientias certitudine, ut §. precedenti ostensum est; superat etiam dignitate materię, nam Theologia est de his principaliter, quæ suâ altitudine rationem transcendunt; alie verò scientię considerant ea tantum, quæ rationi subduntur; ergo Theologia superat dignitate omnes alias scientias speculativas. Superat etiam practicas; Nam scientiarum practicarum illa dignior est, quæ ad altiorem finem ordinatur, sicut civilis dignior est militari, quia bonum exercitus ad bonum civitatis, quod altius est, ordinatur; sed finis Theologiæ, quatenus est practica, est beatitudo æterna; ad quam sicut ad ultimum finem ordinantur fines omnium aliarum scientiarum practicarum; ergo est dignior omnibus aliis scientiis, tum speculativis, tum practicis.

XIV. Dices primò. Theologia accipit aliquid ab aliis scientiis; sed accipere inferioris est, non dignioris; ergo Theologia est inferior, non dignior aliis scientiis.

Respond. D. Thomas hic ad 2., quòd Theologia accipere potest aliquid à Philosophicis disciplinis, non quòd ex necessitate eis indigeat, sed ad majorem manifestationem eorum, quæ in hæc scientiâ traduntur. Non enim accipit sua principia ab aliis scientiis, sed immediatè à

Deo per revelationem. Et idèd non accipit ab aliis scientiis tanquam à superioribus, sed utitur eis tanquam inferioribus, & ancil'is, sicut architectonica utuntur subministrantibus, ut civis militari. Et hoc ipsum, quòd fit utitur eis, non est propter defectum, vel insufficienciam ejus, sed propter defectum intellectus nostri, qui ex his, quæ per naturalem rationem (ex quâ procedunt alia scientia) cognoscuntur, facilius manu-ducitur in eâ, quæ sunt supra rationem, quæ in hæc scientiâ traduntur. hæc D. Thom.

XV. Dices secundò. Scientia, quæ habet certitudinem siue evidentiâ non est dignior scientiis, quæ habent certitudinem cum evidentiâ; sed Theologia habet certitudinem siue evidentiâ, alię verò scientię habent certitudinem cum evidentiâ; ergo &c.

Respondeo dist. maj. si certitudo siue evidentiâ sit minor certitudine cum evidentiâ, conc. maj. si non sit minor, imò major, nego mai. cum enim evidentiâ, quærat a scientiâ propter certitudinem, si absque evidentiâ haberi possit major certitudo, perfectior erit scientia siue evidentiâ, quàm scientia cum evidentiâ, cum autem Theologia siue evidentiâ habeat firmiorem certitudinem, nixam primæ, & infallibili veritati; aliæ verò scientię cum evidentiâ habeant infirmior certitudinem, quia nixam rationi humanæ; idèd simpliciter dignior est Theologia &c.

XVI. Dices tertid. Scientia dignior est, quæ perfectiùs objectum suum attingit; sed aliæ scientię ità se habent, nam objecti sui naturam, omnesque illius partes detegunt, & aperiunt; Theologia autem vix quidquam de objecti sui naturâ, & proprietatibus percipit; ergo &c.

Respond. dist. maj. si objectum, quod attingit, sit præstantius, vel æquè dignum, conc. maj. si objectum sit minus perfectum, nego maj. Nobilior est (ait Aristot. 2. de animalibus) autem parum attingere de nobilioribus subjectis, quàm multum de aliis. Et Divus Thomas 1. part. quæst. 1. articulo 5. ad 2., ait; minimum, quod potest haberi de cogni-

cognitione rerum altissimarum, desiderabilius est, quam certissima cognitio, qua habetur de minimis rebus. Cum ergo obiectum Theologiæ sit præstantissimum, & altissimum, & ex illius excessu procedat, quod parum de illo assequatur, hoc non tollit, quin cæteris scientiis præstantior sit, quæ de rebus inferioribus tractant, quamvis majori claritate illas detegant.

Respondetur secundò. Hinc ad summum sequi, alias scientias naturales fore perfectiores relativè, & penes attingentiam sui obiecti, cum quo magis proportionantur; non autem absolute, & simpliciter. Ità idem S. Doctor loco laudato. Sicut visio Solis ab Aquila secundum se, & ex obiecto perfectior est visione candelæ ab oculo meo, quia illa à præstantiori, & acutiori potentia visiva est, & circa obiectum præstantius. Secundum attingentiam verò hæc dicitur perfectior; quia oculus meus magis proportionatur obiecto candelæ, meliùsque eum comprehendit visu, quam oculus Aquilæ proportionetur, & comprehendat Solem.

XVII. Dices quariò. Ea scientia est ratione mater æ præstantissima, quæ est de obiecto amplissimo, continente sub se obiecta aliorum scientiarum; talis autem potius est Metaphysica, quæ, cum habeat pro obiecto eus, quæ omnis ens, sub quo continetur etiam Deus, quod est obiectum Theologiæ, sola habet obiectum amplissimum, & subinde præstantissimum.

R. spond. mihi esse veram, si cætera, sint paria, id est si utraq; scientia sit ejusdem ordinis, & sub eodem lumine suum obiectum contempletur, quod in casu non contingit. Nam Metaphysica, considerat quid sit ens, ut ens, sed prout naturali lumine cognosci potest. At Theologia considerat Deum, prout tamen supernaturali tantum lumine potest cognosci; & propterea obiectum formale Theologiæ nullo modo continetur sub obiecto metaphysicæ, cum ex his, quæ sunt diversi ordinis, unum non contineatur in alio. Et licet etiam obiectum metaphysicæ contineret obiectum Theologiæ, contineret illud continentia prædicationis; obiectum autem Theologiæ continet

omnia entia continentia causalitatis, qui continentia modus præstantissimus est.

§. I V.

Resolutio tertia Partis.

XVIII. Dico. Theologia nostra maxime, & simpliciter inter omnes scientias humanas sapientia est. Ità S. Doct. hic art. 6. Non loquitur hic D. Thom. de sapientia infusâ, quæ Spiritus Sancti donum est, & importat quandam reâitudinem Judicii circa divina, conspicienda, & consulenda, procedentem ex caritate, quæ nos unit Deo. Sed de sapientia acquisita, quæ est una ex quinque virtutibus intellectualibus, enumeratis ab Arist. 6. Ethic. cap. 4. quæ habet judicare de rebus per altissimas causas; ut docet idem Angelicus 1. 2. quæ 66. art. 5.

XIX. Prob. ratione D. Thom. sic. Illa est maxime, & simpliciter sapientia, quæ de inferioribus disponit, & judicat per causas altissimas; sed Theologia nostra est talis respectu ad scientias naturales; ergo est maxime sapientia. Max. explicatur. Cum sapientis sit ordinare, & judicare, judicium autem per altiorum causam de inferioribus habeatur, ille sapiens dicitur in unoquoque genere, qui considerat causam altissimam illius generis. Hinc in genere ædificii artifex, qui disponit formam domus, dicitur sapiens, & architector respectu inferiorum, qui dolant ligna, vel parant lapides; unde dicitur 1. Cor. 3. 10, ut sapiens architector fundamentum posui. Et rursus in genere totius humanæ vitæ prudens dicitur Sapiens, inquantum ordinat humanos actus ad debitum finem. Unde Prov. 10. v. 13. sapientia autem est viro prudentia. Ille igitur, qui considerat simpliciter altissimam causam totius universi, quæ Deus est, maxime Sapiens dicitur; unde & sapientia dicitur esse divinorum cognitio, ut August. lib. 12. de Trinit. cap. 14. Minor etiam probatur. Theologia agit de Deo, secundum quod est altissima causa, non eam solum agit de illo, quantum ad illud, quod est per creaturas cognoscibile (quod Philosophi

cognoverunt, Rom. 1. v. 19. *Quod notum est Dei, manifestum est in illis*) sed etiam quantum ad id, quod est notum sibi soli de se ipso, & aliis per revelationem communicatum: ergo Theologia &c. hinc vocatur Sapientia. *Deuteron. 4. v. 6. Hæc est enim vestra sapientia. Ecclesiastici 39. v. 1. Sapientiam omnium antiquorum exquiret Sapiens, & in Prophetis vanebit. 1. Cor. 2. v. 6. & 7. Sapientiam autem loquimur inter perfectos: Sapientiam verò non hujus seculi, neque Principum hujus seculi, qui destruuntur: sed loquimur Dei sapientiam in mysterio, quæ abscondita est, quam nimirum Christus spoponderat. Luca 11. v. 15. Dabo vobis et, & sapientiam, cui non poterunt resistere, & contradicere omnes adversarii vestri.*

XX. Confirm. Theologiæ aptantur omnes conditiones, quas in verâ Sapientiâ requirit Philosophus 1. *Metaphys. cap. 2. Cognoscit enim quodammodo omnia: considerat enim Deum, qui est omnium causa, ejusque effectus; agitque propterea de ipso, ut supremo efficiente, & ultimo omnium rerum fine; idèquæ de rerum omnium ab ipso emanatione, conservatione, gubernatione, atque in suos fines directione. Quare dici potest scientia omnium, non quidem in universali secundum prædicationem, & cognitionem, quasi traderet principia, quibus res singulæ cognoscerentur: sed quia fontem, ac principium omnium rerum, earumque ultimum finem aperit, & quidem diviuis, ac supernaturali lumine fidei innixa; quod certe multò nobilius est, quàm si traderet generales, & communes omnium rerum conceptus, earumque principia complexa, ut facit metaphysica. Secundò versatur circa difficulta: quid enim intellectus, & cognitu difficultius, quàm scrutari ea, quæ omnem vim humanæ rationis excedunt? Tertio: est certissima, cum ejus principia, & media certitudinem habeant ex Divino Testimonio, quo nihil certius. Quarto: non ordinatur ad aliam scientiam, sed ipse est finis omnium. Unde & omnes philosophi subserviunt. Quintò tandem: habet judicare de veritatibus aliarum scientiarum, juxta illud 1. Cor. 10. v. 4. & 5. consi-*

lia destruentes, & omnem altitudinem extolentem se adversus scientiam Dei. Unde videmus, Theologiam multos errores fuisse detectos, sive naturali Philosophiæ, sive Jurisprudentiæ repugnantes, multaque Philosophica asserta, quæ videbantur Doctrinæ Theologicæ repugnantia, fuisse conciliata.

XXI. Dices primò. Theologia est scientia, ut didum est; ergo non est sapientia, nam scientia condividitur sapientiæ.

Respondetur nego consequentiam: ut enim ait D. Thom. *opusc. 70. Sapientia non dividitur contra scientiam, sicut oppositum contra oppositum, sed quia se habet ex additione ad scientiam. Nam, ut ait 1. 2. q. 57. art. 2. ad 1. Sapientia est quædam scientia, inquantum habet id, quod est commune omnibus scientiis, ut scilicet ex principiis conclusiones demonstrat, sed quia habet aliquid proprium supra aliis scientiis, inquantum scilicet de omnibus judicat: idque non solum quantum ad conclusiones, sed etiam quantum ad principia. Quare sicut anima rationalis eminenter continet vegetativam, & sensitivam, ita sapientia eminenter continet scientiam, & intellectum; non quidem sicut genus continet suas species, neque sicut totum integrale continet suas partes integrales, sed sicut totum potentiale continet suas potentias, quarum una est, quod in se habeat quiddam perfectionis est in scientiâ, & intellectu: quâ similitudine utitur S. Doctor 4. artis. 2. ad 2. Propterea in 1. dist. 35. q. 1. art. 1. ad 3. (inquit) *Sapientia scientia est: sed non convertitur: quia illa scientia sola sapientia est, quæ causas altissimas considerat.**

XXII. Dices secundò. Scientia, quæ supponit sua principia aliunde, non est sapientia, quia sapientis est ordinare 1. *Act. cap. 1; sed Theologia supponit sua principia aliunde, ut didum est; ergo &c.*

Resp. D. Thom. hoc art. 6. ad 2. majorem esse veram de scientiâ, quæ supponit sua principia ab aliâ scientiâ humana, non vero de scientiâ, quæ supponit sua principia ab aliâ scientiâ divinâ, à qua oritur, omnis scientiâ, & omnis sapientia.

XXIII.

XXIII. Dices tertio. Ad sapientiam pertinet probare principia aliarum scientiarum, unde dicitur Caput scientiarum 6. *Eschie. c. 6.*; sed Theologia non probat principia aliarum scientiarum; ergo &c.

Resp. nego maj. ad sapientiam enim maxime supremam non pertinet probare principia aliarum scientiarum; quia vel sunt per se nota, & sic probari non possunt; vel non sunt per se nota, & tunc per rationem naturalem probari possunt, cui non nititur suprema Sapientia, sed Divinae Revelationi. Ad sapientiam ergo pertinet judicare de veritate principiorum aliarum scientiarum (unde quidquid invenitur in aliis scientiis veritati hujus scientiæ repugnans, totum condemnatur ut falsum) & illa contra impugnates defendere. Videatur D. Thom. hoc *art. 6. ad 1.*

XXIV. Dices quarto. Idem sapientia est nobilior scientiâ, quia explicat, & tueretur ejus principia; sed Theologia explicat, & tueretur principia, seu articulos fidei, & tamen non est nobilior fide; ergo &c.

Respondet, idem sapientiam esse præstantiorem scientiâ, quia explicat, & tueretur ejus principia per principia altiora: quod non facit Theologia erga articulos fidei; eos enim tueretur, vel ipsâ fide, vel per principia naturalia, ostendendo, principia fidei non repugnare Philosophiæ, quæ non sunt principia altiora; idedque sicut aliæ scientiæ servantur Theologiæ, ita Theologia famulatur fidei, non dominatur.

DUBIUM VI.

An Deus sit objectum Theologiæ.

§. I.

Resolutio dubii.

I. **O**bjectum, ut docent Logici, duplex est. Materiale, & formale. Materiale est res ipsa, circa quam potentia, aut habitus versatur. Formale verò est forma, seu formalitas, quam potentia, & habitus attingunt in

objecto materiali, idest in re, circa quam versantur. V. gr. paries est objectum materiale visionis; formale est color, quem visus attingit in pariete. Hinc patet, quodd objectum materiale per se, & ratione sui non attingitur, sed solum ratione objecti formalis.

Insuper quilibet habitus, vel potentia præter objectum materiale, & formale, habet etiam motivum, seu medium, per quod attingit objectum sibi proprium. Sic auctoritas Dei revelantis est motivum, propter quod fides assensum præbet revelatis. Sic lux est medium, per quod visus attingit coloratum. Hoc motivum, seu medium vocari solet objectum formale quo, seu ratio formalis sub quâ.

II. Veritas aliqua potest dici revelata dupliciter. Primò in se, & immediatè. Sic revelatum est, quod Deus sit trinus in Personis, quodd Christus sit verè homo. Secundò mediâtè tantum, & in alio, nimirum, quia ex aliâ in se, & immediâtè revelatâ deducitur. Sicut ex ipsâ propositione: Christus est homo; quæ est immediâtè revelata, deducitur ista: Christus est risivus: quæ id. d. dicitur virtualiter revelata. His stantibus.

III. Dico primò. Objectum materiale Theologiæ sunt Deus ipse, & res, quæ ad Deum referuntur. Probat ex observatis: Objectum materiale alicujus disciplinæ est res illa, de quâ agit; sed Theologia agit de Deo, ut fert ipsa nominis etymologia, agit quoque de iis, quæ ad Deum referuntur; vel ut effectus ad causam, ut Angelus, Homo, aliæque Creaturæ, vel ut medium ad finem, ut sunt actus humani; aut tanquam instrumentum, animatum quidem, & excellentiæ, sicut Christi humanitas, ad hominis lapsum reparationem: vel inanimatum, ut sunt Sacramenta, per quæ gratia sanctificans homini confertur; ergo hæc sunt objectum ejus materiale.

IV. Dico secundo. Objectum formale Theologiæ est Deitas. Itâ s. Thom. hic *art. 7.*, & communiter Theologi omnes, etiam Scot. &c. Ratione ergo probatur sic. Objectum formale est ratio, seu forma, quam habitus primò, & per se querit, & attingit in objecto materiali: sic debi-

in actibus humanis rectitudo, idè est obiectum formale disciplinæ moralis, quod primum, & per se à doctrina morali queratur; Atqui Deitis sic se habet respectu Theologiæ, quæ nempe divinitatem querit, tum in Deo considerato in se, prout est Unus, & Trinus: tum considerato extrinsecus, idèst prout ut est, aut Creator, aut ultimus finis, aut Reparator, aut Præmiator Creaturæ rationalis; Idèd de creaturis agit, quod sunt quædam participatio divinitatis; ideo de Sacramentis tractat, quod quidpiam divinum, participatum tamen, idèst gratiam continent: idèd tandem differt de multis rebus, quæ non sunt Deus ipse, quod ad divinitatis cognitionem, quam ex suo primario fine querit, nonnihil conferunt; ergo &c. Ita loquitur S. Doct. art. 7. laudato. *Proprie enim illud assignatur obiectum alicujus potentie, vel habitus, sub cuius ratione omnia referuntur ad potentiam, vel habitum, sicut homo, & lapis referuntur ad visum, in quantum sunt colorata: unde coloratum est proprium obiectum visus. Omnia autem protrahantur in Sacra Doctrina sub ratione Dei, vel quia sunt ipse Deus, vel quia habent ordinem ad Deum, ut ad principium. & finem; unde sequitur, quod Deus sit verè subiectum hujus scientiæ.*

Confirm. contra quosdam, qui pro obiecto formali ponebant alia, nimirum opera reparationis, & totum Christum, attendentes (inquit S. Thom.) ad ea, quæ in istâ scientiâ tractantur, & non ad rationem, secundum quam considerantur. Sublato obiecto formali tollitur habitus scientiæ; sed quamvis nullum esset opus meritorium, quamvis nulla forent Sacramenta, & Verbum Divinum, carnem non assumpsisset, adhuc subsisteret Theologia; possit enim inferre plures conclusiones de Deo, ejusque attributis, & probare Deum esse æternum, quia immutabilis est; infinitum, quia ens per essentiam; & cætera, quæ de Deo per rationem à priori demonstrantur; ergo nec opera reparationis, nec Christus &c. sunt obiectum formale Theologiæ.

V. Dico tertio. Obiectum formale

quo, seu ratio formalis sub quâ nostra Theologia considerat deitatem, est revelatio virtualis, & mediata. Hoc innuit D. Thom. tum hic artic. 3. in corp., & ad 2., dum ait: *ea, quæ in diversis scientiis tractantur, potest Sacra Doctrina, una existens considerare sub una ratione, in quantum scilicet sunt divinitus revelabilia; & in prologo. sent. art. 4., ubi ens divinum cognoscibile per inspirationem mavult ponere pro obiecto Theologiæ, quàm Deum. Quapropter cum hoc artic. 7. ponat pro obiecto Theologiæ absolute Deum, nullâ factâ mentione revelationis, dici debet, hic loqui de obiecto formali quod, ibi verò de obiecto formali quo.*

Probatur verò sic. Illud est obiectum formale quo, seu motivum, lumen, ac medium alicujus scientiæ, vel habitus, sub quo, & per quod attingit, tum obiectum materiale, tum formale, circa quod versatur; in quolibet enim scientiæ, vel habitus obiecto tria considerari debent, nimirum res, circa quas procedit, & hoc est obiectum materiale; id, quod in tali re scientia per se considerat, & querit, & hoc est obiectum formale quod; & ratio sub quâ, seu medium, quo procedit in talis rei, & formalitatis consideratione, & hoc est obiectum formale quo; Atqui Theologia attingit suum obiectum, tum materiale, tum formale per virtualem, & mediatam revelationem: Siquidem attingit utrumque, quatenus habet connexionem cum iis, quæ immediatè revelata sunt, seu quatenus ex immediatè revelatis per legitimam ratiocinationem deducitur, per quod a fide, & metaphysicâ discrepat; sed connexio illa, & deducibilitas nihil aliud sunt, quàm virtualis, & mediata revelatio: nam quod ex immediatè revelatis deducitur, in iis virtualiter, seu ut in causâ continetur; ergo &c.

Confirm. cum Theologia sit habitus essentialiter diversus à fide, & à metaphysicâ, debet habere medium, sub quo procedit, diversum à medio utriusque; sed per hoc, quod habeat pro medio, & obiecto quo virtualem revelationem, optimè distinguitur; quia medium quo fidei est formalis, & immediata revelatio;

tion; medium quo metaphysicæ, & cuiusvis scientiæ naturalis est naturalis evidentia; ergo &c. Sic etiam salvatur, quomodo fides sit lumen principiorum Theologiæ, quia ea, quæ in lumine principiorum sunt immediatè nota, & per se, in scientiâ, & illo regulatur, sunt notæ tantum mediatè, & per aliud: ita cæ, quæ immediatè revelata sunt in fide, in scientiâ Theologicâ mediâtè, & per aliud revelata esse debent. Salvatur etiam subalternatio Theologiæ nostræ scientiæ Dei, & Reatorum: sicut enim istius obiectum est Deus, ut clarè visus; ita illius debet esse Deus, non ut visus, sed ut obscurè cognitus in suis principiis.

§. I I.

Solvuntur contraria.

VI. **O**bjicies primò contra secundam conclusionem. Illud non est obiectum alicujus disciplinæ, cuius existentia illi non præsupponitur; atqui existentia Dei non præsupponitur Theologiæ; illud enim non præsupponitur, quod demonstratur; existentia autem Dei demonstratur à Theologiâ; ergo &c.

Respondetur negando minorem. Theologia enim supponit de Deo auctore gratiæ, quo pacto est ejus obiectum, quod sit, & quid sit: hoc enim dicitur à fide; juxta illud Pauli ad Heb. 11. v. 6. *Credere enim oportet accedentem ad Deum, quia est.* Neque hoc potest saltè à priori demonstrare. sed solum à posteriori, dum per effectus ostendit, Deum esse, quod tamen non ex propriis, sed ex principiis extraneis facit: & hoc idè, quia ipsius tanquam sapientiæ officium est, principia sua contra negantes defendere, & contra impugnantes tueri, & explicare.

VII. Objicies secundò. Obiectum formale adequatum alicujus scientiæ prædicari debet de omnibus obiectis specialibus, quæ ab illâ scientiâ considerantur; sed Deitas non prædicatur de Angelis, de Sacramentis, de Gratiâ, de Virtutibus, quæ tamen in Theologiâ considerantur; ergo &c.

Respond. dist. maj. de omnibus &c.,

quæ considerantur per se, & primariò; conc. maj., quæ considerantur secundariò, & ratione alterius, subdist. debet prædicari in obliquo, co. maj. in recto, neg. maj. Obiectum ergo debet prædicari quidem in recto de omnibus particularibus per se, & primariò ab illâ scientiâ inspectis; & sic Deitas prædicatur de omnibus divinis: de iis verò, quæ scientiâ considerat secundariò, & ratione alterius, sufficit, ut obiectum prædicetur in obliquo, & sic deitas prædicatur de singulis enumeratis: licet enim non sint Deus, sunt tamen, ut à Theologia inspicuntur, vel effectus Dei, vel media conducentia ad Deum, ut finem supernaturalem.

VIII. Objicies tertio. Obiectum formale debet esse causa, & ratio formalis omnium proprietatum, quæ de obiecto demonstrantur; at deitas non est causa, & ratio formalis innascibilitatis, quæ est in Patre, alioquin cùm Filius, & Spiritus Sanctus habeant Deitatem, essent formaliter innascibiles; ergo &c.

Respond. dist. maj. determinatè tamen, & relatè ad subiectum, in quo est, & de quo prædicatur, co. maj. aliter, nego maj. Sicut ergo naturalitas, seu mobilitas, quæ est obiectum formale Physicæ, est ratio, atque causa formalis omnium proprietatum, quæ de corpore mobili demonstrantur, non tamen in omni corpore mobili eandem radicat proprietates, sed proprietates quidem generales radicat in omnibus, at verò speciales, solum eas radicat determinatè ad subiectum, in quo est; unde eas, quæ radicat in homine, non radicat in bruto: Ità deitas proprietates communes omnibus divinis radicat quidem in omnibus, sicut est æternum, infinitum &c., quæ verò sunt particulares, has radicat solum determinatè ad illam personam, cuius sunt proprietates, & sic est innascibilitas, quæ solius Patris propria est, ut distincti à Filio, & Spiritu Sancto.

IX. Objicies quartò. Illud omne pertinere debet in recto, & per se ad obiectum Theologiæ, cui immediatè convenit ratio formalis sub quâ illius, at non soli Deo sub ratione deitatis, sed etiam omni enti supernaturali immediatè convenit

venit

venit ratio formalis sub quâ Theologiæ; Nullum enim ens supernaturale est, quod non possit immediatè, & per se revelari: ergo &c. & consequenter objectum adæquatum Theologiæ erit omne ens revelabile; sive divinum, sive non, Deus autem erit solum objectum principale; quod innuit D. Thom. hic *artic. 3.* ubi *in corpore* dicit, Theologiam considerare: *omnia quæcumque sunt divinitus revelabilia*. Quod repetit ad secundum, & ad primum dicit, Theologiam *agere de Deo principaliter*.

Sic resp. oit. ma. cui immediatè &c., ultimâtè, conc. ma. tantum proximè, neg. maj., & distinctâ eodem modo min. neg. consequentiam. Licet enim ratio revelabilis proximè competere possit omni enti supernaturali, cùm tamen principaliter, & ultimò refundatur in ipsam deitatem, propter quam omnia revelantur, ipsa nedùm est objectum principale inter objecta revelabilia, sed etiam ipsa sola est per se revelabilis, & cætera ratione illius, & in hoc sensu loquitur D. Thom. citatus; unde ad primum explicans, quomodo Theologia principaliter agat de Deo, ait; *Sacra Doctrina non determinat de Deo, & de Creaturis ex aquo: sed de Deo principaliter, & de Creaturis secundum quòd referuntur ad Deum, ut ad principium, vel finem*.

X. Contra. Si per impossibile nullà daretur revelatio de Deo auctore supernaturali, & solum supponeretur cognitio de Deo auctore naturali, & alia entia supernaturalia revelarentur per fidem, adhuc Theologia subsisteret; ergo cætera revelabilia æquè considerantur à Theologia.

Respondeo dist. ant. Theologia alterius speciei subsisteret, transcat: Theologia, quæ modò est, nego ant. Sicut enim in factâ hypothès non subsisteret fides, quæ modò est, quæ, utpote virtus Theologica, debet habere essentialiter pro objecto Deum; ità nec subsisteret hæc nostra Theologia, quæ modò est, sed alia esset Theologia diversæ speciei.

XI. Obijcies quintò. Patres docent, Theologiam circa solum Deum versari, non verò circa alia, esto, ut referuntur ad Deum. Opponunt enim disciplinam,

quæ tractat de Incarnatione, Theologiæ, quæ tractat de Deo. Sic Basilii *epist. 14.* *ne in Theologiam, id est in ea, quæ divinitatis propria sunt, intenti, assumptionis mysterium contemnantur*. Et Cyrillus Alexandr. in hanc sententiam. Joa. 1. *in propria venit, ait: Valde appositè ad sermonem de Incarnatione progreditur (Evangelista) ac subindè transit à merâ Theologiâ ad explicandam dispensationem Incarnationis, quam propter nos gessit Filius*. Hinc Patres solum Joannem, inter Evangelistas, appellarunt Theologum, quia solus Filii divinitatem apertè expressit.

Respond. Juenin. *disert. 2.* de objecto Theologiæ dist. antec. Patres opponunt Theologiæ, suntæ ex vi nominis, vel secundum ejus partem præcipuam, conc. Theologiæ, suntæ secundum naturam, vel adæquatè, nego antec. Patres ergo, cùm opponunt Theologiam Incarnationi, eam sumunt secundum etymologiam, secundum quam est *sermo de Deo*, vel secundum partem præcipuam; præcipuè enim agit de Deo, & de aliis solum, ut referuntur ad Deum; non eam accipiunt secundum suam naturam, & adæquatè, prout dicit omnia objecta, etiam materialia, de quibus (licet semper per ordinem ad Deum) sermonem facit.

XII. Obijcies sextò contra tertiam conclusionem. Ratio formalis motiva objecti debet esse illi intrinseca; sed revelatio virtualis, cùm fundetur in extrinseco Dei testimonio, non est intrinseca objecto Theologiæ; ergo &c.

Respond. majorem esse veram in scientiis naturalibus, quæ procedunt ex principiis evidentibus, & in objectum scrutantur propter illius evidentiam, quæ illi intrinseca est. Non verò in Theologiâ, quæ suas conclusiones deducit ex articulis fidei, quorum veritas, & certitudo habetur ex divino testimonio, quod rei attestatæ extrinsecum est.

XIII. Obijcies septimò contra eandem. Veracitas Divinæ Revelationis ultimò resolvitur in deitatem, idè enim testimonium illud verax est, & infallibile, quia divinum est; ergo deus est ratio formalis, & objectum quo Theologiæ.

Resp. dist. antec. ultimò resolvitur in dei-

deitatem, tanquam in motum extrinsecum, & remotum, conc. antec. tanquam in motum immediatum, & intrinsecum, meo anteced. Motivum enim immediatum, & intrinsecum, cur Theologia assentiatur suis principiis est, quia Deus verax in dicendo, ea revelavit, & hic fuit ejus motivum; quod autem Deus sit verax in dicendo, quia utpote summè sapiens non potest falli, & ut summè bonus non potest fallere, & hæc omnia habeat, quia Deus est, est motivum valde remotum, nec specificativum Theologiæ, quæ à solo motivo proximo speciem sumit.

XIV. Obijcies ultimò contra idem. Obiectum formale *quo* debet esse ita specificum, & proprium, ut nullatenus alteri ab eo conveniat; sed mediata, & virtualis revelatio non est specifica, & propria Theologiæ, eùm conveniat fidei; ergo &c. min. probatur; Idèd fides adhæret istis articulis: Verbum Divinum, est consubstantialia Patri: Christus habet humanam, & divinam voluntatem; quia sunt mediata, & virtualiter revelati, id est continentur in aliis articulis immediate revelatis.

Respond. neg. min., ad prob. neg. antec. Fides enim, dùm adhæret illis articulis, præseindit ab hoc, quòd sint, vel immediate, vel mediata revelati: ut enim fides præbeat assensum, satis est, ut certa sit, Deum aliquem articulum revelasse. At Theologia non præseindit, sed determinatè fertur in suas conclusiones, ut mediata solum revelatas. Cùm enim assensus ejus sit per diseursum, respicit conclusiones suas, uti deductas, & consequenter, ut contentas in principiis immediate revelatis; & sic, ut revelatas solum mediata, & virtualiter. Hinc sequitur, articulos de consubstantialitate Verbi cum Patre, & de duabus voluntatibus in Christo, esse in Catholico Theologo articulos fidei, quatenus tanquam Catholicus illos credit, ut revelatos: & simul conclusiones Theologicas, quia eas tanquam Theologus ex revelatis deducit; in simplici verò Catholico, qui Theologus non est, nec perpendit, illos esse contentos in aliis articulis, esse quos fidei articulos.

Tom. I.

DUBIUM I.

An Theologia sit argumentativa.

§. I.

Resolutio dubii.

DE hoc dubio plura dicta sunt questione præcedente, maxime Dubio secundo, & tertio; quare ne eadem inutiliter repetamus, strictim hic loquemur, tyronem ad ibi dicta propiori notitiâ remittentes.

I. Dico primò. Theologia nostra est argumentativa. Ità D. Thom. hic *artic. 1.*, quod probat in argumento *Sed contra* ex dicto Apostoli ad Tit. c. 2. oportere Episcopum esse potentem, *exhortari in doctrinâ sanctâ, & eos, qui contradicunt, arguere*. Christus ipse Theologorum Princeps Supremus, ad convincendos contradictores argumentativè processit. Unde *Matth. 23.* Phariseos redarguens, & ostendens, Apostolis licuisse vellere spicas die Sabbathi, argumentatus fuit exemplo Davidis, & ab eo, quod Sacerdotes faciunt in Templo etiam die Sabbathi. Alia ejus argumenta videri possunt *Matth. 19. 22. 23., Luca 6. 21.*, & alibi, quorum multa fusc expendimus *quest. præd. dub. 1. §. 2.* sicut etiam ex Paulo, quæ huc sunt revocanda.

II. Probat D. Thomas hanc assertionem sic. Omnes alix scientiæ sunt argumentativæ, & argumentantur, dum ex principiis deducunt conclusiones; sed Theologia est scientia (ut probatum est) ergo est argumentativa.

§. II.

Quomodo sit argumentatio circa sua principia.

III. Dico secundò. Theologia non argumentatur ad sua principia probanda; ità D. Thom. hic: & probat. Omnis scientia supponit sua principia, vel per se nota, vel in aliâ superiori scientiâ manifestata; sed Theologia est

L.

scien-

scientia; ergo supponit articulos fidei, qui sunt ejus principia jam nota; ergo ea non probat.

IV. Dices. Generalis mortuorum resurrectio est articulus fidei, & proinde principium Theologiæ; sed Apostolus 1. Cor. 15. probat futuram generalem resurrectionem, quia Christus resurrexit; ergo &c.

Respondeo, Apostolum ibi argumentari contra eos, qui negabant resurrectionem mortuorum, atque idem non agnoscebant illam pro principio Theologiæ, quamvis non negarent Christum Dominum resurrexisse: & propterea ex Resurrectione Christi rectè colligit resurrectionem generalem omnium, argumento quidem non rigorosè demonstrativo, sed, vel ab actu ad potentiam, quasi diceret: Christus de factò resurrexit; ergo possibilis est resurrectio. Vel à causâ exemplari, & effectivâ, ut docet S. Thomas in cap. 15. 1. ad Cor. 1. 1. & 3. 2. quæst. 56. Vel per locum à consequente, perinde, ac si diceret: Si resurrectio mortuorum non est, neque Christus resurrexit; atqui falsum est consequens; Christus enim resurrexit, ut vos non negatis; ergo falsum est antecedens, nam sublato consequente tollitur antecedens; non enim dari potest consequens falsum, & antecedens verum in bonâ consequentiâ. Secundò probat ex inconvenientibus, quæ sequuntur, si Christus non resurrexit. Videatur August. lib. 1. de Distr. Christianâ cap. 31. & 32.

V. Ut ergo intelligatur; quomodo Theologus non possit probare sua principia, & quomodo possit. Sciendum primò, ea non posse probare à priori, neque à posteriori. Est enim ceteræ scientiæ naturalis probare possint sua principia (saltem à postiori) id contingit, quia talia principia, utpote naturalia, habent in naturâ effectus sibi proportionatos, cum quibus connectuntur, & qui assumi possunt ut medium ad ea probanda; atqui principia Theologiæ, utpote supernaturalia, nempe mysteria gratiæ, utpote excedentia humanæ mentis, & rationalis capacitatem, nullum in ratione naturali habent medium sibi connexum, quo ostendi possint, sive à priori, sive

à posteriori; ergo &c. Imò nedum probari requirit eorum existentia, sed nec possibilitas; omne enim medium ostendens rei possibilitatem, debet esse rei intrinsecum, vel cum intrinsecis rei connexum; nihil autem intrinsecè naturale, potest esse intrinsecum, aut connexum cum intrinsecis rei in se supernaturalis.

VI. Sciendum tamen secundò, quiddam licet Theologus argumentari non possit, ut probet sua principia esse positive possibilia, potest tamen primò ea explicare, seu ab aliquo simili manifestare; vel ab inconvenienti ostendere, quod fecit Paulus laudato loco. Potest secundò contrà impugnantes tueri: & quidem sic, ut si aliqua admittant esse vera, ex concessis probet reliqua; sicut Paulus ex Christi resurrectione, quam concedebant, probat generalem omnium resurrectionem. Sic ex veteri testamento, quod Judæi concedunt, probat Incarnationem, & adventum Messæ, quem ipsi negant; et veritatem veteris Testamenti, quæ negant Manichæi, probat ex novo, quod concedunt, in quo vetus approbatur; & Catholicus probat realem Corporis Christi præsentiam in Eucharistiâ, quæ negat Calvinista, ex novo Testamento, quod admittit. Si verò nullum omnino principium admittat, ut Gentilis, potest ostendere, mysteria fidei non esse impossibilia, solvendo omnia argumenta, quæ in contrarium afferunt. Pro quo

VII. Sciendum tertio, duplicem esse probationem, vel positivam, vel negativam. Probatio positiva fit per assumtum aliquod medium, quo ostenditur necessaria connectio prædicati cum subiecto; & hoc modo jam dictum est, principia Theologica probari non posse. Probatio negativa est, quæ evincitur, nullam esse repugnantiam in eo, quod affirmatur; & hic modus probandi, seu procedendi, est ostendere, non quidem positive, mysteria fidei esse possibilia, sed solum negative, idest ea non esse impossibilia.

VIII. An autem Theologus hæc viâ procedens dici possit evidenter ostendere, argumenta contra fidem nullius esse momenti, & consequenter ostendere evidenter, saltem evidentiâ negativâ, mysteria

steria

Aeria fidei non esse impossibilia; noto, argumentum Gentilis, vel Hæretici contra fidem posse esse vitiosum, vel ex parte formæ, vel ex parte materiæ. Si sit vitiosum ex parte formæ, certum est, quod potest evidenter illud solvi; bonus enim Theologus, qui leges rectè discurrendi novit, evidenter offendere potest, in quo peccetur contra formam rectæ argumentationis.

Difficultas est, an evidenter etiam solvi possint argumenta, quæ sunt vitiosa ratione materiæ, idest quando antecedens falsum est, vel aliqua ejus pars. Videtur enim quod non. Non enim potest evidenter ostendi falsitas ejus, quod assumitur, nisi ostendatur evidenter veritas opposita, quod hic fieri non potest, quia talis veritas ad fidem pertinet.

IX. Hoc tamen non obstant, responso affirmativa omnino tenenda est, cum D. Thom. in fine corporis hujus artic. 2., ubi, postquam docuit modum procedendi contra eum, qui nihil credit eorum, quæ revelata sunt, nimirum solvendo rationes, si quis inducit contra fidem, subdit. *Cum enim fides infallibili veritati nitatur, impossibile autem sit de vera demonstrari contrarium; manifestum est, probationes, quæ inducuntur contra fidem, non esse demonstrationes, sed solubilia argumenta.*

Quod confirmatur. Argumentum peccans ex parte materiæ, non solum tunc solvitur evidenter, quando is, qui respondet, ostendit, ex ipsâ rei naturâ falsam esse aliquam propositionem, quæ assumitur, ut vera; sed etiam quando aliunde sufficientem reddit rationem, cur prudenter sibi persuadere possit, & sibi de facto persuadeat, eam esse falsam.

Quapropter ad solvendum argumentum, quod contra veritatem fidei objicitur assumendo quidpiam falsum, non est necesse, quod evidenter ostendatur falsitas propositionis assumptæ, sicut & veritas propositionis oppositæ; sed satis est, bonam reddere rationem, cur non videatur illa propositio esse recipienda tanquam vera; quibus respondetur argumento in contrarium adducto. Itâ Sylvius ad hunc artic. quæstio 2.; quæ conferenda sunt cum iis, quæ tradunt Bannes ad 1. 2.

qu. 31. art. 1. dub. 2. conclus. 1., & Cabrera 3. p. qu. 1. art. 2.

X. Potest ultimò Theologus evidenter probare, principia fidei esse credibilia, non solum ostendendo, ea non involvere contradictionem, solvendo omnia argumenta, omnesque contradictiones, quæ contra ea objici possunt, ut dictum est, & Patres, Sacricque Doctores præstiterunt; Sed etiam positivè, adducendo motiva, quibus evidenter appareant credibilia: cujusmodi sunt miracula in confirmationem fidei facta; modus, quo Ecclesiæ, & fides propagata est; Universalis consensus doctrinæ, & morum; sanctitas, & alia, de quibus in tractatu de fide, si Deus annuerit, fusi loquemur.

XI. Neque hinc inferas: si mysteria fidei positivè probari possunt, & evidenter, esse credibilia; ergo & possibilia; nihil enim est credibile, nisi verum, nihil autem est verum, nisi, vel existat, vel sit possibile, quia impossibile, neque est ens, neque proinde verum.

Nego enim consequentiam; licet enim quod est credibile sit etiam possibile, non tamen hinc sequitur, si aliquid probatur evidenter credibile, probari etiam positivè, esse evidenter possibile. Nam ad probandam positivè, & evidenter credibilitatem sufficient media extrinseca rei creditæ, puta auctoritas dicentis, miracula modus mirabilis propagationis fidei, numerus sine numero eorum, qui pro tâ vitam dederunt &c.: quæ omnia præsto sunt. At ad probandam rei possibilitatem positivè, & evidenter, requiritur medium rei intrinsecum, quo probetur, prædicatum posse convenire subiecto; hoc autem medium non adeat in naturâ.

XII. Neque dicas. Saltem probari potest, mysteria fidei non esse impossibilia; ergo probari potest, esse possibilia; quia inter esse impossibile, & possibile non datur medium.

Nego enim similiter consequentiam, & ejus probationem; quia, ut innot Philosophus lib. de interpretat. cap. 3., possibile, & impossibile non sunt contradictoria, quia utrumque est affirmativum; sed impossibile, & non impossibile: unde ex quo probetur mysteria fidei, non

esse

esse impossibilia, solum concludi potest, ea esse non impossibilia. Addo, quod etiam inter possibile, & impossibile nihil mediet in re, tamen inter rem posse demonstrari positivè possibilem, & posse demonstrari positivè impossibilem, datur medium, scilicet, nec posse demonstrari positivè possibilem, nec posse demonstrari positivè impossibilem, dum non apparent rationes urgentes, quibus possibilitas rei, vel impossibilitas evincatur, sed tantum non impossibilitas.

QUÆSTIO III.

De Locis Theologicis.

DUBIUM I.

Quid, & quotuplex sit Locus Theologicus.

§. I.

Resolutio dubii.

Primus, qui hæc de re effuso stilo tradiderit, omnium consensu, fuit celeberrimus vir, ac omnigenâ eruditione præditus Melchior Canus Ordinis Prædicatorum Episcopus Canariensis in suo verè auro Opere, quod inscripsit *De Locis Theologicis*, atque in duodecim libros distribuit. Si pressius hanc materiam prosequi in animo esset, diutius sævè in eâ nobis immorari oporteret. Verùm, quia ad alia plurima transseundum nobis est, ut Theologicum cursum perficiamus, inter quæ multa ad hanc materiam spectantia tractanda erunt; Idèò hæc ea solum, quæ ad instruendum tyronem de locorum Theologicorum notitiâ necessaria iudicabimus, stricto calamo expendemus.

Quemadmodum ergo (inquit laudatus Canus lib. 1. cap. ultim.) *Aristoteles in Topicis proposuit communis locos, quos argumentorum sedes, & notas, ex quibus omnis argumentatio ad omnem disputationem inveniretur; sic & nos peculiariter quosdam Theologiae locos proponimus, tanquam domicilia omnium argumentorum Theologicorum, ex quibus Theologi*

omnes suas argumentationes, sive ad confirmandum, sive ad refellendum inveniunt. Hæc Canus. Ex quibus habes Locum Theologicum definitionem, nempe quod sit: Domicilium, & sedes, ex qua Theologus omnes suas argumentationes, sive ad confirmandas Theologicas veritates, sive ad refellenda contraria depromere potest.

11. Circa locorum Theologicorum numerum; alii plures, alii pauciores recensent. Canus usque ad decem loco citato enumerat.

1. Est auctoritas Sacræ Scripturæ, quæ Libris Canonicis continetur.

2. Auctoritas traditionum Christi, Apostolorum, quæ quoniam scriptæ non sunt, sed de aure in aurem ad nos pervenerunt, vivæ vocis oracula rectissimè dixeris.

3. Auctoritas Ecclesiæ Catholicæ.

4. Auctoritas Conciliorum, præsertim generalium, in quibus Ecclesiæ Catholicæ auctoritas residet.

5. Auctoritas Ecclesiæ Romanæ, quæ divino privilegio, & est, & vocatur Apostolica.

6. Auctoritas Sanctorum veterum.

7. Auctoritas Theologorum Scholasticorum, quibus adjungi possunt Juris Pontificii periti: nam Juris hujus doctrina, quasi ex alterâ parte, Scholasticæ Theologiæ responderet.

8. Ratio naturalis, quæ per omnes scientias naturali lumine inventas latissimè patet.

9. Auctoritas Philosophorum, qui naturam ducem sequuntur, in quibus sunt etiam Cæsarei Juris Consulti, qui verum & ipsi Philosophiam præstentur.

10. Et postremus est humanæ auctoritas historiæ, sive per auctores fide dignos scriptæ, sive de gente in gentem traditæ, non superstitiosæ, atque anilitæ, sed gravi, constantique ratione. Ità Canus.

III. Sylvius tamen in hunc articulum 2. quæstio 3. enumerat solos octo, Sacram Scripturam, traditionem, auctoritatem Ecclesiæ, decreta Pontificum, & Conciliorum, auctoritatem Patrum, & Scholasticorum, & rationem naturalem; omittens auctoritatem Philosophorum, & humanam.

manæ hifloriæ. S. Thomas hic ad secundum enumerat solos tres, nimirum; auctoritatem Scripturæ, Doctorem, & Philosophorum. Verùm, ut bene notat Sylvius loco laudato, vel non fuit S. Thomæ propositum, recensere omnes locos, ex quibus Theologus potest argumentum desumere; sed solum ostendere, Theologiam esse argumentativam, eo quod aliquos habeat locos. Vel sub illis tribus, quos exprimit, alios implicite comprehendit, ut sub auctoritate Scripturæ auctoritatem traditionum, Conciliorum, Ecclesiæ, & Pontificum; dùm enim in causâ fidei decernunt, semper loquuntur ex Scripturâ, seu ex Verbo Dei. Sub auctoritate Doctorem, auctoritatem Patrum, Scholasticorum, & Juris Pontificii interpretum. Sub auctoritate Philosophorum, auctoritatem humanæ hifloriæ scriptæ, vel traditæ, & naturalis rationis. Cùm ergo in his, licet paucioribus, alii contineantur, à Cano expressius distincti, ejusdem enumeratio, utpote magis distincta, suscipienda est. Per omnes enim præfatos locos velut apes volitat, & spatatur Theologus, ut inde mel veritatis per discursum efformet, aliter tamen, & aliter.

§. I I.

An ex omnibus præfatis locis aequaliter argumentari possit Theologus.

IV. **O**bservo, quod ubi in aliis scientiis naturalibus principem locum obtinet ratio, locus verò ab auctoritate est infirmissimus, in hac ex opposito primum locum obtinet auctoritas, postremum ratio naturalis. Licet enim locus ab auctoritate, quæ fundatur super ratione humanâ, sit infirmissimus, locus tamen ab auctoritate, quæ fundatur super revelatione divinâ, est efficacissimus. Cùm ergo Theologia, quæ, ut dictum est, nititur principiis revelatis Fidei Divinæ, procedit ex Auctoritate Divinâ, procedit ex loco sibi proprio ad directe probandas suas conclusiones; cùm verò procedit ex ratione naturali, procedit ex loco sibi extraneo; nec ratione utitur ad directe suas conclusiones pro-

bandas, sed ad manifestanda alia, quæ in hac doctrinâ traduntur; vel ad ostendendum ea, quæ ipsa tradit, rationi naturali non repugnare. Ut autem hæc, quæ indicat D. Thom. hoc *art. 8. ad 2.*, pressius explicentur.

V. Observandum est, quod licet Theologus ex omnibus, & singulis præfatis locis possit sumere argumenta, non tamen ex omnibus æquè efficaciter argumentatur. Nam ex aliquibus argumenta sumit ad concludendum efficaciter, & necessarid; ex aliis verò solum probabiliter; & propterea primi vocantur loci intrinseci, & proprii Theologiæ, alii verò extrinseci, seu extranei, & quasi in famulatum ejus ab externo advenientes.

VI. Locos ergo Theologiæ proprios, septem priores esse, censet Canus, nempe auctoritatem Scripturæ, Traditionis, Ecclesiæ Catholicæ, Conciliorum Generalium, Pontificum Romanorum, omnium Sanctorum Patrum, & omnium Scholasticorum in unâ aliqua re silem spectante concorditer, ac per totum consentientium. Alii solos tres assignant, ut proprios, & domesticos, nempe Scripturam Sacram Veteri, & Novo Testamento exaratam, Traditionem Christi, & Apostolorum, ad quam revocant communem Patrum, & Doctorem sensum in loquendo, & docendo, & fidei in credendo; & auctoritatem Ecclesiæ, quæ Conciliorum, & Summorum Pontificum decreta complectitur.

VII. Locis verò Theologici, quasi extranei, & solum probabiliter concludentes, sunt auctoritas unius, vel plurium Patrum, aut Scholasticorum, non tamen omnium, nec perpetuam, nec ex verbo Dei, sed ex humano sensu doctrinam loquentium, auctoritas Philosophorum, hifloriæ humanæ, & ratio naturalis.



DUBIUM II.

De Sacrae Scripturae usu in argumen-
tis Theologicis.

§. 1.

Quid sit Sacra Scriptura, &
quotuplex.

Non agam hic omnes quaestiones,
de Sacra Scriptura à agitari solitas;
has enim Lectorius Sacrae Scrip-
turae tractandas relinquam; sed eas so-
las, quae Theologo inservire possunt, ut
ex Scriptura Divina sumum trahere pos-
sit argumentum.

I. Scriptura Sacra nil aliud est, quam
Verbum Dei scriptum, seu epistola Dei
ad homines. Si. D. Chrysostomus hom.
3. in Genes. postquam ait, Deum ab ini-
t. per se ipsum hominibus locutum suis.
se: sic enim ad Adam venit, sic Cain.
inreparavit, sic cum Noë locutus; sic apud
Abraham hospitatus est. Posterioribus ta-
men temporibus, quia homines malitia
sua Dei familiaritate sese indignos red-
diderant, nec se totum volens à genere
humano avertere, imò suam amicitiam
renovare, quasi longè absentibus litteras
mittit, conciliaturus sibi universum ho-
minum naturam. Et S. Augustinus Cone.
3. in Psalm. 100. De illa (inquit) Ci-
vitate, unde peregrinamur, littera nobis
venerunt. Ipsa sunt Scriptura, qua nos
hortantur, ut bene vivamus. Denique,
S. Gregorius Magnus lib. 4. ep. 31. al.
40. ad Theodorum Medicum. Imperator,
inquit, Celi Dominus, Hominum, &
Angelorum, pro vita tua tibi suas epi-
stolas transmissit, & tu gloriose fili castem
epistolas ardenter legere negligis? Quid
est autem Sacra Scriptura, nisi quadam
epistola Omnipotentis Dei ad Creaturam
suam?

II. Triplici autem vià scribere homi-
ni Deus consuevit. Primò vià naturae,
hoc est per universas creaturas scriptis
naturalem illam epistolam, & scripturam,
seu potius patetissimum illud, & ubi-
que diffusum librum naturae, in quo,
Apostolo teste Roman. 1. v. 20. Invi-

stibilia ipsius à creatura mundi, per ea,
qua facta sunt, intellecta conspiciuntur.
In quo psalm. 95. v. 2. Cantate Domino
omnis terra. In quo psalm. 12. v. 1. Ca-
li enarrant gloriam Dei. Et psalm. 148.
laudate eum Sol, & Luna, laudate eum
Stella, & Lumen, laudate eum Cali Ca-
lorum, & aqua omnes &c. Hic est ille
liber, de quo S. Antonius Anachoreta-
rum parens, rogatus à Gentili Philoso-
pho, quomodo in Eremito sine libris age-
ret, sapienter respondit apud Socratem.
lib. 4. bist. c. 13. Meus liber, à Philoso-
phe, est natura verum à Deo conditum,
in qua, quotiescumque sit animo meo vi-
sum, legere possum, qua Deus dicit.

Secundò vià Prophetarum, quomodo scrip-
sit per Prophetas in veteri Testamento,
& per Apostolos, aliosque Sacros Scrip-
tores in novo. Et hoc dupliciter. Pri-
mò quasi per se ipsum scribens digito suo,
quo pacto scripsit in duribus tabulis Le-
gem Decalogi in veteri Testamento, juxta
illud Exod. 31. v. 18. Deditque Dominus
Moysi, completis hujusmodi sermonibus
in Monte Sinai, duas tabulas testimonii
lapideas, scriptas digito Dei. In Novo
autem Testamento scripsit per se ipsum
Christus Dominus legem suam, non in
tabulis lapideis, sed in corde Ecclesiae,
non atramento, & materiali calamo, sed
digito, idest spiritu Dei, juxta illud
Pauli ad Hebraeos 1. v. 10. Dabo legem
meam in mentem eorum, & in corde
eorum superscribam eas. Quod promissit
Christus Joann. 14. v. 16. Ego rogabo Pa-
trem, & alium paraclitum dabo vobis,
ut maneat vobiscum in aeternum, spiri-
tus veritatis. Et v. 26. ille vos docebit
omnia, & suggeret vobis omnia quacun-
que dixerit vobis. Haec autem Scriptura
Divina in corde Ecclesiae Spiritu Dei scrip-
ta, nil aliud est, quam communis, ac
perpetuus Ecclesiae consensus, & concursus
omnium fidelium doctrina per continuas
successiones ad nos usque recepta, juxta
illud Pauli 1. Cor. 3. v. 3. Epistola estis
Christi ministrata à nobis, & scripta non
atramento, sed Spiritu Dei vivi, non in
tabulis lapideis, sed in tabulis cordis car-
nallibus.

III. Secundo autem modo scribit Deus,
suis Amanuensibus sacris dicendo, vel
verbis,

verba, vel saltem sensum. Hoc modo scripsit totam Scripturam veterem Legis, & Prophetarum, juxta illud *Psal. 44. v. 2. Lingua mea calamus scribæ velociter scribentis.* Et *1. Reg. cap. 23. v. 2. Spiritus Domini locutus est per me, & sermo ejus per linguam meam;* Et illud *S. Petri ep. 2. cap. 2. v. 21. Spiritu Sancto inspirati, locuti sunt Sancti Dei homines.* Ità in novo Testamento per Evangelistas scripsit Evangelia, per Apostolos canonicas epistolas.

IV. Affertur tertius modus, nimirum, quo Deus, nec scribit per se ipsum, nec alteri dicat, sed alteri committit scribere, & dicere, ei assistendo, & confirmando quod scribit. Ità se gerit in veteri Testamento, dum Summos Pontifices in Cathedra Moisaica sedentes, delegavit ad decreta, & sententias ferendas, eas suo quasi sigillo approbans, & confirmandas, ut *Deuter. 19. v. 12.* Ità etiam in nova Lege se gerit erga suos in Terris Vicarios Romanos Pontifices, erga OEcumenica Concilia, erga Ecclesiam Catholicam, cui commisit canones edere, & decreta suo quasi sigillo approbans, & muniens, ait. *Luce 10. 16. Qui vos audit, me audit; & qui vos spernit, me spernit; qui autem me spernit, spernit eum, qui misi me:* Et *Matth. 23. 17. Si autem Ecclesiam non audierit, sit tibi sicut Ethiope, & Publicanus.* Verum, quia hoc tertio modo reverà Deus, nec scribit per se. nec per alium, sed potius scripta ab homine recipit, & approbat; ideo nomine Særæ Scripturæ solum venit Scriptura primo, & secundo modo, hoc est à Deo, vel scribente, vel dicente profecta.

V. Hanc Sacram, & verè Divinam Scripturam dari, eamque esse nostram, Propheticam videlicet, & Apostolicam nobis ab Ecclesia propositum: talisque esse omnes ejus libros in Tridentino Canone recensitos *sess. 4. Decreto de Scripturis Canoniceis*, nimirum xlv. veteris, & xxvii. novi Testamenti, nec plures, nec pauciores, invictè sustinemus, & contra hæreticos, aliquos eorum expungere conantes, alibi defensamus; Hoc maxime ratioeiniò nixi, quodd determinare, quoniam libri sint Canonice, &

Divini, non ad quemcumque privatum pertinet, sed totius Ecclesiæ Catholicæ officium est, quam (ut dicebamus) Deus suo spiritu regit, cuiusque decreta approbat tanquam sua; sed Ecclesia in Tridentino OEcumenicè congregata omnes præfatos tum ex veteri, tum ex novo Testamento Libros, ut Canonicos, Divinosque approbavit; ergo omnes habendi sunt, ut Canonice. Hoc ad præfatus intentum sit satis. Alibi enim de hæc re factus, si Deus annuerit, dicemus, omnesque libros tum generaliter, tum sigillatim vindicabimus.

VI. Ex omnibus ergo præfatis libris poterit Theologus firmissima argumenta pro suis veritatibus astruendis, deducere, hoc tamen prudentiali monito instructus, ut si res illi sit cum hæretico negante auctoritatem alicuius libri esse divinam, confugiat ad textum ex alio libro, quem ille ut divinum admittat, ne à questione, quam cum eo agit, cogatur divertere ad aliam, nimirum ad probandam auctoritatem illius libri. Quare si ad probandum, pium esse, & salutare offerre Sacrificium pro fideiibus defunctis, asseret solum Judæ Machabæi, quod narratur *1. Machab. cap. 12. v. 43.*, & ageret contra Lutheranism, vel Calvinism, quamvis absolute efficaciter procederet; contra illum tamen parum, vel nihil efficeret, qui statim negaret, auctoritatem illius libri esse divinam, & sic aliam litem cum eo contraheret interminabilem, nimirum ut probaret, librum illum esse auctoritatis verè divinæ.

Pro uberiori tamen hujus notitiæ duo supersunt. Primum cum Sacra Scriptura plures sensus habeat, ut docet D. Th. hic *art. 9., & 10.*, videndum est, an ex quolibet Scripturæ sensu possit Theologus eruere firmum argumentum. Secundum cum ejusdem plures dentur editiones, & versiones, ex quoniam debeat procedere, ut firmè procedat. Quod in duobus §. sequentibus prætare conabimur.

§. I L

An ex quolibet Scriptura sensu Theologus possit argumentari,

Sciendum hic, per Divinæ Scripturæ sensum nihil aliud communiter intelligi, quàm id, quod Spiritus Sanctus Divinæ Scripturæ auctor intendit per Scripturam nobis significare: dixi per Scripturam, & non per Scripturæ verba, quia (ut dicemus) in Scripturâ ex intento Spiritus Sancti non solum significant verba, sed aliquando etiam res.

II. Duplex ergo in sui primâ divisione communiter assignatur Sacræ Scripturæ sensus, nimirum literalis, & spiritalis, sive mysticus. Cujus rationem reddit S. Thomas hic *qu. 4. art. 10. Auditor enim Sacra Scriptura est Deus, in cuius potestate est, ut non solum voces ad significandum accommodet (quod etiam homo facere potest) sed etiam res ipsas. Et idcirco, cum in omnibus scientiis voces significant, hoc habet proprium ista scientia, quod ipsa res significata per voces, etiam significant aliquid. Illa ergo prima significatio, quâ voces significant res, pertinet ad primum sensum, qui est sensus historicus, vel literalis. Illa vero significatio, quâ res significata per voces, iterum res alias significant, dicitur sensus spiritalis, quia super litteralem fundatur, & eum supponit. Hæc D. Thom.*

III. Hic autem sensus spiritalis triarum dividitur, nempe in Allegoricum, Tropologicum, seu moralem; & Anagogicum. Allegoricus est, cum res gesta in veteri Testamento aliquid significat gerendum in novo, v. gr., exaltatio serpentis in deserto à Moyse, quæ designabat Christum exaltandum in Cruce. Tropologicus, seu moralis est; cum ea, quæ in Christo sunt facta, vel in iis, quæ Christum significant, sunt signa eorum, quæ nos agere debemus, & ad componendos nostros mores diriguntur. Anagogicus, seu furtivum evectus est, cum res in Scripturâ significat aliquid spectans ad Æternam Gloriam; ut v. gr. introitus Iherosolimitani Populi in terram

promissam, significat introitum Fidelis Populi ad Æternam Gloriam. Mi autem sensus hæc unice voce *Iherosalem* manifesti sunt; ex D. Hieron. in *cap. 16. Ezech.* Hæc enim vox ad litteram significat Civitatem Iudæ. Civitas autem hæc significat allegoricè Ecclesiam; tropologicè Animam Iusti; anagogicè Cœlestem Patriam. Huius triplicis sensus rationem dat D. Thom. hic, quia ex Apostolo *Hebr. 7. lex vetus figura est novæ Legis, & ipsa novæ Lex, ut dicit Dionys. Eccles. Hierarch. part. 1. cap. 3. Est figura futura gloria. In nova etiam Lege, ea, quæ in Scriptis sunt gesta, sunt signa eorum, quæ nos agere debemus.*

IV. Item sensus literalis est duplex; unus proprius, quem verba propriè accepta significant: Velut cum dicitur: *diligas Dominum Deum tuum*, sensus literalis est, Deum, ut verba sonant, esse diligendum. Alter verò metaphoricus, seu improprius, cum verba à sua propriâ ad improprias significationem transferuntur. Ut dum dicitur *Joan. 10. v. 27. Oves meæ vocem meam audiunt*, sensus literalis est de populo fideli, per oves metaphoricè acceptas significato.

V. Sed quomodo sensus metaphoricus continetur sub literali? Nunquid, cum nominatur in Scripturâ brachium Dei, sensus literalis erit, quod in Deo sit brachium?

Dico cum D. Thom. hic *art. 50. ad 3.*, sensum metaphoricum contineri sub literali, quia significatur non per res, ut sensus spiritalis, sed per voces: Per voces autem significatur aliquid propriè, & impropriè. In sensu tamen improprio (ait D. Thom.) *non est literalis sensus ipsa figura; sed id, quod est figuratum. Non enim cum scriptura nominat Dei brachium, est literalis sensus, quod in Deo sit membrum huiusmodi corporale: sed id, quod per hoc membrum significatur, scilicet virtus operativa.*

VI. Porro, ut sensus allegoricus plenius intelligatur, observandum est cum D. Augustino *lib. 15. de Trinit. cap. 9.*; duplicem esse allegoriam, unam vocum, aliam rerum. Prior est continuata vocum translatio, cuiusmodi est in illo *I. saia 11. v. 6. Habitat lupus cum agno: & par-*

& pardus cum hodo accumbat: Vitulus, & leo, & ovis simul morabuntur &c. Non enim ea animalia, quæ per dictas voces significantur, debent intelligi; sed per metaphoram significatur, quod gentes barbaræ, ac erudiles deposita feritate, habitabunt cum populo Christiano, simplici, & mansueto. Et hæc allegoria pertinet ad sensum litteralem, seu historicum metaphoricum. Posterior allegoria est, quando ea, quæ sunt gesta in veteri Testamento, & etiam in novo, agunt, & significant alia gerenda in novo, vel spectantia ad Christum, vel ad mores nostros, vel ad æternam gloriam. Quare non omnis allegoria indicat sensum allegoricum conditum à sensu spirituali, sed sola allegoria in vobis.

Præfati quatuor Scripturæ sensus litteralis, allegoricus, tropologicus, seu moralis, & anagogicus metricè vulgo sic designantur.

Littera, gesta docet: quid credas, allegoria.

Moralis, quid agas: quid speres, anagogia.

VII. Doctrina hæcenus tradita cuilibet tyroni capta facilis, & obvia est, sed in ea applicanda labor maximus, etiam proventis. Cum enim non in quolibet Scripturæ textu hi quatuor sensus inveniuntur, difficile est, determinare, quinam fuerint sensus à Spiritu Sancto intenti, & maxime in illis textibus, de quibus Sanctus Spiritus nec ibi, nec alibi sese expressit.

In hæc res supponendum videtur certum, in omnibus Sacra Scripturæ sententiis aliquem sensum litteralem, five proprium, five metaphoricum reperiri, quia sensus litteralis est fundamentum cæterorum.

VIII. Porro regulæ ad cognoscendum sensum litteralem sunt. Prima, quando verba, in propria significatione accepta, sensum absurdum non faciunt, sunt ad litteram accipiendæ, & non ad metaphoram, aut tropos trahenda. Ità ex S. August. lib. 8. de Genesi, ad lit. cap. 7.

Secunda, si alicuius sententiæ sensus, quem putamus litteralem, conveniat cum ipso contextu, nos repugnet dogmati-

bus fidei, & morum honestati, verè est litteralis. Ità ex eodem de Doctrina. Christi. lib. 3. c. 10. Sic cum Christus dicitur agnus, leo, vitis, patet non esse in sensu litterali proprio accipiendæ. ex D. August. tract. 80. in Joannem. Sic cum dicitur Matth. 18. vers. 8. Si manus tua, vel pes tuus scandalizat te, abscinde eum, & projice abs te; & ibid. v. 9. Si oculus tuus scandalizat te, erue eum, & projice abs te. Hæc verba ad litteram propriè, & ut verba sonant, non sunt accipiendæ, cum morum honestati non congruant; Cum nefas sit, se ipsum mutilare, sibi que pedem, vel manum abscindere, aut oculum erueri; sed per metaphoram, idest si, qui te scandalizat, tibi sit carus, aut necessarius vitæ tuæ, sicut corpori tuo manus, pes, vel oculus, hunc à tuo contubernio, & conversatione statim abscindas, & abjicias.

Tertia, est collatio Scripturæ cum loco, & tempore, & scopo personæ scribentis. Ità S. Hieron. lib. 2. in Jerem. c. 8. Quare si non capias, cur Jeremias prædicans, mala de Babylone super omnes habitatores terræ ventura, dicat cap. 1. v. 14. ab Aquilone pandetur omne malum: cum Babylone versùs Aquilonem non sit, sed versùs Orientem, vel Austrum; id facile discies, si consideraveris, Jeremiam non in Italia, aut Galliis scribentem, sed in Judæa prophetantem, & respectu Judææ Aquilonem esse Babylonem, non Australem, vel Orientalem.

Quarta, est collatio Scripturæ cum Scripturâ, seu textu cum textu, antecedentium cum consequentibus Scripturæ locis: cum D. August. lib. 2. de Doctrina. Christi. cap. 6. dicat: Nihil enim ferè de illis obscuritatibus eruitur, quod non planissimè dictum alibi reperitur. Sic datatio v. gr. regni Antichristi, quæ à Daniele cap. 7. v. 25. satis obscure exprimitur hisce verbis per tempus, & tempora, & dimidium temporis, clariùs expressa invenitur à Joan. Apocal. 11. v. 2. dum prædicit, quod Civitas Sancta mensibus quadraginta duobus, idest tribus annis cum dimidio calcabitur, & apertius adhuc versu tertio, dum dicit, quod tunc regnabit homo ille peccati, cum duo testes Menoch videlicet, & Helias propheta-

tabunt, diebus mille ducentis sexaginta. Et Christus, referente D. Basilio lib. 1. de Baptismo, quod obscurè dixerat Matth. 6. v. 12. *Thesaurizate vobis thesauros in Cælo*, clariùs expressit Luca 12. v. 33. *Vendite, quæ possidetis, & date eleemosynam; facite vobis facculos, qui non veterascunt, thesaurum non deficientem in Cælis*.

Quinta, est collatio Scripturæ cum SS. PP. sententiâ. Hanc tradidit Tridentinum decret. de edit., & usu S. Libr., eam declaravit, non licere interpretari Sacram Scripturam, contra unanimem Patrum sententiam.

Sexta, est collatio Sacræ Scripturæ cum Ecclesiæ Judicio. Hæc est regula, omnium tutissima, quam præscribit Tridentinum laudato loco, sess. 4. dum statuit, nemini suæ innixio prudentiæ licitum esse Scripturam interpretari, & ad suos sensus contorquere contra eum sensum, quem tenuit, & tenet Sancta Mater Ecclesiæ, ejus est judicare de vero sensu, & interpretatione Scripturarum. Sacellarum. Ab hac regulâ quotquot recesserunt, in turpissimos errores, atque hæreses lapsi sunt.

Præter omnes præfatas regulas scitu dignas. advertat, qui lectionem Sacræ Scripturæ, ejusque interpretationem suscipit, ut ad eam accedat cum fide. Scriptum est enim *Isai. 7. v. 9. juxta. lxx. Interpretes: Nisi credideritis, non intelligetis*. Secundò cum humilitate, quia *Prov. 11. v. 2. Ubi humilitas, ibi sapientia*. Et Christus *Matth. 11. v. 29. Confiteor t inquit tibi Pater Domine Cf. li, & Terra, quia abscondisti hæc à sapientibus, & prudentibus, & revelasti ea parvulis*. Tertiò cum conscientia pura, quia *Sapientiæ 1. 4. in malevolam animam non intrabit sapientia, nec habitabit in corpore subdito peccatis*. Quartò cum oratione, quia non tam à Libris, quàm à Deo lumen intelligentiæ debet procedere, & ab eo petendum cum *Davide Ps. 118. v. 34. Da mihi intellectum, & scrutabor legem tuam*. Unde S. August. lib. 2. de Doctr. Cris. cap. 27. non solum, inquit, admonendi sunt Audaces litterarum venerabilium, ut in Scripturis Sanctis genera locutionum sciant...

Verùm quod est præcipuum, & maxime necessarium, erant, ut intelligant. Quod fecisse D. Thom. legimus, qui nunquam se lectioni, aut scripturæ dedit, nisi post orationem. In difficultatibus locorum Sacra Scriptura, ad Orationem sejunxit. Adhibebat. Quin etiam sodali suo fratri Reginaldo dicere solebat, quidquid sciret, non tam studio, ac labore suo se peperisse, quàm divinitus traditum accepisse. Quintò denique omnibus præfatis addere debet assiduam Divinæ Scripturæ lectionem; eam enim commendat Christus dicens, *Scrutamini Scripturas* *Jos. 1. 39.* Commendat & Spiritus Sanctus *Josue cap. 1. v. 8. Non recedet volumen legis hujus ab ore tuo; sed meditaberis in eo diebus, ac noctibus*; Commendat & D. Paulus *sue Timoth. epist. 1. cap. 4. v. 13. dicens, attende lectioni, exhortationi, & doctrinæ*.

IX. Quid si quæras scire, quibus duobus possis litteralem, vel quemcumque alium Scripturæ sensum assequi? discas ex Sixto Senensi lib. 3. sua Bibliotheca Sancta, sic metricè respondente.

Historiam Hebræis, & Græcis fontibus haustum,

Hieronymo discas duce.

Allegorias, anagogemque recludent, Origenes, & Ambrosius.

Exponent sensus formandis moribus aptos, Chrysostomus, & Gregorius.

In dubiis, altæque locis caligine meris, Aurelius lucem feret.

At brevis, & facilis non est spernenda tyroni

Lirinenis expositio.

X. Præter præfatos quatuor sensus, alius excogitatur, vulgò dictus accommodatus, seu per accommodationem; cum verba Scripturæ rem unam significant, usurpantur ad aliam significandam juxta beneplacitum, & exaltationem usurpantis, propter aliquam convenientiam, quam inter utramque intercedere judicat. Quo pacto Sacri Oratores textus multos Scripturæ usurpant in concionibus, eos applicando viris sanctis, quorum textum panegyrim: ut si hæc verba de Noë prolata *Ecclesiastici 44. v. 17. inventus est perfectus, justus, & in tempore transiundia factus est reconciliatio*: Vel illa

dc

de Abramo ibidem asserta v. 20. non est inventus similis illi: vel denique ista. v. 26. De Isaac ibidem dicta: benedictionem omnium gentium dedit illi Dominus &c. usurparet extendendo, & applicando ea D. Benedictio, Dominico, Francisco, Ignatio. Sed iste non est sensus proprius Scripturæ, sed interpretis, nec à Spiritu Sancto intentus, sed à Concionatore Scripturæ affixus.

XI. Quæres, an Sacra Scriptura sub eadem litterâ contineat plures sensus literales.

Respond. D. Thom. hoc art. 10. in fine corporis affirmativè, & asserens Augustinum lib. 12. confes. ex c. 18. 19. 20., & dicens: *Quia Auctor Sacra Scriptura Deus est, qui omnia simul suo intellectu comprehendit, non est inconveniens, si etiam secundum litteralem sensum in una litterâ Scripturæ plures sint sensus.* Quod etiam indicat lib. 2. sent. dist. 12. artic. 2. in respons. ad 7., & quæst. 4. de potentia art. 1. Quem sequitur Sylvius, alique quamplures ab eo citati in hunc art. 10. quæsto unico. Et prob. potuit Deus plura, ac diversa iisdem verbis significare, & deuit Sacra Scripturæ majestatem, ac secunditatem: sicut enim excellentior esset artifex, qui unico instrumento posset facere multa artefacta, quam ille, qui pro diversis artefactis diversis indigeret instrumentis. Et sicut perfectioris eloquentiæ est, paucioribus verbis plura complecti, quæ alius multis deberet dicere; Ità ad majorem Dei, & Scripturæ excellentiam pertinet, iisdem verbis plura significare.

Hinc illud Genes. 1. *In principio creavit Deus Cælum, & Terram*, litteraliter significat, & initio temporis, & etiam ante omnia. Prior sensus evincit, Mundum non esse æternum, sed aliquando cepisse. Posterior ostendit, Angelos non fuisse creatos ante Mundum corporeum. Priorem sensum usurpavit S. Aug. lib. 12. confes. c. 20., & 28. Posteriorem. 1. 22. de Civ. Dei c. 4. Utrumque verò idem S. Doct. lib. 1. de Gen. ad lit. imperf. c. 2., & Innocentius III. cum Concilio Lateran. dùm cap. *Firmiter sit de summa Trinit.* resolvit dicens, quod Deus simul ab initio temporis utramque

de nihilo condidit creaturam, spirituales, & corporales, Angelicam videlicet, & mundanam.

Hinc etiam, quod in Psal. 2. legitur: *Ego hodie genui te*, Paulus Act. 13. v. 33. de Christi resurrectione interpretatur. Ad Hebr. 1. v. 3. de generatione æternâ: quod etiam de temporali generatione rectè intelligi, tùm ex contextu patet, tùm ex D. Thom. super cap. 1. ad Hebræos.

Hinc illud Isaia 53. v. 8. *Generacionem ejus quis enarrabit?* & de æterna Christi ex Patre, & de temporali ejusdem ex Matre generatione intelligi nihil veiat. Unde ex Patribus alii de æternâ, alii de temporali, alii (ut August. homil. 36. inter quinquaginta, nunc ser. 44., & Cyrill. Alex. lib. 5. in Isaia cum D. Hieronym.) de utraq. accipiunt.

XII. Neque inferas, si una littera multa significat, sequi ambiguitatem, & æquivocationem, & argumentationem ex litterâ habente plures sensus fore fallacem; quia, ut ait D. Thom. 3. p. quæst. 60. art. 3. ad 1. *tunc est signum ambiguum, præbens occasionem fallendi, quando significat multa ad unum non ordinata.*

Nam benè respondet Sylvius laudato loco, tunc esse quidem signum ambiguum, præbens occasionem fallendi, & vitians argumentationem, quando aut is, qui illud assumit, non intendit, nec declarat, se ea multa significare, sed solum unum ex illis; aut intendat quidem ea multa significare, sed disjunctivè, & cum animo illum fallendi. Non tamen quando qui assumit illud signum, intendit, & declarat, se ea multa determinatè, & simul significare, ut in casu nostro. Hinc benè ait Loricæ, æquivocationem esse vitiosam, quando unicuique tantum significatum intenditur, & exprimitur verbis æquivocis; sed quando quidquid verba significant, intenditur, non est (inquit) vitiosum, sed profundum uti verbis, quæ plura significant. Videri potest Sylvius laudato loco, alia de hac materiâ doctè, & eruditè asserens. Nobis sufficit pro sufficienti noviti candidati instructio.

M 2

hec

hæc delibasse. Ad rem ergo nostram veniendo.

§. III.

Resolutio quaest.

XIII. Dico primò. Ex sensu litterali proprio Sacrae Scripturae firmum semper eruitur argumentum Theologicum. Prob. Ex eo sensu Scripturae firmum semper eruitur argumentum, qui est sensus Spiritus Sancti, & à Spiritu Sancto per verba Scripturae intentus; sed talis est sensus litteralis; ergo &c. Unde D. Thom. hoc art. 10. ad 1. dicit, quodd nulla confusio sequitur in Sacra Scriptura, cum omnes sensus fundentur super unum, ex quo solo potest trahi argumentum.

XIV. Prob. secundò. S. Paulus 2. ad Timoth. 3. v. 16. Omnis Scriptura divinitus inspirata utilis est ad docendum, ad arguendum &c., sed hoc maxime prestat per sensum litteralem, qui facilliori negotio veritatem ostendit, & omnibus idiomata noscentibus, & voces apertus est; & licet in aliquibus contextibus obscurus sit, vel illi contextus non deserviant ad suadendas, & probandas Catholice veritates; vel collari cum aliis Scripturae textibus illustrantur, & (ut §. præcedenti diximus) non desunt Theologo regulæ, & viæ ad illum inveniendum; ergo &c.

XV. Dico secundò. Ex sensu mystico, & etiam metaphorico potest Theologus aliquando firmum deducere argumentum, ex accommodatio vero nunquam. Prima pars probatur. Ex eo potest Theologus firmum ducere argumentum, ex quo argumentati sunt Christus, & Apostoli; sed ex sensu mystico argumentati sunt Christus, & Apostoli; ergo &c. Min. prob. Christus ex serpente, æneo exaltato à Moyse Num. 21. arguit se fore exaltandum in Cruce Joan. 3. v. 14. Ex eo, quod Jonas tribus diebus, & tribus noctibus fuerit in ventre piscis Jonæ 2. v. 2. arguit, se fore similiter in corde terræ Matth. 12. v. 40. S. Paulus ex eo, quod Abraham habuit duos filios, Ismael de Ancilla, & Isaac de

libera Genes. cap. 16. v. 15., & 21. v. 2. allegorice arguit ad Galat. 4. v. 22. Deum esse autorem utriusque Testamenti, veteris, & novi, & patrem duorum populorum, Judæorum, & Gentilium. Ex eo, quod de Agno Paschali dicitur Exodus 12. v. 46. Os non comminuetis ex eo, arguit mystice S. Joannes in Evang. cap. 19. v. 36. Christo in Cruce non fuisse, frangenda crux.

Probatur etiam hoc discursu; ex eo sensu potest firmum erui argumentum, qui est à Spiritu Sancto volutus, & super litteram fundatus; sed talis est sensus spiritualis, & mysticus, ut in exemplis allatis ostensum est; Deus enim Scripturae auctor nedum voces ad significandum usurpat, sed etiam rebus imponit pro suo libito, ut alia significant. Hinc S. Paulus 1. Corinth. 10. v. 11. Cum promississet, Patres veteris Testamenti omnes sub nube fuisse, ait: hæc autem omnia in figura contingebant illis: Scripta sunt autem ad correptionem nostram, in quos sunt seculorum deveniunt; & ad Heb. 10. post longam, & accuratam, per plura capita discussionem symbolorum veteris Testamenti respectu novi, intulit hanc causalem v. 1. Umbram enim habent Lex futurorum bonorum &c., utique futurorum in Lege Evangelicâ, quam figurabat Lex, & in quo persuadendo totus est in illâ epistolâ Paulus.

XVI. Dixi, sensum mysticum aliquando præbere Theologo firmum argumentum: non enim semper ex eo potest firmiter arguere, sed tunc solum, quando constat, eum fuisse taliter à Christo, aut Apostolis usurpatum, vel ex Scripturâ colligitur. Cum enim res, in quibus sensus mysticus fundatur, variam habeant similitudinem, & convenientiam, varium etiam, & incipitem possunt referre sensum mysticum, nisi aliunde constet certò, quem referant; quod certò constare nequit, nisi ex ipsâ scripturâ, & exemplo Christi, & Apostolorum. Sic Leo ob sui rapacitatem 1. Petri 5. v. 8. usurpatur ad significandum Diabolum, qui ibi dicitur Leo rugiens. Propter suam fortitudinem designat Christum, qui Apoc. 5. v. 5. dicitur Leo de Tribu Juda. Propter suam feritatem adumbrat adversarium

rium quemque, qui *Psalm. 16. v. 13.* dicitur *Leo paratus ad pradam.* Et *Psalm. 22. v. 22. Salva me de ore Leonis.* Ob firmitatem, & constantiam iustum designat. *Prov. 28. v. 1. Iustus quasi Leo confidens absque terrore erit.* Ergo in sensu mystico, & metaphorico nulla inter probandum, & arguendum vis est facienda, nisi vel ex contextu, vel exemplo Christi, & Apostolorum constet, quo sensu sit accipiendum.

XVII. At huic resolutioni videtur ob stare D. Thomas, qui hoc *art. 8. ad 1. dicit, sensum litteralem, ex quo solo potest trahi argumentum, non autem ex iis, quæ secundum allegoriam dicuntur.* Et in corpore articuli dixerat, quoddam sensus litteralis est, quem auctor intendit. Ergo ex sensu mystico non potest trahi argumentum.

Respondeo, D. Thomam confirmare potius nostrum assertum, quam destrueret: vult enim, quoddam ex solo sensu litterali possit trahi argumentum absolute, quia est primo intentus ab Auctore Sacre Scripturæ, nec sensum multiplicem reddere potest; non verò ex sensu spirituali, nisi in quo sensu fuerit ab Auctore Sacre Scripturæ usurpatus constiterit, vel Christi, vel Apostolorum exemplo, vel ex ipso Scripturæ contextu. Quod verò ita senserit D. Thomas ostendo. Ex eo enim sensu trahi potest argumentum, quem constat fuisse inditum ab Auctore Sacre Scripturæ; sed D. Thomas ibi ostendit, non solum sensum litteralem, sed etiam spirituales fuisse inditum, & intentum ab Auctore Sacre Scripturæ; dicit enim in *corp. articuli, quoddam Auctor Sacra Scriptura est Deus, in cuius potestate est, ut non solum vocet ad significandum accommodet, sed etiam res ipsas, & quid significatio, quæ res significant, dicitur sensus spiritualis;* ergo &c.; quia verò non semper certi sumus, quem sensum Sacre Scripturæ Auctor illis rebus accommodavit, ideo non semper, sicut ex litterali, ex eo firmum trahere possumus argumentum, neque ex hoc aliquid deperit Sacra Scriptura (adit S. Doctor ad primum) quia nihil sub spirituali sensu continetur fidei necessarium, quod Scriptura per litteralem.

sensum alicubi manifestè non tradat.

XVIII. Secunda vero asserti pars probatur. Cum enim sensus accommodativus, non sit à Spiritu Sancto cum litterali nobis signatus, nec cum respiciat Auctorem, sed à quolibet interprete pro ingenii sui dexteritate, & arbitrio Sacre Scripturæ accommodatus, & quasi assutus, certum est, nullam ei vim inesse divinam ad res fidei tuendas, & contra impugnantes propugnandas, sed solum humanam. Hinc S. Hieron. *lib. 2. in Matth. explanans illud cap. 13. de fermento, quod abscondit mulier in sariis satis tribus; postquam similitudinem hanc adorando Trinitatis mysterio adaptasset, subiunxit: Pius quidem sensus, sed nunquam parabola, & dubia enigmatum intelligentia potest ad auctoritatem dogmatis perducere;* & D. Augustinus *epist. 48. modò 93. arguens Donatistas, qui Ecclesiam in solâ Africâ eorum patriâ illam, & puram remansisse suadere volebant ex illo Cant. 1. 6. Uti pascas, ubi cubes in meridie.* Postquam hujus textus pravam usurpationem varîe, & mirè impugnasset, concludit: *Quis autem non impudentissimè nitatur, aliquid in allegoria positum pro se interpretari, nisi habeat, & manifesta testimonia, quorum lumine illustrentur obscura? Quæ verba, confirmant etiam observationem à nobis factam pro primâ parte huic asserti, quâ diximus, ex sensu mystico non potest duci argumentum firmum, nisi constet, illum reverâ fuisse rei à Spiritu Sancto accommodatum. Nisi enim id constiterit, hærebimus semper, an ille sensus sit Spiritus Sancti, an noier, an verè spiritualis, an solum accommodativus. Quibus satis instructum hæc de re tyrone meum exitium.*



§. I V.

*Quamquam Scripturarum editio deferre
possit Theologo ad ceris proban-
das suas conclusiones.*

DE variis Sacre Scripturæ editionibus fuscè alibi egimus. Nunc verò pro aliquali tyronis notitiâ, & regulâ, ne fortè in arguendo decipiatur

XIX. Sciat, oportet, autographos, seu originales libros, & primævos veteris Testamenti hebraicè fuisse omnes conscriptos, exceptis Tobiz, Judith, & Esdræ, nec non Danielis libris chaldaicè primitus datis, & 2. Machab. (juxta S. Hieronymum) græcè primò conscripto.

Autographos, & originales novi Testamenti libros primò datos fuisse græcè, si tamen excipias Evangelium Mathæi Hebraicè linguâ, seu Syriacâ, Hebræis tunc vulgari, primò scriptum, sicut & Epistolam Pauli ad Hebræos, licet Origenes, & Clemens Alexandrinus eam græcè fuisse scriptam autumant. Excipiunt alli Evangelium Marci Romæ, & latine primò scriptum opinantes: quibus tamen non adharemus.

XX. Sciat secundò, nos hodie Scripturæ Sacre autographa, seu originalia habere nulla, sed apographa sola, & exemplaria, variasque editiones diversâ linguâ, diversis temporibus ortas, quæ ad quatuor istas reducuntur, nimirum, ad Hebraicam, Græcam, Latinam, & Vernaculam, seu Vulgarem. Ad Hebraicam reducuntur Chaldaica, Syriaca, & Samaritana. Sub Græca, & Latina continentur versiones variz ex illis factæ. Ad Vernaculam verò referuntur Arabica, Æthiopica, Persica, Gallica, Germana, Hispana, Anglica, Italica.

XXI. Editio Hebraica Sacrorum Codicum dicitur illa, quæ à Moysè, & Prophetis litteris scripta fuit Hebraicis, quæque Captivitatis Babylonicæ tempore ex integro, (ut aliqui volunt) deperdita, aut (ut alii verius) dispersa, vitata, & corrupta, fuit per Esdram, vel ex integro edita, vel suæ puritati restituta, sine tamen punctis vocalibus, cum hæc post S. Hieronymi tempora fue-

rint addita à Rabbini Tiberiensibus, ut probabilius censent Eruditi. An hæc sit apud nos pura, an vitata, & an levibus, vel gravibus mendis scateas, non disputamus. Authentica tamen nobis dici non potest, quia de illius cum originali conformitate, nullo nobis Ecclesiæ judicio constat.

XXII. Editio Chaldaica, qualis apud nos est, nihil aliud est quàm Divinæ Scripturæ ex Hebraicè in Chaldaicam linguam translatio, non de verbo ad verbum, sed de sensu ad sensum; unde paraphrasî Chaldaica vulgò dicitur potius, quàm Versio. Auctores ejus fuisse Rabbini censentur; quoniam ævo, ante, vel post Christum, sub lite est. *Targum* ab Hebræis (hoc est interpretatio) nuncupatur, Babylonicum unum, & Hierosolymitanum alterum. Quidquid tamen sit de auctore, de tempore, quo primò prodierit, certum est, eam scateere variis Judæorum fabulis, & Talmudistarum nugis. Utilis tamen esse potest Theologo ad Judæos de Sanctissimæ Trinitatis mysterio, & Venerandæ Incarnationis convincendos.

XXIII. Editio Syriaca, cujus incertus est auctor, tempus, & auctoritas, sic dicitur, quia Syriacis scripta characteribus. Syriaca lingua ex Hebræâ prodiit & Chaldaicâ, tanquam utriusque corruptio: cum enim Hebræi in Babylonica Captivitate constituti, ut Chaldaicam discerent, paulatim Hebraicam linguam dedicerent, factum est, ut nec congruè, & perfectè Chaldaicè, nec Hebraicè amplius, sed linguam mixtam ex Chaldaicâ, & Hebraicâ loqui cæperint, quæ Syriaca dicta est, facta etiam post Captivitatem. Judæis vernacula; quæque Christus fuisse usus, & Apostoli creduntur; & adhuc etiam utuntur Maronitz in suis sacris ritibus, qui vicus, & pagos per Libanum dispersos hodie incolunt. Est autem hæc editio judicio Ecclesiæ non fuerit comprobata, & prunde non authentica, utilis tamen esse potest. Primò, ad latinam nostram multis in locis firmandam. Secundò, ad multa ejus obscura, & difficilia penetranda. Et tertio, ad revincendos recentiores hæreticos, quod in titulis capitum mentionem faciat junio-

juniorum Quadragesimæ, venerationis S. Crucis, commemorationis Defunctorum, & aliorum, quæ tanquam humanas, ac superstitiosas traditiones expuunt Lutherani, & Calvinistæ.

XXIV. Editio Samaritana, quia primitus Hebraicâ linguâ, tunc Hebræis, & Samaritanis communj, etſi characteribus Samaritanis conſcripta, ad Hebraicam meritò reducitur. Porro characteres Samaritanos eſſe Hebræicos antiquos, cenſet S. Hieronymus in Prologo Galeate; cùm Eſdram auctorem habeant characteres novi, quos hodie utuntur Hebræi. Incertū auctoris eſt hæc verſio, & longè antiquior Chriſti temporibus, non tamen authentica; quia nondum per Eccleſiam judicata hebraico autographo conſormis.

XXV. Verſio Græca, licet multiplex ſit (ut dicemus) omnium tamen prima cenſenda illa eſt, quam curante Proleone Philadelpho Rege Ægypti lxx. Interpretes ediderunt. De quâ fuſè alibi dicimus: ducentis, & quinquaginta circiter annis ante Chriſtum edita creditur. Eâ uſa eſt Eccleſia in ſuis initiis per ſexcentos circiter annos, & hodie utitur Eccleſia Græca, imo eâ uſos fuiſſe Apoſtolos, & Evangeliſtas, cenſent Eruditi. Propterea eſto non ſit habenda, ut authentica quia Eccleſiæ judicium eam. declarans autographo hebraico conformem non acceſſit, magnâ tamen in veneratione habenda eſt, utpote variis SS. Patrum commentariis illuſtrata, & ad vulgariæ noſtræ plures locos elucidandos ſummo-pere utilis.

XXVI. Poſt hanc lxx. Interpretum verſionem alix, quarum tamen nobis non niſi fragmenta remanſerunt, nimirum Aquilæ, Theodotionis, Symmachi, Antonimæ dñæ, Origenis, & S. Luciani, & Heſychii, recenſentur.

Primam edidit Aquila genere Ponticus, prinò Chriſtianus, ſed quia aſtrogæ iudiciu æ nimium vacaret, ej. ſus ab Eccleſiâ, ex Chriſtiano filius Judæus, & irruens in lxx. Interpretum verſionem, aliam à ſui cerebro Sacrorum Codicum depromere aggreſſus eſt, in quâ viticina de Chriſto quoad poſſet, ſubverſeretur, quam reſpectâ edidit circa

annum Chriſti 130., de quo S. Epiph. *l. de ponderibus, & menſuris*, Eusebio *hiſt. lib. 6.*, & Baronius *ad ann. Chriſti 130.*, unde hæc verſio repudianda eſt.

Secundam adornavit Theodotion Epheſinus, Tatiani hæretici primò diſcipulus, deinde Marcionis Sectarius, tandem Judæus ſacius, eâ lege, ut vetus Teſtamentum, & novum græcè reſideret, quod & præſtitit circa annum Chriſti 184., multa addens, multa etiam minuens, quem inter Judaizantes hæreticos reſciit S. Hieronym. *prologo in Job*. Ex quibus vides quanti faciendâ ſit ejus verſio. Conſule Baron. *ad ann. Chriſti 184.*

Tertiam lucubravit Symmachus circa ann. Chriſti 300. Is genere Samaritanus, cùm à ſua gente nil honoris ſibi deferri videret, tranſiit ad Judæos: deinde ex Judæis ad Chriſtianos, demùm Ebionis Sectarius ſacius, ſuam verſionem, non verbum ex verbo, ſed ſententias ex ſententis reddens (ut ait S. Hieron. *in c. 36. Jerem.*) adornavit. Conſuli poſſunt Hieron., Baronius, Philaſtrius, & Myræus. Hæc verſio ſuſpecta haberi debet.

Quarta, auctoris anonymi, Hierichumina dicitur, quia in quibuſdam doliis apud Urbem Hiericho, anno Imperii Caracallæ 7. reperta, teſte S. Epiphania.

Quinta, ignoti pariter auctoris, Nicopolitana nuncupatur, quia in doliis ſimiliter incluſa apud Nicopolim reperta, Imperante Alexandro Mammææ filio.

Sexta, eſt Origeniana, auctorem habens Origenem, quæ potiùs quàm verſio, præcedentium verſionum collectio dicenda eſt. Selegit namque Origenes quatuor præcipuas verſiones, quæ ſuo tempore extabant, nimirum ſepiaſaginta Interpretum (quam ipſe variis in locis nunc mutaverat, nunc corruperat, nunc emendaverat) Aquilæ, Symmachi, & Theodotionis, earque totum unum voluquen rēdegit quatuor diſtinctis columnis, ita ut omnes eodem aſpectu videri poſſint, & verſus verſibus, periodi periodis reſponderent, quas vocavit ab illis quatuor columnis *Tetrapla*; ut ait S. Hieron. *epiſt. 89.* Poſtmodum hæc quatuor editio-

ni.

nibus, & columnis 2 regione preposuit Hebraicam, idque duabus columnis, quarum prima continebat textum hebraicum litteris hebraicis scriptum, altera verò eundem, sed litteris græcis exaratum; eumque hoc opus sex columnas exhiberet, vocavit *Hexapla*. Tandem his sex editionibus, & columnis adiecit alias duas græcas editiones, duabus columnis distinctas, nempe Hierichuntinam, & Nicopolitanam; cùmque jam octo essent columnæ, vocavit *Octapla*. Hujusmodi tamen *Octapla* ab *Hexapla* non distinguunt Eusebius, & Hieronymus; imò S. Epiphanius lib. de pond. & mens. loquitur de *Hexaplis*, ut de opere ab *Octaplis* indistincto.

Septima, est versio S. Lucianum Martyrem auctorem referens, qui cùm videt Sacros Codices corrumpi, & in pravam sensum detorqueri, eosdem ad fidem Hebraici textus emendatos reddidit; quam editionem S. Athanas. sub Constantino propria Luciani manu descriptam, Nicomediæ repertam fuisse refert. Vide Baron. ad an. Christi 330.

Octava, Hecychium parentem habuit Præbyterum, quæque in usu erat Alexandriæ. & in totâ Ægypto recepta, atque probata. Hæ sunt præcipuæ versiones græcæ.

XXVII. Ad Latinas transeamus. Tot erant temporibus Sancti Augustini versiones latinæ, ut ipse dixerit, eos, qui Scripturas Sacras ex hebræo verterunt in græcum, numerari posse, eos verò, qui in latinum, non posse. Inter has tamen omnes, etsi numero multas, duæ magnam in Ecclesiâ venerationem sunt consecutæ. Una antiqua, incerti auctoris opus, quam *Italiam*, eò quod latinam, vocat Sanctus Augustinus. Communem S. Hieronymus. Veterem Sanctus Gregorius. *Vulgatam* Orosius, & cum isto *Vulgatam* Univerfus Christianus Orbis, quia illius ubique frequentissimus in Ecclesiâ usus. Altera nova post hanc Italiam à S. Hieronymo data, qui iussu Damiani Romani Pontificis vetus Testamentum ex hebræo latinum fecit, & novum à mendis purgando, græcæ fidei reddidit; *Novum Testamentum græca fidei reddidit; Velut juxta hebraicum tran-*

suli, inquit ipse S. Doctor in fine sui de Scripturis Ecclesiasticis Libri. *E-vulgatâ* D. Hieronymi versione, contentio orta fuit in Ecclesiâ, quænam esset præferenda. Augustinus pro Italâ, quia (ut agebat) verborum erat tenacior cum perspicuitate sermonis. Et Sanctus Isidorus pro novâ S. Hieronymi dimicabat. Non longè post S. Gregorii tempora, conflata, est una, quæ nec ex toto antiqua, nec ex toto nova, sed *vulgata*, communis diceretur, non quia mixta ex libris antiquæ, & novæ, sed quia libri nonnulli in eâ leguntur eo modo, quo in antiquâ, & alii eo modo, quo in novâ. Et hæc est hodierna *vulgata* nostra, quam multorum seculorum usu in Ecclesiâ receptam, tandem Concilium Tridentinum declaravit authenticam *Decreto de edit. usu Sacror. Libr.* sanciens, ut pro authenticâ habeatur, & ut eam nemo, quovis prætextu rejicere audeat, vel præsumat.

XXVIII. Vernacula tandem scripturæ versio, dicitur illa, quæ vernaculâ, seu vulgari populi, vel nationis linguâ conscripta est. Ex orientalibus præcipue sunt, Arabica, Ethiopica, Persica; & ex Occidentalibus variæ editæ, sive à Catholicis, sive ab Hæreticis, de quibus suo loco diximus, nulla tamen ex his habenda, est, ut authentica; & si hæreticorum, opus sint, rejiciendæ tanquam saltem suspectæ.

Circæ versiones vulgares, duo sunt ab Ecclesiâ sancita. Primum ne in publico Ecclesiæ usu, præsertim in Missâ, legantur. Id constat ex Tridentino sess. 12. cap. 8. de Sacrificio Missæ dicentis: *Et si Missa contineat magnam populi fidelis eruditionem, non tamen expedire visum est Patribus, ut vulgari passim linguâ celebraretur*. Alterum ne omnibus indiscriminatim legi permittantur, cum juxta quartam Indicis regulam à Pio IV., Sixto V., & Clemente VIII. Summis Pontificibus approbatam: *experimentum manifestum sit, plus inde detrimenti, quàm utilitatis oriri, ob hominum temeritatem*. His itaque præmissis, ad rem præsentem.

XXIX. Dico. Ex solâ vulgata latinâ versione potest Theologus tutum, ac firmum ducere argumentum. Constat ex

did.

dictis. Ex eâ enim solâ Sacræ Scripturæ versione potest Theologus firmum ducere argumentum, quam sibi constat, exprimeret verba, & sensus ut à Deo dictatos, & continere reipsâ Verbum Dei; sed de solâ vulgatâ latinâ id constat, hæc enim longo seculorum usu probata fuit; de hac etiam Ecclesiâ, ad quam (utpotè *columnam, & firmamentum veritatis*, cuique Spiritus Sanctus promissus à Christo infallibiliter assistit, *docens eam omnem veritatem*) pertinet iudicium ferre de Verbo Dei, separando verum Dei Verbum à falso, sententiam tulit; ergo &c. de aliis enim, sive versionibus, sive textibus originalibus nihil locutus est; ergo &c.

Argumenta hæreticorum contra vulgatæ latinæ puritatem à nobis alibi proposita, & soluta sunt; hic enim authenticitas vulgatæ nostræ supponenda est, non probanda.

XXX. Adverte tamen, Tridentinum statuens, vulgatam latinam esse authenticam, & pro tali eam omnibus proponens, noluisse infirmare auctoritatem textuum originalium, Hebraicis, & Græcis, quia cum de istis mentionem ullam non fecerit, eos reliquit in sua auctoritate, quæcumque illa sit; sed solum vulgatam cæteris latinis versionibus prætulisse. Quia tamen nulla Scriptura habentia est pro puro Dei Verbo, & ut authentica, nisi ab Ecclesiâ talis sit declarata, & Ecclesiâ de sententiis Hebraicis, & Græcis nihil statuerit: idcirco à nobis ut authentici habendi non sunt, nec ex iis firmum argumentum trahendum, nisi in iis, in quibus cum vulgatâ concordant. Utiles etiam esse possunt versiones vernaculæ ad arguendum contra eos, qui illis utuntur: ut si ad convincendum Calvinistam utaris versione Diodati, aut alterius, quem ille sequatur. Ad convincendum Lutheranum versione Lutheri. Anabaptistam versione Munsteri; & sic de aliis. Quibus satis expensus manet primus, ac præcipuus locus Theologicus.

DUBIUM III.

De Loco à Traditionibus.

§. I.

Quid, & quæduplex sit Traditio Sacra.

Traditiones, seu Verbum Dei non scriptum, sed oretenus traditum Ecclesiæ per Apostolos, reverè admittendas esse hic supponam; eas enim probare alterius loci erit, cum hic de ipsis tantum quærendum sit, quale argumentum possint Theologo suppeditare. Attamen ne prorsus jejunum dimittam meum Candidatum, aliqua (raptim tamen) indicabo.

1. Traditio ergo sumi potest latissimè, minùs latè, & strictè. Traditio latissimè est omnis doctrina tradita, idest communicata ab uno alteri, sive voce, sive scripto. Sic Lex antiqua, tradita Moyâ à Deo, & à Moyse tradita Josue, à Josue Senioribus, licet scripta, tradita dicitur, *Exodi 17. v. 14. Scribe hoc ob monumentum in libro, & trade auribus Josue*. Traditio minùs latè, ut scilicet abstrahit à Sacrà, & Prophanâ, est quæcumque notitia, quæ sine scripto de auro in aurem per majores nostros ad nos pervenit, qualia sunt gesta majorum nostrorum, quove in sepulchro jaceant eorum ossa, quamvis nihil scriptum habeamus. Stricta denique traditio, & theologicè spectata, nimirum sacra, de quâ hic unice agimus, nihil est aliud, quàm fidei, aut morum doctrina, non scripta, sed vivâ voce, quasi de aure in aurem successivè usque ad nos perveniens, qualis est ea, quâ multa credimus, quamvis nulli, saltem expressè, in Verbo Dei scripto legamus; ut Beatam Mariam etiam post partum virginem perpetuè fuisse; parvulos esse baptizandos; & talis est omnis illa, de quâ Chrysostomus hom. 4. in 2^{am} ad Thessalonicenses: *Hæc traditio*, inquit, *nihil quas amplectis, & quas Paulus Thessalonicensibus apost. 2. cap. 2. v. 15. commendat dicentis: tenete traditiones, quas didicistis*.

sic, sive per sermonem, sive per epistolam nostram.

II. Traditio ergo sic accepta considerari potest, vel ex parte auctoris, & sic dividitur in *Divinam, Apostolicam, & Ecclesiasticam*. Vel ex parte materiei traditæ, & sic dividitur in *traditionem de fide, & traditionem de moribus*. Vel ex parte ejus, cui traditur, & sic dividitur in *universalem*, quia traditur Ecclesie universali, & in *particularem*, quia traditur tantum Ecclesie particulari. Vel ex parte durationis, pro qua traditur, & sic dividitur in *perpetuam*, quæ traditur pro semper, & in *temporaneam*, quæ solum traditur ad certum tempus. Vel denique ex parte modi, quo traditur, & sic dividitur in *necessariam*, quæ necessarii servanda est, cùm sit per modum præcepti instituta; & in *liberam*, quæ per modum consilii lata, ad libitum observari, & non observari permissa est.

III. Traditio ergo divina est Verbum Dei non scriptum, sed traditum, seu Doctrina Dei in Sacris Litteris non scripta, sed à Deo immediatè majoribus revelata, & à majoribus ad posteros quasi de aure in aurem successivè tradita. Talis fuit, ante Legem à Moyse scriptam, seu in Lege naturæ, doctrina de mundo isto à Deo creato; de remedio adhibendo pro originali delendo peccato; de ritibus, quibus tunc colebatur Deus: eum enim eo tempore Doctrina Dei non esset scripta, regebantur homines doctrinà à Deo traditâ, & de aure in aurem communicatâ.

Talis fuit, post Legem scriptam, & ante Christum, doctrina de divinitate librorum sacrarum; de remedio pro delendo originali peccato in sceminis; de præfiguratâ Christi morte per cruentâ sacrificia; & alia, quæ scripta non erant, & tamen ut à Deo dicta habebantur.

Talis est adhuc hodie in Lege Christi nova Doctrina de perpetuâ Deiparæ Virginitate; de parvulis ante usum rationis baptizandis; de non rebaptizandis hæreticis; de septenario Sacramentorum numero; de SS. invocatione; de Sacramentum imaginum cultu; aliisque similes, vel

Fidem, vel Sacramentorum materias, & formas spectantes, quæ in scripturis non exprimuntur, & tamen à Christo dictæ creduntur.

IV. Traditio Apostolica, alia est purè Apostolica, alia est Apostolico-Divina. Prima est, quæ ab Apostolis primò non scripto emanavit, sed vivâ voce, & per magna ad nos usque perfusa est. Hujus generis sunt Quadragesimæ institutio; observatio dici Dominicæ loco Sabbati; & similia, quæ continuè observata dicuntur, & ab Apostolis tantquam Ecclesie Pastoribus instituta creduntur, Spiritus Sancti infusio in bonum Ecclesie, & vivâ voce fidelibus suis præscripta, & ad nos per secularium successiones transfusa.

Alterâ, nimirum traditio Apostolico-Divina est illa, quæ ab Apostolis fuit quidem Ecclesie tradita, at non proprio nomine, sed nomine Christi, & tantquam Christi præconibus. Christus enim ante, vel post Resurrectionem, dùm per 40. dies apparent eis loqueretur de Regno Dei, ut habetur *Actor. 1. v. 3.*, multa creditur vivâ voce tradidisse, quæ scripta non sunt, ut ea suo nomine Ecclesiis prædicarent. Et hujusmodi traditionum species est solum denominativè Apostolica, & reipsâ divina; sicut verbum Legati enunciantis, & tradentis verbum Regis, est denominativè solum verbum Legati, sed reverâ verbum Regium.

Fundamentum distinguendi hanc duplicem traditionem Apostolicarum speciem habemus, ex ipso Paulo: dùm enim *1. Cor. 11. v. 23.* dixit: *Ego accepi à Domine, quod tradidi vobis*: indicavit, se loqui, & tradere, non proprio nomine, sed Christi, ut ejus præco, & legatus. Sicut eum *ibid. c. 7. v. 10.* ait: *præcipio, non ego, sed Dominus*. Dùm verò *ibid. v. 11.* inquit: *Nam cæteris ego dico, non Dominus*: sicut cùm *1. Thessalon. cap. 4. v. 14.* ait: *state, & tenete traditiones, quas didicistis, sive per sermonem (id est vivâ voce) sive per epistolam nostram* (id est scripto) innuit, se loqui nomine proprio.

V. Traditio Ecclesiastica propriè dicitur illa, quæ, nec à Christo, nec ab Apo-

Apostolis, sed postea ab Ecclesiæ Prælati, vel Populis introducta, tandem per modum legis, seu potius consuetudinis, tacito sibi succedentium fidelium usu recepta, & ad nos usque delata est. Tales sunt observatio, & solemnitas quarundam festivitatum; abstinentia à carnibus, ovis, & lacticiis certis anni diebus; Pia, & laudabilis formandæ Crucis consuetudo; pius aqua lustrali aspergendi mos; Aliaque hujusmodi ad ritum, & caeremonias spectantia.

VI. Traditio fidei, seu ad fidem pertinens, est doctrina fidei, non scripta, sed vivâ voce à Deo tradita. Hâc viâ, ut fidei dogma, credimus, præter alia supra assignata ad traditionem divinam spectantia; Quodd Scriptura Sacra, quâ utitur Ecclesia Catholica, sit verè divina; Quodd quatuor sint Evangelia, nec plura, nec pauciora; Quodd baptizati ab hæreticis non sint rebaptizandi; & similia.

VII. Traditio morum, seu mores, ac ritus spectans, est doctrina quædam primitivâ, non scripto, sed voce tradita, & successivè pro dirigendis, & formandis moribus, & ritibus tradita, qualis est de jejuniorum observantiâ certis diebus; de majorum Festorum celebratione; de benedictione, & asperzione Aquæ; de formando in fronte Crucis Signo &c.

VIII. Traditio perpetua illa dicitur, quæ ab initio instituta fuit, ut semper duret, neque ullâ auctoritate creatâ mutari possit. Tales sunt divinæ omnes, & à Christo per Apostolos ad nos usque transmissæ, ut sunt, quæ circa Fidem, circa Sacramentorum administrationem, sive de necessitate Sacramenti sint, ut materia, & forma, sive solam de necessitate præcepti; ut doctrina de aquâ miscendâ Calici, de qua Sanctus Cyprianus lib. 2. epist. 3. ait. *Admonitos autem nos facit, ut in Calice Domini offerenda Dominica traditio servetur, neque aliud fiat à nobis, quàm quod pro nobis Dominus prior fecit, ut Calix, qui in commemoratione ejus offertur, mixtus vino offeratur.*

IX. Traditio temporanea illa dicitur, quæ ad certum tempus instituta est, vel utilitate: talis tamen naturæ est, ut

possit per Ecclesiam mutari; quales sunt traditiones purè Apostolicæ; tales Ecclesiasticæ omnes. Et de factis mutatae sunt variae ab Apostolis habitæ traditiones; ut sunt Trina immersio olim servari solita in Baptismo; Quotidianam fidelium Communio; Communio sub utraque specie à Laicis aliquando servata; Agapes, seu communia convivia olim in Ecclesiâ fieri consueverunt, &c.

X. Traditio universalis ea est, quæ sive Divina sit, sive Apostolica, sive Ecclesiastica, omnes ubique gentium fideles attingit, sive quæ universam respicit Ecclesiam; ut sunt anniversaria majorum festorum; Paschæ, Pentecostes, Nativitatis, Quadragesimæ, & quatuor Temporum observatio; Aquæ benedictæ, Signi Crucis in fronte, & similia.

XI. Traditio particularis est illa, quæ unam dumtaxat, vel particulares quasdam Ecclesias respicit. Talis esse nequit Traditio Divina, sed vel purè Apostolica, vel Ecclesiastica: sicut traditio particularis erat olim Romæ observatio diei Sabbati, quam ex Sancti Petri institutione ortam, Sanctus Augustinus innuit epist. 86. ad Casulanum, suo, & S. Ambrosii tempore adhuc viguisse; & idem S. Augustinus testatur epist. 112. ad Januarium, de eâ dicere solitum fuisse Ambrosium: *Cum Romam venis, jejuna Sabbato, cum hic sum, Mediolani, non jejunas.*

XII. Traditio necessaria illa dicitur, quæ necessariò servanda est, quia per modum præcepti instituta. Tales sunt præcepta majorum festorum observatio; aquæ Calici miscendæ usus; Paschatis celebratio Dominicâ primâ post lunam 14. Martii. Tales sunt omnes traditiones divinæ, Apostolicæ perpetuæ, & Ecclesiasticæ universales.

XIII. Traditio libera illa est, quam in cujusque arbitrio est observare, vel non observare, quia non per modum præcepti instituta, sed consilii; qualis est usus signandi frontem Cruce, vel aqua lustrali eandem aspergendi.

XIV. Pro pleniori traditionum notitiâ sciendum, non idè traditionem dici doctrinam non scriptam, quod nullibi reperitur scripta, sed quia vivâ voce,

M a non

non scripto, à suo primo Autore tradita, nulloque in libro canonico scripto (saltem expressè) mandata; quamvis deinde à successoribus de illà testificantibus fuerit litteris consignata. Tales sunt Divinæ, & Apostolicæ in nullo libro canonico expressæ, nobis tamen per Sanctos Patres scripto successivè offensæ. Ità ex Cano. loc. Theolog. lib. 3. cap. 3. & 2. libi. Et Annato de Tradition. lib. 3. artic. 1.

§. II.

Regula pro servandâ Traditione Divinâ à purè Apostolicâ, & Apostolicâ à purè Ecclesiasticâ.

XV. **P**rimam regulam sumimus ex D. Auguſt. lib. 1. contra Donat. cap. 24. : respiciendo nimirum initium Traditionis. Quod enim, ait Augustinus, universa tenet Ecclesia, nec conciliis institutum, sed semper retentum, non nisi auctoritate Apostolicâ traditum restitutum creditur. Hinc si consuetudinis Quadragesimæ jejunandæ initium quæras, videasque illam ab Ecclesiâ universâ semper retentam, tamque neque ab ullo Summo Pontifice, nec Concilio primò institutam; esse traditionem ab Apostolis ortam rectissimè inferes.

Considerandum rursus est, an ejus initium supponat Christi ascensum in Cælum; si enim supponat, manifestum erit, eam fuisse ab Apostolis institutam, & purè Apostolicam, ut de observantiâ quadragesimæ dictum est; ejusmodi est praxis de vigiliis celebrandis in memoriis Martyrum; abſtinentia à suffocato, & sanguine &c. Quòd si nedum Christi ascensum, sed & Apostolorum ex hac vitâ discessum supponat, nec Apostolica dicenda est, sed purè Ecclesiastica, ut abſtinentia à carnibus &c. certis anni diebus.

XVI. Secundam regulam accipere possumus ex parte materiæ, circa quam versatur. Si enim materia talis sit, ut Ecclesiæ potestatem excedat, ut si tangat materias, & formas Sacramentorum, eorumque institutionem, dicendum erit eam à Christo initium, & auctoritatem habuisse, & Apostolos fuisse tantum præcones,

proindeque non purè Apostolicam, sed Divinam, seu Apostolico-Divinam habendam esse. Hujus speciei esse eam de aquâ miscenda vino in Calice, dicit Cyprianus lib. 2. ep. 8.

XVII. Tertid considerari debet, an traditio sit mutabilis, vel saltem dispensabilis auctoritate Ecclesiæ. Si enim sit ejus auctoritate mutabilis, aut dispensabilis, clarum erit, eam esse purè Apostolicam, & non Divinam; quia in Traditione Divinâ, quæ nihil aliud est, quàm Verbum Dei non scriptum, nulla humana auctoritas potest dispensare.

XVIII. Quartò, consideranda est traditio per respectum ad communem Sanctorum Patrum consensum. Quare si adhuc dubitetur, an Ecclesiæ potestatem excedat, an sit Divina, vel purè Apostolica, consulendi sunt veteres Patres ab initio secundum temporum suorum successiones, & videndum, an illam concordissimè tenuerint, & oppositum sentientes, ut hæreticos judicaverint, etſi nihil de eâ in Sacris Litteris habeatur. Quòd si ita erit, illa traditio habenda erit tanquam à Christo primò orta, & tanquam divina. Talis est perpetua B. M. Virginitas; descensus Christi ad Inferos; certus numerus Sacramentorum, & Evangeliorum.

XIX. Quintò, attendendum est Ecclesiæ judicium. Si enim non constet adhuc de communi Patrum consensu circa traditionem aliquam, & dubitetur, an sit Divina, vel Apostolica, qualis fuit traditio de non rebaptizandis hæreticis, quam Sanctus Cyprianus impugnabat, considerandum est, quale iudicium super ea formaverit Ecclesia; & si eam judicaverit divinam, damnando ut hæreticam, qui eam non tenuerit, absque dubio ut divina habenda erit; quia Ecclesia in sui iudicio est infallibilis. Et D. Augustinus lib. 2. contr. Crescon. c. 31. Non accipio (inquit) quod de baptizandis hæreticis B. Cyprianus sensit, quia hoc Ecclesia non accipit, pro qua B. Cyprianus sanguinem fudit.

§. III.

Resolutio dubii.

XX. **H**is expositis dico. Ex Christi, & Apostolorum traditionibus, & ex hoc, quod ab omnibus, quod ubique; quod semper observatum est, ut ait Vincentius Lirinensis *Commonitorio primo*, certissimum potest à Theologo trahi argumentum, & ad Ecclesiae consuetudines, & ad fidel dogmata comprobanda, etiam scriptum in Sacris Litteris non reperiatur. Ex consuetudine item Ecclesiastica universali, perpetua, ac semper, & ab omnibus ubique gentium recepta, potest Theologus rursus argumentari. Si enim [inquit Canus *lib. 3. loc. Theol. cap. 6.*] Apostolus Paulus Ecclesiae consuetudinem Corinthiis contentiosis opposuit *1. Cor. 11. v. 16.* Cur nos item Ecclesiae morem, ab Apostolis usque receptum, totque seculorum usu, ac gentium consensione probatum, non opponemus haereticis (Lutheranis, & Calvinistis) cum à nobis Scripturam in cuiusque rei confirmationem essigant? Certè Paulus, cum & per scripturas, & per naturae rationem satis dixisse videretur, ad ejus rei fidem faciendam, quam Corinthiis persuasam esse cupiebat, considerans tamen, inter Corinthios fore quosdam, qui illiusmodi sortè, & testimoniis, & rationibus repugnarent: non aliud potius argumentum ad causam evincendam habuit, quàm si eos ad Ecclesiae morem revocaret: *Si quis, ait, videtur contentiosus esse, nos talem consuetudinem non habemus, nec Ecclesia Dei.* Quod dicit tale est. Si quis adeo est durus, & perinax, ut argumentis positis non adducatur, sed adhuc contendat, foeminam aperto capite orare oportere: hunc ego non aliter resello, quàm, quòd Ecclesiae Dei consuetudinem non habent. Tanta vis in traditione est, ut quos nec scripturae, nec naturae ratio movisset, eos Paulus exilimavit, Ecclesiarum more, & instituto movendos. Haec Canus. Quòd si (dicam ego) tanta vis consuetudinis Ecclesiae in

rebus ad merum ritum spectantibus, ut erat foeminam non debere aperto capite orare, quantò major erit in rebus fidei spectantibus? Prosequitur Canus. In primò rursus ad Timotheum *epist. cap. 6. v. 3.* *Si quis, ait, aliter docet, & non acquiescit sanis sermonibus.* Non dicit *Scripturis.* Et ad *Galat. 1. v. 9.* *Si quis vobis evangelizaverit, prater id, quòd accepistis, anathema sit.* Quibus ex locis rectè Origenes in commentar. ad Titum (his commentariis caremus, sed refertur locus in *Apolog. Pamphili*) definit haereticum eum, qui scò Christo credere profitetur, & aliud de veritate Fidei Christianae credit, quàm habeat traditio Ecclesiastica. Et *lib. 1. Periarchon...* illa sola credenda est veritas, quae in nullo ab Ecclesiastica traditione discordat. Prosequatur studiosus lector, si quae laudatus Canus ibi subiungit, ne videamur, diutius in hoc immorantes, ab instituto nostro deflectere, qui traditiones non statuerè intendimus, sed iis suppositis probare solùm, posse firmum ex iis trahi argumentum.

XXI. Hoc ulque adeò verum est, ut praecitatus Canus *lib. 3. laudato c. 3.* dixerit: Quòd ad consultandos haereticos major vis in traditione, quàm in scriptura sit. Egesippus enim apud *Ensebinum lib. 3. Hist. Eccl. c. 32.* refert, virginem, mundam, & immaculatam, Ecclesiam permanuisse, donec Discipuli Domini extiterunt... ut verò omnis illa aetas, quae à Domino susceperat vi-vae vocis auditum, de hac luce discessit, tùm haereticos, nudato, ut ajunt, capite, Apostolicam Veritatem oppugnasse. Et Ignatius apud eundem eà maximè ratione docet, haereticorum vitari contagia, si diligentius, ac tenacius Apostolorum traditionibus inheretur. Tertullianus quoque adhuc apertius monet *lib. de praescript. haeret.*, ut, adversum haereticos, magis traditionibus, quàm scripturis differamus. Scripturae enim in varios sensus faciliè trahuntur, traditiones non item. Nemo haereticorum est, ut Hilarius ad Constantium. Augustum tradit, qui se non secundum Scripturas praedicare ea, quibus blasphematur, mentiatur. Omnes Scripturas

33. fine

„*sine sensu loquantur. Et Irenaeus lib.*
 „*1. cap. 2. Hæretici, inquit, scripturis*
 „*nitantur sua dogmata confirmare, nec*
 „*sine teste esse videantur, sed deformant*
 „*eloquia Dei, atque ex figurâ hominis,*
 „*vulpis, aut uris figuram reddunt. Ha-*
 „*stenus ille. Faciunt porro hæretici,*
 „*quod Patrem suum fecisse vident, ut*
 „*Vincentius Lirinensis eleganter ait, &*
 „*Auctoris sui callida machinamenta se-*
 „*stantur. Nam quid ille non faciet mi-*
 „*sellis hominibus, qui ipsum Dominum*
 „*Majestatis Scripturarum testimoniis ap-*
 „*petivit? Si Filius, inquit, Dei es,*
 „*mitte te deorsum, Scriptum est enim.*
 „*&c. Itâ quodcumque dogma hæreticus*
 „*proferat, statim ait, scriptum est enim,*
 „*& non unum, sed mille testimonia,*
 „*mille exempla parat de Lege, de Psal-*
 „*mis, de Apostolis, de Prophetis, qui-*
 „*bus novo more interpretatis, senten-*
 „*tiam suam approbare conatur. Hæc Ca-*
 „*nus, qui ulterius prosequitur ostenden-*
 „*do etiam omnem fermè cum hæreticis*
 „*disputationem, ad traditiones à ma-*
 „*joribus acceptas, esse referendam. Nam,*
 „*cùm utrique, & Catholici, & Hæreti-*
 „*ci pro suâ sententiâ quisque Sacras Lit-*
 „*teras referant, in sensu, & interpre-*
 „*tatione discrimen est. Quis autem ve-*
 „*rus, & legitimus Scripturæ sensus ha-*
 „*bendus sit, nisi Ecclesiæ traditione co-*
 „*gnosci certò non potest..... Atque*
 „*hinc patet causa gravissima, cur tradi-*
 „*tiones Apostolorum fuerint necessariae.*
 „*Sensus enim Scripturarum Apostolica-*
 „*rum non erat ab Apostolis scripturis*
 „*aliis explicandus, nisi in opera sua e-*
 „*derent commentarios, quod à viris gra-*
 „*vissimis semper alienum fuit. Intelli-*
 „*gentiam ergo Scripturæ Sacræ Discipu-*
 „*lis suis vivâ voce tradiderunt &c. Itâ*
 „*Canus, quo meliùs nemo.*

XXII. In eruendis tamen ex traditio-
 ne argumentis, advertere debet Theologus,
 qualis sit traditio. Quodd nempè sit
 perpetua, non temporanea; universalis,
 non particularis; necessaria, non libera.
 Unico verbo: quodd de illâ verificetur
 esse id, quod ab omnibus, quod ubique,
 quod semper traditum est. Si enim vel-
 les probare, Pascha esse celebrandum.
 Nunâ 14. Martii; quia olim existimata.

fuit traditio Apostolica, à S. Joanne E-
 vangelista hausta; dandum esse Regnum
 millenarium Christi post universalem re-
 surrectionem; hæreticos fore rebaptizan-
 dos, quia olim traditio fuit; pessimè co-
 cluderet, quia assumeret traditiones ab
 universâ Ecclesiâ, nedum non acceptas,
 sed expressè reprobata. Similiter si ar-
 gueretur, Baptismum conferendum esse per
 trinam immersionem; abstinendum esse
 à succinato, & sanguine, quia sic Apo-
 stoli tradiderunt; non bene argueretur,
 quia traditio hæc non fuit perpetua, &
 pro omni tempore, sed solum ad certum
 tempus. Sicut etiam si probare velles.
 Sabbato esse jejunandum, quia sic, ex
 traditione Sancti Petri, Ecclesiâ Roma-
 na jejunabat; non bene argueretur; quia
 hæc erat traditio particularis, nec per-
 petua, cùm hodie nec Romana Ecclesiâ
 Sabbato jejunet amplius.

DUBIUM IV.

De Loco ab Ecclesiâ.

§. I.

De Ecclesiâ definitione.

Ecclésiâ veram Catholicam Christi
 Sponsam, hoc est Cætum, & Con-
 gregationem Fidelium, reverè da-
 ri, alibi probabimus, hic tamen suppo-
 nimus; ubi solum quaerimus, quantæ fir-
 mitatis sit argumentum, ex ejus auctori-
 tate petitum. Pro claritate tamen.

1. Sciendum primò Ecclesiâ triplici-
 ter sumi posse. Primò, pro loco mate-
 riali, in quo homines congregari solent,
 de quo locutus est Christus, dâm ait
 Matth. 21. v. 13. *Domus mea domus O-*
rationis vocabitur. Secundò, pro aliquâ
 locali fidelium congregatione, de quâ
 Paulus 1. Cor. 11. v. 18. *Primam quidem*
conventionibus vobis in Ecclesiâ, audio
scissuras esse inter vos, & ex parte credo;
& v. 22. Aut Ecclesiâ Dei contempnit,
& confunditis eam, qui non habent? Su-
 mitur tertio, pro fidelium cætu, ac so-
 cietate, abstrahendo à locis, in quibus
 ejusmodi societas reperitur, & de eâ in
 hoc sensu loquitur Apostolus ad Galatas
 scri-

scribens cap. 1. v. 15. *supra modum persequeretur Ecclesiam Dei*; & *expugnabam illam*. Quod repetit 1. Cor. 15. v. 9., ad Philipp. 3. v. 6., & de qua Christus ipse Mat. 23. v. 17., dicit (inquit) *Ecclesia*; si autem Ecclesiam non audierit, sit tibi sicut *Ethnicus*, & *Publicanus*. De Ecclesia ergo in hac tertiâ acceptione loquimur.

II. Sciendum secundò, Ecclesiam hoc modo acceptam, si nomen species, esse vocem græcam, quæ latine reddita significat *Catum*, *Convocationem*, venitque à verbo græco *ecaleo*, idest latine *evoco*, *convoco*. Quare, ut advertit Bellarm. lib. 5. de Ecclesiâ militante cap. 1. Ecclesia dicitur *cætus* vocatorum, quia nemo ad hunc populum se adjungit per se, & suo proprio instinctu, sed omnes quotquot veniunt; à Dei vocatione præveniuntur. Quos vocavit (ait Apostolus Rom. 8. v. 39.) *hos*, & *iustificavit*; Est enim vocatio primum beneficium, quod Sancti à Deo recipiunt. Hinc toties idem Apostolus Christianos appellat *Vocatos*, ut Rom. cap. 1. v. 6. & 7., 1. Cor. 1. v. 2. & 9., & alibi. Quare D. Augustinus perpendens Pauli verba, Rom. 1. v. 1. *Paulus servus Jesu Christi*, vocatur *Apostolus*, segregatus in Evangelium Dei (expositione inchoatâ in epist. ad Romanos) ex illis colligit discrimen Ecclesiæ à Synagoga, dicens: *brevisiter in duobus verbis Ecclesia dignitatem à Synagoga vetustate discernit*: Ecclesia quippe ex vocatione appellata est, Synagoga verò ex congregatione. Convocari enim magis hominibus congruit, congregari autem magis pecoribus, unde greges propriè pecorum dici solent, quia in veteri Lege temporalium promissionum terreno cibo homines erant contenti, & brutorum more solo timore movebantur, & in officio continebantur.

III. Si verò Ecclesiæ naturam species, variè definitur nedùm ab Hæreticis, sed etiam à Catholicis. Hæretici namque hodierni, qui solos iustos, imò & solos prædestinatos intra Ecclesiam concludunt (ut suo loco dicitur) dicunt, Ecclesiam esse *cætum Sanctorum*, *Iustorum*, & *Prædestinatorum*. Ità olim Wicleffus, quem in substantiâ secuti sunt Lutherus, &

Calvinus. Ex Catholicis verò Juenin definit. 4. de Locis Theolog. cap. 2. definit Ecclesiam, quod sit: *Cætus Sanctorum sub uno Capite Christo servitium*. Verùm hæc definitio videtur describere solam Ecclesiam Triumphantem in Cælis, vel Ecclesiam abstrahentem à triumphantem, & militante; non verò Ecclesiam militantem, de qua hic sermo est. Melius ergo ab aliis definitur, quod sit *Fidelium cætus*, sub uno Capite Christo, si dei unione, & Sacramentorum participatione condunatus. Cui alij addunt, & gubernatus à legitimis Pastoribus, præcipue verò ab uno Christi in terris Vicario Romano Pontifice. Quæ definitio, ut ait Bellarminus citato loco cap. 2., tres continet partes. Nimirum veræ Fidei professionem sub Christo Capite, quæ excluduntur omnes infideles, qui nunquam fuerunt in Ecclesiâ, ac Judæi, Turcæ, Pagani; & qui fuerunt, & recesserunt, ut Hæretici, & Apostatæ. Rursus Sacramentorum participationem, quæ excluduntur ab Ecclesiâ Cathecumeni, qui nondum sunt admissi, & Excommunicati, qui ab Ecclesiâ sunt dimissi. Et denique subjectionem ad unum Christi Vicarium, quæ excluduntur Schismatici, qui habent Fidem, & Sacramenta, sed non subduntur legitimo Pastori Vice Christi, & idè foris profitentur Fidem, & Sacramenta percipiunt. Includuntur verò omnes alii, etiam si Peccatores, ac Re-probi, dummodò tamen veram Christi Fidem profiteantur, in Sacramentis communicent, & legitimum Pastorem loco Christi agnoscant; Sed de his suo loco.

IV. Solum in præsens observandum, cenſeo, nomine Ecclesiæ non intelligi Catholicorum quorumcumque coadunationem præcisè, sed etiam, imò & præcipue, Principes, & Pastores ipsos Ecclesiasticos, in quibus scilicet hujus Reipublicæ auctoritas residet, juxta illud præclarum Aristotelis effatum Ethic. 9. cap. 9. *Civitatem maximè esse, quod est in eâ principale*. Inde enim, quæ Principes, ac Gubernatores Civitatis faciunt, & sentiunt, ea Civitas facere, sentireque dicitur. Hinc Moyses expoliturus mandata Domini Exod. 19. v. 7. *Convocatis majoribus manu populi, exposuit om-*

net sermones, quos mandaverat Dominus, deinde populus respondit. Similiter Sathom, ut deferret Arcam Domini in Templum à se extructum 3. Regum 8. vers. 1., congregavit omnes majores natu Israel cum Principibus Tribuum, & duces familiarum filiorum Israel, & in feriis v. 14. dicitur: Convertitque Rex faciem suam, & benedixit omni Ecclesie Israel; omnis enim Ecclesia Israel stabat. Christus enim Ecclesiam non penes Populares principaliter esse voluit, sed penes Sacerdotes, ac Pastores, quidquid in contrarium obstreperant hæretici. Unde Sanctus Cyprianus epist. 69. ad Florentium, *et si, inquit, contumax, ac superba obaudire volentium multitudo disperdat; Ecclesia tamen à Christo non recedit, & illi sunt Ecclesia plebs Sacerdoti adnata, & Pastori suo Grex adherens. Unde scire debes, Episcopum in Ecclesia esse, & Ecclesiam in Episcopo; et si qui cum Episcopo non sit, in Ecclesia non esse; & frustra sibi blandiri eos, qui pacem cum Sacerdotibus Dei non habentes obrepunt &c.*, his præbitis.

§. I I.

Resolutio dubij.

V. Ico primò. Ab auctoritate Ecclesie Catholice potest Theologus firmum sumere argumentum. Prob. primò, nam Ecclesie fides deficere non potest: Est enim Sponsa Christi per fidem, sicut scriptum est *Osee 2. v. 10., & sponsabo te mihi in fide*: Quòd si Ecclesie fides deficeret, jam sponsi, & sponsæ matrimonium dirimeretur, quorum indissolubilis est, & perpetua conjunctio: *sponsabo te* (ait *Osee 2. v. 19.*) *mihi in sempiternum*. Idem sponsa Cantica 3. v. 4. *tenui enim, nec dimittam*. Et Christus Matth. ult. postquam v. 19. dixit Apostolis, *entes ergo docete omnes gentes*. Et v. 20. *doctores eos servare omnia quaecumque mandavi vobis*, promissit, se illis nunquam in tali munere defuturum: *Eccce ego vobiscum sum omnibus diebus usque ad consummationem seculi*.

VI. Hinc præcluditur vasa quorundam

explicatio dicentium, Christum futurum quidem semper Ecclesie præsentem, ne unquam vera illi fides, & charitas deficiat: posse tamen Ecclesiam rem aliquam ignorare, puta credere ut revelatum id, quòd à Deo non est revelatum; in quo casu Ecclesia fidem non amitteret, sed solum erraret, error autem inculpabilis, & probabilis fidem Ecclesie non excluderet.

Præcluditur inquam: qui enim promissit, Apostolis docentibus servare omnia, quæ ipse mandavit, omnibus diebus se adfuturum, & usque ad consummationem seculi Successoribus eorum, promissit eis, & eorum Successoribus talem firmitatem in docendo, ut nedum à fide verà recedere non possent ex pertinaciâ, sed neque ex ignorantia, docendo ut à Christo mandatam, & revelatum id, quòd ab ipso, nec mandatam est, nec revelatum. Rursus Ecclesia Corpus Christi est, ut docet Apostolus *Ephe. 4., & 5.*, Christus autem hujus Corporis caput est, ipsum gubernans, ac regens; ergo si Ecclesia erraret, error ille in Caput resunderetur. Quod si in casu, quo Ecclesia à fide deficeret, deficeret etiam Christi promissio, cur hæc pariter non deficeret, si Ecclesia per errorem deficeret à veritate? Nullo ergo pacto, nec fidem amittere, nec in fide errare potest Ecclesia. Nam spiritus veritatis est hujus corporis anima. *Unum* (inquit Paulus *Ephe. 4. v. 4.*) *corpus, & unus spiritus*. Spiritu veritatis Ecclesia agitur; ergo ad nullum errorem, ne insciens quidem, moveri potest.

VII. Scio, hæreticos hanc discursum duplici viâ eludere conari. Primò ejusmodi promissionem ad solos Apostolos referri, nec ad posteros in Ecclesia pertinere. Scundò, hanc promissionem factam fuisse, non omnibus Apostolis conjunctam sumtis, sed singulis scorsim Apostolis, Discipulis, & Fidelibus.

Sed omnino futiliter. Quid enim aliud indicant verba, quæ post promissum spiritum veritatis subjungit Christus *Joann. 14. 16., ut maneatis vobiscum in æternum*. Quid ista jam relata, ex *Matth. ult.* *Eccce ego vobiscum sum omnibus diebus usque ad consummationem seculi*? Nunquid

quid Apostoli mansuri erant in æternum? Nunquid vitam protrahuri usque ad consummationem seculi? Alloquebatur ergo Apostolos quidem, sed in Apostolis totam Ecclesiam, quæ erat, & quæ futura erat, huic promittens spiritum veritatis. Quod Christus ipse expressit, dùm *Joan. 17. v. 20.* ait, *non pro eis autem rogo tantum, sed pro eis, qui credituri sunt per verbum eorum in me.* Quorum potius, quàm Vates, Interpretes fuit *Isaias*, dùm *e. 39. v. 21.* conversis occidentilibus ad fidem, cùm venerit Sion Redemptor, promittit Spiritum Dei ipsi, & semini eorum usque in sempiternum: *Spiritus meus, qui est in te, & verba mea, quæ posui in ore tuo, non recedent de ore tuo, & de ore seminis tui, dicit Dominus, amodo, & usque in sempiternum.* Super quæ Sanctus Hieronymus ait: *Quod scilicet gratia Prophetarum, in Apostolis veniat, & per eos, qui de Israel per Apostolos credituri sunt.* Quem igitur spiritum veritatis Christus Apostolis promissit, Ecclesiæ item post eos futuræ promissit, nisi velinus, Ecclesiam, defunctis Apostolis, fuisse à Domino destitutam. Aliàs simili ratione dicere possemus, ad Ecclesiam nec consilia, nec præcepta Evangelii pertinere, si ea, quæ Dominus Apostolis loquebatur, ad illos solum, non ad futuros in Ecclesiâ post ipsos spectare dicamus. Quo quid multius?

VIII. Non minus futiliter dicitur secundum. Nam etsi hoc daremus, quodd spiritus veritatis fidelibus quibuscumque seorsim, ac singulatim sumtis adesset, docendo omnem veritatem, ut Calvinus, alique ejusdem furoris volunt: numquid proinde negabimus, quod sigillatim cuique membrorum convenit, id plenius toti corpori convenire? Numquid dùm, oculus videt, non magis videt homo? an non lucerna corporis est oculus? Quid verò absurdius, quàm membrum posse quicquam, quod corpus nequeat efficere, partem habere, quod non habeat totum? Nos ergo, quemadmodum scimus, animam esse ætiam, & perfectionem primò quidem totius corporis organici, secundò autem loco membrorum etiam singulorum, in quibus variis licet eadè san-

Tempore

ctiones, omnes tamèn illæ, & corporis propriæ sunt, & propter corpus ipsum membris à naturâ tributæ: Ità spiritum veritatis ad corpus primàm Ecclesiæ referimus, deinde propter Ecclesiam ad singulas ejus partes analogià quadam, & proportionem, scilicet secundum actum suum, omnia enim membra non eundem actum habent, ait Apostol. *Rom. 12. v. 4.* Imò si veritas, omnium membrorum donum est, tunc illa profectò erit, & firmior, & certior, cùm in eam omnia simul membra concurrerint; Cùmque omnia simul membra Ecclesiæ sint, planè sequitur. Ecclesiam spiritum veritatis habere. Quis enim putet singulis spiritum veritatis adesse, & non adesse omnibus simul, cùm Christus dicat: *Ubi fuerint duo, vel tres congregati in nomine meo, ibi sum in medio eorum?* *Matth. 18. v. 20.* Quomodo rursus stabit, Ecclesiam esse columenam, & firmamentum veritatis? *1. ad Timoth. 3. v. 13.* Quomodo, qui Ecclesiam non audierit, habendus erit tanquam Ethnicus, & Publicanus, *Matth. 18. v. 17.*, si Ecclesiâ, adhuc incipienter, à veritate in suo judicio potest recedere? sed his alibi.

IX. Dico secundò. Non solum ab auctoritate Ecclesiæ antiquæ, sed etiam Ecclesiæ, quæ nunc est; imò & Pastorum, & Ecclesiæ Principum potest Theologus firmum ducere argumentum. Duas habet partes hoc assertum; & prima quidem ex dictis præcedenti asserto constat. Nam pollicitationes Christi de præsentia suâ usque ad consummationem seculi, & de spiritu veritatis, mansuro in æternum, non ad Ecclesiam tantum, quæ fuit tempore Apostolorum, vel quæ fuit primis Ecclesiæ seculis, sed ad Ecclesiam quæque, quæ nunc est, & futura est usque ad seculi finem, pertinere necessarium est. Certè Ecclesiæ, quæ nunc est, Caput est Christus, qui inhiit in membra sicut prius; Et qui Ecclesiæ modò spiritum veritatis abriperet, is eadè ratione poterit eidem abriperem, & potestatem ligandi, atque solvendi, & Sacramenta, & Sacerdotium, & omnia Spiritus Sancti Charismata, dicens, omnia hæc fuisse concessa tantum Ecclesiæ pro tempore Apostolorum, sicque Ecclesiam præ-

G

præsentem ad purum nomen redigere.

X. Adde. Si errores, qui sanæ Doctrinæ adversantur, Ecclesiæ, quæ nunc est, certò condemnare nequit, profectò, iudicibus de medio sublati, hujus sæculi hæretici impunè grassari poterunt. Ecclesiæ ergo præsens docere eos, qui Christi fidem suscepunt suo jure potest, & à veritate aberrantes corripere, qui ejus judicio stare debent, & credere ipsi proponenti, ut à majoribus acceptam, & à Verbo Dei hæslam, doctrinam aliquam. Is enim ordo in Ecclesiæ definitionibus statui debet, qui in humanis disciplinis servatur. Sicut ergo in disciplinis duo principiorum generacernimus, unum remotum, aliud proximum: unum postremam, aliud primum; & principia proxima, & immediata probamus per resolutionem ad principia remota, & prima; Ità fides, quæ à nobis tenenda sit, referenda est ad fidem, quam tenuerunt, qui nos immediatè præcesserunt, & sic ascendendo, donec ad Apostolos, & tandem ad Christum perveniamus, in quo ut in primo fundamentum Catholice Fides consistit. Et sicut etiam utroque disciplinarum principia, si firma sunt, utraque item conclusiones certò probant, licet altera mediata sint, altera immediata; ita & Ecclesiæ, quæ non est, certum argumentum Christiani Dogmatis exhibet, quamvis ipsius demum Fides ad Christi, & Apostolorum sit doctrinam referenda.

XI. Quà in re multi non modicè hallucinantur. Aliud enim est, quæritur, quid Ecclesiæ præsens definire possit, & quodvisque ejus protendatur auctoritas; aliud verò, investigare, quanam viâ, & ratione ad rectam, & firmam harum rerum definitionem valeat pervenire. Nos enim in Ecclesiâ certam definiendi auctoritatem agnoscimus. At ingenue fateamur, non fieri hoc per novas revelationes, sive Summo Pontifici, sive Conciliis, sive etiam toti Ecclesiæ factas: sed per inquirenda potius majorum documenta, ac sanctorum scripta, Apostolicas rursum traditiones, sacras item litteras consulendas, atque per hujusmodi conquistam media, quæstionem de fide propositam decernendam. Hoc fecerunt Apostoli, &

Seniores in primo Hierosolymitano Concilio: magnâ enim factâ conquestione, tum ex rebus antea dictis, tum ex Scripturis Prophetarum, sententiam de re in quæstionem vocatâ tulerunt. Apostolorum exemplum secutos fuisse Nicænæ primæ Synodi Patres, scribit Eusebius Pamphili apud Sotratem, *hist. Eccles. lib. 1. cap. 8.*; quod in subsequentibus Synodis usque ad nos factitatum fuisse, quisque deprehendere poterit.

XII. Restat dubitandum, an, cùm de auctoritate à testimonio, & judicio Ecclesiæ loquimur, nominæ Ecclesiæ veniant soli Pastores, & majores in Ecclesiâ, an verò etiam Laici fideles. Quam dubitationem solvit Canus *lib. 1. de Loc. Theol. cap. 7.* cum distinctione. Quæ enim ad fidem spectant, alia sunt, quæ omnes fideles explicite credunt, ut Deum esse unum, & trinum; Filium Dei incarnatum fuisse. Altera sunt, quæ soli majores credere tenentur explicite, populus verò solùm implicitè; in fide, scilicet majorum; ut Patrem, & Filium esse unum principium Spiritus Sancti: Hunc, vel illum librum esse Canonicum. In rebus ergo fidei, quæ sunt secundi generis, non est curandum in casu quæstionis testimonium populi rudis, idque maxime, si non sit consulenda tantum Ecclesiæ præsens, sed ad eam, quæ fuerat temporibus præcedentibus quæstio sit referenda. In rebus autem primi generis jure forsitan testimonium etiam populi postulaveris, quia earum fides æquè ad minores pertinet, ac ad majores. Ità Canus, dubitans tamen.

XIII. Secunda verò pars asserti probatur ex illo Apostoli ad Ephes. 4. v. 11., ubi postquam dixit, *Deum dedisse quædam Apostolos, quosdam Prophetas, alios Evangelistas, alios autem Pastores, & Doctores, in edificationem Corporis Christi*, rationem assignat dicens v. 14. *Ut jam non simus parvuli fluctantes. & circumferamur omni vento doctrinæ, iniquitatis hominum, in astutiâ ad circumventionem erroris.* Si ergo Deus cæterum Pastorum, & Doctorum in Ecclesiâ posuit, ne circumferamur omni vento doctrinæ, ne ab errore circumveniamur, dici debet, cæterum illum errare non posse.

se collectivè sumtum. Si enim Pastores omnes collectivè, & Doctores errare possent, nec firma esset eorum auctoritas, quomodo populus eorum dictis crederet? Si Doctorem cætus ab errore posset circumveniri, multò magis id posset populus; dum enim Pastor per abrupta graditur, necesse est, ut per precipitum grex sequatur. Si enim Christus nullum Ecclesiæ suæ dedisset Pastorem, quid esset de grege? atqui melius esset, nullos habere, quàm errantes habere: si enim populus nullum pastorem haberet, aliqui fortè errarent, alii non. At si errantes haberet Pastores, his errantibus totus populus erraret. Faciamus itaque hunc casum, omnes simul Ecclesiæ Pastores in unam sententiam convenire, hancque populo rudi credendam, proponere. Tunc rogo, an populus hanc sequi debeat, an non? si debet: cum errantibus ergo pastoribus plebs quoque errabit. Si non: quæ major in Ecclesiâ confusio? Circumferentur omnes omnivento doctrinæ, eruntque sicut parvuli fluctuantes. Si namque populus Sacerdotum doctrinam repudiaverit, cujus sententiam sequetur? Si saltem abjecerit, in quo salietur? quos consulat pro veritate inveniendâ? interrogabit unumquemque scorsùm, delirum senem, garulam animum, futores indoctum, bajulum componarium? quid magis ineptum? interrogabit hos omnes in cætu coactos de quæstione, at quid magis ridiculum? imò quomodo certus esset, in cætu plebis idiotæ nullum subisse errorem, cum certus non sit, errorem non sub se in cætu Sacerdotum, ac Pastorum? Quando nam ergo controversiæ finientur? Quod ergo Christus dixit *Matth. 23. v. 3.* de Scribis, & Phariseis; quia sedebant in Cathedrâ Moysis, omnia quæcumque dixerint vobis servate, & facite, multò magis dixit de Ecclesiæ suæ Pastoribus, ac Doctoribus. Sed his alia addemus, dum de Conciliis infrâ sermo erit.

§. III.

Solvantur argumenta.

XIV. **O**bjicies primò contra primum assertum. Ecclesiâ aliquando tota defecit; ergo potest tota deficere: ergo non erimus de illius auctoritate certi. Anteced. prob. Aaron Summus Sacerdos, aliique, sive majores, sive minores vitulum aureum adoraverunt; ergo Ecclesiâ Christi poterit eodem modo sculpsile, & Imagines adorare. Id si faciat, ut facit, errabit sine dubio in fide, ac religione. Rursus Isaïæ, & Jeremiæ temporibus tota Ecclesiâ à vero Dei cultu lapsa est. Quid igitur prohibet, idem accidere posse Ecclesiæ Christi? antecedens probat. *Isaïas cap. 1. v. 3. Cognovit, inquit, Bos possessorem suum, & Asinus praesepe Domini sui: Israel autem me non cognovit, & Populus meus non intellexit; & v. 6. A plantâ pedis usque ad verticem non est in eò sanitas. Jeremias autem cap. 2. v. 26. Quomodo confunditur sur, quando deprebenditur, sic confusi sunt domus Israel, ipsi, & Reges eorum, Principes, & Sacerdotes, & Prophetæ eorum: dicentes ligno: Pater meus es tu; & lapidi: tu me genuisti &c. v. 29. Omnes dereliquisti me; & cap. 5. v. 1. Circumite vias Jerusalem, & aspiciite, & considerate, & quarite in plateis ejus, an inveniatû Virum facientem judicium, & querentem fidem, & propitius ero ei. v. 4. Ego autem dixi, forsitan pauperes sunt, & stulti, & ignorantes viam Domini, judicium Dei sui. Ibo igitur ad optimates, & loquar eis: ipse enim cognoverunt viam Domini, judicium Dei sui: & ecce magis hi simul confregerunt jugum, ruperunt vineula. Ergo omnes eo tempore, & Populus, & Optimates, & Sacerdotes: uno verbo: tota Ecclesiâ Israel tunc à Deo, & à Fide defecerat.*

Respond. neg. antecedens. Ad primam probationem multis modis responderetur. Primò certum est, nec Moysen, nec Josue, penes quos summa rerum tunc erat, in populi furorem, & insaniam incidisse. Secundo nec omnes, qui in castris remanserant, in flagitium consenserunt; præ-

fertim illi, qui ad Moyſi vocem ſurgentes, ultionem de flagitiis ſuſceperunt: à Domino enim ſterilis certius eſt, nec in ſcelere confortis fuiſſe, quos Dominus juſtitiae adminiſtros in ultione eſſe voluit. Tertio Aaron nondum fuerat Sacerdotio initiatus, nondum ſuperhumeralis fuerat ei impoſitum, & rationale, in quo erat doctrina, & veritas, alligatum, & aptatum, ut legitur *Levit. 8. v. 8.* Quid ergo ſi Aaron, filique ejus, nec Paſtores populi conſtituti, nec Sacerdotes conſecrati, in fide, ac religione errarint? Quarto Aaronis error, ut ſimiliter Petri, & Marcellini, ac metu, non ex infidelitate proceſſit. Nihil ergo hoc argumentum contra nos concluditur.

XV. Ad ſecundam probat, quæ erat unum ex argumentis Donatiſtarum, reſpondit jam Sanctus Auguſtinus *lib. de unit. Eccleſia cap. 13.*, & *lib. poſt collationem ad Donatiſtas cap. 20.*, quid more ſuo Scriptura loquitur, qua ſic arguit malos, tanquam omnes in eo populo mali ſint; & ſic conſolatur bonos, tanquam omnes ibi tales ſint. Sicut ergo Paulus *1. Corinth. cap. 1. v. 2.* ſcribens Corinthiis, eos primo appellat ſanctos, divites in omni verbo, in omni ſcientiâ, & ita ut nihil illis deſit in ullâ gratiâ; & tamen cum inter illos aliqui eſſent Schiſmatici, qui Chriſtum dividebant, aliqui non adhuc credentes reſurrectionem mortuorum, & proinde indignè accedentes ad Euchariſtam, eos ſic arguit, & increpat, ac ſi omnes hoc horrendo vitio inquinati eſſent; ut obſervat S. Auguſtinus laudatus *cap. 22.* Itâ Itas, & Jeremias totum populum Iſraeliticum de reliſto veri Dei cultu increpat: non quia nullus eſſet in toto populo, qui cultum veri Dei euſtodiſſet; ſed cum multi, imò major pars hoc crimine eſſet inquinata, adeo ut viri juſti comparati ad illos, utpote pauci, eſſent quaſi nulli: idcò ſic impiis exprobrat, ac ſi omnes penitus impii eſſent. Quare dum ajunt, omnes, Populum, Reges, Optimates, Sacerdotes Deo terga verſiſſe. Iy omnes non eſt (ut ajunt Logici) accipiendum eum diſtributione completa, ſeu pro ſingulis generum, ac ſi ex omni ſtatu omnes, & ſinguli Deo terga verterint; ſed cum di-

ſtributione incompleta, ſeu pro generibus ſingulorum; quia ex omni ſtatu Regum, Principum, Optimatum, Sacerdotum aliqui, & quidem multi, imò pars major, hoc flagitio laborabat: unde ex hoc non evincitur, ex totâ Eccleſiâ Iſrael fidem deſeciſſe. Quid autem hoc verum ſit, Scriptura ipſa oſtendit. Ezechiel eodem, quo Jeremias, tempore varicinus eſt. Quid dicat ei Dominus, audiamus. *Ezech. 3. v. 7.* Domus autem Iſrael nolunt audire te, quia nolunt audire me: omnis quippe domus Iſrael attrita fronte eſt, & duro corde. Quis credat in tota hæc depravata domo aliquam partem ſuperſeſſe, cui generalis illa ſententia non conveniat? Sed audiat quid iterum dicat Dominus (*Ezech. c. 9. v. 4.*) Ezechieli. *Transi per mediam Civitatem, in medio Jeruſalem: & ſigna Thau ſuper frontier viro- rum gementium, & dolentium ſuper cunctis abominationibus, qua ſunt in medio ejus.* Ergo non omnes in populi flagitium conſenſerant, non omnes erant attrita fronte, & duro corde; ſed erant qui flagitia populi detraherent, qui propterea ſignati Thau in fronte ſuere, ut in cæde generali præſervarentur. Ruſus. *Salvum, inquit David, pſalm. 11. v. 22, me ſat Domine, quoniam deſecit ſanctus, v. 3.* Vana locuti ſunt unusquiſque ad proximum ſuum. Ecce David quaſi reliſtus ſolus totius humani generis culpas deplorat. Sed quid dicat illi Dominus, audiamus. Propter miſeriam inopum, & gemitum pauperum nunc exurgam. Ergo aderant cum Davide ſocil gementes ſuper cæterorum culpis, propter quos exurgere decreverat Dominus Deus, ad puniendos ſcilicet oppreſſores, & ſublevandos oppreſſos. Elias item *3. Reg. cap. 19. v. 10.* & *14.* conquerens, ajebar, *dereliſtus ſum ego ſolus*, ac ſi ceteri omnes dereliſquiſſent Deum ſuum, & tamen ait D. Paulus *Rom. 11. verſ. 4.* quid dicit illi divinus reſponſum? *reliqui mihi ſeptem milia viro- rum, qui non curvaverunt genua ante Baal.* Quod legitur etiam *3. Reg. cap. 19. v. 18.*

XVI. Objicies ſecundò, ut ſimus certi de judicio, & auctoritate Eccleſiæ, debemus eſſe certi, quænam ſit vera.

Chri-

Christi Ecclesia; atqui certi non sumus, quænam sit Christi Ecclesia; ergo. Minor probatur primo. Ecclesia digito monstrari non potest; quomodo enim poterat monstrari Ecclesia Judæorum temporibus Eliæ, cum se solum reliquum deploraret? Quomodo, cum Populus ille, apud Babylonios, Persas, Egyptiosque dispersus sine Sacerdotio, sine Templo, sine Sceptro Gentibus, ac Diis alienis serviebat? An Christi etiam Ecclesia taliter obscurari non poterit, & occultari? Hilarii tempore Ariana hæresis omnia adeo miscuerat, ut credi quidem posset, sed non discerni. Quid, quod sub diversis Pontificibus, schismate diu perdurante, nulla Ecclesiæ pura facies apparuit? Quid si præteritis retrò seculis vera Ecclesia resplenduit, quis certus est, eam perdurasse, & perdurare adhuc? Quis scit, aliquando non fore, ut ob eorum delicta Pastores omnes, & oves supore, ac cæcitate Deus percutiat? & quis certus est, hoc jam factum non fuisse? Id, quod de Orientali Ecclesiâ dicimus accidisse, cur de Occidentali accidere non poterit, vel fortè jam non accidit? Ubi erit, & qualis Ecclesia illo tempore, de quo Dominus ait, *Luce 18. v. 8. Verumtamen filius hominis veniens, putas, inveniet fidem in terra?* Quis certus est, hoc tempus nondum advenisse? His hæretici quasi re confecti gloriuntur.

Secundò probatur minor. Ecclesia ex solo prædestinatorum numero constituitur: sed soli Domino electorum numerus notus est; ergo. Major suadetur. Tùm quia Pettus *epist. 1. c. 3. v. 20.* dixit, Arcam Noe Ecclesiæ typum fuisse; atqui in Arcâ Noe ii soli fuerunt, qui salvandi erant; ergo in Ecclesiâ &c. Tùm quia Christus non est alterius Ecclesiæ Caput, nisi ejus, cujus est Salvator, & quam sibi exhibet gloriosam, ut ad *Ephef. 5. v. 17.* Tùm quia ovile Christi non nisi ex Christi ovibus conficitur; at oves Christi illæ modò sunt, de quibus ipse ait *Joh. 10. v. 27. Oves meæ vocem meam audiunt, & ego vitam æternam do eis.*

Tum denique Ecclesiam constituunt filii Dei, eorum enim Ecclesia est mater, quorum Deus est pater; at filii Dei so-

li sunt, qui hæreditatem gloriæ sunt percepturi, dicente Apostolo *Rom. 8. v. 17. Si filii, & hæredes; hæredes quidem Dei, coheredes autem Christi;* ergo &c.

Tertiò probat. minor. Vera Christi Ecclesia debet esse perfecta, tota pulchra, & sine macula, *Cant. 4. v. 7. Cant. 6. v. 3. Ephef. 5. v. 27. Immundus per eam transire non poterit. Esai. 52. v. 1;* atqui Ecclesia immaculata, vel fabulosa est, vel nobis ignota, ut Apostolus *Hebr. 12. v. 18. & 22.* innuere videtur, cum Ecclesiam Christi à Synagoga discernens, non eam sensibilem, & tractatam, sed spiritualem, & intraciatam describit. *Non enim accessistis (ait) ad tractabilem montem, & accensibilem ignem. . . sed accessistis ad Sion Montem, & Civitatem Dei viventis, Hierusalem caelestem &c.*

Tùm etiam. Nam Ecclesiam, non quamlibet, sed sanctam, fideles tenentur credere; At in sanctâ congregatione non nisi sancti intelliguntur. Quid si mali Ecclesiæ membra sunt, non erit sancta; imò si mali membra Ecclesiæ sunt, membra etiam Christi erunt, cùmque mali membra diaboli sint, iidem erunt membra Christi, & Diaboli, Cives Hierusalem, & Babylonis: quo quid absurdius?

XVII. Respondeo ad argumentum, neg: minorem. Ad primam ejus probationem, quæ erat argumentum Donatistarum, respondet Augustinus de *Unit. Ecclesie. cap. 15.:* *Non est autem ista operata, quia non est sub modio, sed super cancellabrum, ut luceat omnibus, qui in domo sunt. Et de illa dictum est: non potest Civitas abscondi super montem posita. Sed Donatistis aperta est, qui audiunt tam lucida, & manifesta testimonia, quæ illam toto Orbe demonstrant, & malunt clausis oculis offendere in montem, quàm in eum ascendere.*

Eliæ etiam temporibus monstrari poterat; unde, ut dictum est supra, ostensa illi fuerunt septem millia virorum, qui non curvaverant genua ante Baal. Erat insuper in Hierusalem Templum Dei, erant Summi Sacerdotes, vera tunc erat de religione, ac lege doctrina, quamvis eam pauci proficerentur. Populo etiam inter gentes disperso, aderant,

qui

qui eminent pietate, ac religione Prophetæ, alique populum eam docentes: non erat sacrificium, quia templum eversum erat Hierosolymitanum, in quo solo sacrificium offerre licebat. Quod si aded publice, ut prius, cultum Dei non profitebantur: hoc erat, quia inter gentes captivi erant, ut hodie Christiani, inter Idololatrias, & Turcas degentes, & Catholici in regionibus hæreticorum. Verum, ut bene advertit Canus lib. 4. cap. ult., non bene sequitur. Si populus ille ita vacillavit, ut penè cecidisse videatur, Christi quoque Ecclesiam usque aded obscurari posse, ut ejus species non afulgeat. Vetus enim Ecclesia, utpote quæ casura esset, ruinam sæpe minabatur; & maxime dum suo casui appropinquabat, sicut candelæ jam moritura, emicabat modò, modò occultabatur. De illa dictum non erat, ut de Ecclesiâ Christi: *Porta inferi non prevalebunt. Vobiscum sum usque ad consumptionem seculi*. Nec illi promissus fuerat Spiritus Sanctus, ut cum ea maneret in æternum.

XVIII. Quod opponitur de Hilario, oppositum fuit D. Augustino à Vincenzio Rogatista, ut videre est *epist. elim. 48. modò 93. c. 9.* Cui Augustinus respondet: Ecclesia aliquando obscuratur quidem multitudine scandalorum... sed etiam tunc in suis firmissimis eminet... Aliquando autem tribulationem fluctibus operitur, atque turbatur. Tale tunc erat tempus, de quo scripsit Hilarius: unde putasti insidiandum contra testimonia tot divina, tanquam perieris Ecclesia de orbis terrarum. Poter hoc modo dicere, nec tot Ecclesias Galatia tunc fuisse, quando dicebat Apostolus: *O stulti Galata &c.* Sic enim calumniariis docto viro, qui tardioribus, & timidus graviter increpabat &c. Qui enim illo (Hilarii) tempore, obscuris verbis multos parvi sensus fuisse delusos, ut putarent, hoc credi ab Arianis, quod etiam ipsi crederent: alios autem timore cecidisse, & simulatè confesse?... Quamquam & ipsi, qui tunc firmissimi fuerunt, & verba hæreticorum insidiosa intelligere potuerunt, pauci quidam in comparatione cæterorum, sed tamen etiam ipsi quidam pro fide fortiter

exulabant, quidam toto Orbo latitabant.... Hilarius ergo decem Provinciarum Arianarum, aut Ariania, non triticum arguebat, aut ipsum etiam triticum, quod defectu quidam periclitabatur, tantò utilius arguendum putabat. Habent enim etiam scriptura cononia hunc arguendi morem, ut tanquam omnibus dicatur, & ad quosdam verbum perveniat. Hucusque Augustinus.

Ecclesia ergo Catholica Hilarii tempore Arianorum fraudibus circumventa, adhuc, licet in paucis, eminebat, ac digito monstrari poterat. Et licet visa fuit mergi, & obscurari, clarior tamen emerit, & illuxit. Audiendus est Sanctus Hieronymus adversus Luciferianos. *Ingenuit (inquit) totus Orbis, & Arianam se esse miratus est. Infra: Periclitabatur navicula Apostolorum, urgebant venti, fluctibus latera tundeantur, nihil jam supererat spei: Dominus excitatur, impetrat tempestati; bestia (Constantius) moritur, tranquillitas rediit. Manifestius dicam. Omnes Episcopi, qui de propriis sedibus fuerant exterminati, per indulgentiam novi Principis, ad Ecclesias redeunt. Tunc triumphantem suum Athanasium Ægyptus excepit: tunc Hilarium de pralio revertentem, Galliarum Ecclesia complexa est: tunc ad reditum Eusebii lugubres vestes Italia mutavit &c.* Non fuit ergo in tempestatibus submersa Ecclesia; jaclata quidem, ac penè fluctibus operta, sed quò magis in cætuenda remigantes laborabant Catholici, eò magis adspiciabilem, & claram reddiderunt. Quod si de Ecclesiâ Romanâ loquar, ejus fides nunquam omnino latuit, sed toti semper Orbi fuit manifesta. Quod suo loco manifestius ostendetur.

Nec schismatum tempore periclitatur, aut occultatur Ecclesia, manifesta semper manet ejus fides, quamvis tunc Pastorum judicia, quia doque legitimo, vel certo capite, incerta sint.

XIX. Ad id, quod additur, quod si Synagoga defecit, pulset & Ecclesia defecit, nego allatum. Synagoga namque deficturam Prophetæ testati sunt; At non sic de Chrii Ecclesiâ, quæ potius in æternum manifestam pulcritudinem sua

Chri-

Christus firmavit. De Orientali Ecclesiâ: ejus à Latinâ pertinax defectio, abundè eam collapsam esse testatur: at Occidentalis adhuc magis resplendet, & quamvis Lutherus, & Calvinus eam obscurare conati sint, eò fulgentiorem reddiderunt. Ad dictum illud Christi respondent Augustinus, & Hieronymus. Hieronymus quidem *Dialogo adversus Luciferianos*, Christum de eâ fide loqui, de qua ipse agebat *Mattb. 9. v. 12.* fides tua te salvam fecit: & *alibi de Centurione. Mattb. 8. v. 10.* non inveni tantam fidem in Israel. Et rursum ad *Apostolos Luca 7. v. 9.* Quid timidi estis modicæ fidei? nec non in alio loco *Luca 19. v. 6.* Si habueritis fidem, sicut granum sinapis &c. Nec enim Centurio, aut illa muliercula, qua per duodecim annos suum sanguinis tabescebat, in Trinitatis Sacramenta crediderant... sed simplicitas mentis, & devota Deo suo anima, approbata est... hac est fides, quam raro inveniri Deus pronuntiavit: hac est fides qua etiam apud eos, qui bene credunt, difficilè perfecta invenitur. Hæc Hieronymus, qui accipit fidem pro fiducia. Fiducia enim, ait D. Thom. 2. 2. q. 119. art. 6. in corp. dicitur à fide: ad fidem autem pertinet aliquid, & alicui credere. Pertinet etiam ad form, quia nomen fiducia hoc principaliter significare videtur, quod aliquis spem concepiat ex hoc, quod credit verbis alicujus auxilium promittentis... Vel cum aliquis considerans, alium amicum suum esse potentem, fiduciam habet adjuvari ab eo. Et hæc fide, nimirum fiducia, Mulier illa, & Centurio accesserunt ad Jesum; & de hæc Christus liquebatur, cum dixit *Luca. 18. v. 8.* Putas, inveniet fidem in terra?

Eodem fere modo respondet Sanctus Augustinus de *Unit. Eccl. cap. 15.*, ubi post relata Christi verba: Quod (inquit) nos intelligimus dictum, vel propter ipsam fidei perfectionem, qua ita difficilis est in hominibus, ut in ipsis quoque admirabilibus sanctis, sicut in ipso Moyse, invenitur aliquid, ubi trepidaverint, vel trepidare putaverint, vel propter illam iniquorum abundantiam, & paucitatem bonorum &c. Addit rursum propterea enim

tanquam dubitans hoc Dominus dixit? Putas inveniet fidem in terra? Cui utique cuncta scienti, & presentienti de aliqua re dubitare non convenit: sed illius dubitatio nostram dubitationem figuravit: quia propter multa scandala circa finem sæculi pullulantia, hoc erat quandoque infirmitas humana diffusa.

XX. Ad secundam prob. nego majorem. Ad primam probationem dico, Arcam Noemicam adduci à D. Petro in typum Ecclesiæ, non quod omnes intra eam facti sint salvi, sicut omnes intra arcam salvi facti sunt à diluvio: sed quod sicut nullus extra Arcam salvus factus est; ita nullus extra Ecclesiam salvatur. Quapropter (bene advertit Canus citato loco) ne quis in hunc errorem incideret, ut putaret omnes, qui per Baptismum in Arcam Ecclesiæ transeunt, esse salvos, idecirco Petrus caute, & sapienter adiecit: non carnis depositio sordium, idest pura detergitio corporaliū sordium, per aquam Baptismi non salvat, sed conscientia bona interrogatio, idest vita, quam conscientia non reprehendat. Quo fit, ut omnes quidem, qui per Baptismum Arcam Ecclesiæ ingressi sunt, salventur, sed si vitam ad normam Evangelii component. Inò, si ad similitudinem Arcæ attendamus, potius colligitur oppositum. Primò, quia dicit D. Petrus, quod per Arcam pauci, idest octi animæ, salvi facti sunt; ergo dùm subjungit similitudinem in Baptismo, eam inducit ad ostendendum paucitatem salvandorum. Secundò, quia Sanctus Hieronymus *Dialogo adversus Luciferianos. Ut in illa (Ar.â), inquit, omnium animalium genera, ita & in 3 (Ecclesiâ) universarum gentium, & morum homines sunt. Ut ibi parvi, & cæci, & surdi, & igni: ita & hie just, & peccatores, ita & ossa aurea, & argentea, cum ligneis, & pilibus commixtur.* Hæc Hieronymus, qui in aliis pluribus Arcam cum Ecclesiâ ibi comparat; ergo Ecclesia non solos predestinatos, & sanctos, sed fideles omnes, sive justos, sive peccatores concludit, si Arcæ cum Ecclesiâ similitudo attendenda est.

Ad id, quod secundò subijcitur, de antecedens, quod non est adeò certum.

Nam

Nam Christus Angelorum Caput est, quoniam non est propriè Servator, & nego consequentiam. Non enim valet: Christus est Ecclesiae Salvator; ergo omnes, qui sunt in Ecclesiâ, salvat re ipsâ, & quoad efficaciam eventus. Sicut enim dux dici potest verè servator Civitatis, etsi aliquæ Civitatis partes, & Cives pereant, si maximè pereant, quia volunt; ita Christus est verè Salvator corporis sui, quod est Ecclesia, etsi reipsâ aliquæ partes ejus non salventur, quia nolunt. D. Paulus verò dicit, Christum seipsum tradidisse, ut Ecclesiam exhiberet gloriosam, non tamen dicit, in omnibus suis partibus. Sicut autem mortuus ille, est, ut omnes viveremus, nec tamen vivunt omnes: sic se tradidit pro Ecclesiâ, ut eam mundaret, & glorificaret, nec tamen omnes, qui in Ecclesiâ sunt, mundantur, & glorificantur, suo defectu, non Christi.

Ad id, quod tertio dicitur, Ecclesia. Christi est ovile, fateor: at in ovili non solæ sunt oves, sunt & hædi ovibus mixti. Sunt etiam oves, quæ vocem Pastoris audiunt, & ipsum sequuntur; sunt etiam quæ ipsum non audiunt; sunt oves fæpæ, sunt etiam infirmæ. Nomen ovis sæpe in Scriptura pro iustis, & pro electis usurpatur, sed non semper. Quid enim illud Ps. 118. v. 176. Erravi sicut ovis, quæ perierat? Quid illud Isaïe 53. v. 6: Omnes nos quasi oves erravimus? Quid illud Psalm. 73. v. 1. Iratus es furor tuus super oves pascuæ tuæ? Quid illud Psalm. 48. v. 15. Sicut oves in inferno positi sunt? In Evangeliiis Matth. 18. & Lucæ 15. habemus ovem errantem. Et Matth. 15. v. 24. oves, quæ perierunt domus Israel. Oves ergo, quæ veræ sunt Christi, quæ audiunt vocem ejus, sunt iusti, & electi; & his dat vitam æternam; quod non tollit, quin in ovili sint aliæ, quæ fidem quidem habent, sed non audiunt Christi Pastoris vocem.

Ad id, quod quartò additur, dico, majorem veram esse, si per filios Dei intelligas eos, qui per Baptismum Christo, & Ecclesiae geniti sunt: sed in his sunt impii quidam, & stulti filii, quos

gessit, donec formetur in eis Christus. Si verò intelligas tantum filios Dei, iuxta frequentiore scripturæ usum, eos tantum, qui probi, & sapientes sunt: certè non ex his solis constat Ecclesia, sed ex illis etiam, qui paternæ prohibitionis effugiem delceverunt; Nam, & in hos nomen filii quandoque diffunditur. Nunquid (ajebat Moyses ad populum contumacem Deuter. 32. v. 6.) nunquid non ipse est pater tuus? & v. 10. generatio enim perversa est, & infideles filii. Isaïe 1. v. 2. filios nutritivi, & exaltavi, ipsi autem spreverunt me. Jerem. 3. v. 14. convertimini filii revertentes. Hinc Cant. 2. v. 2. sicut lilius inter spinas, sic amica mea inter filias. Quod (ait Aug. de unit. Eccles. c. 14.) de Sanctâ Ecclesiâ dictum, omnis Christianus agnoscit... Unde appellat spinas, nisi propter malignitatem morum? & easdem, unde filias, nisi propter Communionem Sacramentorum. Hinc non colligitur: filius est; ergo percipiet hæreditatem: nisi adiungas hoc, scilicet, & jus, quod accipit, non amittit. Videmus enim filios aliquando verè, ac iustè ob demerita hæreditari. Sed de hoc satis.

XXI. Ad tertiam probat. minoris principalis respondet D. Augustin. lib. 2. retract. cap. 18. Ubicumque commemoravi Ecclesiam, non habentem maculam, aut rugam, non sic accipiendum est, quasi jam sit, sed qua præparatur, ut sit, quando apparebit gloriosa. Nunc autem propter quasdam ignorantias, & infirmitates membrorum suorum habet, unde quædam dicas, dimitte nobis debita nostra. Et lib. de perfectione iustitæ cap. 15. Tunc plenè (inquit) atque perfectè erit Ecclesia, non habens maculam, aut rugam, aut aliud huiusmodi, qui tunc etiam erit verè gloriosa. Cùm enim non tantum (ait D. Paulus Ephes. 5. v. 27.) ut exhiberes sibi Ecclesiam, non habentem maculam, aut rugam, sed addidit gloriosam, satis significavit, quando erit sine macula, & ruga, aut aliq(u)ue huiusmodi: tunc utique, quando gloriosa. Non enim modo in tantis malis, in tantis scandalis, in tanta permixtione hominum pessimorum, in tantis opprobriis impiorum, dicendum est, eam esse gloriosam...

muu.

*mundat ergo eam nunc lavacro aqua in verbo, ablucens peccata praeiterita, & pel-
lens ab eâ dominationem malorum Ange-
lorum. Deinde perficiens ejus sanitates ;
facit eam occurrere in illam gloriosam
sine maculâ, & rugâ. Hucusque Augu-
stinus. In hanc sententiam venient S.
Thomas 3. p. quæst. 8. art. 3. ad 2. Quin,
& Hieronymus in cap. 31. jeremia circa
finem. Eodem modo exponit idem Au-
gustinus allatum testimonium ex Isaia
lib. contrâ donat. post collationem cap.
8. Quomodo ergo (inquit) testimonium
propheticum, quod in sua responsione
(Donatistæ) posuerunt, quod Ecclesia
dictum est, non adjicit ultra per te tran-
sire incircumcised, & immundus, ad hoc
tempus pertinere intelligitur, quando Ec-
clesia reibus comparata est, quibus in-
mari adhuc positus pisces malos bonis per-
mixtos, vel occultos esse confessi sunt ?
Unde manifestum est, nonnisi in futuro
seculo post judicium nullum incircumci-
sum, & immundum per Ecclesiam tran-
siturum.*

XXII. Aliâ tamen viâ, & quidem
probabiliter, sufficere potest, in citatis
Scripturæ textibus sermonem ficti de
Ecclesiâ, quæ nunc est. Hæc enim dici
potest sancta, & immaculata, sine macu-
lâ, sine rugâ tûm sanctitate sui condito-
ris Christi, & suarum legum ; tûm etiam
aliquomodo sanctitate suorum membro-
rum. Sanè in parvulis, & in adultis nunc
primum per baptismum lotis sancta, &
immaculata est. Est etiam immaculata
in iis, qui legem observant, & si quan-
doque in venialia cadunt peccata, hæc
purgare non negligunt ; ut Augustinus
ipse testatur lib. de perfect. justitia c. 9. hinc
Psalm. 27. v. 44. *ero immaculatus cum-
ro.* Et quomodo ? & observabo me ab i-
niquitate mea. Item Psalm. 128. v. 1.
*Beati immaculati in viâ, qui ambulant
in Lege Domini.* Est ergo Ecclesiâ præ-
sens immaculata prorsus quidem in ali-
quibus suis membris, ut in infantibus,
& adultis nunc baptizatis ; in aliquibus
etiam non prorsus est sine maculâ, est munda
à erimine, & culpâ gravi, imò cul-
pas etiam leves continuò ablucere conatur,
& tendit, ut aliquando prorsus sine ul-
lâ maculâ sit. Hanc solutionem sequuntur

Tom. I.

tur D. Hieron. in epist. ad Ephes. cap.
5., Gelasius Papa in Decreto de Apocry-
phis, Concil. Tolet. VI. c. 12. & D.
Thom. in ep. ad Ephes. c. 5. lect. 8. u-
tramque amplectitur. Juxta hanc solutio-
nem verba Isaia non transibit per eam in-
circumcised, & immundus debent sic
intelligi, ut incircumcised, & barbarus
populus non sit Ecclesiam oppressurus,
quemadmodum opprimt, qui pede cal-
cat.

XXIII. Ad id, quod additur, dico ;
nos credere Ecclesiam Sanctam, quia
omnes suos ad sanctitatem suis monitis,
ac legibus perducere conatur. Sanctam
insuper, quia omnes, qui verè, & prop-
riè ejus membra sunt, sancti sunt. Pro
hujus explicatione noto, quod in aliquo
toto aliud est esse membrum, aliud esse
partem : pars refertur ad totum, mem-
brum verò solum ad totum, seu corpus
animatum. Sic pars invenitur sine vitâ,
ut in lapide, vel ligno ; membrum au-
tem siue vitâ nec concipi quidem potest.
Sic improbi partes quidem Ecclesiæ sunt,
membra Ecclesiæ, aut Christi non sunt,
sunt autem Diaboli membra. At Eccle-
siæ partes, & in Ecclesiâ esse censentur,
quia facti per fidem baptismatis hujus Ci-
vitas Cives, & huic adscripti, per in-
fidelitatem ab eâ non recesserunt. Cives
ergo adhuc sunt, sed cives mali : & a-
gitiosi. Fide cives Jerusalem, opere ci-
ves Babylonis. Nec quidd improbi in
Ecclesiâ sint, ejus sanctitati præjudicat.
Totum enim dicitur tale à partibus ejus
præcipuis, idèquæ cum viri probi, ac
justi, qui Ecclesiæ partes, & membra
sunt, caritate cum eâ copulati, Sancti
sunt, Ecclesiâ sancta ratione litorum
dicitur, quamvis toleret alias partes,
non membra tamen, quibus nec vita in-
est, nec sanctitas. Ità ex Cano laudato
lib. 4. cap. ultimo.

XXIV. Attamen D. Thomas 3. p. quæ-
st. 8. art. 3. ad 2. dicit, peccatores, & im-
probos esse membra Christi, non adua-
liter, quasi ab ipso vitam perfectam
participantia, & simpliciter talem, sed
esse membra Christi potentialiter : nisi
forte imperfectè per fidem informem, qua
unit Christo secundum quid, & non sim-
pliciter, ut scilicet per Christum bene
con-

P

con.

consequatur vitam gratia: fides enim sine operibus mortua est, ut dicitur Jacobi 2. Percepiunt tamen tales à Christo quandam altum vitam, qui est credere; sicut, si membrum mortificatum moveatur aliquantulum ab homine. Sicut enim, (est doctrina ejusdem in ferm. dist. 13. qu. 2. art. 2. quæstion. 1.) in corpore naturali invenitur quadruplex unio membrorum ad invicem. Prima secundum conformitatem naturæ, quia omnia membra constant ex eisdem similibus partibus.... sicut manus, & pes ex carne, & ossibus; & sic dicuntur membra unum, sicut genere, vel specie. Secunda est per colligationem eorum ad invicem per nervos, & juncturas; & sic dicuntur unum continuatione. Tertia est secundum quod diffunditur vitalis spiritus, & vires animæ per totum corpus. Quarta est secundum, quod omnia membra perficiuntur per animam, quæ est una numero in omnibus membris. Ità hæc quatuor uniones inveniuntur in corpore mystico. Prima est inquantum omnia membra ejus sunt unius naturæ, vel specie, vel genere. Secunda est inquantum colligata sunt ad invicem per fidem, quia sic continentur in uno credito. Tertia est secundum quod vivificantur per gratiam, & caritatem. Quarta est secundum quod in eis est Spiritus Sanctus, qui est.... quasi anima in corpore naturali. Subdit deinde quod prima dictarum unionum non est unio simpliciter, quia illud, in quo est unio hæc, non est unum numero, sicut est in tribus frequentibus, quia per fidem, & caritatem in uno credito, & amato secundum numerum uniuntur similiter Spiritus Sanctus unus numero omnes repeles. Postquam autem dixit, infideles non pertinere ad unitatem in Ecclesiæ, nec eorum Christum esse caput, nisi in potentia, quatenus ei sunt utiles: si venerint ad fidem, de fideibus peccatoribus subdit: homines autem fideles peccatores pertinent quidem aliquo modo ad unitatem Ecclesiæ, inquantum continentur ei per fidem, quæ est unitas materialis, non tamen possunt dici membra propriè, nisi sicut membrum mortuum, scilicet aquivoce. Quia nempe eis datur gratia, & Spiritus Sanctus, qui est forma, & vita membrorum Christi.

Si. Sed hæc satis.

XXV. Obijcies tertio. Dux Ecclesiæ sunt, Græca, & Latina, cui ex his credendum erit? Si dixeris, Græcos esse, schismaticos, idcirco apud eos Ecclesiæ perisse, quia à Romano Pontifice deficiendo privilegium Ecclesiastici nominis amiserunt.

Contrà est. Ex uno Pontifice Ecclesiæ nomen, ac veritas non pendet, sed ex uno Christo, unâ Fide, uno Baptismo, ut ait Paulus ad Ephes. 4. v. 5. Unus Dominus, una Fides, unum Baptisma; sed hæc omnia insunt Græcis, quæ unum Filium agnoscunt, unum Spiritum, unam fidem, unum baptismum; in quibus etiam multi boni sunt; ergo &c. Secundò ante Christi Nativitatem una veterum omnium Ecclesiæ fuit, nec in ea tamò fuit unus Pastor, & Rector. Tertio mortuo Pontifice nihilo fecius Ecclesiæ una est, & tamen tunc sine Capite, ac Rectore invenitur; ergo ex hoc Capite visibili Ecclesiæ veritas non pendet; ergo arroganter Ecclesiæ latine Catholicæ nomen sibi usurpat; ergo nisi idem cum Græca sentiat, Ecclesiæ universalis auctoritate caret, nec tenemur ejus judicium revereri.

XXVI. Respondetur, optimè, ac verissimè dictum, apud Græcos Ecclesiæ non esse, ex quo à Romano Pontifice schisma fecerunt. Primatus Petro datur (scribebat D. Cyprianus l. de unitate, Ecclesiæ Novatiano, quæ à Constantino Romano Episcopo schisma fecerat) ut una Christi Ecclesiæ. & Cathedra una monstratur.... Hanc Ecclesiæ unitatem, qui non tenet, tenere se fidem credis? Qui Ecclesiæ renititur. & resistit, quæ Cathedram Petri, super quam fundata est Ecclesiæ, deserit, in Ecclesiæ se esse conspiciat? Ex uno ergo Rectore nomen, & unitas, ac proinde Ecclesiæ veritas pendet; non enim potest esse unus Christus, una Fides, unum Baptisma, nisi unus sit Spiritus, teste Apostolo laudato. Unus autem Spiritus non est, qui ab Episcopatu, qui unitas tunc est, schisma facit. Prosequitur Cyprianus: Quando & Batus Apostolus Paulus hoc idem docuit, & sacramentum unitatis ostendat, docens: Unum corpus, & unus Spiritus, una spes

ocationis vestra, unus Dominus, una Fides, unum Baptisma, unus Deus. Quam unitatem firmiter tenere, & vindicare debemus, maxime Episcopi, qui in Ecclesiâ præsides, ut Episcopatum quoque ipsum unum, atque indivisum probemus. Porro huius unitatis originem ex D. Petri Cathedrâ fundendam esse, jam docuerat dicens: Christus ut unitatem manifestaret, unam Cathedram constituit, & unitatis ejusdem originem ab uno incipientem suâ auctoritate disposuit. Hoc erant utique, & ceteri Apostoli, quod fuit Petrus, pari consortio præsedit, & honoris, & potestatis, sed exordium ab unitate proficiscitur. Præmissis Petro datur &c. Græci ergo, qui ab obedientiâ Petro debita, ejusque successoribus recesserunt, ab unitate, & consequenter ab Ecclesiâ recesserunt.

Nec proinde tantum schismatici sunt, sed etiam hæretici: tum propter alia, quæ negant: tum hæc præcipue causâ, quod inficiuntur, unum totius Ecclesiæ Pastorem esse à Christo in B. Petro institutum. Sed hoc importune hic agitur.

XXVII. Ad secundam probat. nego antecedens. Imò retorqueo argumentum. Ex quo enim apud Judæos forma regiminis per Moysen instituta fuit, semper usque ad Christum existit unus Summus Sacerdos, ad quem, seu ad Supremum Caput, & Judicem omnes causæ deferrentur, ut fatetur Calvinus lib. 4. Inst. cap. 6. §. 2., & Bellarmino referente lib. 1. de Rom. Pont. cap. 9., etiam Centuriatores Magdeburgenses: ergo cum ea, quæ in veteri Lege continebant, essent figura eorum, quæ in novâ futura erant, sequitur, in novâ lege dari debere unum totius Ecclesiæ Pastorem, Supremum, ad quem omnes causæ Ecclesiasticæ referantur, & qui in negotio religionis omnibus præsit.

Ad tertiam dico: mortuo Summo Pontifice, unam sine dubio Ecclesiam manere, quia licet tunc non habeat unum Pastorem de facto, servat ordinem ad illum habendum. Manet etiam in câ spiritus veritatis: at si controversiæ fidei, & religionis pro eo tempore oriuntur, Ecclesiæ judicia sine Capite in terris non adeo certa erunt. Quæ persequi huius loci non est.

XXVIII. Obijcies quartâ contra primam partem secundi asserti. Si standum esset auctoritati Ecclesiæ, maxime Ecclesiæ Catholicæ; sed hæc modò non est; ergo Ecclesiâ, quæ modò est, non est indubie auctoritatis. Minor probatur, Catholica Ecclesiâ idèò vocatur, quia, per omnes gentes, & per totum Orbem diffusa est, ut contra Donatistas ostendit D. Augustinus tum lib. 2. contra Petilianum cap. 38., tum lib. 2. contr. Gaudentium c. 2., lib. de unitate Ecclesiæ cap. 2., & alibi passim: atqui Ecclesiâ diffusa per totum Orbem amplius non est, cum in angulum Europæ redacta sit, Mahumetanâ sectâ totam fere Asiam, & Africam occupante, & partem etiam Europæ, cujus non modica pars hodiernis hæresibus infecta est; ergo &c.

Respond. neg. minor., ad ejus prob. concedo maj. Nomen enim græcum *Cath-olon* idem est latine, ac *secundum totum*, unde, ut ait August. laudatis locis, Ecclesiâ dicta fuit Catholica, eò quod ejus doctrina prædicata sit in toto Orbe, non tamen ita, ut sola semper occupaverit, & occupet totum Orbem, sed ut sit illa, cui oportet, ut credant omnes gentes. Unde D. Augustinus *epist. 80.* nunc 199. ad Hesyrium cap. 22. In quibus ergo gentibus nondum est Ecclesiâ, oportet, ut sit, non ut omnes, qui ibi fuerint, credant, omnes enim gentes præmissæ sunt, non omnes homines omnium gentium: non enim omnium est fides. Cum ergo Ecclesiâ, quæ modò est, sit illa eadem, quam Christus jussit prædicari per totum Orbem, quæque omnes amplectitur tenetur, licet non omnes eam amplectantur, reverâ Catholica dici debet, & est. Rursus nomen Catholici, teste Vincentio Lirinensi *Commonitorio 1. nu. 2.*, dicitur ab universalitate, nondum hominum, & locorum, sed etiam doctrinæ. Quod enim ab omnibus, ubique, & quovis tempore creditum est, & creditur, id verè dogma Catholicum nuncupatur, & quæ hujusmodi dogmata proficitur, ea verè Catholica Ecclesiâ est: In ipsâ item Catholica Ecclesiâ (ait Lirinensis) magnopere curandum est, ut id teneamus, quod ubique, quod semper, quod ab omnibus creditum est. Hoc est etenim verè, proprièque Catholicum, quod

ipsa vis nominis, ratioque declarat, quæ omnia ferè universaliter comprehendit. Cùm ergo Ecclesiâ, quæ modò est, sit illa eadem, quæ Apostoli de Christi mandato per totum Orbem evulgarant, quamque omnes gentes profèri tenebantur, & adhuc teneantur: cùm insuper eadem dogmata credat, quæ Apostoli predicarunt, quæque ab omnibus verè Christianis ubique, & semper credita sunt: etsi non totum orbem complectatur, neque modò ad eos fines protendatur, ad quos olim sese extendebat, adhuc verè Catholica est. Quare sicut Ecclesiâ, verè Catholica erat, dùm ab initio ad solos Apostolos, aliosque paucos Hierosolymis restricta erat, quia illa, cujus fides toti Orbi annuncianda erat, quamque omnes ad salutem tenebantur amplecti; Ita nunc. Imò si Christiana fides ad unius Provinciæ angustias redigeretur, nihilominus eadem ratione Catholica esset, & Provincia, quæ illam amplecteretur, esset verè Ecclesiâ Catholica, quia esset illa, quam Apostoli fundarunt, cujusque doctrina ab omnibus ubique, & semper credita fuit.

Quæ solent opponi contrâ auctoritatem sumtam ex Ecclesiæ Prætoribus, proponuntur, & solventur dubio sequenti.

DUBIUM V.

De loco ab Auctoritate Conciliorum.

§. I.

Quid sit Concilium, quibus constet, & quatuorplex sit.

I. **C**oncilii nomen latinum correspondet græco *Synodus*, & Hebraico *Synedrion*, & *Synagoga*. Nomen Concilii passim in scripturis legitur, Synodi verò nunquam, quod enim nobis Concilium est, in græca versione redditur, vel *Synedrion*, vel *Synagoga*. Synodus est vox græca ex voce *Sim*, idest *Simul*, & *Olos*, ides *Iter*. Unde Synodus idem est, ac *simul itio*, seu *coitio*, vel *conventus* plurium in eundem locum. Concilia porrò in Ecclesiâ

Christi idem sunt, ac comitia in Regno. Sicut ergo ad comitia soli Optimates, ac regni ministri convocantur, & accedunt, ut ferant suffragium; sic in Conciliis soli Ecclesiarum Præfules, nimirum Episcopi, sunt accersendi, ut de rebus controversis iudicium proferant, ac sententiam ferant.

11. Hoc dico, ut obstruam os Protestantibus, qui ad suas Pseudo-Synodos admittunt quoscumque viros doctos, etiam laicos, eisque jus inesse, votum, ac sententiam in rebus fidei ferendi, asseverant; Contrâ quos fusè oppositum ostendi in verâ Christi Ecclesiâ 10. 2. cap. 22. §. 5., & suo loco iterùm dicam. Is enim est Hierarchicus ordo à Deo statutus, tùm in veteri Lege, tùm in novâ, ut sicut de temporalibus Principes, ac Reges, ita de spiritualibus Præfules Ecclesiæ iudicent, ac Sacerdotes. In veteri quidem, nam *Deuter. 17.* dicitur, *si difficile, & ambiguum apud te iudicium esse perpexeris... venies ad Sacerdotes Levitici generis... sequerisque sententiam eorum, ne declinabis ad dexteram, neque ad sinistram.* Hinc Aggei c. 2. v. 12. *interroga Sacerdotes legem.* Et Malachi. 2. v. 7. *labia Sacerdotis custodient scientiam, & legem requirent de ore ejus, quia Angelus Domini exercituum est: ergo in rebus fidei, & religionis iudicium Sacerdotum expectabatur.* In novâ item, doctrinam fidei & morum ab Episcoporum, & Sacerdotum labiis, & iudicio pendere testatur D. Paulus *Ephef. 4. v. 11.* dicens: *Et ipse dedit quosdam quidam Apostolos, quosdam autem Prophetas, alios verò Evangelistas, alios autem Pastores, & Doctores &c.* Quo loco Paulus cùm Apostolos, Prophetas, & Evangelistas quali in tres classes distribuit, Pastores tamen, & Doctores reipsâ prudenter conjunxit, ut idem in Ecclesiâ esse, qui pascere, & qui docerent, intelligeretur. Hinc *Act. 20.* idem Paulus v. 28. *Attendite*, inquit, *vobis, & universo gregi, in quo vos Spiritus Sanctus posuit regere Ecclesiam Dei* & hoc, ut populum continerent in fide, quam eis annuntiaverat, nec sineat, eum decipi à lupis rapacibus, & perversa loquentibus, quos prædicit venturos,

ut abducant discipulos. Item 1. ad *Timot. cap. 3. v. 4.*, sicut & ad *Titum. cap. 3.* scribens, utrique dat monita pro pascendo grege bonis moribus, & sanâ doctrinâ, pro vitandis hæreticis &c. sciebat ergo Paulus, omnia hæc, quæ ad mores formandos, & sanam fidem tuendam spectant, Episcopi munus esse: uterque enim Episcopus erat, Timotheus quidem Ephesiorum, Titus vetò quasi Metropoli super omnibus Ecclesiis Crete.

III. Quapropter *act. 15.* tradit Lucas, quodd cum venissent Paulus, & Barnabas, & quidam alii Hierosolymam, suscepti quidem sunt ab Ecclesiâ, quæ erat Hierosolymis; sed cum ventum esset ad questionem *no. 6. convenerunt*, ait, *Apostoli, & Seniores* (Presbyteri) *videre de verbo hoc*: non dixit, convenit omnis Ecclesia. In eo concilio locutus est Petrus, & Jacobus, Barnabas, & Paulus; tacuit autem omnis multitudo. Concilii litteræ, seu Acta ab Apostolis, & Presbyteris distincta fuerunt, nomen Apostolorum, & Seniorum præterentia, ut ibidem legitur. Hujus Concilii, apud Christianos primi, normam secuta sunt subsequenter seculorum Concilia, in quibus soli Episcopi, ac Presbyteris jus ferendi judicium, ac summam decreta concessum est. Interfuerunt quidem aliquibus Conciliis Imperatores, Reges, Principes, Senatores, alique ex laicis, non tanquam iudices, ac suffragium ferendo, aut sententiam, sed ut Protectores, pacis, & securitatis Conciliorum custodes. Hoc pacto interfuerunt Conciliis Constantinus Magnus, Marciianus, alique, & mentò quidem. Cum enim in duobus venit, quænam pascua sint ovibus permittenda, quæ contra vitanda, Pastorum ea consultatio est, non ovium; Imperatores autem, Reges, cæterique Laici in Ecclesiâ oves sunt, non Pastores. Rursus solvere questionis etica fœderis exortas, & expleto jure cio ligare fœdes ad credendum, cœlumque claudere detestantibus, non quorumcumque est, sed eorum tantum, quibus ligandi, & solvendi facultas concessa est, & quibus traditæ Calves Regni Cœlorum sunt; at hujusmodi Potestas, hujusmodi Claves so-

li Episcopi, & Sacerdotibus traditæ sunt: ergo solis istis traditum est jus in Conciliis ferendi sententiam. Sed hoc satis.

IV. Conciliorum quatuor sunt generæ; quædam enim sunt Generalia, quædam Nationalia, quædam Provincialia, quædam Diocesana. Generalia dicuntur ea, ad quæ Episcopi totius Orbis convocantur; inde enim dicuntur OEcumenica, idest orbis terræ Concilia. Licet autem ad hæc omnes totius orbis Episcopi convenire teneantur, si impediti non sint; non tamen est necesse, ut omnes omnino totius orbis conveniant, sed sufficit, ut ex quâlibet orbis parte, saltem præcipuâ, adsint aliqui. His nemo rectè præsidet, nisi Summus Pontifex, aut alius ejus nomine.

V. Nationalia dicuntur ea, quibus interesse possunt, & debent Archiepiscopi, & Episcopi unius Regni, vel Nationis. His præsidet aliquis, vel Patriarcha, vel Primas; & talia sunt multa. Concilia Romana, Toletana, & Africana, quæ aliquando vocantur provincialia, aliquando etiam generalia, sed universalia. Provincialia quidem, quia certis Provinciis illius Regni, aut Nationis continentur; Generalia vetò, non absolute, sed in illo Regno, vel Natione.

VI. Provincialia dicuntur ea, ad quæ conveniunt Episcopi Provinciæ, quibus Metropolitani, sive Archiepiscopi præeunt. Horum plurima in tomis conciliorum leguntur.

Diocesana vetò ea sunt, ad quæ accedunt tantum Presbyteri unius Diocesis, Episcopi præeunt. Hæc vix nomina Concilii merentur, cum deo Episcopo nullus ordinari in eis sit, qui jurisdictione polcat.

VII. Hæc divisione posita, & omnium assensu probata, emergit alia Conciliorum divisio, sive Generalium, sive Nationalium, sive Provincialium, sive Episcopopalium, seu Diocesanorum, id est Concilia congregata a Romano Pontifice, & non congregata a iis constituta ab eodem, & non confirmata. Nam Concilium Ephesinum II. auctoritate Leonis Papæ coactum est quidem, sed nec

ab ipso, neque ullo Summo Pontifice confirmatum. Basileense quoque Eugenius IV. indixit, nec tamen confirmavit; At Constantiense, quamvis à principio nullius Romani Pontificis auctoritate congregatum fuerit, illud tamen, Martinus V. confirmavit. Et in Concilia nec congregata, nec confirmata, quorum aliqua sunt, vel in totum, vel quoad partem reprobata, alia, nec approbata, nec reprobata. His suppositis.

§. I I.

Dua priores resolutiones.

VIII. **D**ico primò. Concilium Generale, quod auctoritate Romani Pontificis, nec congregatum est, nec confirmatum, argumentum Theologo præbere non potest. Probat. primò, quia in fide errare potest: sicut de factò erraverunt cum Ario Concilium Arminense sexcentorum Episcoporum, cum Dioscuro Ephesinum, secundum Constantinopolitanum trecentorum Pontificum cum Leone Imperatore. Probatur secundò, sicut Comitìa alicujus Regni nulla sunt, nullius auctoritatis, imò suspecta, quæ nec à Rege convocata sunt, nec approbata; ità Concilia totius Christiani orbis nulla erunt absque auctoritate illius, qui in Christiano Orbe Caput, & Reclor sit; atqui hic est Romanus Pontifex, ut suo loco dicetur, ergo &c. Hinc Julius I. Romanus Pontifex ad Orientales Antiochiæ congregatos scribens, doluit, quod contrà Canones ipsum ad Synodum non vocasset; cum Ecclesiasticà regulà interdictum sit, ne præter sententiam Romani Pontificis quidquam ab Ecclesiis decernatur. Ita Socrates lib. 2. *hisor. Eccles. cap. 17.* Quod idem refert Sozomenus lib. 3. *hisor. cap. 10.* exprimit his verbis Julii querelam: quòd præter Ecclesiæ leges ipsum ad Synodum non vocasset. Legem enim esse Pontificiam, ut pro irritis habeantur, quæ præter sententiam Episcopi Romani fuerint gesta. Et D. Athanasius ex integro Julii epistolam refertens, *Apolog. contr. Arianos*, Julium effert arguentem Orientales, qui Atha-

nasium damnaverunt his verbis: *An ignoratis, hanc esse consuetudinem, ut primum nobis scribatur, & hinc, quod ipsum est decernatur? Sandè, si qua hujusmodi suspicio in illius Urbis (Alexandriæ) Episcopum (Athanasium) cadebat, ad hanc Ecclesiam illud referendum fuit. Nunc autem illi, & nobis non indicata, posteaquam, quòd libuit, egere, nos, quibus ea crimina explorata non sunt, sibi suffragatores esse volunt. Nequaquam talia sunt Pauli statuta, non hac Patres tradiderunt: sed aliena est ista forma, novum hoc institutum.* Nullum ergo erat quarto seculo, quia contra statuta Patrum, quod non erat Romani Pontificis Apostolicà Auctoritate firmatum. Quæ autem Julius scribebat, à B. Petro Apostolo se accepisse, asserbat. Subjungit enim: *Nam quæ accepimus à B. Petro Apostolo, ea vobis significo.* Videndus Gratianus pluræ Roman. Pontificum dicta in hac materia congerens *distin. 17.* Sed nedum Romani Pontifices id sibi asseruerunt; Verum & Concilia ipsa tale jus in ipsis noverunt. De quo videnda Synodus VII. *act. 6.*, & VIII. *act. 1.*, & 7.; Et Concilium Lateranense V. sub Leone X. *sess. 11.*, ubi hoc, & asseritur, & probatur.

IX. Dices. Confirmare, & approbare superioris est, non inferioris; sed Pontifex Romanus non est superior Conciliis Generalibus, sed inferior; ergo &c. minor probatur. Concilium Constantiense, *sess. 4. 5.*, & ultimà definivit, Concilium esse supra Papam, quod & Concilium Basileense confirmavit *sess. 33.*, addens, hæreticum esse, qui hoc negaverit.

Respondet negando min., de cujus falsitate suo loco fusiùs agitur. Ad prob. De Concilio Constantiensi multa dicenda essent. Nunc verò dicam, Concilium illud eo tempore, quo formavit illud decretum, non fuisse universale, & integrum. Erat enim tunc schisma in Ecclesià sub tribus Pontificibus Joanne XXIII., Gregorio XII., & Benedicto XIII., quorum nullus erat legitimus, & ab universali Ecclesià acceptatus. Illud coegerat Joannes XXIII., sed timens, ne Papatum abdicare cogercetur, jam auferat, & cum eo ejus factionis aliqui recesserunt. Aberrant Gregorius XII., & Benedictus XIII., & qui

& qui pro illis stabant. Quomodo ergo generale, & integrum erat Concilium, cui deerant duæ Ecclesiæ partes? Nec refert, quod Martinus V. in eo Concilio electus illud approbaverit, nam Martinus approbavit omnia à Concilio statuta in materia fidei contra hæreticos Jo: Wiclefium. Hieronymum de Pragà, & Joannem Hus: approbatio enim illa ad petitionem Oratoris Regis Poloniæ facta est, qui hoc tantum exigebat, ut acta in concilio contra hæreticos confirmarentur. Insuper Martinus in didâ approbatione dicit, se omnia conciliariter facta approbare, & non aliter, nec alio modo: eo autem tempore, quo factum illud decretum *sess. 4. & 5.*, nihil adhuc conciliariter gestum erat; nondum enim fuerant delecti viri docti ad differendum, & tractandum illa, quæ in fidei doctrinâ essent constituenda; Hi enim fuere delecti postea *sess. 6.* Hoc autem requiritur, ut aliquid conciliariter datur fieri, & ut decretum Concilii omnes obliget, maxime in re tam ardua qualis est subiecto Summi Pontificis Concilio. Dum dico, decretum illud, si bene perpendatur, non esse generale, & absolutum, sed restrictum ad circumstantias illius temporis, & relatè ad Papas illos dubios, quorum nullus erat ab Ecclesiâ universali acceptatus; & ideo bene dicit, quolibet, etiam Papali dignitate insignitum, teneri obedire, id est quolibet ex illis tribus. Et ideo addit obedire teneri, nedum in his, quæ pertinent ad fidem, sed ad extirpationem, & ad schismatis. Quis autem unquam in dubium vocavit, nullo existente in Ecclesiâ Papâ certo, & acceptato, quolibet, etiam Papam se jisset, Concilio Generali teneri parere? hinc electi, & ab omnibus approbato, ut certo, & legitimo Papâ Martino, fuit ab eo postulata Concilii approbatio. At cur hoc, si Papâ esset subiectus, & teneretur obedire Concilio Generali?

Ad id, quod dicitur in Concilio Basiliensi, quis ignorat, illud fuisse quidem in principio legitimum, cum fuisset auctoritate Eugenii IV. congregatum, at in conciliabulum postea degenerate, cum Eugenius ab eo recedens, illud transulit Ferrariam, deinde Florentiam? Cùm

ergo decretum de superioritate Concilii ad Papam factum fuisset post Eugenii recessum, nullius momenti esse debet. Hinc

X. Dico secundò. Concilium Generale, etiam auctoritate Romani Pontificis congregatum, ab eo tamen non approbatum, certum argumentum præbere non potest. Concilium itaque Generale potest carere Pontificiâ approbatione, vel in toto, vel in aliquâ sui parte. Si careat in totum, ex nullâ ejus parte potest certum sumi argumentum: Si verò solum careat in aliquâ parte, ex illâ parte non probatâ cerèd argui nequit. Hoc aperte ostenditur. Nam in fide errare potest; & de facto erravit Concilium Basiliense, de quo supra, dum hæreticum declaravit, qui negaret Concilium esse supra Papam; & tamen licet post ea tempora aliqui negaverint, & negent, Concilium esse supra Papam, nullus adeò audit (ne dicam insanus) fuit, qui contrarium tenentes, ut hæreticos traderet. Erravit etiam Concilium Ephesium secundum, ubi Legatis Leonis Papæ repugnantibus, Episcopi scripsit omnes Dioscori hæretici subscribere; ut constat ex S. L. omnis litteris ad Theodosium, & ad Pulcheriam. Angustus datis, & Concilio Chalcedonensi infernis. Id confirmant Synodus VIII. *actio. 7.*, Nicæus I. ad Michaelem Imperatorem, & Eugenius IV. in decreto super unione Jacobinorum, quo, postea quàm Ephesus in secundum Synodum sub Leone congregatam condemnavit, quæ videlicet Eutychno errori consensit. *Suscipit*, inquit, (Sæcra Romana Ecclesiæ) omnes alias universales Synodos auctoritate Romani Pontificis legitime congregatas, ac celebratas, & confirmatas. Non dixit congregatas solum, sed celebratas, & confirmatas. Et Jure quidem merito. Nam ut in præcedenti conclusionem statuimus, nullum Concilium ratum est, aut fuit, quod Romani Pontificis non fuerit auctoritate munitus; at quomvis Concilium sit, edicente Pontifice coactum, si tamen decreta in eo facta non fuerint ab ipso probata, & dogmata confirmata, vel potius ipse, vel ejus Legati repugnavit, tum cerèd Synodus non est facta Apostolicâ auctoritate. Non igitur rata, & firma erit, aut idonea, ut ex ea fidem faciamus.

§. III.

§. III.

Resolutio præcipua de Concilio congregato, & confirmata auctoritate Papæ.

XI. **D**ico tertio. Concilium Generale congregatum, & confirmatum auctoritate Apostolicâ Romani Pontificis certam fidem facit Catholicorum dogmatum. Hoc assertum, quod Catholicis omnibus usque ad hæc exploratum est, ut opus sit censent hæreticum, non placuit Luthero, qui lib. de Conciliis propterea docuit, nullum esse Concilium quantumvis Generale, aut quantumvis auctoritate probatum, quod à Verbo Dei recedere non possit, & proinde errare in fide, & moribus. Luthero subscripsit Calvinus lib. 4. Instit. c. 9. §. 8. In hanc sententiam conveniunt hi duo Hæresiarchæ: quod pleraque ex dogmatibus quæ propagabant, quæque falsæ suæ reformationis sunt fundamenta, jampridem à Conciliis Generalibus damnata viderent, cernerentque brevè iterum damnanda in Concilio Tridentino, quod contra illos Paulus III. convocarat. E contra Catholici omnes in hoc asserto conveniunt.

XII. Et probatur primò. Nam Conciliorum Generalium infallibili auctoritate sublatâ redibunt omnes hæreses ab illis damnatæ; Symbolum quoque Nicænum erit ambiguum. Secundò. & si Concilium Generale congregatum, confirmatum auctoritate Apostolicâ deviare potest à veritate, nulla supererit via ad finiendam certâ religionis negotia, & fidei controversias: non Concilii Generalis judicium hoc enim (ut ajunt) infirmum est, & errare potest: non judicium solius Summi Pontificis, hoc enim execrantur. Quem ergo vivum Judicem invenient, à cuius tribunali discedere fas non sit? Si dicant superesse Sacram Scripturam. At Scriptura, cum nec sentiat, nec intelligat, nec loqui judicium valeat, indiget Interprete, cui ejus verum sensum exponat. Quis ergo erit vivus Judex, & ejus sententiâ dubitari non possit? Lutherus, Calvinus, ac similes? At un-

de certi erimus istorum judicium certum esse, si judicium omnium Episcoporum in Concilio congregatorum incertum est, & ambiguum? Et cujus ex duobus judicio stabimus? Lutherus clamat, hæc verba, hoc est Corpus meum, propriè, & literaliter accipiendâ. Zuinglius, Calvinus è contra, figuratè. Cujus sententiæ acquiescimus? Num idem dicere potuissent Arius, Nestorius, & quotquot retroactis seculis damnati fuerant Hæretici, nimirum, ut effugerent sententiam Concilii, recurrendum ad Scripturam, & standum interpretationi ab ipsiis affixæ: & ita facere se Judices in propriâ causâ?

Judex ergo vivus in Ecclesiâ statuendus est, & is erit, quemadmodum Deuter. 17. scriptum est, Summus Sacerdos cum Concilio Sacerdotum; aliâs Conciliorum fide rejectâ, Scripturarum quoque bonam partem amittimus. Nam si quis Libros Sacros, de quibus olim dubitatum fuit, è catalogo expunxerit, per Scripturam, certè lis finire non potest, Cujus ergo judicio stabimus certi, si Canones Sacrorum Librorum editi à Conciliis, vel Summis Pontificibus dubii, & suspecti esse possunt? Vivi ergo Judices constituantur, oportet. Si enim Pastorum judicium declinans, ad aliud Tribunal provocet, nil aliud facies, quàm Ecclesiæ declinatis judicibus, quos Spiritus Sanctus posuit regere Ecclesiam Christi, confugere ad judicium merè humanum, & pro divinis humanos substituere. Quoscumque enim, præter Pastores, Judices elegeris, humanâ, ac incertâ auctoritate pollebunt.

XIII. Rursus, vel fidelis populus tenetur stare definitioni Concilii, vel repugnare potest. Si tenetur, jam errante Concilio, populus in eodem errore versabitur, sique Christus pessimè providisset Ecclesiæ flux, imò promissa non implevisset, quibus Spiritum suum perpetuò in eâ mansurum, ut eam omnem doceret veritatem, & se cum eâ futurum omnibus diebus usque ad consummationem sæculi pollicitus est, ut dubio præcedenti expendimus. Si repugnare potest, & super statuta à Concilio instituire examen; ergo populus Judex set super sententiam Pastorum. Quid si sententia Pastorum infirma esse potest, quo-

scia-

sententia populi certa probabitur? quid stultius, quàm quoddam oves regere, ac ducere præsumant Pastores? Rursus. Ubi nam illud erit Christi scatum Luca 10. 26. *Qui vos audit, me audit: & qui vos spernit, me spernit. Qui autem me spernit, spernit eum, qui misit me?* Ubi illud alterum Matth. 23. v. 2. & 3. *Super cathedram Moysi sederunt Scribæ, & Pharisei: Omnia ergo quaecumque dixerint vobis, servate, & facite?* ubi notanda illatio illa ergo, quasi dixerit: etsi Scribæ sint, & Pharisei, idest in vitâ, & moribus corrupti, si tamen sedent in Cathedrâ Moysis, & ex eâ vobis loquantur, sequitur insillibiliter, eos non errare, & facienda esse omnia ea, quaecumque dixerint.

XIV. Ajunt. Si quaecumque dixerint, ea facere jubemur, cur dicit Christus Matth. 16. v. 6. *Caveat a fermento Phariseorum: idest non a fermento pauperum, sed a doctrinâ Phariseorum*, ut exponitur ibi v. 12. Cur rursus Matth. 23. v. 3. & 9. vocat eos docentes doctrinas, & mandata omnium, eorumque traditiones etiam proprio exemplo contemnere docuit? Possunt ergo Pastores loqui, & Legem Dei, & suâ. Si Legem loquantur, audiendi erunt, si suâ, & de suo, spernendi. Quid non obscurè interpretatus est Augustinus tract. 46. in Joannem. Et Hieronymus in cap. 7. Matthæi super illis verbis v. 12. *Non omnis, qui dicit mihi Domine &c. sicut supra (inquit) dixerat, eos, qui haberent vestem vitæ bonæ, non recipiendos propter dogmatum nequitiam, ita nunc à contrariis, hec hiis quidem accommodandam fidem, qui eam polleant integritate fidei, turpiter vivunt, & doctrina integritatem malis operibus destrunt. Utrumque enim Dei servus necessarius est, ut & opus sermone, & sermo operibus comprobetur.*

XV. Sed respondetur dñi. consequ., ergo Pastores aliqui, concedo consequentiam, omnes, nego conf. q. Esto enim aliqui Pastores docere possint, quæ suæ sunt, ea proponendo ut Verbum Dei, non tamen omnes. Responsio hæc est D. Augustini tractatu 46. in Joannem ab argute citato. Prop. nunc enim Paulum Philipp. 2. v. 11. consequentem, se non

habere, quem mittat; qui pro Philippa penitus sollicitus sit, præter Timotheum omnes enim, quæ suæ sunt, quarunt, non quæ Jesu Christi, ait, Inter mercenarios Pastores ingenuit. Quævisit aliquem, qui sinceriter diligeret gregem Christi, & circa se in eis, qui cum illo eo tempore fuerant, non invenit: Non enim in Ecclesiâ Christi tunc præter Paulum Apostolum, & Timotheum nemo erat, qui gereret de græge sollicitus esset. Si ergo contingit, multos quidem quærere, quæ suæ sunt, non tamen omnes; ita contingere potest, multos docere, quæ suæ sunt, non quæ Jesu Christi, non tamen omnes; & maxime eum ad docendum populum conciliariter conveniunt. Indè & Pharisei aliud docebant, dum ex Cathedra Moysi proponebant Dei Legem, aliud, dum loquebantur ex propriis. In primo casu semper docebat veritatem, & idem Christus dixit: Omnia quaecumque dixerint servate, & facite. In secundo verò, dum loquebantur suâ, loquebantur fermentum, idest doctrinam, non puram, & ab hac cavendum monebat Christus. Audiatur iterum S. Aug. laudato loco. *Scriba, inquit (Christus), & Pharisei super Cathedram Moysi sedent; quæ dicunt facite, quæ autem faciunt, facere nolite. Quid aliud dixit nisi per mercenarios vocem Pastoris audite? sedendo enim super Cathedram Moysi legem Dei docent, ergo per illos Deus docet... certi enim tales suæ quarunt, non quæ Jesu Christi: nullus tamen mercenarius ausus est dicere populo Christi: tuæ quare, non quæ Jesu Christi. Quod enim facit malè, non prædicat de Cathedra Christi: inde latet, unde mala facit, non unde bona dicit. Hæc Augustinus. Ex quo sequitur, quod Pastores Ecclesiæ, etsi mercenarii, dum tamen, ex Cathedra Christi loquuntur, & verbum Dei populum docent, nunquam possint docere falsum, quia per eos Christus loquitur; & oves aique hæsitatio debent eos audire, maxime dum eadem omnium sententia est. D. autem Hieronymus solam docet, ad perfectum Dei ministerium utrumque requiri, & bona opera, & sanam doctrinam, quod libenter concedimus: non verò quoddam, etsi*

desit bona vita, desit etiam vera doctrina, quod negamus. Dùm enim congregantur ad res fidei decernendas, & proponendas toti Ecclesiæ, congregantur in nomine Christi, & Christus in medio eorum est, ut ipse promissit *Matthæi cap. 18. vers. 20.* Insuper Christus loquitur per illos, & tunc repræsentant totam Ecclesiæ, quam se nunquam deserturum Christus sæpe pollicitus fuit. Quare prudenter Martinus V. in Concilio Constantiensi inter cætera, de quibus suspecti in fide examinandi sunt, hoc proponit. Utrùm credant, quodd quodlibet Concilium Generale universalem Ecclesiæ repræsentat. Si igitur Concilium Generale universalis Ecclesiæ auctoritatem habet, æquè infallibile est, ac universalis Ecclesiæ, ut supra probatum est; & qui auctoritatem Concilii Generalis de medio tollit, totius Ecclesiæ auctoritatem eandem operâ dissolvit. Proclarè igitur D. Augustinus *lib. 1. de bapt. contr. Donatist. cap. 17.* Pleniori Concilii sententiam totius Ecclesiæ consensionem vocat.

XVI. Denique Sanctus Paulus exortâ quæstione de legalibus, non aliam tantam viam invenit ad eam finiendam, quàm ad Concilium Ierosolymitanum eam deferre. Hanc igitur viam, quam Paulus nobis aperuit, in quâ ipse prævit, ingredi, & ipsum sequi debemus, omnesque veri Christiani eam modestiam imitari, quæ in Judæis, & in Gentilibus à Luca *Act. cap. 15.* laudatur. Poterant sancti Gentiles à Concilio expostulare, cur libertatem sibi à Christo datam eriperet, cur hæc humeris discipulorum tanquam necessaria imponerent, cùm tamen minus necessaria viderentur, cùm sola in Christum fides sufficeret ad salutem. Iudei etiam opponere poterant Scripturam *Gen. 17. v. 14.* dicentem: *et masculus, cuius præputii caro est.* Itâ fortè respondissent Lutherus, & Calvinus, si eo tempore fuissent. At non itâ Gentiles, & Iudei conversi: audito conciliaris decreti exordio *Visum est Spiritui Sancto, & nobis*, tantum honoris illi detulerunt, ut absque ullâ cundatione paruerint. Quod fecerunt Apostoli, fecit subsequentiis seculis Ecclesiæ. Cur

ergo si illi Conciliorum exemplari divinus additus spiritus, non credatur adstare cæteris? Cur si omnes ejus decreto acquieverunt, acquiescere recusant aliqui Novatores? Meridò igitur Ecclesiæ Catholica Conciliorum Generalium decreta semper accepit, atque ut hæreticos habuit, qui eorum auctoritatem infirmare frustra conati sunt.

§. I V.

Solvuntur, quæ contra præcedens assertum militanti.

XVII. Primum obijciunt. Ad Concilia Generalia soli vocantur Pastores, Archiepiscopi, Episcopi, Cardinales; sed hi omnes possunt errare; imò & fidem amittere; ergo &c. min. prob. primum in veteri Testamento omnes de sacro errarunt. *Isaia 26. v. 10.* Speculatores eius ægi omnes, nescierunt universi: canes muti non valentes latrare, vi dentes vana, dormientes, & amantes somnia. *Jer. mix. 6. v. 13.* A Prophetâ, usque ad Sacerdotem cuncti faciunt dolum. secundò, tempore Dominicæ Passionis omnes Apostoli fidem amisserunt. Hoc videtur Christus inuisse *Matth. 26. v. 31.* dum ait: Omnes vos scandalum, patremini in me in istâ nocte. Scriptum est enim: Percutiam Pastorem, & dispergentur oves gregis: id. est ab unitate fidei solvantur, ait glossa interlinealis. Tùm quia *Luca 24. v. 11.* Verba mulierum, renuntiantium Apodolis Resurrectionem Christi visa sunt ante illos sicut deliramentum verba ista: & non crediderunt illis. Hinc Christus *Marci 16. v. 14.* Exprobravit incredulitatem eorum, & duritiam cordis, quia hi, qui viderant, eum resurrexisse, non crediderunt. Quare in solâ B. Virgine fidem remansisse creditur tempore Passionis Christi: quod indicare dicunt Candelam illam, quæ cæteris extinctis, sola non extincta illis Passionis diebus in matutinis relinquitur. Si ergo in omnibus Apostolis defecit fides, cur deficere non poterint in omnibus Episcopis, Apostolis succedentibus?

XVIII. Respond. nego min. ad primum

mam probationem dico primò, ut supra dictum est Dub. præced. §. 3. ex Augustino lib. de Unit. Eccles. cap. 13., more esse Scripturarum sic arguere aliquos malos, ac si omnes essent mali, & sic commendare aliquos bonos, ac si omnes essent boni. Sic Paulus ad Philippenses 2. ait: *omnes enim qua sua sunt querunt, non qua sunt Jesu Christi.* Et tamen, ut nuper observavi cum S. Aug. tractat. 46. in Joann. in Ecclesiâ Christi aderant multi, qui quærebant ea, quæ sunt Christi. Imò Paulus ipse cap. 1. dixerat, quosdam esse, qui annuntiabant Christum ex caritate v. 14. Respondeo secundò dist. min. omnes scorum, & distributivè sumti, concedo min. omnes collectivè, & congregati in concilio, nego minorem. Deus enim cuilibet in individuo Pastori non promittit infallibilitatem, quam tamen corpori Pastorum, dum repræsentant in Concilio totam Ecclesiam, pollicitus est, ut diximus.

Respondeo tertio. Dato etiam, quòd Pastores Ecclesiæ Judaicæ omnes errare potuerint, quia illis infallibilitas à Deo promissa non erat, non sequitur, errare posse Pastores omnes Ecclesiæ Christi, quibus ipse suum Spiritum in æternum mansurum, & seipsum in medio eorum fore, dum essent in nomine suo congregati, spondit.

XXIX. Ad secundam probat. nego, omnes Apostolos Passionis tempore fidem interitus amisisse, aliàs omnes infideles fuissent. Non enim fides semel suscepta, nisi per infidelitatem tollitur. Quid autem absurdius, quàm universis Apostolis notam infidelitatis inurare? quid magis injurium Christo, & Ecclesiæ? Quæ verò in contrarium adducta sunt, solum evincunt, Apostolos in fidei confessione defecisse, ut Petrum, aut etiam in fide vivā, quæ per dictionem operatur: hæc autem fuit dispersio, quam illis prædixit Christus: sicut enim percussio Pastore, timidæ disperguntur oves, sic Christo percussio, capto scilicet à Judæis, timore dispersi sunt Apostoli. Huc etiam referri potest Ritus Ecclesiasticus extinguendi omnes cereos, uno excepto, quia scilicet omnes Apostoli fidem vivam ami-

serunt, uno Christo excepto, in quo æsto non fuerit fides, fuit tamen quiddam est perfectionis in fide, ut docet D. Tb. 3. p. quæst. 7. art. 9. ad 1. Quamquam Rupertus lib. de Divinis Officiis cap. 3. asserit, extinctos cereos priores significare Prophetas à Judæis interectos, illum autem, qui ad breve tempus absconditur, Christum in Passione occultatum. Nuncium autem Resurrectionis visum est deliramentum aliquibus Apostolis, non omnibus; Christus exprobravit incredulitatem quorundam, non omnium; unde dicitur Matth. ultimo v. 17. *Et videntes eum (Apostoli) adaverunt, quidam verò dubitaverunt;* quidam, ait, non omnes. Et certè exprobrandi de incredulitate non erant Petrus, & Joannes, qui audito nuncio cucurrerunt ad monumentum.

XX. Addit tamen Canus lib. 4. cap. 4.: etiam Apostoli tunc temporis fide caruissent, nihil contrā conclusionem haberetur. Dato enim, quòd omnes Apostoli fidem amisissent, ut sentit Augustinus tractat. 103. in Joann. Nondum tamen personam Ecclesiæ gerebant: hanc enim tunc solum gerere primò ceperunt, quando Christus Joann. 20. v. 21. & 22. eis Spiritum Sanctum contulit dicens, *Ecce mitto me Pater, & ergo mitto vos. Hoc cum dixisset, insufflavit, & dixit eis: accipite Spiritum Sanctum,* ut observat idem Augustinus lib. 3. de baptismo contrā Donat. cap. 28. Si ergo tunc, cum Apostoli gerere personam Ecclesiæ ceperunt, Spiritu Sancto imbuti fuerunt, quo gubernati, à fide nunquam erraverunt: cur idem dicendum non erit de Episcopis, ac Pastoribus, dum in Conciliis generalibus personam gerunt Ecclesiæ?

XXI. At inquires. Episcopi in Conciliis congregati homines sunt; ergo poterunt utique, & fallere, & falli.

Nego enim consequentiam. Aliud enim est de humanæ naturæ imbecillitate disputare, aliud de Divinâ Gratiâ, & speciali Providentiâ, quæ homines cæterorum fallibiles, in veritate fidei continentur; tota namque fidelium concio homines sunt: Prophetæ item, & Evangelicæ homines erant, sed quoniam Spiritum veritatis acceperunt, in falsam fidei

doctrinam venire non poterant.

XXII. Replicabis primò. Undè constat, Conciliis promissum fuisse perpetuam, & nunquam defuturam Spiritus Sancti assistentiam? Si dixeris, ex illo *Math. 18. vers. 20. ubi enim sunt duo, vel tres congregati in nomine meo, ibi sum in medio eorum.* Contrà, quia ex hoc concluditur assistentia Christi nedùm Concilio Generali, sed etiam Provinciali, imò cuique pio cõtui in Christi nomine congregato. Deinde unde constat, cõtum esse congregatum in Nomine Christi, & legitime? Ex hominibus fidem sanam habentibus, & ea quæ facienda sunt, facere?

Secundò. Dato, adesse divinum pactum, unde constat, hoc esse absolutum, & non potius conditionatum, idest, si qui Concilium componunt Episcopi non recedant à viâ Dei, non scandalizent populum. lege? Quia enim hoc non implevit populus Leviticus, idèd dicitur *Malach. 2. v. 8. irritum fecistis pactum Levi.* Non ergo precisè ad Christi promissum attendendum est, sed ad eorum mores, an scilicet vita cum dignitate concors sit.

XXIII. Respondetur ad primam instantiam, Promissionem factam Conciliis Generalibus de speciali Sancti Spiritus assistentiâ in negotiis fidei decernendis, consistere ex iisdem locis, ex quibus constat, promissum fuisse Spiritum Sanctum Universali Ecclesiæ, quam Concilium Generale repræsentat, nimirum Christum, daturum Ecclesiæ Spiritum Veritatis, qui suggerat ei omnia, & maneat cum ipsâ in æternum, & cum ipsâ futurum Christum usque ad consummationem sæculi. Quæ testimonia supra expendimus. Quare Apostoli hujus promissionis benè conscii, in Concilio Hierosolymitano positi, firmarunt decretum hoc modo: *Videtur, est Spiritui Sancto. & nobis.* Hinc non unice talis promissio deducitur ex loco citato *Matth. cap. 18.* Verum, quia Innocentius 20. *dist. c. De quibus*, Synodus 6. *act. 7.*, & Chalcedonensis *epist. ad Leonem* de Synodis locum illum intelligunt; ad id, quod contra opponitur, dico, locum illum probare assistentiam Spiritus Sancti, etiam Synodis Provincialibus, quando tamen congregantur in

nomine Christi. Sicut autem in nomine Principis comitia eocunt, eum ejus auctoritate indicuntur, & probantur; sic Concilia Ecclesiastica in nomine Christi conveniunt, eum auctoritate Christi, vel ejus Vicarii coguntur. Quare (ut dicemus) sicut Concilia Provincialia coacta præter auctoritatem Romani Pontificis errare possunt, & de facto erraverunt, ut Concilium Cypriani; ita si ejus auctoritate cogantur, & decreta probentur, errare nequeunt. Christum etiam esse in medio cujusvis pii cõtus in nomine ipsius, non disicemus: non tamen semper ad docendam veritatem, eum non semper ad hunc finem congregentur, sed ad eos fines, ob quos congregantur, maxime si sint ad salutem necessarij. Specialius tamen est in medio Concilii Generalis, in quo agitur de fide totius Ecclesiæ, quam se nunquam de seorsum aperte promittit. Porro, ut certi sumus, Concilium esse congregatum in nomine Christi, nobis sat esse debet, quòd sit coactum ex ordinariis Ecclesiæ Pastoribus, auctoritate ejus, ad quem sp. s. est, de quorum fide nobis oppositum non consistit; quamvis enim internè fidem veram non haberent, non tamen p. mitteret Christus, ut aliquid contra suam decernerent, ac totam Ecclesiam in suum errorem pertraherent.

XXIV. Ad secundam instantiam dico, Christi promissiones de suâ Ecclesiâ, & consequenter etiam Conciliis ab omni errore tuendis, esse absolutas, & à nullâ conditione pendentes, consistere, quia, absolute illi promittit Spiritum veritatis in eâ mansurum in æternum; se illi ad futurum usque ad consummationem sæculi; contrà eam portas inferi non prævalituras. Neque est simile de pacto inito cum filiis Levi. Pactum enim illud, sicut & cetera, temporaria erant, sicut Lex, & Sacerdotium, ac proinde aliquando omnia hæc auferenda erant, Regnum, Lex, & Sacerdotium. At Regnum Christi æternum est; regnabit in domo Jacob in æternum *Luce 1. v. 32.* Lex æterna est, *Psalm. 47. v. 15. ipse reget nos in secula.* Sacerdotium æternum, *Psalm. 109. v. 4. Tu es Sacerdos in æternum.* Pactum etiam æternum, *Jerem. 32. v. 40. & se-*

Et feriam eis pactum sempiternum. Certum autem est, Ecclesiam sine lege, sine sacerdote, & doctore, esse sine Christo, & Spiritu veritatis: Si ergo Christi Ecclesia in æternum est mansura, manebit in eâ Christus, & ejus Spiritus, & proinde etiam in Pastoribus, & Doctoribus, dum collecti eam representant. Licet enim iniqui essent in moribus, non deesset Spiritus Sanctus quantum ad gratiam gratis datam, esto non adesset quantum ad gratiam gratum facientem, seu justificantem. Hæc enim non est necessaria, ut Pastores vera doceant, & Sacramenta consanciant, verique Pastores sint, nisi cum Donatistis, aliisque hæreticis sentire velimus.

XXV. Obijciunt secundò. Concilium, in quo Judæi desinuerunt, Christum non esse Messiam in lege promissum, fuit Concilium Generale; constabat quippe ex Summo Sacerdote, & præcipuis Judæorum Pastoribus, ut Jo: 11., & Marci 14. colligitur: Atqui illud Judæorum concilium erravit, & quidem in re, quæ ad fidem spectabat, quæque maximi momenti erat; ergo Concilia Generalia errare possunt in rebus, quæ ad fidem pertinent.

Respondet Canus lib. 5. cap. ultimo, Concilium illud Judaicum firmare ootids nostrum assertum, nimirum Pontifices, & Pastores, etsi niales, in conciliis suis, & à seipsis non loqui, sed ex motione Spiritus veritatis. Cum enim post longam, variamque concilii disceptationem, Caiphas, qui, ut summus Pontifex concilio præsidebat, sententiam, cui omnes ferme consenserunt, pronuntiasset Jo: 11. v. 49. & 50. *Vos nescitis quidquam, nec cogitatis, quia expedit vobis, ut unus moriatur homo pro populo, & non tota gens pereat.* Subjecti mox Evangelistæ: *Hæc autem dicit & scietis non dixit. Sed, cum istis Pontifex annis illius, prophetasset.* Quare fit, ut si forte nostrum Pontificum, & Episcoporum vita, & opera contraria essent Domino Jesu, eorum tamen judicia, dum sunt congregata, quæ à Summo Pontifice comprobata sunt, & vera erunt, & ad salutem utilia, ut divinitus suggesta, & ob eam causam, quam ab Evangelistâ didici-

mus, quia scilicet Ecclesiæ Pontifices sunt.

XXVI. Respondent secundò alii, Concilium illud, quamvis Generale, errasse: non inde tamen sequi errare potuisse alia Concilia Generalia Judaica anteriora, & multò minùs errare posse ea, quæ apud Christianos sunt. Erravit enim Judæorum concilium, de quo agitur; quia habitum est eo tempore, quo Judæorum Synagoga desierat esse infallibilis: infallibilitas namque illi concessa fuerat solum ad tempus, id est usque ad Christi adventum; tunc enim Synagoga desinere debebat, & Ecclesiæ Christianæ locum cedere. Eo enim tempore, quo Ecclesia Christiana cepit in Christo, ad judicandum eum esse Messiam, Judæis non erat necessaria Synagoga infallibilis, cum hæc ad oculum demonstrarent tot, & adeò evidentiæ miracula, quæ in suæ missionis confirmationem, Christus operabatur.

XXVII. Neque opponas. Etiam diù ante Christum concilia Judaica errasse, ut patet in Concilio 400. Prophetarum, qui omnes errarunt, ipso Deo protestante, id est fuisse spiritum mendacem in ore ipsorum 3. Reg. 22.

Nam respondeo primò, Prophetas illos, ut dicit ibi Scriptura, non fuisse Prophetas Domini. Deinde concilia non ex Prophetis, sed ex Sacerdotibus cogebantur, non ad indagandum futurum exitum belli, sed ad decernendum de lege. Tertio Concilium illud ab Achab Rege, non à summo Pontifice coactum fuit; non ergo mirum, si erravit.

XXVIII. Obijciunt tertio Patres. Primò Gregorium Nazianzenum ep. ad Procop. dicentem: Ego, si vera scribere oportet, ita animo affectus sum, ut omnia Episcoporum Concilia fugiam, quoniam nullius Concilii finem latum, falsumque vidi, nec quod depulsionem malorum potius, quàm accessionem, & incrementum habuerit.

Secundò Sanctum Augustinum lib. 2. ad 3. contr. Maximin. c. 14. Nec ego Nicanum, nec tu debes Ariminense, tanquam prajudicatum, proferre Concilium; nec ego hujus auctoritate, nec tu illius detineris &c. Insuper lib. 2. de Baptismo c. 3.

c. 3. asserit, concilia plenaria priora à posterioribus emendari.

Tertio S. Leonem, qui *epist. 33. ad Anatolium*, & *34. ad Marianum*, & *35. ad Pulcheriam*, agnoscit Chalcedonensem Synodum legitimam fuisse, & tamen non dubitat, ei attribueri ambitionem, & inconsultam temeritatem. Ex his ergo sic discuntur: his cæteris non adest Spiritus certus veritatis, quorum nullus felix est exitus, qui pro asserendâ fide laudari non possunt, qui nonnunquam à posterioribus cæteris emendantur, qui ex ambitione, & inconsultâ potiùs temeritate, quàm ex veritatis amore procedunt; talia sunt Concilia Generalia; ergo &c.

XXIX. Respondeo. Ad S. Gregor. Nazianzenum distinguendo: & loquebatur de Conciliis sui temporis, concedo: de Conciliis generatim, nego. Incidit ergo Nazianzenus in tempora inter Concilium Nicænum primum, & secundum. Concilium Generale, nimirum Constantinopolitanum, quo tempore Ariana impetus grassabatur. Passim ab illis Concilia celebrabantur, & aliqua etiam à Catholicis: cùmque ex talibus Conciliis nullum vidisset felicem exitum, & ad quoddam Concilium à Procopio vocaretur, desperans, ex illo aliquid boni intan à rerum turbatione eventurum, rescriptis præallata verba. Non tamen proinde aspernatus esset Concilium plenarium, ac pacificum, si tunc obtinere potuisset. Quomodo enim aspernari poterat Concilia, qui erat. 21. Nicænus Patres dicit à Spiritu Sancto fuisse in unum coactos; & Constantinopolitanæ Synodi, in qua Macedoniani Spiritus Sancti hostes infensissimi damnati fuerunt, pars magna fuit?

Ad Augustinum dico, eum in primo loco argumentari, non absolute, sed ex suppositione Maximini, qui utpote Arianus, Concilii Nicæni auctoritati nihil deferrebat, & contra autem Augustinus Ariminense, quod Maximinus probabat, execrabatur. Cùm ergo ex Conciliis, quæ alteruter non admittebat, nihil concludi posset, prudenter ait: nec ego Nicænum, nec tu Ariminense proferas; eumque ad rem ex Scripturis conficiendam provocavit.

In secundo autem loco dico, vel Au-

gustinum nomine plenarii Concilii non intellexisse Concilium Generale, sed Nationale, aut Provinciale, vel etiam Generale, & maxime si illegitimum sit, hoc enim potest per subsequens emendari, sicut Concilium Ephesinum secundum fuit per subsequens Chalcedonense legitimum emendatum. Vel loqui non in rebus, quæ ad fidem, aut mores pertinent, sed in rebus tantum, quæ sunt puri facti, aut ad meram disciplinam pertinent. Et ratio est, quia emendationem, de qua agit, docet, tunc per concilia posteriora fieri, quando experimento aliquo aperitur, quod clausum erat: id verò locum habet solum in rebus facti, aut meræ discipline, non verò in rebus fidei, circa quas locum non habet experimentum. Cæterum quanti fecerit Augustinus Concilia Generalia, ex hoc colligere licet, quòd dum Cyprianum in suo errore de rebaptizandis hæreticis excusat, asserit pro ratione, quòd Causa illa nondum erat in plenario Concilio definita, cui absque dubio Cyprianus parasset, ut videre est *lib. 1. de Baptismo cap. 28.*, *lib. 2. c. 3.*, *lib. 2. contr. Cresconium c. 33.*, & alibi.

Ad S. Leonem dico, eum in Concilio Chalcedonensi damnaſſe ambitionis, & inconsultæ temeritatis canonem 29., eò quia ambitione Anatolii Episcopi Constantinopolitani, subdole, repugnantibus S. Leonis Legatis, promotus fuerat ille canon; & iniuper continebat falsa, nimirum Romano Pontifici collatum fuisse primatum à Synodo Nicænâ, & non ratione dignitatis Sedis, sed ratione antiquitatis Urbis, quare in hac parte Concilium Chalcedonense erravit, at in hac parte nec fuit Oecumenicum, quia à Romano Pontifice reprobatum.

S. V.

Soluntur argumenta ex præfatis Conciliis erratis.

XXX. **O**bjiciunt primò. In Canonibus, qui dicuntur Apostolici, nonnulli sunt errores: reprobant enim tanquam irritum, & nullum datum ab hæreticis baptisma. *Can. 45.*

Item in Concilio Eliberitano reperitur

tur errores; nam pluribus *Canonibus* vetat, ne quibusdam Reis, licet ex animo penitentibus, detur etiam in ultimo vitæ discrimine Sacramentalis absolutio: quod hæresim Novatianam sapit. Item *can.* 36. vetat, ne Imagines in parietibus pingantur, contrarium licet usum probet Ecclesia Catholica. Præfatos autem Canones, tanquam Concilii Generalis habuit antiqua Ecclesia; nam Canonibus Apostolicis usa est tota Ecclesia Orientalis, Eliberitanis vero plures Occidentales Ecclesiarum.

Respondeo primò, negando, præfatos Canones editos fuisse in aliquo Concilio Generali. Qui enim Apostolici dicuntur, nil aliud sunt, quam collectio facta ex variis Synodis, quæ in Oriente per tria priora secula coacta sunt. Eliberitani verò sunt Concilii Provincialis in Hispaniâ celebrati à XIX. Episcopis anno 313., vel potius Collectio Canonum ex Synodis illis secularis in Hispaniâ celebratis.

Secundò respondeo, Canones dictos Apostolicos apud viros eruditos nullius esse auctoritatis, maxime ob Canonem 45. citatum, nisi fortè Canon ille intelligatur de baptismo dato non à quibuscumque Hæreticis, sed à Paulianistis, qui baptizabant non in nomine Trinitatis, quique iis seculis Ecclesiam Christi sequebantur; hoc enim modo Canon ille nullum continet errorem.

Neque etiam errorem continent Canones Eliberitani. Negant enim primò quibusdam reis, etiam in mortis articulo absolutionem: non tamen, quia Eliberitani Patres censuerint, Ecclesiam non posse à quibuscumque peccatis absolvere penitentes, ut contenderunt Montanisti, & Novatiani: sed disciplinæ causâ sic statuerint, ut à quibusdam gravissimis sceleribus committendis, penæ aded gravis timore custodirentur. Negant secundò, Imagines in parietibus pingi: non quia pium earum cultum damnent: sed ne Christi, aut Sanctorum Imagines Idololatrarum ludibrio exponerentur, aut saltem, ne quibusdam sceleribus, ex gentilitate recenter conversis, essent ostendiculo.

XXXI. Obijciunt secundò Concilium

Ephesium secundum, quod fuit auctoritate Romani Pontificis congregatum, fuitque generale, & tamen erravit subscribendo Eutichiano errori.

Rursus Ariminense fuit Concilium Generale, tùm quia constans 600. Episcopis: Tùm quia ejus veluti pars erat Concilium Seleuciense, quod eodem tempore, & eadem causâ in Oriente celebrabatur. Atqui hoc erravit. Primò, erravit enim ex Symbolo vocem *consubstantialem*; quam Nicæna Synodus contra Arianos inseruerat. Secundò, quia Hieronymus *adversus Luciferianos* ait, per ipsum, Arianismum fuisse invehit in universum Orbem: Tunc (inquit) *Nicæna fidei damnatio conelamata est, ingruit totus Orbis, & Arianum se esse miratus est.* Tertiò, quia Episcopi, qui subscripserunt decreto Ariminensium Synodi, præmissâ tamen facti penitentia, suis fuere sedibus restituti; quod signum est, eos subscribendo errasse.

Respondeo, de Concilio Ephesino II. jam supra §. 1. *conclusionem secundâ* dictum esse, quod fuit quidem generale, & auctoritate Romani Pontificis convocatum, non ab eo tamen confirmatum, imò reprobatum; idedque potuit errare, & de facto erravit, ut bene dicit arguens. Insuper, quæ in Ephesino II. acta sunt, contra ordinem, & per vim fuere ab Episcopis extorta. Primò enim Dioscorus contra canones, à Theodosio Juniore præfidentiam extorserat. Item, vetuit, ne Flavianus, qui Eutichen Constantinopoli damnaverat, suffragium ferret. Insuper Episcopi, qui eidem Concilio interfuere, asseruerunt postea in Concilio Chalcedonensi, se vim passos fuisse à militibus, qui Basilicam, in qua celebrabatur Concilium, occupaverant. Alia ibi contra ordinem gesta narrant Historici. Falli ergo poterat Concilium, in quo res non secundum Canones agebantur, nec Episcoporum suffragia libera erant.

De Concilio autem Ariminensi mirum est, quòd hûc producatur tanquam Concilium Generale, & legitimum. Fuit enim à Liberio summo Pontifice reprobatum, ut legitur in *epist. ejusdem ad Episcopos Macedonianorum* apud Socrat. lib. 4. *hiss.*

4. *bist. c. 11.2* ob quod exilium passus est, ex Socrate *lib. 2. bist. cap. 37*. Et eoactum fuit dolo, & vi à Constantio Arianò; Episcopi Catholici, qui invitati illuc conveniant, fraudibus circumventi, minis additi, subfribere coacti sunt. Uno verbo. Concilium Ariminense totius Orbis scandalum fuit. Quid ergo mirum si erravit?

Aliqui tamen in Concilio Ariminensi distinguunt, initium, quo Concilium liberum fuit; & tunc Patres pro N. cænâ fide contra Arianos pugnarunt, ut ex *eorum epistola per viginti Episcopos ad Constantium missa*, quæ referitur ex integro apud Sozomen. *lib. 4. bist. cap. 18.2* & progressum. Et sine tùm minis Constantii, tùm moræ tardio (Arimini enim detinebantur diutius, nec ad sua reverti permittebantur); tùm denique Arianorum fraudibus circumventi, quod *agnum non esset, ut unus vocabuli, substantia videlicet gratia, omnes ubique Episcopi inter se diffiderent*, ut legitur apud Sozomen. *laudatum cap. 19.*, formulæ sibi oblatae, Episcopi aliàs Catholici, consenserunt. Quâ in re sustinent aliqui, eos non errasse in fide, animo saltem, sed solum abstinendo à voce *Uña*, idest *substantia*, putasse tollere dissidiorum causam. Sed cùm reverâ, ablatò *Uña* nomine, filium non amplius *eiusdem*, sed *similis* substantiæ cum Patre se fateri cum Arianis ipsi, compertum esset, in tali consensu errarunt in fidei confessione, idèque totus Orbis scandalo motus, ac miratus est. Sed de hoc satis.

XXXII. Obijciunt tertîa, sextam Synodum, nimirum Concilium Constantinopolitanum III., anno 680. habitum adversus Monothelitæ, fuisse verè generale, & passim vocatî sextum Oecumenicum. Illi enim præfuit Agatho Papa per suos Legatos, Leo II. illud confirmavit, ut ex *eius epistola* ad calcem Concilii posita. Eique totius Orbis Ecclesiæ consenserunt. Atqui istud erravit; nam igne damnavit Honorii Papæ *epistolas ad Sergium*, & ipsi Honorio, ut hæretico anathema dixit; Cùm tamen Honorius, nec hæreticus Monothelita fuerit, nec *eius litteræ* hæc hæresim sapiant, sed

dispensationem, vel economiam; prohibebat squidem, ne una tantum, ut volebant Monothelitæ, aut duplex, ut asseriebant Catholici, diceretur in Christo voluntas; idque cavebat Honorius, ne Monothelitarum exasperarentur animi, quos ad fidem perducendos sperabat. Quare Catholici, tùm Honorii *epistolas*, tùm ipsam Honorium ab omni præiudici hæresi liberant. Ergo &c.

In solutione hujus difficultatis divisos invenio Theologos, & Eruditos. Baronius putat, Acta sextæ Synodi fuisse corrupta, & loco Theodori Episcopi Constantinopolitani intrusum fuisse Honorii nomen, & omne id, quod contra Honorium in Actis, quæ nunc habemus, legitur.

Hæc tamen responsio voluntaria videtur. Oportuisset enim, quod corrupta fuissent in decem locis, quia in totidem Honorii sit mentio. Insuper in omnibus omnino exemplaribus, etiam in iis, quæ missa sunt ad Leonem II. Romanum Pontificem, quæque ipse confirmavit, & etiam expresse cum damnatione Honorii. Quod nec ipse, neque Legati Romanæ Sedis, qui huic Synodo interfuere, hæc fraudem detexerint, quæ omnia incredibilia sunt. Propterea alii

Respondent cum Bellarmino, sextam Synodum de facto errasse in condemnatione Honorii, neque hoc præjudicare infallibilitati Conciliorum Generalium, quia fuit error in re, quæ est *humani facti*, non in re, quæ ut *juris Divini*. Hoc est, quæ ad fidem, aut mores pertineat. Supponit ergo hæc solutio, Concilia etiam Generalia errare posse in quæstionibus humani facti, non verò juris, & maxime Livini. Nec mirum (ajunt) quæstiones enim juris dirimuntur, aut scripturâ, aut Traditione, quæ cum nitantur Divino Testimonio, infallibilia sunt; quæstiones autem facti ex humanâ relatione, & judicio, quæ fallibilia sunt. Ita Bellarminus *lib. 3. de Rom. Pont. cap. 11.* concludens. Itaque *tunc dicere p. sumus, hos Patres deceptos ex falsis rumoribus, & non intellectis Honorii epistolis, immeritò cum hæreticis comminuisse Honorium*.

Nc-

Neque hoc est præferre iudicium nostrum privatum iudicio præfati Concilii, quasi melius intelligamus nos litteras Honorii, quam illi. Nam hoc non ex nobis dicimus: sed jam dictum accepimus à Joanne IV. in Apologiâ pro Honorio ad Constantinum Imperatorem Heraclii filium: ubi conqueritur de iniur à Honorio irrogata à Pyrrho, ipsum ad suum sensum trahente; à S. Maximo Martyre, primò in Dialogo cum Pyrrho; ubi Pyrrho obijcienti: *Quid habes de Honorio dicere, qui ad Prædecessorem meum scribens, unam Domini nostri Jesu Christi voluntatem aperit dogmatizavit?* Respondet Sanctus Maximus: *Quis epistola illius fide dignus erit interpres? Qui eam ex persona Honorii composuit? ... An Constantinopolitani de corde suo loquentes?* Secundo in ep. ad Marinum, quæ inter Anastasii collectanea extat, ubi vindicat Honorium à labe Hæreseos. Ab Anastasio Bibliothecario præfatione in sua ad Joannem Diaconum collectanea, ubi & Apologiam Joannis IV. pro Honorio, & Honorium ipsum strenuè ab Hæresi defendit.

Hæc responsio probabilis est. Attamen, quia cogitur concedere, quod erraverit etiam Leo secundus, qui dictam Synodum sextam, & Honorii damnationem expressè confirmavit; & in eodem fuerit etiam errore octava Synodus: & insuper quia præbere videtur arma Jansenii Defensoribus, nimirum dicendi, ad eas damnandas processisse, ex iis non bene intellectis, quod videtur trahere quætionem facti ad quætionem juris. Ideò ut ab hoc discurrendi more, quam longè possimus, recedamus.

XXXIII. Tutius respondendum existimo, Synodum sextam jure damnasse Honorium, non tamen ut hæreticum electione, & formale, sed vel tanquam hæreticorum nimia conniventia fauorem, vel quæ indulgentiâ culpabili muneris suæ Sedis defuit, & nascentem hæresim non compressit. Hoc pacto, & ab omni errore etiam in sacro liberamus Synodum sextam, & Honorium ipsum.

Tom. I.

R

icali,

ab errore in fide. Pro hujus explicatione suppono, Hæreticum dici posse dupliciter. Primò propriè, nimirum sententiâ, ac electione pravâ, & pertinacit, quæ ad formalem hæresim necessariam esse, nemo nescit. Alio modo latè, quò pacto præsumitur prudenter hæreticus, vel in hæresim propendens, qui cum hæreticis communicat, qui cum debeat comprimere, non comprimit, sed favere videtur, & in scriptis suis ita æquivore, & obscure loquitur, ut det animum præsumendi, cum Hæreticis sentire. His fundamentis Synodus sexta prudenter iudicavit, Honorium ad Monothelitarum partes accessisse. Ità probabiliter sentio, salvo tamen meliori iudicio. Interim fundamenta hujus solutionis exponam. Quod enim iustum motivum dederit Honorius sextæ Synodi, eum non Monothelitam præsumendi, iudicant ejus epistolæ, quarum prima relecta fuit *act. 21.*, & secunda *act. 23.* ejusdem Synodi; Ex quibus colligitur, Honorium tuleri iussisse Sacras duarum operationum voces, atque in hoc morem gessisse Hæreticis; qui nullum sermonem de satero de una, vel duabus operationibus moveri cupiebant; ut scribit Sergius ad Honorium. Porro, qui voces illas usurpari vetat, quibus prohibetur Hæresis, & Catholica Fides confirmatur, proculdubio Hæreticis favet. Enim verò habiti fuerunt à toto Orbe, ut supra dicebamus, Arianorum fautores Patres Ariminenses, quia Arianorum suasu à voce *Homousion*, & *Ussa* abstineret. Habitus etiam esset Nestorianorum, fautor, qui vocem *Despara* de B. Virgine vetuisset, sicut & Eutichianorum, qui ex duabus, & in duabus naturis Christum subsistentem dici noluisse, vel ab his vocibus abstinendum iussisset. Hinc Synodus Lateranensis sub Martino I. iussu damnavit Edictum Heraclii, & Typum Constantinis; quia hæc edicta unam, vel duas operationes silentio comprimebant, quamvis errorem Monothelitarum expressè non faterentur. Cum ergo nihil minus egerit Honorius, iussu à Synodo sextâ damnatus fuit. Eo pacto, quò jure damnaretur, qui licet errorem Calvinistarum circa præsentiam Christi in Eucharistiâ non assereret, vetaret tamen, de

reali, vel solum figurativè Christi præsentia amplius loqui.

Neque simile dici debet de Sancto Basilio. qui Macedonianis indulgit, ut silentium de Spiritus Sancti divinitate servaretur, quod eos ad rectæ fidei confessionem revocaret. Nam ut scribit Sanctus Gregorius Nazianzenus orat. 10. Ille in aliis quidem vocibus à Scriptura petitis, testimoniis quo minimè dubiis eandem vim habentibus, necessariisque argumentis, Adversarios ita comprimebat, ut nullo modo repugnare, aut contra niti possent. Quare quoddam per aliquod tempus eos dispensaret à constituendâ etiam voce, prudentis economiz fuit. Sicut prudentis economiz fuit, ait Gregorius, quoddam iudicis ad aliquod tempus pro Christo vox nulli concederetur. At de Honorio hoc dici nequit, ut vidimus; nec enim Monothelitis aliquando compressit, aut impugnavit, nec pro geminæ operationis voce, æquivalentia vocabula substituit. Idemque Hæreticis favere iussu visus est.

XXXIV. Quoddam Honorius ut formalis, & ex electione Hæreticus damnatus à synodo sexta non fuerit, probant ea, quæ supra adduximus, ex apostoliâ Joann. 4., ex S. Maximo, & Anastasio Bibliothecario. Hanc autem fuisse de Honorio Concilii mentem, nullus poterit tutior interpret esse, quam Leo II. Concilii confirmator. Is enim in litteris confirmatoris de Honorii damnatione loquens, ait: *Nec non & Honorium, qui hanc Apostolicam Ecclesiam, non Apostolicam traditionis doctrinâ illustravit, sed probam prædicationem immaculatam maculari permisit.* Ubi non ait, maculavit, sed maculari permisit, conniventia scilicet, & favore hæreticorum; & clariùs Episcopus ad Ervigium Regem Hispaniæ de eodem argumento scribens, post relatos alios formales hæreticos in Synodo sexta damnatos, subdit: *& una cum eis Honorius Romanus, qui immaculatam Apostolicam traditionem regulam, quam à Prædecessoribus suis accepit, maculari consensit.* Et ad Episcopos Hispaniæ magis se explicans, nimirum quomodo traditionem Honorius maculari consenserit, aut permisit, ait: *Cum Honorio, qui flammam Hæretici dogmatis, non ut ducit Apostolicam auctoritatem,*

incipientem extinxit, sed negligendo confovit. Non ergo cum Monothelitis annumeratus est à Concilio Honorius, quia talis judicaretur sententia & electione; sed quia Monothelitam se exhibuerat conniventia, favore, & negligentia. Sed de hoc satis.

XXXV. Obijciunt quartò. Septimum Concilium Generale definit, pium esse cultum, qui Sacris Imaginibus exhibetur. E contra verò Concilium Francofordienfe, quod anno 794. habitum est, & cui adfuerunt Legati Romanæ Pontificis, & 300. Occidentales Episcopi, damnavit decretum in Concilio Nicæno secundo, sed septimâ Synodo Generali latum de colendis Imaginibus; ergo erravit, aut Concilium Nicænum secundum, aut Francofordienfe, utrumque Universale.

Respondeo, errasse errore facti Concilium Francofordienfe (quod tamen Generale non fuit, cum nullus Orientalium ad illud vocatus fuerit, sed interfuerit, sed solum Nationale), non juris; non enim dogma in septimâ Synodo de Imaginum veneratione statutum impugnavit, sed solum in factis, quæ Patres Francofordienfes putaverunt, Nicænos tribuisse Sacris Imaginibus eundem Latriæ cultum, qui soli Deificæ Trinitati tribuendus est, dicenlo anathema ei, qui contrarium sentiret, ut patet aperte ex Canone secundo dicti Concilii Francofordienfis, in quo sic habetur: *Allata est in medium questio de novâ Græcorum Synodo, in quâ scriptum habebatur, ut, qui Imaginibus Sanctorum, ita ut deifica Trinitati servitium, aut adorationem non impenderent, anathema judicaretur. Quod supra Sanctissimi Patres nostri omnimodis adorationem, & servitium venerunt, contempserunt, atque consentientes condamnaverunt.* Hoc autem ex scripto mendoso Nicæni II., quod habebant præmanibus, decepti pronunciarunt. Nicænum enim II. nullquam Sacris Imaginibus eundem, quem Deificæ Trinitati, cultum, & adorationem decrevit. Quoddam autem ita fuerit, ex eo colligitur, quod detecto ab Occidentalibus germano Nicæni II. Synodi sensu, omnes Occidentales Ecclesiæ pro OEcumnicâ illam receperunt, ejusque distinctioni de cultu

culu Sac. Imaginum subscripterunt.

Alia Conciliorum prætenſa errata coarſervant Hæretici, à quibus referendis, & ſolvendis ſuperſedemus, ne prolixi ſumus; maxime cùm videri poſſint apud Caſum lib. 5. cap. 1. & ultimo: Bellarminum lib. 3. de Concil. auctoritate cap. 8. 2 alioſque, qui hæc de re traſtaverunt. Nos interim ad alia pigrediamur.

§. V I.

Auctoritas Conciliorum non Generalium.

XXXVI. Dico quartò. Concilia non Generalia, non probata, à Summo Romano Pontifice, certum argumentum pro fide, & moribus non faciunt, magnæ tamen auctoritatis ſunt, adeo ut temerarium ſit eis non acquieſcere. Prima pars probatur, quia abſolute errare poſſunt, ideoque non ſunt prorsùs inſallibilia eorum judicia. Quòd ſi hoc diximus ſupra de Conciliis Generalibus à Romano Pontifice non confirmatis, multò magis de particularibus dici debet. Huius veritatis teſtis eſt Concilium Carthaginèſe ſub Cypriano, quod fuit nationale celeberrimum, legitimum, Episcoporum lxxxv. quorum plerique Martyres, aut Conſiſtores erant, ut ex *epiſtola Cypriani ad Iubaianum*: & tamen erravit. Secundò, teſtis eſt quinta Synodus Romana ſub Symmacho, & reſertur 17. *diſtinct. c. Concilia*, ubi dicitur, *Concilia Sacerdotum Eccleſiaſticæ Legibus quotannis decreta per Provincias, quia præſentiam Papa non habent, validitatem perdidit*. Quare cum Theodoricus Rex congregaſſet Synodum anno 501., ut de his, quæ contra Symmachum objiciebantur, judicaret; Pontifices, quibus allegandi imminerebat occaſio, ſuggeſſerunt, *ipſum, qui dicebatur impetitus, debuiſſe Synodum convocare: ſcienter, quia eſus Sedis primus Petri Apoſtoli meritum, vel Principatus, deinde ſecuta juſſionem Domini Conciliorum venerandorum auctoritas ei ſingularum in Eccleſiæ tradidit poteſtatem*, nec prius acquieſcerent, quàm Theodoricus denunciaſſet, *ipſum quoque Papam in colligendâ Synodo voluntatem*.

ſuam litteris demonſtraſſe, & litteræ exhibita, lectæque fuerunt. Hoc in Synodo quarta Romanâ dictâ *Palmarum*.

Quòd ſi cap. ad abolendam extra de hæreticis excommunicantur omnes illi, qui judicantur hæretici ab Eccleſiâ Romanâ, vel à Concilio Provinciali; aut Dioceſano: Ibi non eſt ſermo de dogmate, ſed de Perſonâ. Quia licet Synodi particulares non poſſint conſtituere, vel declarare dogmata fidei, omnes obligando, ita ut qui eis refragetur, per hoc ſit hæreticus, & excommunicandus (niſi forte id faciat ex commiſſione Apoſtolicæ Sedis, ut fecerunt Arauſicana II., & Toletana I. Synodi tempore S. Leonis, & Comptenſis tempore Sixti IV. Vel cum Sedis Apoſtolicæ approbatione, quomodo factum fuiſſe in Conciliis Milevitano, & Carthaginèſi, teſtatur D. Auguſt. *epiſt. 90-91. 92. 93. modo 175. 181. 176. 182.* Vel materia adeò ſit facilis, & clara, ut in eâ doctores conveniant, quomodo Concilium Antiochenum judicavit olim de hæreſi Pauli Samofateni apud Euſebium lib. 7. *hiſt. cap. 27. &c.*: Cujus judicium à Dionyſio Romano Pont., & totâ Eccleſiâ acceptatum fuit.) Poſſunt tamen judicare de Perſona, nimirum, an aliquis inciderit in hæreſim manifeſtam, ipſumque declarare excommunicatum. Ad quem finem collectum fuiſſe creditur Concilium Aquilejenſe tempore Ambroſii, ubi nil aliud definitum fuit, niſi Palladium quendam verum eſſe Arianum diſcipulum. Quòd judicium, cito non ſit prorsùs inſallibile, ſufficiat tamen ad excommunicandum.

XXXVII. Quod verò Concilium particulare, non expreſſe confirmatum, faciat argumentum adeò probabile, ut temerarium ſit ei non acquieſcere, planum eſt, tum ex citato canone ad abolendam, ubi Lucius III. declarans eos, qui judicati fuerunt hæretici à Concilio particulari, eſſe excommunicandos, indicat, ex illo non leve argumentum pro fide ſummi poſſe. Tum, quia Concilia particularia, perarò in fide falluntur (licet falli poſſint) quare ex innumeris, quæ à ſecundo ſeculo celebrata ſunt, excepto Concilio Africano ſub Cypriano in materiâ rebaptizandi hæreticos, vix ullum invenitur legitime conſtitutum, quod erraverit

in dogmate: at ex iudicio, quod raro contingit falli, potest non leve duci argumentum: Si enim aliquot Sancti Patres casu in aliquam sententiam convenientes faciunt argumentum probabile, quantum magis plures Episcopi simul convenientes, & invocato Spiritu Sancto, aliquid communi consensu statuunt? Propterea plurimi istiusmodi Concilia ut Toletana, Bracarenſia, Arelatenſia, & alia videntur ipſo uſu Eccleſiæ quodammodo probata; & Concilia ipſa OEcumenica de Conciliis Localibus honorificè locuta ſunt. Unde Synodus ſeptima aſſ. 3. in litteris ſynodicalis Theodori Patriarchæ Hieroſolymitani, *Locales* (inquit) *autem Synodos non averſamur, ſed magis amamus, amplectimur, & recipimus, earum etiam divinitus inſpiratas Canonicas conſtitutiones, correſpondentes, & utiles earum legiſlationes ſummâ obſervantiâ colimus.* Synodus etiam octava aſſ. 10. *canone 1.* Sanctiones Eccleſiæ ab Orthodoxis OEcumenicis, & Provincialibus Conciliis acceptas, ſervandas, & cuſtodien- das decernit.

XXXVIII. Dico quintò. Concilia Particularia à Romano Pontifice approbata, certum præbere poſſunt Theologo argumentum: etenim in fide, & moribus errare non poſſunt. Hanc licet aliqui, nondum declarati Hæretici, inſiciuntur, tenendum tamen ſic exiſtimo, ut oppoſitum temerarium, erroneum, & hæreſi proximum iudicem. Quod, dum de auctoritate Romani Pontificis ſequenti dubio agam, conabor oſtendere. Si ergo Summus Pontifex in decernendis iis, quæ fidem, ac mores ſpectant errare non poteſt, cerè nec Concilium, quævis exiguum, ab illo comprobatum. Secundò, ſi hæc conſuſio eſſet incerta, multorum hæreticorum damnatio incerta eſſet, atque iterùm revocari poſſet in dubium. hæreſis Pelagianorum, Præſcillianistarum, Joviniani, & aliorum, quæ à ſolis Conciliis particularibus damnatæ fuerunt. Nec enim ſolam eſt, nec fieri expedit, ut ſingulis Hæreticis condemnandis ſingula Generalia Concilia convocentur. Cum ergo Deus Eccleſiæ ſux in neceſſariis pro pexerit, nimirum de medio ad hæreſes in privatis Provinciis conſultan-

das, Concilia Provincialia ſatis erunt, & erunt modò auctoritate Summi Pontificis roborata. Hinc Præſcillianus reſtatutus fuit in Concilio Toletano primo ſirmato à Leone II.; Helvidius in Concilio Theleſi ſirmato à Siricio III.; & Pelagius in Concilio Milevitano, & Carthagenenſi confirmatus ab Innocentio I., & tandem à Zoſimo. Unde D. Proſper in Chronico: *Concilio* (inquit) *apud Carthagem habito 214. Episcoporum, ad Papam Zoſimum Synodi decreta perlata ſunt, quibus probatis, per totum Mundum barbaris Pelagiana damnata eſt.* Imò D. Augustinus lib. 2. de retract. cap. 50., eam hæreſin ſcribit fuiſſe damnatam ab Innocentio, & Zoſimo, cooperantibus Africanis Conciliis. Verba ejus ſunt: *Pelagianam Pelagiana barbari cum ſuis Auditoribus ab Episcopis Eccleſiæ Romanæ, prius Innocentio, deinde Zoſimo, cooperantibus Conciliorum Africanorum litteris conſulti, atque damnata eſt &c.* videndus S. Doctor epiſt. 190., alias 137. ad Optatum, & epiſt. 194., alias 105. ad Sixtum, quæ honorificè de Sedis Apoſtolicæ iudicio loquitur. Item lib. 2. contr. duas epiſt. Pelagian. c. 3. aperte dicit, quòd in cauſa contra Pelagium, litteris beate memoratæ Papæ Innocentii de hæc re dubitatio tota ſublata eſt, & ſerm. 2. de Verb. Apoſtoli, nunc ſerm. 131. cap. 10. *Jam enim de hæc cauſa duo Concilia miſa ſunt ad Sedem Apoſtolicam: inde etiam reſcripta venerunt. Cauſa finita eſt: utinam aliquando finiatur error.* Audiant ergo, qui ultra iudicium Romani Pontificis, aliud iudiciu poſtulant. Sed hos præſiſis alloquemur ſequenti Dubio.

6. VII.

*De Concilio Generali per Legatos
Rom. Pont. celebrato.*

XXXIX. Q Uæres primò. An Concilium per Legatos Summi Pontificis celebratum firmum, certamque habeat auctoritatem, priuſquàm accedat Romani Pontificis confirmatio?

Reſpondeo negativè. Superſeſt enim ad-

adhuc ille, pro cuius fide Christus rogavit; ille nimirum, ad quem fidei summa tandem referenda est, ut dicebam nuper. Quare nisi definitiones Conciliorum, eorum etiam, quæ per Legatos Summi Pontificis celebrata sunt, probentur, confirmanturque, ut omnino certæ, ac indubie haberi non debent. Nam Legatus Pontificis aderat Concilio Basileensi, cum in secundâ, & tertiâ sessione vehementer erratum est, ac errori ceterorum Legatus ipse consensit, ac subscripsit. Ratio autem est: quia Summus Pontifex nec transfert, nec transferre potest in Legatos suæ fidei soliditatem, quam sibi soli privativè vindicat, eod quod Christi Vicarius est, Pastor Ecclesiæ Universalis, soli enim Petro dictum fuit, dum dicitur: *Ego rogavi pro te: tu autem confirma fratres tuos*. Sicut non potest in alium transire, & alterum delegare, ut sit Christi Vicarius, Petri in fide, & Sede successor; Pastorque Universalis: ita nec, ut in fide habeat firmitatem.

XL. At dicis. Concilium per Legatos Papæ celebratum representat Ecclesiam Universalem, ut statutum est à Martino V. in fine Concilii Constantiensis; imò adit etiam per Legatos ipse Rom. Pont., qui est Ecclesiæ Caput. Quid ergo ei deest, ut habeat omnimodam firmitatem?

Ut respondeam huic instantiæ, suppono ex Mag. Cano. lib. 5. cap. 5., ex quo Bellarm. l. 2. de auct. Conc. cap. 11., Legatos aliquando mitti ad Concilium, cum instructione Sedis Apostolicæ, ut factum legimus in Concilio IV. VI., & VII.; aliquando sine instructione, ut factum est in Concilio Tridentino. Cujus ratio est, quia in præfatis prioribus Conciliis una tantum questio tractanda, & definienda erat; & ideo facile poterat Papa mentem suam, & S. Sedis suis Legatis aperire. At Tridentino tot questionibus agendaræ erant, & tam variæ, ut non posset instructio præmitti.

Suppono secundò, quatuor modis contingere posse, ut sint Concilii Generalis definitio. Primò, ut Patres definiant, dissentientibus Apostolicæ Sedis Legatis.... & hoc modo constat, Concilia

errare posse, sicut de facto errasse Concilium Ephelinum II., dum repugnantibus Sancti Leonis Legatis, definire voluit, superius vidimus.

Secundò, ut Patres definiant, consentientibus Legatis, sed contra instructionem Papæ agentibus: & hoc modo etiam Concilium potest errare, & de facto erravit Concilium Constantinopolitanum, sedente Nicolao I., cum contra Papæ instructionem egerint, ut ex epistolis ejusdem Nicolai ad omnes fideles, & ad Michaelem Imperatorem datis, quibus omnia ibi acta rescindit, eod quod Legati ipsius instructionem illis datam examinandi, & referendi tantum, decernendo exccellerint. Ratio autem est, quia non possunt dici legitima Concilia, quæ cum suo Capite pugnant, & quando consentiunt Legatis agentibus contra mandatum, tunc enim Legati non agunt ut Legati, & nomine, & auctoritate Pontificis. Idem enim Legatos mittit, non intendit dare eis auctoritatem, nisi agant secundum sibi præscriptas regulas, ut protestatur Agatho in epist. ad Imperatorem, quæ lecta fuit in sexta Synodo a. 4. *Licentiam* (inquit) *eis, sive auctoritatem dedimus.... simpliciter satisfaciendi, in quantum eis ddmtaxat injunctum est: ut nihil professio presumant augere, minuire, vel mutare; sed traditionem hujus Apostolicæ Sedis, ut à prædecessoribus Apostolicis Pontificibus instituta est, simpliciter enarrare*.

Tertiò, Concilii definitio potest fieri consentientibus Patribus, & etiam Legatis, sed qui certam instructionem de mente Sedis Apostolicæ non habuerunt, & talis definitio non habet certam auctoritatem, quousque per Summum Pontificem non fuerit approbata. In hoc ergo sensu, & casu procedit supra data responsio ob rationes ibi allatas, & insuper, quia firmitas omnimoda Concilii nascitur ex conjunctione Corporis Ecclesiæ cum Capite ipsius, quæ in casu nondum habetur; non enim Legati sciunt, quænam sit Pontificis mens. Quare Concilium Basileense sess. 2. una cum Legato, communi consensu statuit, Concilium esse supra Papam, quod certè nunc judicatur erroneum à saniori, & majori Eccle-

clisæ parte. Eò vel maxime, quia si potest errare Concilium, quando aliquid definit contra instructionem Papæ; ergo potest etiam errare, quando nulla habetur instructio, cum possit contingere, quod ejus definitio repugnet menti Pontificis.

Quare ad instantiam ab initio propositam, distinguo antecedens: Concilium &c. repræsentat Ecclesiam Universalem imperfectè, conced. antec.; perfectè, nego antecedens: repræsentat quippe corpus, sed nondum repræsentat perfectum, idest cum Capite. Et si autem adit aliquomodo Pontifex per Legatos, non tamen adest ut sententiam ferens; dùm enim mittit Legatos non instructos, mittit eos non ad nomine suo ultimè decernendum, sed solum ad referendum. Quare nisi accesserit ejus judicium, Concilium non censetur absolutum, nec perfectè repræsentans Ecclesiam Universalem.

XL'. Quod si opponas, Concilium Generale, cui Legati præsent, in Spiritu Sancto congregatum esse: insuper anathema pronunciare contrarium sentientibus, etiam ante Papæ confirmationem,

Respondéo, utique Concilium tale esse in Spiritu Sancto congregatum, non tamen constat illi adesse Spiritum Sanctum judicantem, nisi judicium corporis comprobetur à judicio capitis, cui Spiritus Sancti infallibilis adiutaria promissa est, dùm pro Petro Christus rogavit, ne fides ejus deficeret. Quare etsi major pars Concilii aliquid statuat, non erit credenda Spiritus Sancti sententia, nisi per Summum Pontificem confirmetur. Dùm verò Concilium dicit anathema, debet intelligi, si fuerit à Pontifice approbatum, vim suam habiturum; sicut quando Judex, à quo appellari potest, fert sententiam mortis in aliquem, intelligitur, illum debere mori, nisi Princeps sententiam retractet.

XLII. At dubium est, dum, quando Concilium decernit, consentientibus omnibus cum Legatis habentibus, & sequentibus Papæ instructionem.

Cui respondeo, tunc tale Concilium fore inuicibz auctoritatis, quia tunc a-

dest expressus consensus capituli, & membrorum, & consequenter totius Ecclesiæ. Dùm enim Concilium consentit cum Pontificis sententiâ, formaturque à Legatis nomine Pontificis, tunc incipit esse sententia definitiva, & ultima, non solum Concilii, sed etiam Pontificis, loquentis per suos Legatos in Concilio, neque potest illam retractare; Nam certò intelligit, sententiam suam esse à Deo, quando à Concilio approbatur: unde B. Leo epist. 63. ad Theodoretum. *Quæ (inquit) Dominus nostro prius ministerio definierat, universa fraternitatis irretractabilè firmavit assensu, ut verè à se prodire ostenderet, quod prius à primâ omnium Sede formatum, totius Christiani Orbis iudicium receperet, ut in hoc quoque Capiti membra concordent &c.* Hinc in Concilio Chalcedonensi art. 3. cum Patres iudicio S. Leonis citæ depositionem Dioscori consensissent, mox Legati ipsius Paschasius, Lucentius Episcopi, & Bonifacius Præbyter pronuntiaverunt sententiam his verbis: *Unde Sanctissimus, & Beatissimus Archiepiscopus magna, & senioris Roma Leo, per nos, & per præsentem S. Synodum, unè cum ter Beatissimo, & omni laude digno Beato Petro Apostolo, qui est petra, & crepido Catholica Ecclesia, & recta fidei fundamentum, nudavit cum Episcopatus dignitate, quin etiam, & ab omni sacerdotali alienavit ministerio.* Quod si in epist. ad S. Leonem, quæ habetur 3. p. c. 2. ejusdem, Concilium petit à S. Leone confirmationem, exprimit, se illam petere eorum, quæ dederat præter Pontificis sententiam. E contra verò S. Leo rescribens Concil. part. 3. c. 14. indicat, non fuisse opus tuâ confirmatione, in rebus Fidei à Concilio statutis, nisi quia maligni aliqui dubitabant, an verè cum ejus consensu decretum Concilii factum fuisset. Quâ ratione Pontifices confirmantur multa alia Concilia, & decreta per Legatos ex sui sententiâ facta; non quia errare potuissent, & egerent ad firmitatem suâ confirmatione, sed, ut omnibus certius constaret, quæ Legati egerant, ea verè ex mandato Pontificis egisse.

6. VIII.

De Patribus Concilii.

XLIII. **Q**UAERES secundò. An Patres Concilii verè Judices sint, an potiùs consiliarii?

Martinus Lutherus in *assert. articulorum art. 28. & 29.* Potestatem judicalem in definiendo admit, non solum à Pontifice, sed etiam à Conciliis, sed vult, solum Judicem scripturam esse, ità ut cuique liberum sit, à statuto Concilii iterum ad Scripturam accedere: *Scripturam* (inquit) *volo judicem esse Conciliorum...* Quòd si etiam dicerem *civilibus pro libidine licere Conciliis resistere, velle dicerem.* Et adducit Panormitanum dicentem: *Plus esse credendum uni privato fidei, quàm toti Concilio, aut Papæ, si meliorem auctoritatem, vel rationem habeat.* Hunc secutus est Calvinus *l. 4. inß. c. 9. §. 7. & 8.*, & hæc est doctrina Protestantium, ut evadant Conciliorum statuta contrà ipsos militantia, ac si privatus homo plùs sciret, ac melius Scripturam intelligeret, quàm tota Ecclesia in Concilio representata. Idèoque in horum sententia Patres Concilii, nec Judices sunt, nec Consiliarii saltem tuti, sed eorum inquisitio cujuscumque criterio adhuc subijci poterit. Optima sane via ad executiendum omne obedientie jus, necnon essentia licentià omnia subvertendum.

Alii verò, quos suppresso nomine refert Canus *lib. 3. cap. 5.*, sentiunt, Conciliorum auctoritatem, non in iudicandà, & finiendà causà fidei, sed in iurisdictione, & investigandà veritate sitam esse. Omnem quippe iudicii vim, ad unum Ecclesie Principem, eundemque Christi Vicarium revocant, qui fidei causæ decernendæ, eò vel plures, vel pauciores in Concilium adhibet, quòd causa, vel gravior, vel scilior est.

Contra primos ergo respondeo, concessum Episcoporum in Conciliis esse, verum, & ultimum in causis fidei iudicem, nec eorum decreta esse ulterius examinanda, sed debità obedientià illis esse parendum, & probò. Si enim *Deu-*

teron. 17., qui dubia habebant, Deo iubente, recurrere debebant ad Sacerdotes, & ad Judicem, qui fuerit illo tempore, querere ab eis, qui indicabunt iudicii veritatem, scire quodcumque dixerint, & docuerint, sequi sententiam, non declinare ad dexteram, neque ad sinistram, indicà penà mortis ei, qui noluerit obedire, ut legitur ibi *v. 9. 10. 11. & 12.* Cur non idem facere debebit Christianus? maxime, quia Christus *Matt. 23.* confirmans legem præfatam Deuteronomii *Matt. 23. v. 17.* dicit, quòd *si non audierit, dic Ecclesia; & si Ecclesiam non audierit, sit tibi velut Ethnæus, & Publicanus.* Non dicit, ut sententia Ecclesie privato iudicio examinetur, num ad normam legis pronunciata sit, ut volunt Novatores.

Rursus. Consideremus primum Concilium Apostolorum, quod cæterorum exemplum esse debet. Ibi non ex scripturis, sed ad suffragia Apostolorum questio definita fuit. Ibi Apostolorum sententia non fuit permissa examini discipulorum, sed simpliciter imperatum fuit, ut obedirent, ut *act. 15. & 16.* Ibi decretum Apostolicum fuit vera lex obligans in conscientià. Ibi sententia Concilii fuit sententia Spiritus Sancti: *Visum est Spiritui Sancto, & nobis.* Cur non idem dici debet de subsequentibus Conciliis legitime congregatis, & de questionibus in iis propositis, & definitis? cur novo examini reducendæ sunt, & à quibus? à quocumque privato, ac si privati sententia præferenda esset sententiæ Concilii, & Ecclesie, & Ecclesia in Concilio errare posset, privatus verò non posset?

XLIV. Sed inquit. Solus Paphnutius vir laicus liberè resistit, & prævaluit Concilio Nicæno Primo volenti prohibere usum uxorum Sacerdotibus; ut referunt Socrates *lib. 1. cap. 8.*, & Sozomenus *lib. 1. cap. 23.* Cur ergo idem contingere nequit?

Respondetur variè à doctoribus. Primo, incertam esse hanc narrationem ex silentio Eusebii, Athanasii, Epiphani, Rufini, & aliorum. Secundò, Paphnutius erat unus ex Episcopis in Concilio sedens, resistit ante designationem Concilii,

lii, non post eam factam. Solum optavit, ne interdiceretur usus uxorum iis, qui eas habebant, Sacerdotibus, tamen hortatus est Synodum, ut severè interdiceret Sacerdotibus, ne post sacram ordinationem uxorem ducerent. Hæc testantur Socrates, & Sozomenus: cur ergo Lutherani, & Calvinistæ exemplum Paphnutii imitent, & ejus sententiam non sequantur, dùm ipsi uxores ducunt, etsi Sacerdotes, & Monachi fuerint?

Addo, Concilium decrevisse planè oppositum ejus, quod isti ex Paphnutio reserunt. Mam. *can. 3.* statuit, ne in domibus Sacerdotum sint ullæ foeminae præter matrem, sororem, & amittam; addere debuisset uxorem, si eam Sacerdotibus permittebat. Dicendum ergo cum Epiphanio *bæsi 59.*, esse contrà canones, ut Sacerdos, aut Diaconus, aut Subdiaconus liberos gignat. Sed hoc allibi locuti sumus.

Contra fecundus verò respondeo, Episcopos in Concilio sedentes, non merè Consiliarios esse, sed Judices. Eodem enim modo ibi sedent, sicut Apostoli in Concilio Hierosolymis habito; at isti fuerunt Judices, non puri Consiliarii, *Visum est* (inquiunt) *Spiritus Sanctus, & vobis*. Sicut ergo Spiritus Sanctus consiliarius non est, ità nec fuerunt Apostoli, nec sunt Episcopi eorum successores. Hinc sententiæ Episcoporum in Conciliis non vocantur consultationes, sed decreta, statuta, sanctiones, definitiones, ut legenti Conciliorum acta constabit. Præterea, in Conciliis adhibentur etiam docti Theologi ad examinandas, & discutiendas questiones, & consiliandum; ergo si Episcopi nil aliud faciunt, pares erunt Theologi cum Episcopis in ferendâ sententiâ, quod tamen est inauditum; soli enim Episcopi sententiæ Concilii subscribunt. Rursus. Non solus Romanus Pontifex, verùm reliqui etiam Episcopi potestatem ligandi, & solvendi à Christo acceperunt; ergo in causâ fidei omnes præceptum imponant, omnesque simul sententiæ Synodalis auctores sunt; *Visum est* (inquiunt) *Spiritus Sanctus, & vobis nihil ultra imponere vobis oportet*. Non ergo solus Petrus, sed omnes Apostoli decretum Synodale formarunt.

XLV. Dices. Si ità est, nimirum quòd omnes Episcopi in Concilio sint Judices, Summus Pontifex tenebitur in ferendâ sententiâ majorem partem judicium sequi, eorumque doctrinam approbare. In omni enim recto tribunali, is qui præest plurium judicium confirmare debet. Quid ergo si major pars erraret, ut contingere potest? Consigit hoc in Concilio Ephesino II., ubi major pars errori Eutichetis subscripsit.

Respondeo negando sequelam. Est enim Præses, qui non est supremus, teneatur majoris partis sententiam approbare, non tamen Præses, qui supremus est. Is enim judicium majoris partis, si sibi videatur injustum, retractare potest, ut in comitiis al cuius Regni sæpè accidit, ubi Princeps rescindit aliquando acta, est à majori parte statuta. Cùm ergo Summus Pontifex sit in Ecclesiâ Supremus, non tenetur majoris partis sententiam amplecti. Imò si pauci, sive multi ad errorem deflexerint, munus est Apostolici Antistitis eos ad veram fidem revocare, juxta illud, quod Petro dixit Christus. *Ego rogavi pro te, ne deficiat fides tua, & tu*, non unum, aut alterum, sed sive paucos, sive multos *confirma fratres tuos*. Hinc Damasus Papa, scribens ad Episcopos per Illyricum constitutos, numerum Concilii Ariminensis magnâ libertate consensit, eique tantæ multitudini unum Vincentium, aliosque paucos opposuit, qui contrà illius Concilii sententiam dixerunt. Et S. Leo *epist. 5. ad Anatolium*, qui decretum Concilii Chalcedonensis de Ecclesiæ Constantinopolitane Primatu sexcentorum, triginta Patrum consensione firmatum jactabat. *Quasi* (inquit) *refusari nequeat, quod illicitè voluit multitudo..... nulla sibiimet de multiplicatione congregationis concilia blandiantur &c.* Videndi in hæc mater. à Turrecremata summi. de *Ecclesiis*. lib. 3. c. 63. 64., & *Canus lib. 5. c. 3. quæstio 2.*



6. I X.

Auctoritas Concilii velatæ ad Sacram Scripturam.

XLVI. **A**lia quæstio ex hæcenus discussis emergit. Si enim Concilium Summi Pontificis auctoritate firmatum Spiritu Sancto regitur in fidei causis judicandis, ejus ergo definitiones ad Sacram Scripturam pertinebunt, vel saltem pariter erunt auctoritatis cum Sacra Scriptura; hæc enim talis dicitur, quia Spiritu Sancto astante scripta est.

Respondeo, Sacræ Scripturæ majorem esse auctoritatem, quam Conciliorum etiam Generalium. Pro cuius intelligentiâ observo, multiplex esse discrimen inter Scripturam Sacram, & Conciliorum decreta.

Primum, quod Sacra Scriptura est Verbum Dei immediatè revelatum, & Deo inspirante, & quasi loquente scriptum, juxta illud 1. Petri 1. 21. *Spiritu Sancto inspirati locuti sunt sancti Dei homines, & 2. ad Timoth. 3. v. 16. Omnis Scriptura divinitus inspirata &c.*, quia Sacris Scriptoribus, vel nova quædam, & antea eis incognita revelabantur, vel Deus immediatè inspirabat ad scribenda ea, quæ viderant, vel audierant, eosque dirigebat, ne aliquomodo errarent. At Concilia non scribunt immediatas Dei loquentis revelationes, nec decreta Concilii sunt Verbum Dei: sed potius declarant, quodnam sit Verbum Dei, & ex Verbo Dei scripto, vel tradito suas conficiunt definitiones, quæ ex conformitate cum Verbo Dei suum pondus, & auctoritatem accipiunt. Ex quo formatur hic discursus: id majoris auctoritatis est, propter quod, & ratione cuius Conciliorum decreta, & Pontificum definitiones firmitatem, & auctoritatem habent, juxta Philosophicum axioma: propter quod unumquodque tale, & illud magis; sed Conciliorum decreta, & definitiones Pontificum suam firmitatem, & auctoritatem habent ex Verbo Dei, quia nimirum secundum Verbum Dei pronunciant: ergo Sacra Scriptura majoris auctoritatis est, quam decreta Conciliorum.

Tom. I.

Secundum discrimen, quod ex hoc primo oritur est, quod Scriptores Sacri non debuerunt multum laborare in suis libris edendis, sed tantum sibi revelata scribere, vel revocare in memoriam, quæ viderant, vel audierant: Concilia verò debent rem ipsam disquirere, discutere disputando, legendo, inquirendo; unde in 1. Concilio 28. 19. magnam legimus factam fuisse conquisitionem. Quare cum dixerant: *Visum est Spiritui Sancto, & nobis*, idem fuit ac dicere: *Vitum est Spiritui Sancto nostram industriam, & disquisitionem adjuvanti, & dirigenti.* Porro Scriptores Sacri soli Deo tribuant ea, quæ scribant, unde frequenter ajunt *dicit Dominus*, & de suo nihil ponunt, nisi fortè sermonem, non sensum.

Tertium discrimen est, quod in Scripturâ nullus potest esse error, sive agatur de fide, sive de moribus, sive affirmetur aliquod generale, & toti Ecclesiæ commune, sive aliquod particulare, & ad unum tantum hominem pertinens. Tam enim certum de fide est, Christum fuisse passum sub Pontio Pilato, quam neminem sine gratiâ Christi posse salvari: Cum utrumque eadem Scriptura verissimum testetur. At Concilia in judiciis particularibus, & in quæstionibus facti errare possunt.

Quartum, quod in Scripturâ nedum sententiæ, sed etiam verba omnia, & singula ad Fidem pertinent. At in Conciliis licet de fide sint definitiones, non tamen disputationes, quæ præmittuntur, aut rationes, quæ adducuntur, neque ea, quæ ad explicandum, aut illustrandum asseruntur, sed sola decreta, & hæc non omnia, sed ea tantum, quæ tanquam de fide proponuntur.

Denique, quod Scriptura non eget approbatione Pontificis, ut sit authentica, sed tantum, ut innotescat ejus auctoritas. At Concilia etiam legitima, & generalia, non sunt certæ, ac indubiæ auctoritatis, nisi sint à Pontifice confirmata, ut vidimus.

XLVII. At dices. Gratianus Divi Augustini testimonio confirmatus 19. *distin. cap. in Canonicis* Summorum Pontificum epistolæ decretales, canonicas scripturas dicit; cur ergo non etiam Conciliorum decreta? S. R. G.

Resp. negando antecedens. Nec enim Gratianus, nec D. Augustinus hoc dixere, sed solum in iudicando quoniam Scripturæ sunt canonicæ, videndum esse, quid Catholica Ecclesiæ sentiant, atque ex potissimum, quæ vel Sedes Apostolica fuerunt, vel ad quas Apostolicæ litteræ directæ fuerunt. Videatur Gratianus *cit. loco*, & Augustinus *lib. 2. de Doctr. Christ. cap. 8.* Vel si hoc Gratianum dixisse credimus, ut refert arguens; vel ex codice depravato Augustini, quod habuit ad manus Gratianus, contigisse credendum est; vel nomine Scripturæ Sacrae, & Canonice non intellexisse Gratianum Scripturam, ut à prophetâ distinguatur, in quo sensu etiam Innocentius III. *de celebrat. Missæ c. Cum Martha*, ait, Scripturam Sacram afferere, quod injuriam facit Mariæ, qui orat pro Martyre. Ubi Scripturam Sacram usurpat pro Scripturâ alicujus Sacri Doctoris; tale enim dictum in nullâ Scripturâ Divinâ reperitur. Sic cum D. Gregorius *lib. 2. epist. 24.* dixit, se venerari quatuor prima Concilia, sicut quatuor libros Evangeliorum, *ly sicut* sumendum est non secundum æqualitatem, sed similitudinem, eodem modo, quo dixit Christus *Matth. 5. vers. 48. Ego perfectus, sicut Pater Vester Cælestis perfectus est*, quia sicut Evangelia in talibus veritatis sunt, ita & Concilia, licet in inferiori gradu.

XLVIII. At instabis. Fides Catholica nihil credit, nisi quod est à Deo revelatum; sed Conciliorum decreta tenemur certa tenere secundum fidem; ergo sunt à Deo revelata; ergo sunt Scriptura Canonica.

Secundò. Secundum aliquos in Scripturis Sanctis non omnia verba sunt à Deo dictata, sed Scriptor Sacri aliqua interferit de suo, licet Spiritu Sancto ipsum dirigente, idedque Sacri Scriptor aliquando excusationem facit, si non discretè, & ornate scripsit, ut patet in auctore 2. libri Machab. c. 15. v. 39. Ergo cum similiter decreta Conciliorum fiant ab homine de suo sententiam proferente; dirigente tamen Spiritu Sancto, dici potuerunt paria cum Scripturis Canonis, & Divinis.

Respondetur ad primam instantiam di-

sting. min., tanquam novæ revelationes, nego min., tanquam explicationes eorum, quæ Apostolis revelata fuerunt, conc. min. Duplex genus definitionum considerari potest in Conciliis. Unum earum, quæ sunt Theologicae Conclusiones, quoniam vel ex duabus præmissis de fide, vel ex unâ de fide, & alterâ naturali cerò colliguntur; & istæ spectant ad fidem solum mediata, & qui eas negaverit hæreticus erit, quia ex consequenti censetur negare principium, unde inferuntur. Alterum verò earum, quæ concernunt res immediate à Deo Apostolis, Evangelistis, aut Prophetis revelatas; & istæ immediate de fide sunt, & ut tales habendæ; non quia novæ revelationes sunt, sed quia sunt explicationes eorum, quæ Deus jam revelaverat, licet non adeò elarè; nec quia Ecclesiæ sic definivit; sed quia Deus illas dixit.

Ad secundam instantiam dico, in illâ opinione adhuc esse dispiritatem inter definitiones Conciliorum, & Sacros Scriptores, quod Sacris Scripturis, dum facta historica narrabant, eadè verba, & elocutionem Deus immediate non dictaret, tamen eis sic adhibebat, eosque ita regebat, ut nil erroris, ac mendacii vel in minimo committere possent; at in Conciliis, cùm Deus adhiat in rebus fidei decernendis, & in hoc error contingere non possit, in factis tamen, in rationibus, quæ ibi adducuntur, Deus non adhiat, idedque error accidere potest. Unico verbo. In Scripturis Sanctis, vel omnia verba sunt à Deo Sacro Scriptori dictata, vel omnia Spiritu Sancto suggerente, ac mentem dirigente à Sacro Scriptore conscripta. Non ita in Conciliis.

XLIX. Inquires, Cùm supra diximus, definitiones Conciliorum habere Spiritus Sancti adhiatentiam, suppositâ tamen humanâ diligentia, ac disquisitione, quis nos certos reddit, à Concilio, aut Summo Pontifice adhibitam fuisse omnium necessariam diligentiam?

Respondo. Ille idem, qui promissit, Ecclesiæ, Conciliis, & Petro semper adfuturum, ne in fidei negotio errarent, promissit etiam, se non deserturum, quin

in tali negotio omnis necessaria diligentia adhiberetur. Quemadmodum enim, si Christus dixisset Petro: ergo rogavi pro te, ne deficiat caritas tua, ceritè certius intelligeretur promissum, aut ei impetrasse diligentiam, curam, vigilias, preces, ceteraque auxilia opportuna, quæ ad caritatem conservandam sunt necessaria: ita, cum dixit: ego rogavi pro te, ne deficiat fides tua, procul dubio intelligimus, id eum à Patre suo consecutum, ut quæ ad rectum fidei iudicium opererent, ea adessent Petro omnia, quæ sive à Deo, sive ab homine expectarentur: sicut si Deus in sequentiæ annum frugum abundantiam polliceretur, statim intelligeremus, homines, ut oportet, semina terræ mandaturos. Vide Cæsum lib. 5. cap. 5.

DUBIUM VI.

De Loco ab Auctoritate Summi Pontificis.

§. I.

Aliqua præstantur.

Locum ab Auctoritate Ecclesiæ, & Conciliorum præmissimus. Nunc locum ab Auctoritate Summi Pontificis, in quem auctoritas Ecclesiæ, & Conciliorum, sicut corporis in suum caput resolvitur, & à quo accipit firmitatem, expendere aggredimur. Neque hæc int. n. omnes advocare omnes questiones, quæ de Summo Pontifice agitari solent, de quibus egimus de *Verâ Ecclesiâ* tom. 2. part. 1. artic. 2. & in *colloquiis Theologicis* Dignat. Class. 2. Colloquio 1. *Græ.* & si Deus d. d. rit. specialem tractatum completum. Supponimus hæc, dari, & existere in Ecclesiâ Summum Pontificem, qui Christi vices gerat in Terrâ in gubernio totius Catholice Ecclesiæ, qui sit in auctoritate, sicut in Episcopatu D. Petri successor, & hunc esse Episcopum Romanum. De ejus auctoritate in fidei causis finiendis seorsim à Conciliis, & præviæ ad consensum Ecclesiæ, esto non pro dignitate materiz, & quod plures præstantissimi Theo-

logi peccerunt) saltem pro sufficienti tyronum instructione, ut sciant, quale ex ejus auctoritate trahere possint argumentum, diderimus.

Hic nobis erit concertatio non solum contra Lutheranos, Calvinistas, aliosque, qui Pontificum Romanorum decreta, constitutiones, definitiones nihili faciunt, imò probris, ac dideris infestantur, Primum Episcopi Romani in Catholica Ecclesiâ audacter negantes, sed etiam, cum aliquibus, qui se Catholicos profitentur, Primum Romani Pontificis venerantur, auctoritatem ipsius summi faciendam prædicant; sed cum ad infallibilitatem in judicandis etiam rebus fidei venit, claudicant dicentes, esse, quidem infallibilem, sed accedente consensu Ecclesiæ. Cui opinioni, ne dixerim errori, quidam adeo inhæserunt, ut cum ad hanc infallibilitatem Pontificis præviæ ad Ecclesiæ consensum aliquando ventum fuit, ausi sint, vocare hanc Apostolicam infallibilitatem, chimeram infallibilitatis, Potestatis Apostolicæ falsam, prærogativam, illius propugnatores Monachos, Emissarios Curie Romanæ, Monasticam cabalam &c.: ut videre est apud Matthiam à Coronâ tract. 2. de *potest. spirituali* Græ. c. 16.

Ceteri verò Theologi sanioris consilii, non adulandi animo, sed veritatis amore, sustinent, auctoritatem Romani Pontificis esse infallibilem, dum definit circa res fidei, & dum, ut Pastor Ecclesiæ universalem ex Cathedra docet, etiam extra Concilium, nullique expedito Ecclesiæ consensu, quibus subscribimus.

§. II.

Romani Pontificis infallibilitas asseritur.

Dico. Romanus Pontifex, dum per Bullas totius Ecclesiæ aliquid fidei divinæ credendum proponit, est ex se infallibilis, præviæ ad Ecclesiæ consensum. Igitur in Romano Pontifice separo personam à dignitate Vicarii Christi, successoris Divi Petri in Cathedra Apostolica; & Pastoris universalis Ecclesiæ, Ut

Persona, homo est, sicut ceteri, fallibilis. Ut verò Christi vices gerens est, ex Cathedrâ loquens, tanquam Pastor, & doctor totî Ecclesiae aliquid, ut credendum proponit: assero infallibilem in iudicando, nec aliud iudicium esse expectandum. In hac assertionem probandum. dicam primò, quod ait Christus Joannis 3. Judæis, qui sua oracula contemnebant v. 30. *Sicut audio, iudico, & iudicium meum iustum est*: deinde v. 39. ipsos remisit ad Scripturas scrutamini Scripturas. Sic Apostolica Romana Sedes iudicii sui infallibilitatem detrectantibus respondere potest: non à me iudico, sed sicut audio à Spiritu Sancto huic Cathedræ promisso, in illo, & iudicium meum iustum est; quod si non vultis credere, scrutamini Scripturas.

III. Sic igitur discurre. Quod à Christo fuit Divo Petro concessum in ordine ad regimen Ecclesiae, credendum est continuari in eo, qui illi in eodem regimine, & in eadem Cathedrâ succedit: sed qui in regimine universalis Ecclesiae Petro, sicut, & in Cathedrâ succedit, est Romanus Pontifex, ut modò suppono; ergo in hoc continuatur, quod pro Ecclesiae regimine fuit Petro concessum. Atque Petro fuit à Christo collata infallibilitas in iudicandis quaestionibus fidei; ergo hæc perseverat in ejus Successoribus. Maj. videtur certa, nam est Privilegium Personale corrumpi extinctâ Personâ, cui concessum est, Privilegium tamen reale concessum Personæ, non ratione Personæ, sed ratione officii, continuatur in omnibus in eodem officio illi succedentibus.

Tota difficultas est in minori sublimitate, quam primò ostendo, ex illo Matth. 16. v. 18. ubi Petro, qui ipsum confessus fuerat Filium Dei vivi, Christus in præmium talis confessionis dixit, se ipsum destinasse, ut sit Petra, supra quam ipse ædificaturus esset Ecclesiam suam, contrâ quâ portæ Inferi non forrent prævalituræ: Et ego dico tibi, quia tu es Petrus, & super hanc Petram aedificabo Ecclesiam meam: & porta Inferi non prævalent adversus eam. Neque hic in Petro alloquitur totam Ecclesiam: quod indicant illa verba, ego

dico tibi, nimirum, qui me confessus es. Insupr statuit Christus, Petrum fore Petram, super quam ædificaturus erat Ecclesiam. Petra autem illa non est Ecclesia; nam si Petra esset Ecclesia, Christus ædificasset Ecclesiam super Ecclesiam. Petrus ergo fuit Petra, & Fundamentum Ecclesiae perpetuò mansit, atque ita firmæ, ut inscutorum impetus non essent prævaliuri contrâ eam. Ergo hoc modo loquendi Petro promissit stabilitatem, firmitatem in doctrinâ, & iudicio inconcusam, immobilem, quæ ex ipso derivaret in Ecclesiam, cùm firmitas fundamenti inibat firmitatem in ædificum, non è contrâ.

Secundò, eadem minor probatur ex verbis Christi Luca 22. v. 32. Ego autem rogavi pro te (Petro) ut non deficiat fides tua: & in aliquando conversus confirma fratres tuos. Hic Christus rogavit pro Petri indefectibilitate in fide, eique commisit officium confirmandi fratres suos: quæ verba ad Petrum, non ad Ecclesiam referenda sunt; Ecclesia enim non habet fratres, sed filios. Vel ergo Oratio Christi inanis fuit, & vacua, si Petro non impetravit indefectibilitatem in fide, & in câ confirmandis fratribus: quod nullus dixerit: vel Petrus, & consequenter ejus Successores in Officio, indefectibiles in fide sunt. Audiendus hic est Janenius Yprensis in Tetratæcho super hunc locum. Ego autem rogavi pro te, peculiariter tanquam pro capite cæterorum, per quem reliquos ad salutem adducere decrevi: ut non deficiat, id est non penitus eradicetur, & extinguatur fides tua. Nam quamvis erubescas, & contemendus esset usque ad negationem Christi, quam ore fecit, fides tamen internam, quâ ad iustitiam corde creditur, non amisit: sicut arbor folia vi tempestatis abijcit, non tamen vitam in radice permanentem, ut sentit Ambrosius in vers. 12. psalm. 43., & explicat Theophylact. Et hoc quidem personale fuit Petri privilegium, de quo August. lib. de corrupt. & gratiâ cap. 8. Quando, inquit, rogavit, ne fides ejus decederet, quid aliud rogavit, nisi ut haberet in fide liberissimam, fortissimam, invictissimam, perseverantissimam voluntatem? Sed, quia confirmare fratres, quod

quod sequitur, ad Officium Pastoris pertinere, & praeinde perpetuum esse debet, hinc juxta sensum antiquorum imperavit ei, & aliud privilegium, ad Successores propagandum, ut videlicet tanquam Caput Ecclesiae nunquam nec ipse, nec Successores ejus in docendâ verâ fide descerent.

Idem probatur ex verbis Christi Joann. 21. d. v. 15, ubi eum Petrum ter interrogasset, an plus cæteris cum diligeret; semel atque iterum dixit ei: *Pasce agnos meos*; tertio autem: *Pasce oves meas*. Ubi ait Janfenius præfatus: Vel per agnos his repetitis significantur duo populi, Judaicus, & Gentilis: per oves verò Episcopi, & Pastores tanquam matres agnorum. Vel commodius Agni primo loco significantur simplices fideles; Agni secundo loco (vel Ovicularæ, ut legitur in Græco) Presbyterus velut minores Pastores: Oves verò Episcopi. Si ergo Petrus datur Pastor agnorum, ovicularum, ovium, idest fidelium simplicium, Presbyterorum, & Episcoporum; ergo omnes debet regere, omnes ab eo doceri debent fideles, Presbyteri, & Episcopi. Quis enim dicat, Pastorem doceri, vel ab agnis, vel ab oviculis, vel ab ovibus, aut expectandum totius gregis votum, ut judicium Pastoris firmum, ratumque habeatur? Hoc autem officium, cum sit ordinarium, ac tamdiu necessarium, quandiu erit ovile, profecto iisdem istis verbis eandem potestatem omnibus Petri legitimè Successoribus tribuit. Ità claudit Janfenius.

IV. Hæc potestate definiendi, & docendi, & interpretandi Scripturas, easque proponendi toti Ecclesiae primò usus est Petrus act. 1. v. 15, ubi legitur, & exurgens Petrus, tanquam Princeps Apostolorum, tanquam Universalis Pastor gregis dominici sibi concediti. *Quam esset servidus? Quam agnosceret creditum à Christo gregem? Quam in hoc choro Princeps esset? & ubique primus omnium incipit loqui?* ait Chrysostr. hom. 3. in act. Deinde v. 16. *Viri fratres* (inquit) oportet impleri Scripturam, quam prædixit Spiritus Sanctus per os David de Juda &c.: ubi dictum Scripturæ interpretatur de Juda. Tandem communibus suffragiis duo fuerunt statuti, Barsabas, & Matthias,

datisque sortibus, Matthias in locum Judæ successus est; ut legitur vers. 23. 24. 25. 26. Ubi observo, quod licet in electione personæ Petrus vota singulorum requisivit, etsi (ut ait Chrysostronus laudato loco) solus ipse posset eligere, tamen in definiendo negotio, in Scripturâ interpretandâ, nullius expectit votum nulum requirit consensum. *Oportet* (inquit) *impleri Scripturam &c. Oportet ex his viris &c. Fieri unum ex istis &c.* Quod iterum præstat D. Petrus act. 15. v. 7, ubi dicitur: *Surgens Petrus dixit ad eos: Viri fratres, vos scitis, quoniam ab antiquis diebus Deus in nobis elegit, per eo neminem audire sententiam verbum Evangelii, & credere &c.* Petrum ergo (observat Canus lib. 6. cap. 3.) peculiariter inter cæteros elegit Christus, ut eum gentes in fidei controversiâ non audirent solum loquentem, sed etiam eederent. Ità enim cum Petrus sententiam edixisset, tacuit omnis multitudo, Petro definiti consentiens, ut aliorum 15.

Quid si audire oportebat Petrum loquentem Evangelium, & credere; cur non oportebit audire Petri successorem, dum Evangelium, & fidem loquitur Ecclesiae, quæ ex gentibus collecta est, & nullo alio expectato eidem credere? Si Petro succeditur in Primatu, ut adversarii Catholici fateantur, cur non succeditur in infallibilitate judicii, eum hoc Primatus dos, & prærogativa sit, quam Christus Petro, ut Capiti Ecclesiae, impetravit in bonum fratrum, idest Ecclesiae, non Personæ, ut supra vidimus? Si Petri infallibilitas ad posterum non est translata, nec æteritorem quidem Apostolorum potestatem, & firmitatem ad succedentes Episcopos transmissam agnosceremus; Ità nunc in Ecclesiâ, nec in Sacerdotibus; & Episcopis collectim, ulli infallibilitas erit; sique omni vultu doctrinæ circumferetur.

V. Sane hujus rei exemplum nobis exhibet Synagoga ipsa Exodi 18., in qua statutum erat, ut minores quidem causæ à Judicibus inferioribus terminarentur; at graviores, & maxime pertinentes ad Deum, ad Judicem Superiorem referrentur. Cum enim Jethro Moysen observasset levioribus causis judicandis animam,

fati-

fatigati v. 19. *audi* (inquit) *verba mea, atque confilia, & erit Deus tecum.* Eft tu populo in his, qua ad Deum pertinent, ut referas, qua dicuntur ad eum, ostendisque populo ceremonias, & ritum colendi, volumque, per quam ingredi debeant, & opus, quod facere debeant. Proinde autem de omni plebe viros potentes, & timentes Deum, in quibus sit veritas... qui iudicent populum omni tempore, quidquid autem majus fuerit, referant ad te &c. Quibus auditis, Moyses fecit omnia, quæ Jethro suggererat. Quæ Moyses instituerat, apud Hebræos perdurarunt. Hic respicit illud Deuteronom. 17. ubi præcipitur, si quid ambiguum fuerit &c. ascendens esse Sacerdotes, & Judices, & faciendum quidquid ipse dixerint, & qui superbiunt nolens obedire mandato Sacerdotis, qui pro eo tempore ministraverit Domino, morte moreretur. Hæc fuit forma apud Synagagam, ut omnes causæ graviore, & maxime legem fufciantes ad unum Supremum Judicem Sacerdotum decernerentur, cujus iudicio standum erat sub mortis pena. Quem Judicem in suis iudiciis indefectibilem fuisse, comprobatur exemplo Cayphæ, qui etiam impius, protulit tamen sententiam contra votum Concilii, quæ vera fuit; & hoc, quia cum esset Pontifex, non à semetipso, sed spiritu prophetico locutus fuit. Si ergo hoc in Synagoga provifum fuit, ut omnes referrentur ad unum Supremum, qui non à feipfo sententiam, sed Spiritu Divino affante sententiam proferebat, cujus sententia standum erat: cur credemus, minori providentiâ cautum esse à Christo in Ecclesiâ suâ, ut esset unus Supremus, ad quem omnes fidei causæ ultimo decernerentur, cujusque iudicio ab omnibus standum sit, cum non minus sit necessarium? audiatur igitur D. Bernardinus ep. 188. scriptâ ad Episcopos, & Cardinales, qui sunt in Curia Romanâ, ostendens, ad ipsos pertinere, errores Petri Abailardi suffocare. *Sic enim* (inquit) *præcepit Moyses cum montem subisset* (Exod. 24. v. 24.) *Habets inquit Aaron, & Hur vocabulum: si quid natum fuerit quæstionis, referetis ad ipsos... & quoniam, pro Hur, & Aaron fiat zelus, & aucto-*

ritas Romana Ecclesia super populum Dei; ad ipsam meritò referimus, non quodlibet, sed lafonem fidei, & injuriæ Christi: Patrum proba, atque contentius præsentium scandala, pericula posterorum.

VI. Quid si dixeris, ex typo, & figurâ non sumi idoneum argumentum, & memineris, omnia, quæ in veteri delineata reperies, ad speciem Ecclesiæ, cujus Synagoga fuit continua figura, referenda esse. Cæterum dico, nuperrime non fuisse nos argumentatos ex typo, aut figurâ, sed à minori ad majus. Incredibile enim est, Synagogam componendis de fide, lege, & religione contraversis: unum Judicem à Deo auctore habuisse, quæ tamen minori pretio haberetur, atque in unâ tantâ gente restringebatur; & Ecclesiâ majoris dignitatis, quæque ex tam variis nationibus, linguis, ingeniis, & institutis coalescit, talem Judicem. ad quem contraversas deferat, cujusque iudicium sequi teneatur, non habere.

Nec dicas, habere Concilia. Nam ista non ita facili convocari possunt, obfistentibus sæpe Principibus, bellis, aliisque incommodis, quæ non nisi morâ temporis superari vix possunt. Præterea, ut supra ostendimus, Concilia, nisi sint Summi Pontificis iudicio comprobata, nullam in rebus fidei firmitatem habent. Insuper Christus Ecclesiâ voluit monarchicè regi. Eam unus ipse fundavit, super unum, idest supra Petrum, ædificavit, uni, idest Petro dixit, ut confirmaret fratres suos, uni, ut pasceret oves suas, & agnos; cur ergo eam ad Aristocratiæ trahere conantur?

VII. Inquires primò contra dicta. Sicut Petro dicitur, *super te ædificabo Ecclesiâ*, ita idem de aliis Apostolis dictum est, *Epof. 2. v. 30.* Fideles dicuntur *superædificati super fundamentum Apostolorum, & Prophetarum. Apoc. 21. v. 12.* Idem dicuntur *fundamenta duodecim sunt nomina Apostolorum.* Imò ipsa Ecclesiâ, 2. ad Timoth. 3. v. 15. vocatur *Columna, & Firmamentum veritatis.* Item Apostolis, & Episcopis dicitur *Act. 20. v. 28.* *Vos Spiritus Sanctus posuit Episcopos regere Ecclesiâ Dei.*

Se-

Secundò, dùm Christus Petrum allocuebatur, restat ostendere, Christum allocutum fuisse solum Petrum, & non potius in Petro totam Ecclesiam, cujus Personam gerebat Petrus, & consequenter infallibilitatem in iudicando immediatè esse in Ecclesià, mediatè verò in Summo Pontifice. Vid. D. Aug. ser. 85. aliàs 53. de Verb. Dom.

Respondeo ad primam instantiam, aliter dici fundamentum ædificii Ecclesiastici Petrum, aliter Apostolos ceteros. Hi enim sunt fundamentum ratione doctrinæ, & prædicationis. Petrus autem est fundamentum nedùm ratione doctrinæ, quam sicut ceteri prædicavit, sed ratione jurisdictionis ordinariæ, quam loco Christi lapidis angularis, & fundamenti primarii, exercet in Ecclesià, eam gubernando, & in doctrinà Apostolorum, & Prophetarum fratres continendo, & confirmando. Et quidem, si non obstante, quòd ceteri Apostoli fundamenta vocentur non minùs, ac Petrus, adhuc subsistit in Petro singularis prærogativa Primatus, non solum ordinis, sed jurisdictionis, ut auctores Catholici, cum quibus hic agimus, admittunt; cur non subsistet etiam specialis prerogativa infallibilitatis? Ecclesia dicitur columna, & firmamentum veritatis. Fateor. Sed qui, insurgente in eà aliquo errore contra fidem, eam continet in veritate, Petrus est, & qui Petro succedit. Item Spiritus Sanctus posuit Apostolos regere Ecclesiam Dei: non singulis tribuendo auctoritatem Supremi Capituli in Ecclesia Universalem, aliàs rueret in Petro dignitas Supremi Capituli, & Pastoris, quàm adversarii supponunt sed singulos posuit regere Ecclesias particulas, quas ut Episcopi fundabant; vel si sermo sit de totà Ecclesià: posuit eos regere auctoritate extraordinarià, quam singuli ut Apostoli habebant ad effundendum Evangelium per Orbem universum, non ad eam gubernandam tanquam Caput jurisdictionis. Audiendus est Cyprianus lib. de unit. Eccl. super illud unum ædificat Ecclesiam suam, & illi pascendas mandat over suar; & quomodo Apostolis omnibus post resurrectionem suam parem potestatem tribuat, & dicat: sicut misit me Pater, & ego mitto vos,

accipite Spiritum Sanctum: si cui remiseritis peccata remittuntur illi: si cui tenueritis, tenebuntur; tamen, ut unitatem manifestaret, unam Cathedram constituit, & unitatis ejusmodi originem ab uno incipientem suà auctoritate disposuit. Hoc erant utique & ceteri Apostoli, quod fuit Petrus, pari consortio præditi, & honoris, & potestatis, sed exordium ab unitate proficiscitur. Primatus Petro datur, ut una Christi Ecclesia, & Cathedra una monstretur; & Pastores sunt omnes, sed grex unus ostenditur, qui ab Apostolicè omnibus unanimi consensione pascitur. Audiendus etiam est D. Hieronymus lib. 2. advers. Jovin. At dicit (inquit) super Petrum fundatur Ecclesia, licet idipsum, in alio loco super Apostolos omnes fiat, & cuncti Claves Regni Cælorum accipiant; & ex aqno super eos Ecclesia fortitudo solidetur; tamen propterea inter duodecim, unus eligitur: ut Capite constituto, sequebatur tollatur occasio. Testibus ergo istis Patribus apparet differentia inter Petrum & ceteros Apostolos. Quamvis argumentum ex Apostolis nec contrariis faveat, nam si Episcopos cum Apostolis compareremus, eùm isti infallibiles essent in docendo, nedùm simul congregati, sed etiam sigillatim sumti, dicere tenerentur, non solum Episcopos conciliariter congregatos esse infallibiles, sed unumquemque illorum. Dicendum igitur est, infallibilitatem in multitudine ab unitate proficisci, ut statuit Christus; non autem infallibilitatem in uno originem trahere à multitudine.

Ad secundam instantiam, dato, quod supponit arguens, & videtur esse mens D. August. loco citato: dist. antec. i. cuius Personam gerebat tanquam Caput, quod designabatur ad eam regendam, conc. anteced. aliter nego. Erat ergo tunc Petrus gerens Personam Ecclesiæ, vel significans Ecclesiam, sive Populum Christianum, ut dicit D. August. loco citato; sed in Petro significabatur etiam unitas Ecclesiæ; unde D. Augustinus ibi unus (inquit) pro multis dedit responsum, unitas in multis; & infra, Petrus (inquit) Ecclesia signum portans, Apostolatus Principatum tenens &c. Ergo Petrus significabat Ecclesiam, sicut Rex

gc.

gerit figuram Regni, quod regit, sicut Princeps ditionis sibi commissæ, sicut nunc, ad quem multitudo debet referri. Cùm ergo causæ Regni, ditionis, Populi, multitudinis debeant referri ultimæ, non ad multitudinem, sed ad unitatem, non ad Comitæ, sed ad Regem, ad Principem, cujus iudicio standum sit; ideo causæ fidei, ad Petrum, ejusque Successores ultimæ referendæ sunt. Unde Sanctus Augustinus *Dub. præd. 6 §. relatus serm. 131. cap. 10.*, alias *serm. 2. de Verb. Apost.* de causâ Pelagii agens: *Jam enim [inquit] de hac causa duo Concilia missa sunt ad Sedem Apostolicam; inde et am et scripta venerunt. Causa finita est. Si hinc causa est ex scripto Sedis A.* hoc est; ergo ejus iudicium infalibile est. Recolatur jam dicta supra de Auctoritat. Summi Pontificis confirmandi Concilia etiam Oecumenica. Nam si Romæ acceptatione infalibilitatem à Conciliis, & acceptatione Ecclesiæ, acta Concilii non debeant confirmari à Pontifice, sed potius divisiones Pontificis deberent à Concilio confirmari.

Superfeditio à referendis auctoritatibus PP., Pontificum, Conciliorum, in infalibilitatem Summi Pontificis conspirantium; has enim studiosus adire poterit apud Doctores, & nos earum multas referemus, agens de Summi Pontificis Primatu.

VIII. Omnia hæcenus dicta paucis comprehendit D. Thom. 2. 2. qu. 1. ar. 10. in corp. his verbis: *Ad illius ergo auctoritatem pertinet editio symboli, ad cuius auctoritatem pertinet finaliter determinare ea, quæ sunt pæci, ut ab omnibus inconcussâ fide teneantur. Hoc autem pertinet ad auctoritatem Summi Pontificis, ad quem majores, & diffinitores Ecclesia quæstiones referuntur, ut dicitur in decretalibus extra de Baptismo c. Majores. Unde & Dominus, Luca 22., Petro dixit, quem Summum Pontificem constituit: Ego pro te rogavi, Petre, ut non deficiat fides tua, & tu aliquando conversus confirma fratres tuos. Et hujus ratio est, quia una fides debet esse totius Ecclesiæ, secundum illud, 1. Cor. 1. Idipsum dicatis omnes, & non sint in vobis schismata. Quod servari non posses, nisi qua-*

fide fidei exorta determinetur per eum, quæ toti Ecclesiæ præstet, ut sit ejus sententia, à totâ Ecclesiâ firmiter teneatur. Et ideo ad solam auctoritatem Summi Pontificis pertinet nova editio symboli, sicut & omnia alia, quæ pertinent ad totam Ecclesiam, ut congregare Synodum generalem, & alia hujusmodi.

Et ibidem ad secundum argumentum, quo intendebat probare, non esse sub alicujus hominis potestate novam symboli editionem condere, quia in Synodo Ephesinâ p. 2. ar. 6. in decr. de fide, nova editio symboli interdicitur sub anathemate, quod reiteratur in Synodo Chalcedonenâ part. 2. ar. 3. sub fine. Respondet: dicendum, quod prohibitio, & sententia Synodi se extendit ad privatas Personas, quarum non est determinare de fide. Non enim per hujusmodi sententiam Synodi Generalis ablata est potestas sequenti Synodo, novam editionem symboli facere, non quidem aliam fidem continentem, sed eandem magis expositam. Sic enim qualiter Synodus objurgavit, ut sequens Synodus aliquid exponeret supra id, quod præcedens Synodus exposuerat, propter necessitatem alicujus hæresis insurgentis, Unde pertinet ad Summum Pontificem, cujus auctoritate Synodus congregatur, & ejus sententiâ confirmatur. Hæc D. Thomas. Videndi Porrecla, & Cajetanus super hunc articulum, & insuper Commentatores. Videndus quoque D. Thomas qu. 10. de pot. artic. 4. ad 13., ubi ostendit, particulam sitioque jussu additam fuisse symbolo, quia id factum auctoritate Ecclesiæ, & maxime Romani Pontificis, cujus auctoritas sola sufficit; nec est necessarium, Universale Concilium ad symboli expositionem faciendam convocare.

IX. Tandem ex antiquâ Ecclesiæ praxi constat, prout doctrinæ, ut hæreses facile declaratas, & damnatas à solo Summo Pontifice, nullo cuncto Generali Concilio, & tanquam hæreses à totâ Ecclesiâ fuisse habitas. Quodnam enim Concilium Generale Pelagianos damnavit, ut pro Hæreticis haberentur? Quodnam? condemnavit Novatianos, qui jam tempore Cypriani inter hæreticos censentur? Concilium Nizænum omnium Oecumeni-

menicorum primum 125. annis præcesserunt Appellitæ, Valentiniiani, & Marcionitæ, qui ab Ecclesiâ, ut hæretici habiti sunt; quodnam quæso Generale Concilium celebratum fuit, ut tanquam hæretici à totâ Ecclesiâ haberentur? Romanus Pontifex sine Concilio Generali hæreses Præscilliani, Joviniani, Vigilantii damnavit, & ut hæreticos Catholicâ Ecclesiâ statim rejecit. Si ergo priorum, seculorum hæreses solus Romanus Pontifex judicavit, ejusque judicio tanquam infallibili tota Ecclesiâ absque ullâ cunctatione paruit: Cur non modo? audiat quàm magnificè de Cælestino Romano Pontifice loquatur Sanct. Prosper lib. contr. Cellatorem cap. 17. Unde, & venerabilis memoria Pontifex Cælestinus, cui ad Catholica Ecclesiâ præsidium multa Dominus gratia sua dona elargitus esset, sciens, damnatis non examen judicii, sed solum penitentia remedium esse præstandum; Cælestium, quasi non discusso negotio, audientiam posulantem, totius Italia finibus jussit extrudi; adde, & Præcessorum suorum statuta, & decreta Synodalia inviolabiliter servanda censebat, ut quod semel meruerat abscondi, nequaquam amitteret retrahari. Nec verò se-gniori curâ ab hoc eodem morbo Britannias liberavit, quando quosdam inimicos gratia, solum sua originis occupantes, etiam ab illo secreto exclusit Oceani, & ordinato Scoticis Episcopo (scilicet Palladio) dñm Romanam insulam fludet servare Catholicam, fecit etiam Barbaram Christianam. Per hunc virum etiam Orientales Ecclesiâ geminâ peste purgatæ sunt, quando Cirillo Alexandrina Urbis Antistiti, gloriosissimo Fidei Catholica Defensori, ad exsecrandam Nestorianam impietatem, Apostolicâ auxilium est gladio; quo etiam Pelagiani, dñm cognitis confederantur erroribus, iterùm prosternerentur &c. Ecce igitur Cælestinum Romanum Pontificem prosperentem eos, qui damnati ab Apostolicâ Sede petebant, causam ab ipso judicatam iterùm in examen vocari, & hoc sequendo Præcessorum suorum statuta, & rursus damnantem hæreses etiam in Orientali Ecclesiâ. Et infra: cùm Pelagiana hæresis subdole adhuc pollulare tentaret, ait: Quod

Tom. I.

ne hypochritarum obtineatur infideliis, confidimus, Domini protectione præstandum, ut, quod operatus est in Innocentio, Zelimo, Bonifacio, Cælestino, operetur in Xisto, & in custodia Domini gregis, hæc sit pars gloria huic reservata Passori, ut, sicut illi lupos abegere manifestos, ita hic depellat occultos. Vides, qualis esset quarto seculo Ecclesiæ consuetudo? à Romanis Pontificibus judicio irretractabili hæreses damnabantur.

Merito igitur Conventus Episcoporum Gallia factus Parisiis 15. Julii anno 1653. in epistolâ (quam refert Dominicus à SS. Trinitate. Biblioth. Theol. art. 3. sect. 4. c. 16.) Innocentium X. sic as-satur. Hujus doctrina lucem..... pri-sino decori restituit, juxta veterem fideli regulam..... Prolatum à sanctitate ve-strâ, posulantibus quampluribus Gallia-rum Episcopis, decretum, de quo in ne-gotio illud observatione dignum accidit, ut quemadmodum ad Episcoporum Africa relationem, Innocentius 1. Pelagianam hæresim damnavit olim, sic ad Gallica-norum Episcoporum consultationem, hære-sim ex adverso Pelagiana oppositam Inno-centius X. auctoritate sua proscripserit. Enim verò vetusta illius atatis Ecclesiæ Catholica, Cathedra Petri communione, & auctoritate fulta, qua in decretali epistolâ Innocentii ad Africanos datâ elu-cebat, quamque dein Zozimi altera ad Universos Orbis Episcopos subsecuta est, Pelagiana hæresis damnationi absque cun-ctatione subscripsit. Perspectum enim ha-bebat, non solum ex Christi Domini pol-lcitatione Petro facta, sed etiam ex al-lis priorum Pontificum, & ex anathema-tismis adversus Apollinarium, & Ma-cedonium, nondum ab ullâ Synodo OE-cumenicâ damnatos, à Damaso paulò an-tea jactis, judicia pro sancienda regula-fidei à Summis Pontificibus lata, super Episcoporum consultatione (sive suam in al-lis relationis sententiam ponant, sive omittant, pro ut illis collibuerit) divi-nâ aequè, ac summâ per universam Eccle-siam auctoritate niti; cui Christiani om-nes ex officio ipsius quoque mentis obse-quia præstare teneantur. Ex not quoque sententiâ, ac fide imbuti, Romana Eccle-sia præsentem, qua in Summo Pontifice

In.

T

Innocentio X. viget, auctoritatem debita observantia colentes, Constitutionem divini numinis instinctu à Beatitudine vestra conditam, nobisque traditam ab Illustissimo Athenarum Archiepiscopo. Nuncio Apostolice, promulgandam curabimus in Ecclesiis, ac Diocesis nostris, atque illius executionem apud fideles populos urgebimus. Hæc Gallicani Episcopi: quæ sigillatim ponderanda sunt.

Comparant ergo primò Innocentium X. Innocentio I., ajuntque, quòd sicut ad relationem Africanæ Ecclesiæ Episcoporum Innocentius I. hæresim Pelagianam auctoritate Apostolica damnavit; ità Innocentius X., postulantis compluribus Galliarum Episcopis, hæresim oppositam, scilicet Jansenianam, auctoritate suâ proseripxit.

Secundò ajunt, utrique Innocentio Africanos respectivè, & Gallicanos paruisse, memores à vetustà ætate, idest semper, hoc Privilegium Romanam Sedem habuisse, ut suâ auctoritate, nullo exceptato Concilio OEcumenico, hæreses proligaret, ejusque judicio mens omnium captivaretur fidelium: & hoc perspectum haberi, non solum ex pollicitatione sacrà Petro à Christo Luca 22. Ego rogavi pro te &c. confirma fratres tuos &c.: sed etiam, quia priores Pontifices, nullo prævio OEcumenico Concilio, suâ auctoritate hæreticos damnarunt, ut Damasus Apollinarium, & Macedonium.

Tertiò fatentur, judicium Summi Pontificis esse indeclinabile, quia divinâ æque, ac summâ per universam Ecclesiam auctoritate nititur.

Quartò asserunt, ejus auctoritati Christianus omnes ex officio ipsius quoque mentis obsequia præstare teneri. Quare Clerus Gallicanus non petit, Jansenianam propositiones auctoritate Concilii Generalis iterùm examinari, & eundemari, sed ex quo Pontifici à damnatio Divini, ut ajunt, Numinis instinctu ad ipsos pervenit, pollicentur, se ejus decisionem apud fideles sibi commissos promulgaturos, executionem promoturos: tandem concludunt, absque ullâ conditione, violatores, & contumaces statim pœnis per Episcopos, Regis Christiani-

nissimi præsidio, fore puniendos. Hic placuit aliquantulum immorari, ut novèrit studiosus, contrariam sententiam non à totâ Gallicanâ Ecclesiâ esse adoptatam, ut quidam vel decepti, vel decipere volentes, in vulgus spargunt.

§. III.

Referuntur contraria motio, & solvuntur.

X. Afferam ea præsertim, quæ opponit Dupin in suis de antiquâ Ecclesiæ disciplinâ dissertationibus, dissertat. 5. cap. 1.

Primò ergo sic arguit. Galat. 2. v. 14. Petrus à Paulo reprehensibilis fuisse perhibetur, & accusatur, quòd non rectè ad Evangelii veritatem ambularet, quòdque Gentes auctoritate suâ ad judicandum impelleret. Si potuit ergo Petrus adversus veritatis regulam, quam Ecclesia postea secuta est, cogere Gentes ad judicandum? Cur non poterunt Petri successores contrâ veritatis regulam aliquid, aut docere, aut præscribere?

Hinc D. Augustin. lib. 2. de Baptismo cap. 1. ex hoc factò Petri infert: quando facilius, & fortius, quòd per universam Ecclesiam statuta firmatum est, vel unius Episcopi auctoritati, vel unius Provincia Concilio præferendum est?

Ante Augustinum verò Cyprianus idem ex hoc Pauli erga Petrum factò intulit in epist. ad Quintum conciliens, quòd si Petrus, super quem Christus adificavit Ecclesiam, eum secum Paulus de Circumcisione postmodum disceptaret, non sibi aliquid insulenter, aut arroganter adsumpsit, ut diceret, se Primum tenere, & obtemperari à novellis, & postèri sibi potius oportere, sed à consilio veritatis admisit, & rationi legitimam, quam Paulus vindicabat, facili consensit, ut non pertinaciter nostra amemus, sed quæ aliquando à Fratribus, & Collegis nostris utiliter, & salubriter suggeruntur, si sint vera, & legitima, nostra potius ducamus. Ex quibus conficitur, exemplo Petri doceri, Episcopos omnes in errorem prolabi posse, & ab aliis emendari.

Id verò ad Romanos etiam Pontifices petrinere, docet Pelagius secundus in ep. ad Iſria Episcopos, ubi ex Petri factò excusandos dicit esse Vigilium, & Preceſſores suos in causâ trium Capitulorum, si affirmant postea, quod antea impro- baverant.

Primò retorqueo argumentum: si ex factò Petri, ut exposito ab arguente, Romanus Pontifex æquè fallibilis est, ac quilibet alius Episcopus; Cur Gallicani Episcopi ad Innocentium X. recurrerunt, ut suum de propositionibus Janſenianis iudicium definitivum pronunciaret, ad eum ità scribentes: *Majores causas ad Sedem Apostolicam referre solemniter Ecclesia mos est, quem fides Petri nunquàm deficiens perpetuò retineri pro jure suo pos- sulas. Equissima huic legi obsequentes &c.* Cur rogant, ut quid in hæc sentiendum sit, clarè, distinctèque definiat? Cur subdunt: *Expertæ est nuper Beatitu- do tua, quantum Apostolica Sedis in ge- mini Ecclesia Capituli errore proſigando va- luerit auctoritas: continuò sedata est tem- pestas, atque ad Christi vocem, & imperi- um venti, & mare obediunt. Quo- modum flagitamus, Beatissime Pater, ut clarâ, firmâque de propositionum istarum prolatâ sententiâ, cui reverendus ipse Janſenius mortis proximæ opus suum sub- jecit, caliginem omnem discutias, ani- mos fluctuantes componas, dissidia probi- beas, Ecclesia tranquillitatem, splendo- remque restituas?* Cur demùm prolatam ab Innocentio sententiam, tanquam Di- vino Numine inspiratam, latius ulnis sus- cipiant, veneranturque, ut in responsis ad Innocentium datis, ac supra relatis, clarè patet?

Rursus. Si Petrus adeò turpiter in fi- de erravit, ut fingit arguens, ubinam in fide indefectibilitas, ubinam constan- tia illi à Christo impetrata ad confirman- dos in fide fratres; & quare Gallicani Episcopi in litteris superius allatis hanc Christi pollicitationem Petro factam ex- tollunt, si effectu suo frustrata fuit?

Tertiò. Jam ergo necdum Generale Concilium, sed, & quilibet Episcopus poterit sententiam Papæ docentis Eccle- siam reprehendere, utpote non secundum veritatem Evangelii prolatam, sicut Pau-

lus reprehendit, & resistit Petro. Quid ad hæc Dupin?

Ad rem ergo veniens, mitto quorum- dam opinionem volentium, Cæpham à D. Paulo reprehensum, non fuisse D. Petrum, sed alium diversum; quæ à Bel- larmino, Clementi Alexandrino tribuitur. Mitto etiam opinionem S. Hieronymi, & aliorum dicentium, S. Petrum non- verè fuisse à Paulo reprehensum, sed tan- tùm simulatoriè, & ex conditò; de quo acerrima fuit disceptatio inter S. Augu- stinum, & Hieronymum. De hoc legi- tur Hieronymi *epistolæ ad Augustinum*, inter Sancti Augustini *epistolæ* 75., aliàs 12., & *epistola* S. Augustini ad Hiero- nymum 81., aliàs 29. Tandem S. Hierony- mus in S. Augustini sententiam concessit, ut testatur S. Augustinus. *ep. 260.*, modò 280. ad Oceanum, & retractatio extat lib. 1. *Dialogorum adu. Pelagia- nos* c. 8.

Respondeo ergo; Cæpham à Sancto Paulo reprehensum, fuisse verè S. Pe- trum Apostolorum Principem; non fuisse reprehensum simulatoriè, sed verè frater- nâ tamen, non juridicâ reprehensionem: non de errore capitis, & doctrinæ, sed personæ, & conversationis. Ea- dem enim Petri doctrina erat, & Pauli, Circumcisionem scilicet, aliasque cære- monias legis nullius esse momenti ad jus- tificationem, & salutem, Quod Petrus ipse jam decreverat in Concilio Hiero- solymitano *act. 25.* Verùm in conver- satione errabat. Petrus enim apud Ju- dæos Judaicè vivere poterat, & debe- bat, ne ipsi offenderentur; nondùm enim legalia esto mortua, evaserant mortifera; sed non ideo debebat subtrahere se à mensa Gentilium, quam prius frequen- tabat: hoc enim perturbationis, & scan- dali occasio erat ipsis Gentilibus, quibus postèrius hoc factum Sancti Petri retracta- tio, & emendatio videbatur, ac anima- ta quædam prædicatio, quâ docebatur, legem esse servandam. Judæi autem ex hoc, quòd Petrum vidiss. ut cum Gentilibus edentem immeritò offensi fuissent, scandalumque passivum dumtaxat ex illo- rum parte, non activum ex parte Petri fuisset, quia jugum legis non debere. Gratibus imponi, & desinere legalium.

observantiarum umbras, afulgente veritatis Evangelicæ luce, palam Apostoli prædicabant; Imò Petrus ipse in Concilio Hierosolymitano decreverat, ut dictum est. Reprehensus ergo fuit, non errore doctrinæ, quasi doceret Ecclesiam doctrinam Evangelio contrariam, sed errore perscæ, & conversationis, quia nimium imprudenter, & nimium condescendendo infirmitati Judæorum, scandalo fiebat Gentibus, quæ exemplo suo inducebantur ad judaizandum, licet ejus intentio talis non esset. Unde observo, D. Paulum, citato loco, ubi ait, D. Petrum reprehensibilem fuisse, non dicere quod non *restiti* doceret ad veritatem Evangelii, sed quod non *restiti* ambularet, quod aperte indicat, fuisse errorem imprudentis conversationis, non verò doctrinæ, & prædicationis. Ità ex Natali Alexandr. tùm in *Comment. ad cap. 2. ad Galat.*, tùm *in Dissert. Eccles. secul. 1. dissert. 11.*, qui tamen unus est ex Academicis Parisiensis Doctoribus.

XI. Ità respondet Tertullianus lib. 5. *contr. Marcionem cap. 3.* ubi de S. Paulo hæc habet: *sed reprehendit Petrum, non vestro pede incidentem ad Evangelii veritatem. Plandè reprehendit; non ob aliud tamen, quàm ob inconstantiam viduus, quem pro personarum qualitate variabat, timens eos, qui erant ex circumcissione; non ob aliquam divinitatis perfectitatem, de qua & aliis in faciem resistit, qui de minori causa conversacionis ambigua Petro ipsi non peperit.* Et lib. de *scriptis Marcionum cap. 23.* *Ceterum [inquit] si reprehensus est Petrus, quid, cum convixisset Ethnicis, postea se à contactu eorum separabat, personarum respectu; utique conversationis fuit vitium, non prædicationis.*

Ità respondet Sanctus Cyrillus Alexandrinus lib. 9. *in fine contra Julianum* similiter opponentem. *Ad hæc, inquit, audax ille, & confidens Petrum Apostolorum præcipuum cavillatur, & hypocritam esse dicit, atque à Paulo reprehensum, quod modo Græcorum, modo Judæorum ritu vivere vellet, ignorans plandè singularem in his sensilis rationem. Non enim diversa sentiebat ille discipulus, sed congrua moderatione temperavit utrum,*

omni ratione predeste iis fudebat, qui ad se venirent. Quàm autem univ. ritibus additus esset Beatus Paulus, aggressus commanescit. Metuebat enim, ne propositum lateret, & ille dispensandi modus nonnullis offenderet.

Ità respondet S. Thomas tùm in c. 2. *ad Galat. lect. 3.*, tùm 1. 2. q. 103. *art. 4. ad 2.*, ubi ait: *Non autem peccavit Petrus in hoc, quod ad tempus legalia observabat; quia hoc sibi licebat, tanquam ex Judæis converso: sed peccabat in hoc, quod circa legalium observantiam nimiam diligentiam adhibebat, ne scandalizaret Judæos; ità, quod ex hoc sequeretur Gentilium scandalum.* Concordant ergo omnes, quod error D. Petri, de quo fuit à Divo Paulo reprehensus, fuit, non error in doctrinâ, & prædicatione, sed in conversatione. Ergo extra chorum eam Dupin; neque enim nos abnuimus, Papam esse desecrabilem in conversatione, sed esse desecrabilem in doctrinâ, sed posse Ecclesiam docere aliquid contra Verbum Dei, & sic errare.

XII. Neque contrarius est Sanctus Augustinus, cujus votum, pro Romani Pontificis infallibilitate in definiendo, supra retulimus. Comparat enim utriusque scilicet Petri, & Cypriani modestiam, quod sicut Petrus passus est, se corrigi à Paulo, ità Cyprianus paratus fuit, se corrigi ab iis, qui diversa sentirent; & hoc probat ex ipsiusmet Concilii Cypriani verbis. Non tamen comparat in hoc, quod sicut Cyprianus error de rebaptizandis hæreticis fuit error in doctrinâ, ità in doctrinâ fuerit error Petri; non enim Petrus coegit Gentiles circumcidi, docendo hoc fieri debere, sed quia cum oppositum sentiret, sic tamen conversabatur cum Gentilibus abstinens ab eorum mensis, ut isti exemplo suo inducerentur ad judaizandum. Cum verò ait: quod per universæ Ecclesiæ statuta firmatum est, vel ahius Episcopi auctoritati, vel unius Provinciæ Concilio præferendum est: alludit ad Episcopum Cyprianum, & ad Concilium Africanæ Provinciæ ab ipso coactum, quibus certè prævalt auctoritas universæ Ecclesiæ, quæ auctoritas tamen sine Romano Pontifice, qui universæ Ecclesiæ Caput est, similitatem ha-

habere non potest. Quod verò nomine unius Episcopi, nec ejus Successores includat Augustinus, indicat ipse citato loco; postquam enim Cyprianum Petro comparavit, sese corrigens ait. *Ceterum magis vereri debeo, ne in Petrum contumeliosus existam. Quis enim nescit, illum Apostolatus principatum cuiuslibet Episcopatu præferendum? sed etsi distat cathedrarum gratia, una est tamen Martyrum gloria.* Hæc Augustinus.

Quoad Cyprianum autem, puto, Dupin ejus mentem non fuisse affectum. Sanctus enim Martyr adducit ibi exemplum D. Petri, qui licet primatum haberet, tamen à Paulo passus est corrigi, non ut hinc inferat, Episcopos omnes, nullo excepto, in errores prolabi posse; sed D. Petrum adducit in exemplum humilitatis, & moderationis, illius factio cæteros collegis suos ad concordiam invitans; ut quemadmodum ipse, quod primus esset, non tamen primatum insolenter jactavit: sic, nec ipsi suam sententiam ita mordicis tenerent, ut alios præ se contemnerent. Et certè (ut advertebat Pamellius) de Stephano Papà illi non erat sermo, quia nondum de rebaptizandis hæreticis ad illum scripserat, sed dum res adhuc tractaretur in Africà inter suos. Adde, quòd si adhuc vellet Dupin, D. Petrum hùc trahi in exemplum erroris, dicam, trahi in exemplum erroris, non doctrinæ, sed conversationis. Cæterum si melius perpenderit arguens, à Cypriano abstinuisset. Dùm enim & Cyprianus, & Concilium esset in errore rebaptizandi hæreticos, quis hunc errorem repressit, nisi Stephanus Papa? ergo hinc argumentum infallibilitatis potius, quàm fallibilitatis eruitur.

De Pelagio II., qui loquitur maxime de Vigilio ejus predecessore, qui in causâ trium capitulorum, nimirum Theodori Mopsuesteni, Theodoretii, & Iba Edessæ quondam Civitatis Episcopi, varium sese ostendit, cum prius eos damnare recusasset, & postea in eorum damnationem consenserit. Respondeo primò, nihil esse ad rem: disceptatio enim illa erat, non de fide, sed de solis personis, & de factis, sicut ea, quæ inter D.

Petrum, & D. Paulum versabatur: idèque bene potuit cum Petro mutare sententiam Vigilius, absque præjudicio infallibilitatis suæ Sedis, quia hanc nos statuimus, non in rebus puri facti, sed in rebus fidei, & dogmatis. Sicut enim Petrus, & Paulus conveniebant in fide, nimirum, circumcisionem, & cætera legalia non esse amplius necessaria ad salutem, & solum dissidebant, an essent adhuc observanda, Petro affirmante, negante Paulo; ità Vigilius cum Orientalibus conveniebat ab initio in doctrinâ trium capitulorum rejiciendâ, solumque ab iis desidebat circa damnationem Auctorum trium Capitulorum, quod cum ab initio obscurum, procedente autem tempore compertum evasisset: idè Vigilius, & Occidentales, qui prius repugnaverant, in damnationem postea consenserunt; & hoc est, quod dicit Pelagius: *aliud cum veritas quæreretur, aliud autem inventâ veritate dictum est: cur mutatio sententia huic sedi in crimine obijciatur, quæ à cunctâ Ecclesiâ in eo jure auctore veneratur?* Neque enim Judici vitio verti debet, si variatoreum statu, magisque cognitâ veritate sententiam mutat. Hoc in casu præsentis ex hoc processisse scribit Pelagius, *Latini quippe homines, & Græcitas ignari, dum linguam nesciunt, errorem tardè cognoverunt: & tantò eis celeritè, credi debuit, quantò eorum constantia, quæque verum cognoscerent, à certamine non quievit.* Quorum consensum certè fraternitas vestra despiceret, si ausu præcipiti, priusquam verum cognoscerent, consensissent. Hæc Pelagius, & meritò. Cum enim scirent, Theodorum, Theodoretum, & Ibam, eorumque scripta fuisse in Concilio Chalcedonensi admissa, non debebat Vigilius statim in eorum damnationem consentire, nisi prius exploratâ veritate, ne videretur damnare ea, quæ in Concilio Chalcedonensi gesta fuerant. Videatur Epistola citata Pelagii II., quæ est tertia, & insuper prima, & secunda ad eosdem lictæ Episcopos, ubi hæc Cathedræ Apostolicæ illibata itrenuè defendit.

XIII. Obijcit secundò. Apud antiquam Ecclesiam ignotum fuit per decretum, & am-

& amplius secula hoc non errandi Privilegium, quod Romano tribuitur Episcopo. Non pauca etiam de fide olim lata sunt iudicia, inconsulto Romano Pontifice, nec habitus ille fuit, ut Supremus controversiarum Iudex. Sed sæpe sæpius iudicia ab ipso lata, in Conciliis præsertim Oecumenicis, iterum examinata, ac retractata sunt. Ex quibus sic discitur. Si extra controversiam tunc fuisset Romani Pontificis infallibilitas, cæteri Episcopi nequaquam iudicassent, absque illius consensu, & auctoritate, aut aliquid ab ipso iudicatum retractassent; sed oppositum contingit; ergo &c.

Respondeo debuisse probari à Dupin, per decem, & amplius secula ignoratum fuisse Romani Pontificis infallibilitatem, sicut nostri probant oppositum, inter quos Dominicus à SS. Trinitate *Biblioth. Theologica lib. 3. sect. 4. c. 16.* percurrens per omnia secula, id offendit; & quidem primo seculo id probat adventus S. Petri Romam, ad debellandum Simonem Magum, & hæresarcham; unde refert Eusebius *lib. 2. hist. c. 16.* benigna, & clementissima Dei Providentia, fortissimum, & maximum inter Apostolos Petrum, & virtutis merito reliquorum omnium Principem, ac Patronum, Romam, adversum illam generis humani labem, ac pestem perducit. Primum ergo hæreticorum Simonem, jam in Iudæa à Petro prædammatum, tandem Romæ ab eodem Petro primo Apostolorum contundi decuit, ut in Petro, ejusque Romana Sede ad hæreses proligandas summum jus posteri agnoscerent. Hinc secundo seculo Irenæus *lib. 3. advers. hæres. c. 3.* Ad hanc enim Ecclesiam (Romanam) propter potiorem principalitatem necesse est, omnem convenire Ecclesiam, hoc est eos, qui sunt nudique fideles, in qua semper ab his, qui sunt undique, conservata est ea, qua est ab Apostolis tradita. Pergit insuper. Cum sub Clemente Petri successore exorta fuisset inter Corinthios dissensio non modica, scripsit, qua est Roma, Ecclesia potentissimas litteras Corinthiis, ad pacem eos congregans, & reparans fidem eorum, & annuncians, quam in recenti ab Aposto-

lis acceperat, traditionem. Inde formato Catalogo Episcoporum Romæ, usque ad Eleutherium, hæc ordinatione (inquit) & successione, ea, qua est ab Apostolis in Ecclesia tradita, & veritatis præconatio pervenit usque ad nos. Et est plenissima hæc essentia, unam eandem vivificatricem fidem esse, qua in Ecclesia ab Apostolis usque nunc sit conservata, & tradita in veritate. Quare, quia Aſiatici Quartodecimani eodem seculo traditioni Ecclesiæ Romæ contrarii erant, Victor tunc Episcopus Romanus voluit, eos excommunicare, & Sanctus Irenæus, esto cum deterruerit, ne pax rumpetur, auctoritatem tamen in Victore non negavit. Et Victoris sententia in Concilio Nicæno I. comprobata fuit.

Tertio quoque seculo Stephanus martyr Papa restitit Cypriano, aliisque rebaptizantibus hæreticos, & sententia Stephani fuit sententia Ecclesiæ. Cum ergo undique ad novitatem rei cuncti reclamarent (ait Lirinenſis Commonitor. 2. c. 6.), atque omnes quaqueverſum Sacerdotes, pro ſue quique studio reſisterentur; Tunc beata memoria Papa Stephanus, Apoſtolica Sedis Antisseſ, cum cæteris quidem collegis ſuis, ſed tamen præ cæteris reſiſtit, dignum, ut opinor, exiſtians, ſi reliquos omnes tantum fidei devotione vinceret, quantum loci auctoritate ſuperabat. Denique in epiſtolâ, qua tunc ad Africam miſſa eſt, his verbis ſunxit: nihil innovandum, niſi quod traditum eſt &c.; exponens deinde quid poſt Stephani ſententiam eveniret: Quid poſtremo, inquit, ipſius Africani Concilii, ſed de cretæ, qua vires? Donante Deo, nulla; ſed univerſa tamquam ſomnia, tamquam fabula, tamquam ſuperflua, abolita, antiquata, calcata ſunt. Et de verum miræ converſio! Audiver ejuſdem opinionis, Catholici, conſeſſatores verò, hæretici iudicantur. Ità Vincentius.

XIV. Nimius eſſem, ſi vellem ſingula percurrere ſecula, infallibilitatem Romani Pontificis in docendo Eccleſiam adſtantia; de quo videri poſſet ludatus Domin. à SS. Trinitate. Unum, vel alterum ex Conciliis proferam teſtimonium. Primum ſit ex Concilio Epheliſino, anno 431, in quo acta eſt cauſa uniſ Perſonæ in Chri-

Christo contra Nestorium: ibi enim lectis Cælestini litteris *ast. 1.* Patres publicè acclamatione eum appellant novum Paulum, custodem fidei; & Firmus Cæsareæ Episcopus dixit, Cælestinum sententiam, regulamque præscripsisse, quam Synodus secuta est. Secundum sit ex Concilio Chalcedonensi, in quo duplex natura in Christo anno 451. contra Eutichem statuta est; *lecta enim ast. 2.* epistolâ synodicâ S. Leonis, clamaverunt Patres. *Hæc Patrum fides; omnes ita credimus, orthodoxi ita credunt. Anathema ei, qui ita non credit. Petrus per Leonem ita locutus est. Apostoli ita docuerunt. Pater, & verè Leo docuit...* hæc in Epistola cur lecta non sunt? hæc Dioscorus occultavit. Et infra: nos ita credimus, sicut Leo, ita credimus; nostrum nulus dubitat: nos jam subscripsimus. Quare *ast. 3.*, petente Concilio, Legati S. Leonis sententiam contra Discorum pronuntiaverunt his verbis: Sanctissimus, & Beatissimus Archiepiscopus magna, & senioris Roma Leo, per nos, & per presentem Sanctum Synodum una eum ter beatissimo, & omni laude digno Beato Petro Apostolo, qui est petra, & crepida Catholica Ecclesiæ, & velle fidei fundamentum, nudavit eum tam Episcopali dignitate, quàm & ab omni Sacerdotali alienavit ministerio &c. Rursus *ast. 4.* Cùm Ægyptii Episcopi damnationi Eutichis subscribere detractarent, Photius Episcopus Cyri, consentitis (inquit) epistola beatissimi, & sanctissimi Archiepiscopi Roma, Leonis, sicut & universalis Synodus consensit, & subscripsit? & versâ in græcam linguam epistolâ, omnes Episcopi clamaverunt: Qui non consensit epistola sanctissimi Archiepiscopi Leonis, hæreticus est: & quia Episcopi Ægyptii dicebant, se dicere anathema Eutichi, se tamen subscribere non posse, iterum clamaverunt, & dixerunt: subscribant epistola Leonis. Qui ei non subscribit: anathema sit. Tanti ergo fecere Chalcedonenses Patres S. Leonis sententiam, ut ejus subscriptioni fidem alligerent. Quare Petrus Ravennas (Chrysologus) *epist. ad Eutichen.* relata in Concilio Chalcedonensi parte primâ. In omnibus (inquit) autem bortamur te, frater honorabilis,

ut his, quæ à beatissimo Papâ Romana Civitatis scripta sunt, obedienter attendas; quoniam Beatus Petrus, qui in propriâ Sede vivit, & præstat, præstat quærentibus fidei veritatem.

Quarid. Anno 680. scripsit Agatho Papa ad Imperatores, occasione sextæ Synodi OEcumenicæ, damnans errorem Monothelitarum, atque inter alia, hæc verba: Cujus annuente præsidio, hæc Apostolica ejus Ecclesiæ nunquam à viâ veritatis in quolibet erroris parte deflecta, est: ejus auctoritatem, utpote Apostolorum omnium Principis, semper omnis Catholica Christi Ecclesiæ, & universales Synodi, doctrinam, amplexi. Et infra, per quam, & probatissima Ecclesiæ Christi luminaria elaruerunt, & sancti quidem. Doctores orthodoxi venerati, atque secuti sunt. Hæretici autem falsis criminationibus, ac derogationum odiis insecti &c. Et infra post allegatam Christi promissionem Petro scilicet subdit: Consideret itaque vestra tranquilla clementia, quoniam Dominus, & Salvator omnium, ejus fides est, qui scilicet Petri non defecuram promissit. confirmare eum frater suos admonuit; quod Apostolicos Pontifices mea exiguitatis prædecessores confilenter fecisse semper, eundem est agnitus. Ecce Agathonem, indefectibiles in fide, & doctrinâ tûm Ecclesiâ, tûm Romanos Pontifices asserentem. Quid ergo huic epistolæ rescripserit Nupin? L. et s. his litteris actione 8. Patres omnes Synodi responderunt, ita esse, ut Agatho rescriberet. In d. *ast. 18.* sic Agathoni rescripserunt. Itaque tibi, ut Prima Sedis Antistitis Universalis Ecclesiæ, quid æge. dum sis relinquimus, stanti super firmam fidei petram, libenter acquiescentes vera confessionis litteris à vest. à paternâ beatitudine ad piscinam Imperatorem missi: quas, ut à summo Apostolorum vertice divind perscriptas agnoscimus, per quas exortam nuper multiplicis erroris hæreticam scissam depulimus &c. Hæc erat Veterum Conciliorum erga Romanos Pontifices observantia. Relinquebant illis quod agendum esset in caulis fidei; cõ quia notum ipsis erat, stare supra firmam Petram, sententias eorum, ut divinas agnoscant, & consequenter ut infallibiles.

XV. Dicit Dupin. Si ita esset, nonnulli Episcopi, maxime Catholici, ab eo dissentire, nefas duxissent. Si enim iudicium Victoris habitum fuisset, ut infallibile, ei non restitissent nedum Asiatici, sed nec Irenæus, & cæteri Orbis Episcopi, qui non obstante Victoris sententiâ, in illorum communione permanserunt. Similiter Cyprianus, & Africanus Præfules, nec non Dionysius, & alii Orientis Episcopi in Stephani sententiam pedibus ivissent, si eam iudicassent infallibilem, nec disciplinam suam contrâ ejus auctoritatem mordicus retinissent. Quare Sanctus Augustinus lib. 2. de baptismo cap. 5. dicit, eos illesâ fide, & caritate à Stephano difensisse, quia nondum veritas perfecta erat, necdum sublata quæstio; quod cerrè non dixisset, si iudicium Stephani judicasset infallibile, & ultimum.

Retorquco instantiam. Etsi Asiatici in causâ celebrationis Paschæ non iverint in sententiam Victoris, in eam tamen ivit Concilium Nicænum, quod eos damnavit, tamquam hæreticos, sub nomine *Quartodecimorum*. Etsi Cyprianus, alique rebaptizantes non acquieverint sententiæ Stephani, illi tamen subscripserunt Concilium Plenarium, sive Nicænum fuerit, sive Arelatense, & opposuit sentientes, ut hæretici proscripti sunt: ergo iudicium Victoris, & Stephani fuit infallibile; & consequenter iudicium Romani Pontificis à veritate non deviat.

Respondeo ergo, nec Asiaticos reituros fuisse Victori, nec Africanos Stephano, si, ut par erat, rem considerassent, tamquam ad fidem spectantem, & animum ab omni præiudicio liberum habuissent. Cæterum cum quæstio utraque, sive de Paschate, sive de Baptismo eis videretur non ad fidem, sed ad puram disciplinam spectans, nec aliud illis obicerent Romani Pontifices, quàm disciplinam, & usum suæ Ecclesiæ, unde Stephani decretum non aliud erat, nisi: *nihil novandum, nisi quod traditum est*: inde nimio servanæ propriæ consuetudinis, & traditionis amore ducti, quamvis licet falsò putabant meliorem, crediderunt, se salvâ fide, & caritate posse resistere: & hoc, eò vel maxime, quia

Stephanus decreto suo excommunicationem non junxerat contra oppositum tenentes, & facientes. Victor verò, etsi excommunicationem intentalset, hanc tamen suâ Irenæi suspendit. Ut probat Natalis Alexandre *hist. Ecclæs. secul. 2. dissert. 5. testim. Eusebii lib. 3. cap. 24. hist., Nicephori lib. 4. hist. cap. 38. & 39.* Rebaptizantes verò Stephano resistentes, esto notâ hæreseos inurendi non sint, sicut neque Asiatici, quia res nondum declarata erat ad fidem spectans, erroris tamen labem effugere nequeunt. Videndus propterea S. Augustinus lib. 2. de Baptismo contra Donatistas cap. 4. 5. 8., & alibi Cyprianum excusans.

Non possum tamen, quin mirer, Dupin ex factò isto Stephani cum Cypriano, & rebaptizantibus, Romani Pontificis infallibilitatem evertere conari, cum à contrâ Vincentius Lirinensis hoc idem factum producat *communis. 2. c. 9.* ad eandem adstruendam. Ut enim tenendæ antiquitatis, & fugiendæ novitatis exemplum adferat, consultantiam Stephani, & suæ Sedis contra rebaptizantes laudat, *Unum aliquod [inquit], & hoc de Apostolica potestate Sede sumemus, ut omnes luce clariùs videant, Beatorum Apostolorum beata successio, quantâ vi semper, quanto studio, quantâ contentione, defenderit suscepta semel religionis integritatem.* Tum recensito Agrippini, & Cypriani de rebaptizandis hæreticis decreto, deinde resistentiâ Stephani, ejusque Epistolâ in Africanâ missâ subdit. *Intelligebat enim vir sanctus, & prudens, nihil aliud rationem prestatû admittere, nisi, ut omnia, quæ faciàt Patribus suscepta forent, eadem fide filijs consignarentur, nosque religionem, non quâ vellemus ducere, sed potius quâ illa duceret, sequi oportere..... Quis ergo tunc universi negotii exitus? Quis utique, nisi iustitias, & solitas? retenta est scilicet antiquitas, explosa novitas.* Infallibile ergo Stephani decretum, & decretum opponentium erroneum.

XVI. Pergit ulterius Dupin: Basilij, cæterique Orientales nunquam tres Hypostasies rejicere voluerunt, & eos probare, qui unam dicerent, quamvis id maxime urgeret Romanus Pontifex cum

cate-

cæteris Occidentalibus, qui non aliâ conditione cum Meletio communionem habere vellent; ergo Basilius iudicium Romani Pontificis non existimabat infallibile.

Respondeo, dist. consequ., infallibile in causis fidei, nego consequ., in causâ, de quâ tunc agebatur, transeat consequens. Causa enim, quæ controvertatur inter Orientales, & Occidentales, non erat de fide, sed de significato huius vocis *hypostase*. Orientales enim, quorum princeps erat Basilius, adferebant, *hypostase* nomine significari Personam; idcirco tres hypostasies in Deo fatebantur. Occidentales verò cum Romano Pontifice, quibus significatio illius vocis græcæ videbatur suspecta, atque idem exprimere, ac *usum*, sed *essentiam*, vel *substantiam*, idcirco tres trepidabant, ne latentes tres hypostasies, fateri viderentur in Deo tres substantias. Timebant ergo, ne hoc nomine hypostasis sibi fraus fieret ab Arianis; idcirco D. Hieronymus *epistol.* 57. ad Damasum, *sessicias*, aiebat, nobis dicere unam substantiam, tres Personas subsistentes, perfectas, æquales, coæternas. Taceantur tres hypostasies, si placet, & una teneatur. Non bona suspicio est, eam in eodem sensu verba dissentiant: aut firmiter putatis, tres hypostasies cum suis interpretationibus debere nos dicere, non negamus. Sed mihi credite, venenum sub melle latet. Eodem timore laborabat S. Augustinus *lib. 5. de Trinitate cap. 8.*, volens, *hypostase* nomine non aliud intelligi, quam substantiam. Et prudenter quidem timebant, nam, ut refert Theodoretus *lib. 2. cap. 8.*, Ariani *hypostase* nomine substantiam intelligebant. Eò autem magis timor augebatur, quia Meletius trium hypostasicon adserior (licet Catholicus) ab Arianis in Ecclesiam Antiochenam suffusus fuerat, excluso Pannino legitime in eâ sedente, qui tres hypostasies fateri volebat. Eadem ergo omnium Catholicorum, tum Orientalium, tum Occidentalium erat fides de Unitate essentiae, & Trinitate Personarum, sola concertatio erat de voce *hypostasis*, Occidentales volebant, significare substantiam absolutè, Orientales aliqui, Perso-

nam. Hi reluctabantur illis. At in quò in fide? non. In voce: quid ergo hio contra infallibilitatem Romani Pontificis quem dicimus quidem infallibilem in fide, sed non in grammaticâ, præsertim græcâ. Quamvis nec in hoc eius oppositio error fuerit, sed prudentialis cautela. Videatur D. Thom. 1. 2. p. qu. 29. art. 2., ubi querit, an sint idem Persona, *hypostasis*, *substantia*, & *essentia*, In 1. sent. dist. 26. quæst. 1. art. 1.

XVII. Obijcit tertio. Plures Romani Pontifices ad causas finiehdas Synodos petierunt convocari. Sic Liberius ad Athanasii causam iudicandam Synodum petiit à Constantio. Sic Damasus, & Occidentales Synodum Universalem petierunt ad res Orientis componendas. Siricius Bonosum ad Concilium remisit iudicandum. Innocentius petiit Synodum ad causam Chrysostomi examinandam. Sanctus Leo ad Eutychis causam retractandam, rescindendumque latrocinii Ephesini decretum, Synodum Universalem necessariam esse, duxit. Mitto alios innumeros. Si ergo Romani Pontifices iudicium suum supremum, ac infallibile iudicassent, illud solum interposuissent, non Synodos cogi postulaissent.

Confirmat hoc tali discursu. Posito, quòd infallibile sit aliquod iudicium, absurdum est, causam in eo terminatam, iterum examinare, & iudicare. Quid ergo necesse erat, totius orbis Episcopos fatigari? Quid opus, Ecclesiis Pastoribus orbari ad cogenda Concilia, quorum iudicium non pluri fieri deberet, quàm unius Romani Episcopi? certè ex duobus infallibilibus iudiciis, unum, pluri altero fieri non potest, nec duo infallibilia iudicia maiorem auctoritatem habent, quàm unum; quod enim infallibile est, omnem omnino meretur fidem. Vel ergo prorsus superflua sunt Concilia, vel iudicium Romani Pontificis infallibile non est. Ità Dupin.

Primo eadem retorsione respondeo. Licet Romani Pontifices aliquando Concilia petierint ob motiva, quæ statim adducam, causas tamen sive fidei, sive facti prius ipsi iudicarent, & eorum iudicium fuit Concilii consensione probatum; ergo eorum iudicium fuit infallibile.

Secundò respondeo ad singula. Liberius, ut refert Theodoretus lib. 2. *bist. cap. 16.* disputabat cum Constantio, in causâ Athanasii, quæ erat causa puri facti; agebatur enim, num vera essent crimina, quæ illi obijcebantur, necne. Quid ergo agere poterat Liberius cum Imperatore Ariano, ejus judicium detestante, eique dicente; *tu solus es, qui impiis illius amicitiam retineras?* prudētissimè ergo respondit, quod prius revo-centur ab exilio strates, & Ariani subscribant veræ fidei, tunc universi Alexandriam convenientes, ubi, & accusatus ipse, & accusatores sunt, & defensor eorum, examinato illorum negotio, concordem sententiam proferamus. Quid ex hoc contra Romani Pontificis infal-libilitatem? Quia eam negabant Ariani? At cur auctoritatem etiam Concilii, ad quos provocabat Liberius, recusa-runt?

Damasus petiit, fieri Synodum Gene-raleam, quæ fuit Constantinopolitana prima, anno 381., ad condemnandum Ma-cedonium, quem tamen in Synodo Ro-mana ipse prius condemnarat, anno 370.; unde condemnatio Synodi Generalis fuit repetitio condemnationis factæ à Synodo Romanâ, ut ab utrâque Ecclesiâ Orien-tali, & Occidentali condemnaretur. A-pollinarem tamen, & Timotheum, in-stantibus Orientalibus, absque Synodo Generali damnavit, ut refert Theodore-tus lib. 5. *bist. cap. 10.*, recitans episto-lam Damasii ad Orientales, qui Damasii damnationem venerati sunt.

Bonofus Sardicenfis Episcopus, Chri-stum putum hominem asserens, duas in-eo personas agnoscens, Mariam à Chri-sti partu manifeste Virginem negans, de-nunciatus ad Concilium Capuense, ab isto remittitur ad Anyfium Episcopum. Thessalonicensem, qui ejus causam co-gnovit, eumque condemnavit. Non vido, quomodo Siricio hunc Bonofum remiserit ad Concilium judicandum: nisi forte ex quibusdam litteris, quæ ab ali-quis tribuuntur Siricio, & extant tom. 1. *Concil. Hard. col. 85.*; sed ex his litteris colligo, Anyfium, priusquam de Bonoso sententiam ferret, judicium Si-ricii petiisse. *Accepi litteras vestras (re-*

spondit Siricio) de Bonoso Episcopo, qui-bus vel pro veritate, vel pro modestâ nostram sententiam sciscitari voluistis. Et licet judicium non adsumat, cum apud se non haberet Synodum eogregatam, in quâ judicare consueverat, sed judici-um remittat ad Synodum ab Anyfio con-gregatam, Bonosum tamen condemnat dicens: *sane non possumus negare de Ma-ria filius (Bonosum) jure reprehensum?* adferens, qui hoc adstruit, nihil aliud, nisi perfidiam Judæorum adstruere. Ni-hil ergo conficit Dupin ex isto Siriciâ facto: si Concilium, ad quod remittit Bo-nosum, à Siricio sententiam petit, & quamvis adferat, nolle se formam judi-cii adsumere, sententiam tamen condem-nationis, & ipse profert.

Porro, quodd sententia Siricii expectan-da jure esset ab Anyfio ante condemna-tionem Bonosi, testatur Sanctus Ambro-sius *epist. 78.* ad Theophilum Alexandri-num Episcopum, cui à Concilio Capua-no commissâ fuerat causa inter Evagrium & Flavianum, quæ magnos in Oriente tumultus exiebat. Scribit enim. *Sane referendum arbitramur ad Sanctum Fra-trem nostrum Romanæ Sacerdotem Ec-clesiæ, quoniam præsumimus ea te ju-dicaturum, qua etiam illi displicere me-queant. Itâ enim utilis erit consultum sententia, itâ pacis, & quietis securitas; si id vestro statuatur consilio, quod com-munioni nostræ dissensionem non asferat, ut nos quoque accepta nostrorum serie flu-tuorum, eodem id gestum esse cognoverimus, quod Ecclesiâ Romanâ haud dubiè compro-baverit, sat fructum hujusmodi exami-nis adipiscamur.* Epistolam hanc per ex-tenfum vid. bis etiam apud Baron. ad ann. 389. num. 68. Si ergo judicium Patriar-chæ Alexandrini cum suâ Synodo refe-rendum erat pro approbatione ad Roma-num Pontificem: quid obstat ejus infal-libilitati, quod res examinentur, & ju-dicentur in Conciliis, quindoguidem abs-que ejus approbatione ab universali Ec-clesiâ acceptandum non erat?

Ad Innocentium 1. appellavit S. Joan-nes Chrysostomus, ipsum suscepit; Acta Synodi ad Quercum, quâ injuste, ac il-legitimè damnatus, & inconsultâ Sede Apostolicâ contra Canones depositus fue-
rat,

rat, rescidit. Fateor, noluisse Innocentium causam Chrysostomi decretorio iudicio per se ipsum terminare, sed Synodum Universalem convocari ad hunc finem optasse, imò, & procurasse; non, quia pro dignitate Sux Sedis id non posset, hoc enim fecerat Julius cum Athanasio, Paulo, Marcello, & Asclepà ab Arianis exautoratis; sed summæ Innocentii prudentiæ fuit, considerato rerum statu, ut schisma imminens evitaret, ut benè advertit Natalis Alexandre *bislor. Eccles. secul. 3. c. 5. ar. 2.* Cùm verò Synodi celebrandæ nullam spem superesse vidit (Chrysostomo jam defuncto) decretorio iudicio usus est, compellens Orientales, ad memoriam Joannis Chrysostomi in Constantinopolitanos Episcopos in Ecclesiæ Dyptichâ restituendum, nec prius suspensam redintegrans cum Orientalibus communionem, quàm id executioni mandasset.

Acta Ephesinæ secundi, seu veridici prædatoris Synodi, auctoritate suâ S. Leo rescidit, & Flaviani, ac Theodoretini iniquè depositorum appellationem suscepit. Concilium Chalcedonense equidem coegit, ibi iterum rescissa Ephesini laiocinii acta ibi retractata Eutichianæ hæresis condemnatio. Sed quare? quia res Orientis ita exigebant, Theodosius acta Ephesinæ Synodi firmaverat, hæc debebant rescindi, ut factum fuit à Marciano Imperatore. Dioscorus depositione erat damnandus, hæresis Eutichiana in Ephesino Concilio probata, erat anathematizanda. Hæc omnia per se facere poterat Leo; sed consultius paci Orientis fuit ad hæc Synodum convocare. Sed in hæc Synodo quantum emicuit Leonis, & S. Sedis dignitas! Auctoritate Leonis sententia in Dioscorum lata est. Epistolâ Leonis ad Flavianum, velut oraculo Sancti Petri per Leonem loquentis, hæresis Eutychiana conficta est; tandemque acta Concilii, pro ut ipsi libuit, à S. Leone confirmata. Hæc pro veritate, ac Tyrionum notitiâ dicta sint.

Cæterum salutar Dupin, dùm putat, ex convocazione Conciliorum optata, petita, facta per Romanos Pontifices, ad res fidei decernendas, enervari eorum infallibilitatem, quasi id factum fuerit

ex conscientia propriæ fallibilitatis. Numquid enim infallibiles erant Petrus, cæterique Apostoli, per Spiritum Sanctum in veritate firmati? Et tamen exortâ controversiâ de legalium observatione opportunitum iudicant cogere Concilium Hierosolymitanum, ut communi voto firmaretur, quod à quolibet eadem firmitate poterat decerni. Sed in hoc Concilio etiam emicuit auctoritas Petri: Is enim in Concilio sententiam tulit, ac sententia Petri Concilii pariter sententia fuit. *Tacuit omnis multitudo, & in sententiam ejus (Petri) Jacobus Apostolus, & omnes simul Presbyteri transierunt. Hæc non debent esse molesta lectori, sed & mihi, & illi utilis, ut probemus, ante Apostolum Paulum non ignorasse Petrum Principem esse hujus decreti, legem post Evangelium non esse servandam.* Hieronym. *epist. 89.*, nunc *74. ad Augustinum.* Sic Romani Pontifices Petri successores in Conciliis per epistolâs, vel Legatos sententiam dixerunt, ac in eorum sententiam Patres transierunt.

XVIII. Ad confirmat. nego assumptum. Non enim congregantur Concilia, ut definitioni Pontificis dent infallibilitatem, sed alius causis. Prima, quia licet in Pontifice sit infallibilitas in decernendo, tamen debet hoc præstare per mediâ humanâ, & ordinariâ, nimirum discussionem, & disquisitionem, ut fecerunt Apostoli in Concilio Hierosolymitano: hæc autem discussio non melius fieri potest, quàm in Concilio Generali, si res sit magni momenti, aut ad totam Ecclesiam pertinens; vel in Concilio Particulari, si res non sit tantæ magnitudinis. Secunda, quia definitiones de fide, in quibus agitur de sensu Scripturarum, pendent maximè ex traditione, & consensu Ecclesiarum; ad quod dignoscendum non est melior ratio, quàm ut conveniant Episcopi ex omnibus Provinciis, & unusquisque referat suæ Ecclesiæ traditionem, & consuetudinem. Tertia, utilissimè convocantur Concilia, ut finis imponatur contrariis sententiâ concordia, & ut definitiones de fide necdum fiant, sed generaliter servantur; quod optimè evenit, cum illi omnes Episcopi subscribunt, & proficiunt, eas se

amplecti, & in suis Ecclesiis prædicatos.

XIX. Obijcit quartò, multa Divi Augustini testimonia. Primò, ex iis, quæ habet in *libris de Baptismo*, ubi observat, nec Stephani, nec Cypriani iudicio quæstionem de hæreticis rebaptizandis fuisse terminatam, sed universalis Concilii, ac totius Ecclesiæ iudicio. Hinc ibidem apertè pronunciat, omnes omnino Episcoporum litteras, & omnia omnino Concilia Provincialia, ne exceptis quidem Romanis, emendari posse à Conciliis majoribus. Secundò, *lib. 2. ad Bonifac. c. 3.* supponit possibile, Romanam Ecclesiam falsum iudicasse in causâ Cælestii. Tandem adfert sententiam Concilii Gen. 5. *collat. 8.*, quod videtur sentire, veritatem alibi definiti non posse, quam in Conciliis Generalibus, nec ab ullo privato Episcopo (etiam Romano) quicquam circa fidem statui posse, quod ità certum sit, ac ea, quæ in Conciliis definita sunt.

Respondeo. Quantum detulerit S. Augustinus iudicio Romani Pontificis, suprà vidimus, ubi in causâ Pelagianorum, post Africanæ Concilia, missa ad Sedem Apostolicam dixit, Romani Pontificis rescripto omnem dubitationem fuisse sublata, & causam finitam. In *libris autem de Baptismo contr. Donatistas* verè dicit, causam rebaptizantium hæreticos non fuisse terminatam à Stephano, sed in Concilio, & iudicio totius Ecclesiæ; non quia Stephanus eam terminare non posset, sicut alii Pontifices alias causas sine Concilio terminarunt, ut Galliarum Episcopi suprà laudati fatentur, sed quia noluit præcipi quidem, nihil esse novandum, sed non definit, & hoc prudenter: videbat enim Cyprianum, & Socios plus æquo suæ opinionis tenaces; quâ in re non in totum à labellis excusat S. Augustinus. Si ergo Sanctus Augustinus reprehensibilem aliquemodo iudicat Cyprianum, quia Stephanus præcipi enti non cessit, iudicat, Stephanus decretum tale fuisse, ut quilibet ei parere teneretur, & consequenter infallibile.

Quando verò dicit S. Augustinus *lib. 2. de Baptismo cap. 3.*, litteras Episcopo-

rum, & Conciliorum priorum posse per Episcopos posteriores, & subsequentia, Concilia emendari: vel præcedit ab Episcopo Romano, de quo suprà dicebat, esse cuilibet Episcopatu præferendum; Vel loquitur in causâ fidei, non fidei, ut suprà dictum fuit; Vel loquitur causâ nondum terminatâ, & decisâ, qualis causâ Cypriani. Hoc autem dicendum censeo: nam cùm Augustinus ibidem dicat, etiam ipsa Concilia plenaria ex universo Orbe conflata emendari posse à posterioribus; videretur Sanct. Doctor, auferre ab Ecclesiâ omnem regulam infallibilem, & inemendabilem, & insuper sibi contradiceret, dùm post pauca subdit, Cyprianum cedere debuisset, si suo tempore veritas eliquata, declarata, & solidata fuisset per Concilium plenarium; ubi admittit Concilium plenarium firmum, infallibile, & irreformabile, aliàs Cyprianus ei cedere non debuisset.

Quod verò adfert ex *lib. 2. ad Bonifacium* Episcopum Romanum, non est ad rem. Primò, quia illa verba *sed si, quod absit*, indicant, Augustinum ibi proponere, & loqui de defectu à fide in Ecclesiâ Romanâ, tanquam de re impossibili; itatim enim ostendit, quid egerint Romani Pontifices contr. Cælestium, & Pelagium, imò & Zozimum ipse, qui nimis lenitatis circa eos notabatur. Secundò, si benè observetur, ibi S. Doctor non loquitur de Romanâ Ecclesiâ includente Caput ipsius, sed de Romanis Clericis. Calumniabantur enim Pelagiani, Romanos Clericos sub Zozimo admisisse prævaricationis crimen contra priorem sententiam suam. Ab hac calumniâ eos liberat Augustinus, ostendens primò, & falsum, quod ipsi obijciunt. Deinde dato (quod absit) ità tunc fuisse in Romanâ Ecclesiâ (non dicit, à Romanâ Ecclesiâ) iudicatum, ex hoc potius esset nota prævaricationis Romanis Clericis (non dicit, Romano Episcopo, nec Romanæ Ecclesiæ) innotenda.

Quod demùm producit ex Synodo quinta Generali, nos potius iuvat, sicut enim Apostoli, quamvis infallibiles Spiritus Sancti gratiâ, tamen voluerunt collatis

Iatis consiliis rem in Concilio definire; Ità etiam, etsi Summus Pontifex sit absque Concilio infallibilis, tamen quando ipse iudicat, rem exigere, vult rem in Concilio statuere. In hoc tamen fiat discrimen inter Apostolos, & Romanos Pontifices, quod illi, nec prævio aliorum consilio indigebant ad ea, quæ agenda erant; extraordinariâ enim viâ circa ipsos Deus agebat; at à Romano Pontifice ordinario Pastore, ordinaria, ac humana viâ premenda est, ideoque non veniendum ad decisionem, nisi re prius examinata, & discussa.

§. I V.

Argumenta ex Pontificum erratis, & invicem pugnantibus definitionibus.

XX. Putat Dupin, se ad oculum demonstrare Romanorum Pontificum fallibilitatem, ex facto aliquorum, qui in fide, vel moribus errarunt.

Primus est Eleutherius (seu quisvis alius Romanus Pontifex) qui, teste Tertulliano *lib. contr. Praxeam c. x.*, litteras pacis dedit Montanistis hæreticis (quod idem fuit, ac eorum hæresim approbare), quas deinde revocare coactus est.

Secundus fuit Victor, qui in Asiaticos temerè excommunicationem tulit, cuius reprehensus fuit, quia, licet in re disciplinam spectante, graviter erravit.

Tertius Stephanus, qui, ut scilicet Cypriano opponeret, in errorem extremum lapsus fuit, asserens, omnium omnino hæreticorum baptismana, sive in nomine Trinitatis, sive secus, collata, esse admittenda.

Quartus Liberius, qui non tantùm Athanasii damnationi subscripsit, sed & fidei formulæ hæreticæ, ut censuerunt Catholici Hilarius, & Hieronymus.

Quintus Zozimus, qui Cælesti Pelagian hæretici libellum, Catholicum esse, pronunciavit: ut apud S. Augustin. *lib. 2. ad Bonifacium c. 3.*

Sextus Honorius, qui hæresim Monothelitarum favit, ac subscipit, idedque in Synodo sexta cum Monothelii damnatus fuit.

Septimus Joannes XXII., qui erravit, docendo, animas SS. non visuras clarè Deum, nisi post universalem resurrectionem; & hunc suum errorem in totam Ecclesiam inducere conatus est. Hæc Dupin, quibus suo ordine respondendum est.

XXI. Ad primum de Eleutherio dico primò, non temerè suspicari posse, hanc fuisse calumniam impositam Romano Pontifici à Tertulliano, jam Montanistâ, & ut Praxeam carperet, ad quem scribebat, nimirum quod Romanum Pontificem benè affectum, & litteras pacis dare paratum Montanistis, Praxeas litteras revocare coegit. Quovis enim seculo hæreticis persuasum fuit, multum suæ causæ accessurum, si Romani Pontificis favorem, arte, vel dolo aucupari, vel tantam fautorem describere liceret. Secundò dato, quod Tertullianus verum dicat de Eleuthero, dicit tamen, quod cognoverit, sed non improbaverit, non quidem Montani errorem circa fidem, sed Montani prophetias; ait enim: *agnoscentem jam prophetias Montani, Priscæ, & Maximillæ*, non verò eorum hæresim: quod in Eleuthero fuisse error circa Personam, & circa factum, putando veras eorum prophetias, non circa fidem. Videndus propterea Pamelius in *hunc Tertulliani locum*; quamquam & ipse, concludat, etiam hoc falsum deprehendi ex historiis, maxime Eusebii, ubi hoc narrat, nec Eleutherius, nec Zephyrinus notatur. Quare dici debet, quod sicut Artemon (ut refert Eusebius *lib. hist. eccl. 28.*) falsò iactaverat, Victorem Pontificem, & etiam Zephyrinum secum sentire, & Christum purum hominem fateri: Cum tamen Victor Theodotum, illius sectæ Principem excommunicasset; ità Tertullianus Montanista in Montani sententiam trahere conatur Eleutherium. Hinc videat Dupin (inquit Romanus) summam Romæ Pontificis auctoritatem etiam illis temporibus, dum illud, quod recipiebat ipse, aut da unabat, Ecclesie Catholicæ doctrinâ, vel error contrarium putabatur.

De Victore jam dictum est, sententiam excommunicationis contra Asiaticos intulisse quidem, sed deteritum ab

Re-

Irenæo, aliisque Episcopis, pro bono pacis de facto non tulisse. In hoc tamen Victor excessit ad summum in zelo, non tamen in doxmate, pro quo pugnabat, circa celebrationem Paschatis erravit, cum tanquam dogma Catholicum in Concilio Nicæno statutum postea fuerit.

De Stephano, nego assumptum. Falsum enim est, eum incidisse in errorem, mirum Baptisimum sub quibuscumque verbis collatum validum esse, ut, dum agemus de Ministro Baptismi, fusè ostendimus. Neque enim concertatio inter Cyprianum, & Stephanum erat de verbis, quibus deberet conferri baptisimus, sed de fide: an hæc foret in conferente sic necessaria, ut baptisimus collatus ab hæretico fidem veram non habente, et si confectis verbis conferretur, repetendus esset tanquam invalidus. Quare Stephanus in epistola sua, quam refutat Cyprianus epist. 74. ad Pompejum dicit: *Si quis ergo à quâcumque hæresi venerit ad nos, nihil innovetur, nisi quod traditum est, ut manus illi imponatur ad penitentiam.* Non dixit, si quis ergo quibuscumque verbis baptizatus venerit, sed, à quâcumque hæresi, ut ostenderet, se solum vel le hæresim in conferente non obstat validitati Baptismi; quod ex eo maximè colligitur, quod in decreto subdit nihil innovetur, nisi quod traditum est; ubi verò traditio, Baptisma valere, et si verbis Evangelicis non consecratum.

Neque dicat Dupin, omnes ferè Hæreticos, qui à temporibus Apostolorum, usque ad tempora Cypriani emerferunt, in Trinitatis nomine minimè baptizasse; ergo Stephanus baptisma hæreticorum, admittens, admisit Baptisimum non collatum in nomine Trinitatis.

Etenim hoc debuisset Dupin ostendere. Nam Concilium Nicænum primum, in quo causa hæc terminata fuit, Paulianistas rebaptizandos censens, cæterorum Baptisma comprobare videtur. Item Laodiceum can. 8. addit Cataphrygas, nil de aliis dicens. Alii ergo in nomine Trinitatis baptizasse credendi sunt.

De Liberio, dicam in tractatu de Trinitate qu. 2. dub. 3. §. 4. Bellarminus lib. 4. de Rom. Pontif. c. 9. censet, Liberium reverà exilii tædio, ac zrumnis

frausum à fide exteriori defecisse, subscribendo formulæ Arianzæ manu, non tamen mente, nec corde; sicut Petrus, qui timore vidus, ore negavit Christum: quare hæreticus non fuit. Is tamen error fuit error personæ, qui nostrum assertum non destruit; quando enim dicimus, Romanum Pontificem esse indefectibilem in fide, non loquimur de eo, ut persona privata est, sed de eo, ut persona publica, seu ut Pastor docens gregem. Huc enim respicit illud Christi dictum: *confirma fratres tuos.*

Natalis verò Alexandre *bist. Eccles. secul. 4. dissert. 32. art. 1.* sustinet, Liberium neque manu falsæ fidei subscripsisse. Ex tribus enim formulis Sirmii confectis subscripsit primæ, quæ licet vocem *consubstantialis* non exprimeret, Arianum tamen errorem non continebat. At, quia Ariani de hoc gloriantes spargere ceperunt, Episcopum Romanum suis Synodis tandem subscripsisse, ex hoc falso rumore, & Hilarius, & Hieronymus crediderunt, Liberium Arianzæ perditionis subscripsisse: ed vel maximè, quod videbatur, etiam damnationem Athanasii comprobasse, cum quæ causa Arianorum conjuncta erat. Videatur Alexander præfatus, & Sozomenus lib. 4. *bist. c. 15.* secundum editionem Valeii, factum hoc ex integro referens.

Miror, quomodo contra Zozimum adferatur Divus Augustinus, cum loco citato L. 2. ad Bonifacium c. 3. ejus causam defendat. Audiat ergo: Nunc verò, cum primitus Beatissimi Papa Innocentii litteræ Episcoporum litteris respondentis Afrorum, pariter hunc errorem, quem conantur illi persuadere damnaverit. Successorque ejus Sanctus Papa Zozimus hoc tenendum esse, quod isti de parvulis sentiant, nunquam dixerit, nunquam scripserit; insuper etiam Cælestium se purgare inulientem, ad consentiendum supra dictis Sedis Apostolicæ litteris, crebrâ interlocutione comprinxit; profecto quidquid interea lenius alium est eum. Cælestio, servatâ duntaxat antiquissima, & robustissima pietatis firmitate, correctionis fuit elementissima suasio, non adprobatio exitiosissima pravitatis. Et quid ab eodem Sacerdote postea Cælestius, & Pelagius recepti-

petitâ auctoritate damnati sunt paululum intermissâ, jam necessariâ proferenda ratio securitatis fuit, non pravariatio pridè cognita, vel nova cognitio veritatis. Quid pro fide Zozimi fortius?

De Honorio I., in quo putat, se triumphare Dupin, jam dixi dubio præcedenti, ipsum nimîâ indulgentiâ errorem fovisse, quem debebat pro debito sui officii coercere, ex quo fundavit prudentem præsumptionem, ipsum fuisse Monothelitis, & cum Monothelitis damnandum. Videantur ibi dicta.

Pro defensione Joannis XXII. dicam. *in tractatu de Visione Dei*, ubi statuat, quidquid Joannes locutus est de animabus iustorum post hanc vitam, non adferendo, sed opinando, & disputationis gratiâ fuisse locutum; quod firmis documentis ostendam. Interim videri potest Natalis Alexandre *bis. Eccl. secul. 14.*

XXII. Obijcit ulterris, Romanos Pontifices in suis definitionibus secum invicem pugnas, & consequenter alterutrum errasse.

Primò. *Celestinus III. decrevit, uno conjugum ad barcam transiente, alterum, qui manet in fide, posse ad secunda vota transire.* Cujus determinatio, ut dicit glossa *c. Quanto de divorciis*, olim extabat in corpore Juris. Innocentius verò III. *eadem esp. determinat contrarium.*

Secundò. Pelagius constitutionem fecit, quòd omnes Subdiaconi Sicilia à suis uxoribus abstererent, quas in minoribus ordinibus duxerant, aut ab officio cessarent. Hanc retractavit Gregorius I. ejus successor, ut patet *31. distinct. c. Antetriumnum* in textu, & glossâ.

Tertiò. Innocentius IV. in *c. Presbyter de Sacramentis* non iterandis, ait, formas Sacramentorum non posse Apostolos esse inventas. Contrariū statuit Eugenius IV. cum universâ Theologorum schoâ.

Quartò. Stephanus II. consultus, decretum statuit *c. 11. epist. Si quis in vino, propterea quòd aquam non inveniat, omnino periclitantem infantem baptizavit, nulla ei exinde adscribitur culpa. Infans sic permanent in ipso baptismo. Nam si aqua adfuit presens ille Presbyter excommunicetur.* Hæc definitio est contraria responsis Nicolai I. ad

consulta Bulgarorum.

Quintò. Septem Romani Pontifices, Gregorius IX., Innocentius IV., Alexander IV., Nicolaus III., Martinus IV., Nicolaus IV., & Clemens V., adprobant institutum eorum Franciscanorum, qui illorum, quibus utebantur, proprietatem abdicabant, eamque Pontifici ultro largiebantur, qui in hoc Christum se imitari dicebant: & damnant eos, qui hoc improbarent. At Joannes XXII. totum hoc damnavit, abolevit, manifestè damnans doctrinam de expoliatione Christi, & Apostolorum uti pestiferam, erroneam, damnatam doctrinam, & hæresim, ac blasphemiam. Ità in sanctione: *Quia quorundam anno 1214. promulgatâ.* Qnod ergo alii Pontifices, ut pium, Sanctum, & ad Christi imitationem factum laudant, & adprobant; Alter damnat, ut pestiferum, erroneum, damnatum ut hæresim, ut blasphemiam, & eos, qui impollerum dicturi, & defensori sunt, hæreseos notâ inurit, & tanquam hæreticos contumaces, Romanæque Ecclesiæ rebelles ab omnibus haberi, mandat. Ubi ergo infallibilitas in Romanis Pontificibus?

Alias plures repugnantias, & contradictiones passim deprehendit, qui Decretales, ac Bullas Pontificum percurrat. Bonifacius enim VIII., ut fidei articulum definiret, Reges suæ Sedi in temporalibus subesse. Sic in *extravag. unam Sanctam*. At Clemens V. hanc constitutionem revocavit in *cap. Meruit de Privilegiis*. Sixtus V. sum de Bibliis vulgatis editionem emendatissimam esse, pronunciat, *Bullâ editionis suæ præfixâ.* Clemens verò VIII., cum multos in illâ errores deprehendisset, illam supplet, novæque editioni, & correctioni maius auxilium.

XXIII. Priùsquam ad hæc responsum, aliqui prænotanda sunt. Primò, Romanum Pontificem posse considerari, vel ut Personam privatam est, sed particularis Doctor, vel ut personam publicam, seu ut Pastorem, & Doctorem universalis fidelium, & ut loquens ex Cathedrâ. Sicut Regem possumus considerare, ut homo particularis est, & ut Rex loquens ex Throno, condens edicta in bonum totius Regni.

gni. Quando ergo dicimus, Romanum Pontificem esse infallibilem, etiam sine Concilio Generali, in decernendis rebus ad fidem, moreque ad universalem Ecclesiam spectantes, non loquimur de Pontifice, ut Personâ privâtâ, sive ut Doctore particulari: ideoque infallibilis auctoritatis esse non dicimus responsa variorum Pontificum, in Jure Canonico contenta, ad casus quosdam particulares, quibus rogati opinionem suam aperuerunt, nec dogma sancire intenderunt; cum ibi non exponerent mentem Sedis Apostolicæ, sed suam particularem. Loquimur ergo de Pontifice docente ex Cathedrâ, & ut Doctore universali.

Et insuper loquimur de quæstionibus Juris concernentibus dogma tangens fidem, aut mores, & toti Ecclesiæ proponendum, nam in quæstionibus puri facti particularis connexionem non habentis cum dogmate, potius videtur gerere personam humani Judicis procedentis ex humanâ informatione, quàm Capituli, & Doctoris Ecclesiæ docentis; nec videtur in hoc habere locum privilegium confirmandi fratres Petro concessum.

Tunc autem Pontifex loquitur, ut Pontifex, ex Cathedrâ, & ut Doctor Universalis, quando excitatâ, & ad eum delatâ controversiâ de aliquo dogmate, adhibitis consiliariis, & solâ debitâ materiz disquisitione, Pontifex, imploratâ Spir. S. adfidentia, decernit, ac proponit universæ Ecclesiæ quid erendum sit, vel quid faciendum. In tali judicio dicimus, Pontificem prorsus esse infallibilem, & per eum loqui Petrum, utpote, quia à semetipso non loquitur, sed ex adfidentia speciali Spiritus Christi ipsum gubernantis in decernendo.

XXIV. His suppositis ad objecta dissolvenda descendendo. Ad primum. Celestinum III. fateor ita sensisse, ex illo Pauli 1. Cor. 7. v. 15. *Si infidelis discedat: non enim servituti subiectus est frater, aut soror hujusmodi* opinando tamen, non decernendo, ut Doctorem privatum, non ut Ecclesiæ universalis Magistrum. Hoc testatur Innocentius 6. *Quanto de divertiis citato his verbis: Licet quisam prædecessores nostri sensisse*

aliter videantur, sensisse (ait), non definivisse. Sed nec Innocentius quidem definit quidquam, sed explicat sententiam, & opinionem suam inquit. Non credimus, quod in hoc casu it, qui relinquitur, possit ad secundas nuptias transire. Verum dixit Innocentius, saltem Celestinus, neuter tamen definendo processit. Rem postea definivit Tridentinum sess. 24. can. 5. anathemate sciens, qui dixerit, propter hæresim dissolvi posse matrimonii vinculum. Nec enim statim, si aliquid in juris volumine continetur, fidei dogma esse, credendum est.

Ad secundum dico, Pelagium II., & Gregorium I. invicem non pugnare. Nam Pelagius decrevit, ut omnes Subdiaconi Siciliæ abstinerent à suis uxoribus, quas in minoribus ordinibus duxerant, quia, supposebat, eos secundum morem Ecclesiæ Romanæ in ordinatione ad Subdiaconatum, votum continentie emisisse. Verum cum ita non esset, ideoque propterea multi reclamarent, re à Sancto Gregorio compertâ, rescidit Pelagii decretum, permisitque eis, qui continentiam in susceptione Subdiaconatus non voverant, uxoribus antea dudis commissæ: factio tamen præcepto Episcopis, ut nullum Subdiaconum facere præstarent, nisi, qui se viduam castè promiserit: Laudans deinde eos, qui constitutioni Pelagii parentes, continenter cum suis uxoribus vivere ceperant, exhortansque eos, ut in bono suo permanerent; ita diss. 37. cap. ante triennium. Pelagium verò potuisse falso supposito laborare in materiâ facti, ut in re disciplinam concernente, non lædit Romanis Pontificis auctoritatem infallibilitatem.

Ad tertium, si verum est, quod de Innocentio IV. refertur, dico, eum opinativè locutum, non adscriptivè, ut doctorem privatum suam opinionem declarantem, non ut Pontificem decisivè loquentem. Quamvis (ut ex verbis Innocentii observo) non negat, Apostolos absque omni prorsus formâ, seu verbis Sacramenta contulisse: dicit enim, quod manus imponebant, & orationem fundebant, sed solum vult, Apostolos non fuisse

fuisse usos, faltem in aliquibus Sacramentis, eadem specie formâ, seu iisdem verbis, quibus modò utitur Ecclesia, & quod, nisi Ecclesia formas postea adinvenisset, quibus utitur, sufficeret ordinatori sic dicere: *Sic Sacerdos, vel alia aequipollentia verba*; quod non contradicit Eugenii IV. definitioni, qui licet statuerit, omnia Sacramenta debere perscifici verbis, non dicit tamen, verba in omnibus Sacramentis esse in specie determinata à Christo; etque satis probabilis Theologorum sententia, in aliquibus Sacramentis (& præsertim Ordinis) Christum determinasse verba solum in genere, relinquendo, ut Ecclesia determinaret, quæ in specie verba essent adhibenda.

Ad quartum, de Stephano II., vel dico, cum non pronunciasse validum Baptisma in vino collatum (hoc enim vel pueri sciunt) sed solum dixisse, *Præbytero, qui, non existente aquâ, sic baptizavit, non debere adscribi culpam puniendam poenâ canonicâ*. Illa autem verba *Infantes sic permanent in ipso Baptismo*, censet Labbeus (ut notat Harduin. 10. 3. Concil. vol. 1987.) esse glossam in margine primò positum, & à margine in textum temerè intrusum. Vel, ut placeat Natali Alexandro, mendosum esse textum, ut à Sirmondo refertur, & sic reſtituendam videri sinceram lectionem, nulla, ei exinde adscribitur culpa, si *Infantes sic permanent in ipso Baptismo*; itâ laudatus Auctor hist. Eccl. secul. 8. c. 1. art. 6.

Ad quintum, in quo videtur facere magnam vim, multa dicit Natalis Alexandre hist. Eccl. secul. 13. & 14. differtat. 11., ubi agit de controversiâ à Dupin allata, & ostendit, Constitutiones Joannis XXII. de paupertate Christi, & Apostolorum, dominioque, vel usu PP. Minorum, in dogmate fidei, non esse contrarias Nicolai III. Constitutioni *Exiit, qui seminat*.

Duas enim quæstiones tangunt illæ Constitutiones. Prima est de paupertate Christi, & Apostolorum; altera de jure, ac dominio Fratrum Minorum. Prima Fidem spectat; secunda verò Philosophiam Moralem. Quoad primam Joannes XXII. à

Tom. I.

Nicolaio non dissentit. Nam Nicolaus adserit, Christum abdicationem absolutissimam domini rerum temporalium tam in communi, quàm in particulari, verbo, & exemplo docuisse; quod sanè verissimum est. Verbo enim docuit *Matth. 10.* exemplo autem *Matth. 8., & Luca 8.* Non negat tamen, Christum aliquando rerum aliquarum dominium habuisse, eorum maxime, quibus utebatur, vel quæ ad suos, & suorum usus accipiebat, & aliquanto tempore servabat tanquam sibi victum necessarias, dicitur enim in Evangelio *Joan. 13.*, seculos cum Appollis possedisse, ex quibus emi judebar necessaria ad communem sustentationem, & pauperibus etiam erogari; quod vitæ genus maxime imminente Passione amplexus fuit. Hoc est, quod Joannes XXII. adserit, & hæreseos damnat oppositum, & quia esset contra Scripturam, & quia si Christum dominium propriè dictum in illas pecunias non habuisset, injustè illas possedisset, injustè expendisset; quia bona non sua, sed aliena, & ex bonis alienis, injustèque possessis, elemosynas elargitus fuisset. Nec in hoc dissentit à Nicolao, qui etiam docuit, Christum infirmorum personam suscepisse in oculis, & infirmorum imperfectionibus descendisse, infirmitati scilicet naturæ, quam assumeret, cui sustentandæ multa necessaria sunt, sese accommodans. Ecce igitur, quomodo in fidei puncto non discordant Nicolaus III., & Joannes XXII., cujus sententiam itâ exposuere Cardinales, Episcopi, & Doctores ab ipso consulti, quos refert prefatus Alexandre.

In alterâ verò quæstione, de Fr. Minorum arctissimâ paupertate, an scilicet simplicem usum facti, an verò etiam jus, & dominium habeant iis in rebus, quæ usu consumuntur; Nec etiam invicem pugnant Nicolaus, & Joannes. Nam Nicolaus decrevit, apud Minoritas esse solum simplicem usum facti, loquendo de iis rebus, in quibus usus à dominio separabilis est, quod in rebus, quæ usu ipso consumuntur, contingere nequit. Quod verò in hoc sensu locutus sit Nicolaus, ostendunt ipsius verba. Nam respondens legi dicenti, *non posse usum fru-*

X

fru-

fructum à dominio perpetuo separari Gre., respondet. Quia quidem lex de rebus illis intelligitur, quarum penes unum usus rei, & penes alium dominium possit, licet inutilis remanere, quod nequaquam in rebus usu consumptibilibus potest esse: & eam in illis per usum, vel abusum usuarii, substantia talis rei esse destinata, & per consequens proprietatis etiam inutilis non subsistat. En quomodo, nec in hoc discordant sunt hi duo Pontifices. Cæterum etsi in hoc Joannes à Nicolao dissentiret, neuter illorum in fidei dogmate errasse dicendus est; hujusmodi enim quaestio fidei summam non spectat, sed tantum Moralem Philosophiam. De hoc agemus fusiùs in *Tractatu de Justitiâ, & Jure*.

Ad id, quod addit de Bonifacio VIII., stillitur, dùm ait, ejus Constitutionem *Unam Sanctam* fuisse à Clemente V. abrogatam. Eam quidem, sicut & aliam, *Rem non novam*, moderatus est Clemens, non abrogavit. Ità declaravit in c. *revivuit*, ubi irritans omnes sententias, constitutiones &c., quæ in sexto decretalium libro non continentur, quatenus præjudicare possunt juribus Regum &c., *duabus* (inquit) *Constitutionibus*, quæ non sunt in eodem libro inclusa, quarum una incipit *Unam sanctam*, & alia *Rem non novam*, quas secundum moderationes easdem alias per nos factas, & non aliter intelligi volumus in suo robore permanere, excerptis. Consideratissimâ enim ratione perpendit Clemens V. in decretali *Unam sanctam*, duo esse distinguenda. Unum, definitionem, quâ Bonifacius pronunciat, de necessitate salutis esse Reges Romano subesse Pontifici, eique parendum esse, etiam in temporalibus; & hanc adprobat, ut de fide tenendam Clemens. Alterum, rationes, quibus Bonifacius hanc necessitatem adstruebat, & secundum hanc partem, quæ ad fidem non spectabat, & in quâ doctrinam suam, non Ecclesiæ, Bonifacius effundebat, moderatus est. Ità concordat cum Bonifacio Clementem Alexander *bis. Eccles. secul. 13. & 14. dissert. 9.*, cui tamen non in omnibus, quæ ibi dicit ad hærendum est. Alexandrum adduxi, ut Doctorem Sorbonicum Sorbonico contraponam, & ut, qui legerit,

videat, doctrinam Dupin esse doctrinam suam, non (ut ipse vendit) Academicam Parisiensem.

Falsitatis etiam evincitur contrarietas, quæ supponitur circa Bibliorum correctionem, inter Sixtum V., & Clementem VIII.; non enim Sixtus V. publicè toti Ecclesiæ editionem suam proposuerat, sed eum opus jam esset excusum, & ut in lucem emitteretur, idem Pontifex operam daret, animadvertens, non paucos in Sacra Bibliâ pravi vitio irrepisse, quæ iteratâ diligentia indigere viderentur, totum opus sub incudem revocandum censuit, atque decrevit. Id vero eam morte præventus præstare non potuisset. tandem sub initium Pontificatus Clementis VIII. opus, quod Sixtus intenderat, Deo bene juvante perfectum est. Ità legitur in *Bibliorum præfatione*. Non ergo, quod Sixtus judicavit perfectum, Clemens emendatione dignum existimavit, sed quod Sixtus perfectum putaverat, idem Sixtus advertens in aliquibus emendandum, exemplaria jam impressa revocavit, & emendationem novam indixit, quæ Clemens absolvit. Etsi autem deceptio aliqua fingeretur in Sixto, dùm putavit emendata Biblia, quæ adhuc erant mendosa, nihil tamen præjudicaretur infallibilitati Romani Pontificis, quia menda illa ex typographorum vitio irrepserant, & error facti erat: præterquam quod menda minoris momenti erant, quæ sensum, & doctrinam Sacræ Scripturæ non corrumpere.

§. V.

Argumenta ex testimoniis Pontificum, & Conciliorum.

XXV. Prosequitur Dupin Intendens, ex confessione eorundem Pontificum evincere eorum fallibilitatem in discernendo.

Primo opponit Paulum IV., qui in confessa satis frequenter, in quo agebatur de solvendo matrimonio, per verba de præsentis contratto, inter Franciscum Montmorantium, & Joannem Halluyriam Picennam: *Ne quæso* (inquit) *vos te-*
stant

neam decessorum meorum facta, & exempla, quæ entenus sequi volo, quatenus Scriptura auctoritas, & Theologorum rationes, vos ad illud agendum inducent.... non dubito, quin ego, & prædecessores mei errare aliquando potuerimus, non solum in hoc, sed etiam in pluribus aliis verum generibus, & tamen, condemnandi planè non sumus: nam Deus suam ità regit Ecclesiam, ut illi certum ad tempus abscondat multa, quæ tùm inde patefascit.

Si vera sunt hæc, quæ unius testis dicto refert Dupin, nimirum Joannis Hagæ Parisiensis Theologi, quæ refert etiam Natalis Alexandre hist. Ecclæs. secul. 15., & 16. cap. 1. artic. 18. Respondeo, Pauli, ut Doctoris privati fuisse specialem opinionem, Pontificem non posse solvere matrimonium, per verba de præsentî contrahenti, non tamen consummatum; cum tamen opinio contraria communior sit: & ante ipsum aliqui Summi Pontifices dispensarint, & post ipsum Pius IV., Gregorius XIII., & S. Pius V., quorum iudicio potius standum est. Id autem, quod subdit, *plures suos decessores errare potuisse*, vel privata ejus opinio fuit, vel locutus est de suis prædecessoribus in casibus particularibus, & meri facti, non de ipsis, ut ex Cathedrâ definentibus, & totam Ecclesiam docentibus; & proinde ejus dictum nil obesse infallibilitati, prout à nobis statuitur. *Fidei enim causas* (ait Natalis Alexandre citato loco scholio 2.) *sive dubia circa fidem emergentia ad Sedem Apostolicam referenda esse, censeo, & ad Ecclesiam Romanam, in quâ semper fides intemerata servata est, & ea, quæ ab Apostolis traditis, & illius decretis, iudicio, & Constitutionibus, ità esse parendum, ut his obviare, planè sit hæreticæ pravitatis notam incurere.* Hæreticum enim esse constat, qui Romanæ Ecclesiæ in fide non concordat, ut scribit Ivo Carnotensis episc. 2. Hinc mari etiam Remensis Archiepiscopi verba ex animo usurpo in opusculo de divorcio Lutharii Regis, de omnibus dubiis, vel obscuris, quæ ad rectæ fidei tñorem, vel pietatis dogmata pertinent, Sancta Romana Ecclesiâ: ut omnium Ecclesiâ-

rum Mater, & Magistra, Nutrix, & Doctrix est consulenda, & ejus salubria, monita sunt tenenda, maxime ab iis, qui in illis regionibus habitant, in quibus Divinâ Gratiâ per ejus prædicationem, omnes in fide genuit, & Catholico lacte nutrit, quæ ad vitam præordinavit æternam. Hæc Natalis Alexandre, & ità Galli antiqui sentiebant.

XXVI. Objicit secundo Adrianum VI., qui in 4. sent. de Ministro Confirmat. ait, *ad secundum principale de facto Gregorii I. dicto, quidd si per Romanam Ecclesiam intelligatur Caput illius, puta. Pontifex, certum est, quidd possit errare, etiam in iis, quæ tangunt fidem, hæresim per suam determinationem, aut decretalem docendo; Plures enim fuerunt Pontifices Romani hæretici; item, & novissime fertur de Joanne XXII., qui publicè docuit, declaravit, & ab omnibus teneri mandavit.* Hæc licet scripserit adhuc Lovaniensis Theologus; factus tamen Pontifex non retractavit.

Respondeo, Adrianum, dùm ea conscripsit, errasse, sicut erravit, dùm ait, Joannem XXII. hæresim publicè docuisse, declarasse, & ab omnibus teneri mandasse; cujus oppositum firmis documentis ostendam, in tractatu de Visione. Nisi forte dicatur, locutum fuisse de Pontifice, ut Persona privata est, non verò ut Doctor universalis ex Cathedrâ Ecclesiæ instruens. Quare suspicor, Adrianum fuisse ità locutum, quia forte erat in opinione quorundam Theologorum, qui distinguebant Romanam Ecclesiam à Romano Pontifice, & dicebant, hunc in fide errare posse, illam non posse; sicque sibi videbantur omnia argumenta solvere, quia pleraque non Romanæ Ecclesiæ, sed Summi Pontificis fidem impugnant. Porro Adrianum in hac opinione fuisse, credibile reddunt illa verba, si per Romanam Ecclesiam intelligatur Caput illius, puta Pontifex &c.

Verùm placere non potest hæc distinctio. Isti enim ab errore vindicant quidem Romanam Ecclesiam, sed non Romanum Pontificem. Nullum ergo discrimen invenio inter Apostolicam Sedem, & Apostolicæ Sedi infidentem, dùm ex eâ loquitur, & in eâ sedens judicat. Cùm

enim Galliarum Episcopi accesserunt, fidei oracula postulaturi tempore Innocentii X., ut supra dictum est, interrogarunt singulos Romanæ Ecclesiæ fideles, aut Ecclesiam ipsam Romanam? An potius Innocentii Summi Pontificis iudicium quaesierunt? & meritò, nam non Romanus Populus, aut Clerus adhuc congregatus est, qui Ecclesiam universalem docet ea, quæ fidei sunt, sed Romanus Episcopus. Nec potestas iudicandi de causis fidei, ligandi, solvendi, pascendi, fratres confirmandi, in populo, aut Clero Romano est, sed in Romano Patre. Nec Concilia exigunt Confirmationem, & robur ab ipsâ Romanâ plebe, sed à plebis Romanæ Antistite. Melius ergo discurrimus, dum in Romano Pontifice duplicem singulis contingere posse errorem, unum Personalem, Judiciale alterum. Error itaque Personalis est privatus error Personæ. Judicialis verò est error Ministerii, & Publicus. Consultus Pontifex de aliquo casu, vel facto particulari respondet. Si in hoc aliquis error esset, hominis esset, & Personalis, non Pontificis, quamvis responsum illud à Pontifice datum sit. At si idem Pontifex, instituto iudicio de fidei questione, iudicando aliquid definiret, quod reverà falsum esset, tunc hic error à publico Ecclesiæ censore prodiret, essetque error Judicialis, error Scdis. De erroribus primi generis loquitur Adrianus, non de erroribus secundi generis.

Hoc errore, nimirum Personali, fatetur, se potuisse labi Gregorius XI. in testamento suo, ut refer idem Dupin. De quo pariter loquitur Innocentius III., dum *serm.* 2. (non 3.) de consecratione Pontificis, ait, *in tantum enim fides mihi necessaria est, ut, cum de cæteris peccatis solum Deum Iudicem habeam, propter solum peccatum, quod in fide committitur, possem ab Ecclesiâ iudicari.* Hic enim cum loqui de errore Personali in fide, manifestum est; nam immediate ante, ubi loquitur de se ipso ratione officii, sic ait. *Nisi enim ego solidatus essem in fide, quomodo possem alios in fide formare? Quod ad officium meum poscitur pertinere, Domino protegente; Ego, inquit, pro te rogavi*

*Petro, ut non deficiat fides tua; & tu aliquando conversus, confirma fratres tuos. Rogavi, & impetravi... & inde fides Apostolica Sedis in nullâ unquamurbatione deficit, sed integra semper, & illibata permansit, ut Petri privilegium persisteret inconcussum. Inad nec Romani Pontificis Personam unquam amisissuram fidem, adserit, *serm.* 3. de consecr. Sum. Pontif. dicens, Ego tamen facile non crediderim, ut Deus permitteret, Romanum Pontificem contra fidem errare, pro quo spiritualiter oravit in Petro, & *serm.* 4. de eodem, ut ostendat, quomodo posset ab Ecclesiâ iudicari, si fortè laberetur in hæresim: Verum (inquit) non frustra sibi blandiatur de potestate, neque de sublimitate, vel honore temerè gloriatur: quia quanto minus iudicatur ab Homine, tanto magis iudicatur à Deo. Minus dico, quia potest ab hominibus iudicari, vel potius iudicatus ostendi, si videlicet evanescat in hæresim. Nihil ergo ex Adriano conficit pro sua causâ Dupin.*

XXVII. Obijcit tertio Eugenium IV., qui in tertiâ Bullâ adversus Concilium Basileense, licet se supra Concilium Generale efferret, ait, in questionibus, quæ ad fidem respiciunt, vel statum universalis Ecclesiæ, potius attendendam esse Concilii, quàm Papæ sententiam.

Sed quid dicit Dupin, si ipsi ostendero, præfatam tertiam Bullam non solum fuisse eum aliis duabus prioribus revocatam, sed nunquam reverà ab Eugenio prodixisse? Quod præfatas Bullas revocaverit Eugenius, evidenter ostendo, ex Bullâ revocationis, quæ legitur *sess.* 16. Concilii Basileensis tom. 8. Concilior. edit. Harduin. col. 1172. Quod verò dicta tertiâ Bulla Eugenii factus nunquam fuerit, præfata revocationis Bulla aperit loquitur. Ubi enim se revocare duas priores, protestatus est, de tertiâ subdit: nam tertiâ, quarum temerè de verbo ad verbum inferius describitur, quæ dicuntur incipere Deus novit, cum à nobis, aut de scitu nostro nunquam emanaverint, licet superfluum videatur, quod non exstat, revocare, tamen, quia petium est, & ad cautelam, si nullo unquam tempore apparerent..... cassamus &c.

XXVIII.

XXVIII. Obijcit quartò. Adrianus II. in epist., quæ Synodi sextæ ad. 7. lecta, & approbata est, ait, licet Honorio ab Orientalibus post mortem anathema sit dictum; sciendum tamen est, quia super hæresi fuerat accusatus, propter quam solum licitum est minoribus majorum suorum moribus resistere, vel prævios sensus libere respondere.

Leo etiam II. epistol. ad Constant. confirmatoriâ Synodi sextæ de Honorio, ait, ipsam Romanam Apostolicam Ecclesiam non Apostolica traditionis doctrinâ lustrasse, sed propandâ traditione immaculatam fidem maculari permisisse; & in epist. ad Heroigium accusat eum, quod immaculatam traditionis regulam, quam à prædecessoribus accepit, immaculati conseruit.

Respondetur de Honorio satis dictum fuisse dubio præcedente, nimirum, ipsum non fuisse reverâ animo hæreticum, licet talis aperuerit, ac peccasse lenitate, ac indulgentiâ culpabili, non infidelitate. Hinc Adrianus citatus non ait, quod fuerit hæreticus, sed quod super hæresi fuerat accusatus. Et Leo II., quod immaculatam fidem maculari permisit, consensu, non errore proprio maculavit. Dici etiam potest, epistolas Honorii ad Sergium, ob quas hæresis notâ innuitus fuit, fuisse litteras privatas consultivas, non decretorias; idèdque, si erravit, fuit error Personalis, non Judicialis.

XXIX. Obijcit quintò epistolam Synodicam Concilii Basiliensis, quæ sic habet: Si Ecclesia errare possit, cum certum sit, Papam errare posse; tunc & Papa, & reliqui toto corpore errantibus, tota erravit Ecclesia, quod esse non possit. Experiencia etiam demonstrat, quia sæpe experti sumus, & legitimus, Papam, licet caput, & principalem partem, errasse, reliquum autem corpus, Papâ errante, errasse nunquam legitimus; propterea reliquum sæpe totum corpus condemnavit, aut deposuit Papam, tam ratione fidei, quam morum. Hæc est definitio Concilii Generalis, & approbata à Pontifice; nam Basiliense Concilium approbavit, & Oecumenicum esse, declaravit Eugenius IV. in Bullâ, quæ lecta est sessione 24. Dr.

cernimus, inquit, & declaramus; præfatum Concilium Generale Basiliense à tempore prædicta incubationis sua legitimum continuatum fuisse, & esse &c. Cum ergo prædicta epistola Synodica à Synodo probata fuerit sess. 3. haud dubium, quin pro definitione Concilii Generalis habenda sit, & inter acta Concilii ab Eugenio approbata, numeranda. Adde, quod Nicolaus V. Eugenii successor omnia facta, gesta, concessa, data indulta, disposita & ordinata Concilii Basiliensis approbavit.

Hoc Basiliense Concilium est, vel Paladium, ad quod Pontificis infallibilitatis hokes conflugiunt; Vel equus Trojanus, ex quo armati profluit. Sed reverâ potius, quàm Concilium Christianorum, Babelica confusio fuit. Convocatum quidem fuerat à Martino V., & ab Eugenio IV. confirmatum. Vix autem expletâ sess. 1. Eugenius iustis, pluribusque de causis, quas refert August. Patrit. tom. 9 Concilii col. 1085. Concilium dissolvit, illudque Basilicâ Bononiâ transtulit, suumque Legatum revocavit. Hoc audito, pauci, qui Basileam convenerant, contra dissolutionem Concilii obstrepere cæperunt, contententes, id ab Eugenio fieri non potuisse; idèdque sess. 2. decretum de superioritate Concilii, cæteraque contra Ecclesiæ Capituli dignitatem, pauca membra moliri ausa sunt; & ex tunc cæpit à natura Concilii legitimi deviare, & in errores prolabi usque ad depositionem Eugenii, & electionem alterius Pontificis successivè procedens. Fateor, Basilienses ad tantum facinus non statim progressos fuisse. Multa interea contra Pontificem attentata sunt, quæ in apertum schisma erupura, videns Eugenius, pacis studio, & Principum precibus permotus, maxime Sigismundi Cæsaris, Concilio Basiliensi iterum adhærere decrevit, revocatis hincinde litteris, & gestis tunc à Pontifice contra Concilium, tunc à Concilio contra Pontificem. Hoc habetur sess. 24. Formâ adhesionis sibi à Concilio præscriptâ, idèdque summæ Apostolicæ libertatis læsiâ; Litteræ Eugenii re-actoriæ dissolutionis, & adhesionis Concilio, leguntur sess. 26. Verùm Concilio in dies contra supremam ejus Autorita-

tem moliente, & alia contrâ Jus, fasque statuerit, tandem Eugenius à Concilio recessit; Concilium alium Papam elegit Amedeum Sabaudiz, Felicis nomine suscepto, aliaque subsecuta fuerunt, non, sine piorum scandalo. Vicit tamen auctoritas Eugenii. Post ejus separationem, Concilium Basileense in Conventiculum, versum est, & Synodus ei opposita Bononiæ, Ferratiæ, & tandem Florentiæ ab Engenio convocata, pro legitima habita est non solum à Latinis, sed etiam à Græcis, qui illuc convenientes pacem cum Latinis inierunt.

Hæc puto apud omnes certa esse. Difficultas est, à quo tempore Concilium Basileense desierit esse legitimum, ejusque gesta nullius esse roboris experint. Volunt quidam, hoc tunc solum capisse ab eo tempore, quo Eugenius totaliter se à Concilio separavit, nimirum *sess. 19.*; acta verò in prioribus sessionibus habenda esse tanquam à Concilio legitimo edita; inter quæ sunt decreta de Concilii superioritate, & infallibilitate supra Papam. In hac sententiâ procedit argumentum contrarium Dupin.

Respondet, negando epistolam illam Synodicam, & cætera acta Basileensis Concilii, maxime ea, quæ sunt læsiva, & injuriosa auctoritati Pontificiæ, fuisse ab Eugenio, aut ab ullo alio Pontifice confirmata. At inquit. Hoc declaravit Eugenius in Bullâ, quæ lecta fuit *sess. 14.*, nimirum Concilium illud à tempore suæ inceptionis legitimè continuatum fuisse, & OEcumenicum esse. Distinguo. Declaravit Eugenius, approbando progressum, & continuationem Basileensis Concilii, concedo, approbando decreta ejus, nego. Approbavit ergo Eugenius (ut schisma, quantum fieri posset, declinaret) progressum, & continuationem Concilii, declarando illud incepisse, continuasse, & adhuc continuare, ut legitimum, idest habuisse, & habere progressum legitimâ auctoritate fultum; non enim fuerat Eugenii intentio, ut Concilium illud evacuaretur virtute suâ, si causæ, ob quas illud transfulerat, aut non essent veræ, aut non tantæ gravitatis, sicut postea ipse agnovit. Non tamen declaravit, illud continuasse legi-

timum quoad materiam processum, ita, quod omnis declaratio facta per tale Concilium fuerit vera, aut approbando omnia gesta, & decreta in illo. Primum summæ prudentiæ Eugenii fuit attendentis ad circumstantias temporum. Secundum verò summæ insipientiæ fuisset. Quis enim, nisi imprudentissimus, approbaret gesta, aut decreta aliqua, antequam illa videret, examineret, atque plenè, & integrè ponderaret, si quid in eis minùs rectum, minùs verum, aut minùs expediens contineretur? Porro, quod per approbationem processum, & continuationis Concilii, non intenderit Eugenius, approbare decreta in illo, vel ipsi Basileenses intellexerunt; Si enim, aliter intellexissent; cur tanto studio, & tam repetitis vicibus laborarant per oratores suos, ut eorum decreta approbaret, & confirmaret Eugenius? Stante autem legitimatione in processu Concilii, sed non accedente confirmatione decretorum, stare potest error in decretis, ut apparet in secundâ Synodo Ephesinâ: quæ, sicut fuit legitimâ auctoritate inchoata, ita etiam continuata, quæ tamen gravissimè erravit, ut dictum est supra. Hæc, & alia plura Turrecremata, *responsione ad secundum articulum. in Concilio Florentino ad Basileenses anno 1439.*, quæ extat tom. 9. Concil. Harduin. col. 1269. 1., & lib. 2. *summa de Ecclesiâ cap. 100.*

XXX. Quod autem Eugenius decreta Basileensia non confirmaverit, quin potius hoc detestaverit, imò ea, quatenus lædentia summam Romani Pontificis auctoritatem, ejuraverit, manifestè evincit ejusdem Eugenii Bulla, quæ incipit *Moyser. vir Dei*, edita in Concilio Florentino anno 1439., & ab eodem Concilio probata, exstant 3. p. *ejusdem Concilii tom. 9. Concil. col. 1004.*, quæ Basileentium omnia acta, gesta, statuta, & decreta, maxime in duabus ultimis sessionibus circa veritatem suarum approbationem, & temerariam depositionem, cassavit, revocavit, & annullavit, ut perniciofa, & à nullam habentibus potestatem temerè condita & decernens, puniendos tanquam hæreticos cum suis fautoribus, ultra statutas penas, æterno Dei

Dei Iudicio, ut qui confusorem, atque scripsuram in Ecclesiâ Dei, & Principatu Ecclesiastici Ordinis ponere conarentur.

Neque ea confirmavit Nicolaus V. Eugenii successor. Is enim, ut videre est in eis, Bullâ postâ tom. 8. Concil., in Calce Concilii Basileensis, solum pro bono pacis confirmavit, & approbavit omnia gesta in materiâ concessionum, dispositionum, beneficiorum, aliarumve dignitatum collatorum, sive à Concilio, sive à Felice Papa nuncupato; quod totum tangit materiam facti. Non autem approbavit, aut tetigit decreta circa dogmata, aut materiam Juris.

Haslensis dicta confirmat Concilium Lateranense quintum sub Leone X. sess. 11. ubi, Concilio approbante, Leo annullans pragmaticam sanctionem, sic ait: *Nec illud nos movere debet, quod sanctio ipsa, & in eâ contenta in Basileensi Concilio edita, & ipso Concilio instante, à Bituricensi congregatione recepta, & acceptata fuerunt.* Cùm ea omnia post translationem ejusdem Basileensis Concilii per felicis memoriae Eugenium Papam IV. etiam Prædecessorem nostrum factam, à Basileensi Conciliabulo, seu petriâ Conventiculâ, qua præsertim post hujusmodi translationem Concilium amplius appellari non merebatur, facta extiterint, ac propterea, nullum robur habere potuerint: cùm etiam solum Romanum Pontificem pro tempore existentem, tanquam auctoritatem super omnia Concilia habentem, tam Conciliorum indicendum, transferendum, ac dissolvendum plenum jus, & potestatem habere, necdum ex Sacre Scripturæ testimonio, distis Sanctorum Patrum, ac aliorum Romanorum Pontificum etiam Prædecessorum nostrorum, Sacrorumque Canonum decretis, sed propriâ etiam eorumdem Conciliorum confessione, manifestè constet &c. Deinde relictâ aliqua Concilia id confidentia.

XXXI. Verùm, quia respondere quis posset, Leonem X. vocare Concilium Basileense Conciliabulum, conventiculum, nullius roboris in ipso gesta, post separationem Eugenii IV. ab ipso, non verò ante; adeoque nil tetigisse, sed reliquisse in suo robore decreta de superio-

ritate, & infallibilitate Concilii supra Papam, sicut & præfatam epistolam Synodicam,

Propterea sic infuso primò. Qui habet auctoritatem super omnia Concilia, est superior Conciliis; sed Leo dicit, Papam habere auctoritatem super omnia Concilia, ita, ut si ipse à Concilio recedat, Concilium transeat in conciliabulum; ergo Papa superior Concilio est; ergo firmitatem, & infallibilitatem habet Concilium ex adhesionem Papæ Concilio.

Secundò. Ille est ex se infallibilis, ex cujus approbatione, & subscriptione robur accipiunt acta Conciliorum, sed Leo X. inferius dicit, consueverunt antiquorum Conciliorum Patres, pro eorum, quæ in suis Conciliis gesta fuerunt, corroboratione, à Romano Pontifice subscriptionem, approbationemque humiliter petere, & obtinere; ergo Papa dat Concilio infallibilitatem, non Concilium Papæ.

Tertiò. Concilia à Romano Pontifice non approbata, nullius roboris sunt, errareque possunt, ut supra ostendimus; sed Concilium Basileense Romani Pontificis approbationem non obtinuit: subdit enim Leo: *Quam laudabilem consuetudinem (nimirum obtinendi approbationem) si Bituricenses, & Basileenses secuti fuissent, hujusmodi molestiâ proculdubio careremus, scilicet Pragmaticam sanctionem abolendi.* Ergo &c.

XXXII. Objicit sextò, Parisiensem Academiam contra Romani Pontificis infallibilitatem semper pugnavisse.

Respondeo. Variis dixisset, ex Parisiensi Academiâ aliquos, non omnes. Parisiensis enim facultatis Doctores, & Professores fuisse D. Thomas, Thomas Waldensis, Thomas Beckhamis, Duvalius, Ludovicus Bail, Coeffertius Ordinis Prædicatorum Episcopus Massaniensis, Catulus Franciscus Abba Episcopus Vabrensis, Abelley Episcopus Ruthenensis, alique; quorum dicti referunt Matthias à Coronâ tract. 2. de potestate Spirituali circa res fidei cap. 16. §. 7. 8., & Al ysius Andruzzi de perpetuâ Ecclesiâ doctrinâ de infallibilitate Papæ lib. 1. cap. 4. Gra; qui omnes pro infallibilitate Papæ restant;

terunt; quibus adjungendus est Cornelius Ipreñis supra relatus; Augustinus item Triumphus, qui seculo 13. floruit, fuitque Parisiensis Academiæ sub D. Thoma. & Ponaventuræ alumnus de *Po-
testate Ecclesiasticâ quest. 10. art. 1.* ubi quaerit, utrum ad Pontificem spectet determinare, quæ sunt fidei, & sic resolvit. Ad illum ergo perspicue determinare, quæ sunt fidei, qui est Caput totius Ecclesiæ, talis autem est Summus Pontifex successor Petri, pro cuius fide singulariter rogavit Salvator Luca 12., quando dixit, ego pro te regavi Petre, ut non deficiat fides tua. Tu autem aliquando conversus confirma fratres tuos. *Istud autem satis signatum est Exodi 18., ubi dictum est Moysi, qui fuit Rector Judæorum, sicut Papa est Rector omnium Christianorum. 2. esse tu populo in his, quæ ad Deum pertinent, ut ostendas ei caeremonias, & ritum colendi Deum. Sicut ergo omnes questionēs emergentes de lege, & de Cultu Dei, reservabantur Moysi determinanda; sic omnia, quæ sunt fidei Christiana, Papa est propriè determinare. Unde dicit Cyrillus in libro Theauri. Ut membra maneamus in Capite, in nostro Apostolico Throno Romanorum Pontifice maneamus: à quo nostrum est quaerere, quid credere, quid tenere, & quid quaerere debeamus. Maximus in ep. Orientalibus missâ dicit, omnes fines Orbis terræ, qui Dominum sincerè receperunt, & ubique terrarum Catholici veram fidem confitentes, in Pontificem Romanum tanquam in Solem respiciunt, & ex ipso lumine Catholicæ, & Apostolicæ fidei recipiunt veritatem. Nec immerito, quia Petrus legitur primò perfectam fidem esse confessus, Domino revelante, cum dixit Matth. 16. Tu es Christus filius Dei vivi. Hæc Triumphus. Quæ idè describere statui, ut omnes videant, quàm subtile Dupin ipsam in suam sententiam trahere conetur: Nam *quest. 5. art. 2.* à Dupin citat Triumphus loquitur de Papâ, ut quædam Persona est, dicens quod si laboretur in hæresim ipso facto esset depositus: Non de Papâ, ut Caput Ecclesiæ, & ut ex Cathedrâ totam Ecclesiâ docet: sic enim errare in fide non posse sustinet Triumphus citato loco.*

Amplissimè etiam de Romani Pontificis auctoritate sentit Petrus de Marcâ in admonitione edita anno 1641. præfixa suo Operi de *Concordiâ Sacerdotii, & Imperii*, ubi Romanæ Sedi integram vindicat auctoritatem, præsertim in *iudiciis sine provocatione reddendis, & lib. 1. Concordiâ cap. 2.* inter alia multa dicit, *communem omnium Ecclesiarum consensum fuisse receptum, ut Cathedram Petri, tanquam in descriptione circulari linea ad centrum respuerent, non solum nos docuit Leo I., sed omnes Africani Patres: inde citans Cyprianum epistol. 55., Optatum lib. 2. contr. Parmenianum, D. Hieronymum epistol. ad Damasum, ad ostendendum Ecclesiâ Romanam esse centrum unitatis, concludit ex Gelasio primo in tractatu adversus Græcos, Ecclesiâ Romanæ Principatum ab unitate Ecclesiæ, quam Christus sermone directo ad Petrum instituit, esse petendum; Petrum enim solum Christum allocutus est, ut Capite constituto, scribimur tolleretur occasio, & una monstraretur compago Corporis Christi, quæ ad unum Caput gloriosissimâ dilectionis Societate concurreret, & una esset Ecclesiâ, cui fideliter crederetur, unaque domus unius Domini, & unius Redemptoris, in quâ de uno pane, & de uno calice nutrireretur. Hæc Gelasius.*

XXXIII. Sed dato, facultatem Parisiensem, imò totam Ecclesiâ Gallicanam non admittere infallibile prorsus Romani Pontificis iudicium, etiam in materiâ fidei, nisi accedat consensus Ecclesiæ: quid de aliis facultatibus, & Ecclesiis dicit Dupin, quæ iudicium Papæ judicant ex se infallibile, etiam priusquam accedat Ecclesiæ consensus? Quid enim de Lovaniensi Academiâ, quæ in defendendâ Romani Pontificis infallibilitate extra Concilium, & præviè, ac independenter à consensu Ecclesiæ tora semper fuit? Ejus enim est ista Thesis die 9. Octobris 1638. exposita. *Tanta vult Pontificis hujus ex divinâ dignatione esse auctoritas, ut in controversiæ fidei, & errorum determinatis ex Cathedrâ, judex sit omnibus numeris absolutus, lib. OEcumenicum Concilium non accedat, quod infra Pontificem esse, non è converso, si de proximum censemus. Similes alix suæ expoli-*

expositæ anno 1638., & 1640., quibus absoluta, & prorsus independens Romani Pontificis in definitionibus fidei, & morum infallibilitas adferitur. Quid de Inaccensi, quæ anno 1724. 3. Augusti, dùm Constitutionem *Unigenitus* acceptavit, declaravit, illos *hodie re ipsâ effecissimè*, & per cunecos adversari *Secundæ Apostolicæ Principatus, qui quidem vacuum, & inane Primatus Pontificis vocabulum retinent, & prædicant, sed solemnibus fidei decretis ex Petri Cathedralæ manantibus pertinaciter obstitunt.* Deinde die 17. ejusdem mensis decretum edidit, ut ex *Scripturis, Summis Pontificibus, Conciliis, Patribus, aliisque auctoribus Ecclesiasticis testimonia proferantur...* quibus demonstratur, necesse esse, ut fideles cum Petro, ejusque Successoribus Ecclesiam pascentibus, sed ex Cathedralæ docentibus, perpetuè consentiant, nisi ab orili Christi, ut oves putrida se jungi velint. Ex Harduin. tom. 11. Concil. column. 1670.

In hac eadem se esse sententiâ testata est Facultas Conimbricensis, quæ occasione prefatæ Bullæ *Unigenitus* anno 1719. Summi Pontificis infallibilitatem prædicavit quatuor adfertis; quorum primum est tale: *Romanum Pontificem etiam extra Concilium, supra quod est, de re derogatâ, sive de rebus ad fidem, & mores pertinentibus à Cathedralæ docentem universæ Ecclesiæ fideles, habere adfensionem infallibilem Spiritus Sancti, proindeque nec decipi, nec decipere posse.*

Idem confessa est Clementi XI. Ecclesiæ Hispanensis: suis litteris ad ipsum datis, occasione Bullarum *Vineam Domini Sabaoth*; & *Unigenitus Dei filius*; de quibus sic loquitur: *Utramque eadē fidei obedientiā amplexati sumus, tanquam Dei à Cælo pronuntiantis oracula, nullius examini obnoxia, nullius acceptationis indiga, non quasi assensu nostro aliquid illis auctoritatis, aut roboris adderemus &c.* Hoc idem testantur cæteræ Hispaniarum Ecclesiæ, ac Universitates. Pro Academiâ Salmanticensi integro tomo infallibilitatem Summi Pontificis testatus est P. Aguirre postea Cardinalis. In idem conspirant Catholicæ Germaniæ Academiæ, & quotquot in-

Italiâ sunt in hoc jurant; addo ut, exceptis Parisiensis Facultatis Professoribus, hisque nec tamen omnibus, sicut, nec omnibus Gallicanis Ecclesiis, vix repertas Ecclesiam Catholicam particularem, aut Universitatem, quæ Pontificis Romani infallibilitati, etiam dùm definit extra Concilium, eçcâ obedientiâ non subscribat.

XXXIV. Dicam ergo sic. Dogma, in quo omnes Ecclesiæ, & Universitates Catholicæ consentiunt, quamvis ex aliquâ particulari Ecclesiâ, & Universitate aliqui contradicant, ut dogma certum, & infallibile tenendum est; In dogmate, quod Romanus Pontifex ex Cathedralæ docens universam Ecclesiam aliquam veritatem spectantem aut fidem, aut mores, etiam si doceat extra Concilium, infallibilis sit, nec errare queat in docendo, independenter à quocunque consensu subsequero, consentiunt omnes Ecclesiæ, & Universitates totius Orbis Catholici, & solùm aliqui ex Gallicanâ Ecclesiâ, aut Parisiensis facultate refragantur; ergo tenendum est tanquam dogma infallibile. Major patet, quia ut aliquid dicatur, & sit ab universâ Ecclesiâ acceptatum, non obest, si aliqui, sique pauci, acceptare recusent, dummodo cæteri acceptent.

Satis, superque hanc quæstionem evoluimus. Omittimus alia, quia sive apud Canum toto lib. 6. de Locis Theologicis, sive apud Bellarminum de Romano Pontifice integro 4. libro, sive apud Dominic. à SS. Trinitate Bibliothec. Theologica lib. 3. sect. 4. cap. 16. 17. 18. & 19., sive apud alios quamplures videri poterunt.



DUBIUM VII.

Locus ab auctoritate SS. Patrum.

§. 1.

Quadam præmittuntur.

S Auctorum, veterumque Patrum auctoritatem de gradu deicere moluntur recentiores hæretici, præunte Luthero, qui in suis scriptis passim Patrum auctoritatem pessundat, & præsertim lib. *contr. Regem Anglia* dicens: Ità sit, ut ego clamem Evangelium, Evangelium, Christus, Christus; Ipsi respondent: Patres, Patres, usus, usus. Statuta, statuta. Ubi verò dico, Patres, usum, statuta scriptis errasse, oportere ejusmodi firmiore, & certiore auctoritate munire, Christum verò non posse errare. Hic piscibus magis mti, &c., ut Scriptura dicit: sicut aspidem surda obturant aures, ne audiant vocem incantantis. Aut hoc denuò, quod semper in summâ natat salubrà, mihi reddunt. Ambrosius sic dicit. Tu ne doctior es Ambrosio? &c. Quod impudenter repetit lib. de abrogandâ Missâ privatâ.

Idem dixisse visus est S. Augustinus o., diss., tum ex prologo lib. 3. de Trinit., tum lib. 4. de anima, & ejus origine, *contr. Vincentium Victorem* c. 1., tum ad Hieronymum ep. 19, modò 82. c. 1., ubi ait: Solis eis scripturarum libris, qui jam Canonici appellantur, didici, hunc timere, bonorumque deferre, ut nullum eorum auctorem scribendo aliquid errasse, firmissime credam.... Alios autem ità lego, ut quantalibet sanctitate, doctrinâque præpollent, non idèò verum putem, quia ipsi ità senserunt: sed quia mihi, vel per illos Auctores Canonicos, vel probabili ratione, quod à vero non abhorreat, persuadere putaverunt. Idem ait epistol. ad Vincentium 48., modò 93. cap. 10., & lib. 2. de Baptismo *contr. Donat.* cap. 3., ubi ait, quemcumque Episcoporum, aut Doctorum (soià exceptâ Scripturâ) per concilia licere reprehendere, si quid in eis foris à veritate

deviatum est. Ex his ergo D. Augustini repetitis testimoniis videtur sequi, nullum omnino à Sanctis Doctoribus firmum argumentum duci posse ad fidem, Theologizæ dogmata comprobanda.

Auctoritate D. Augustini roboratus hoc idem testari videtur ejus discipulus D. Thom. 1. p. quæst. 1. art. 3. ad 2. his verbis. Auctoritatibus autem canonica scriptura (Sacra Doctrina) utitur propriè ex necessitate argumentando. Auctoritatibus autem aliorum Doctorum Ecclesia, quasi arguenda ex propriis, sed probabiliter. Innuitur enim fides nostra revelationi Apostolicæ, & Prophetis facta, qui canonicos libros scripserunt, non autem revelationi; si qua fuit, aliis doctoribus facta. Ubi S. Doctor nedum suam sententiam profert, sed etiam rationem adducit, quia nimirum Theologia conclusionibus suas necessarias trahere debet ex principiis infallibilibus, qualia sunt scripturæ canonice, secus verò scripta SS. PP., in quibus, ut dicemus, unam, vel alteram falsitatem licet reperire, vel in his etiam, quæ ad fidem pertinent.

II. Ut ergo in hac re, quàm fieri poterit, veritatem indagemus, de auctoritate SS. PP. trifariam possumus disputare. Primò de unius, vel alterius proprio placito, quale fuisse videtur illud S. Augustini lib. 4. super Genes. ad lit. c. 12, & 13. de Civ. Dei cap. 9. (de quo D. Thom. 1. p. qu. 74. art. 2.) de diebus creationis mundi, nimirum, quòd omnes, qui dicuntur septem dies sint unus dies septemplexiter rebus praesentatus: Et alia ejusdem S. Doctoris circa penam parvulorum sine Baptismo decedentium. Secundò de communi plurium Patrum consensu, à quo tamen unus, aut alter deservierit. Tertiò de omnium omnino Patrum unanimi, concordique sententiâ, nemine dissentiente.

Rursùm id considerandum est, Patrum testimonia referri posse, vel ad Philosophiæ confirmanda dogmata, vel ad assertiones, aut fidei, aut Theologiæ comprobandas. Erant enim ex Sanctis Patribus quidam nedum in Sacris Litteris, & Disciplinâ Christianâ, sed etiam in Philosophicis eruditi.

Id etiam advertendum est, in questionibus etiam Ecclesiasticis duo esse disputationum genera. Alterum, quæ ad fidem spectant, aut Doctrinam Catholicam, sive ex Doctrinâ Catholicâ necessariò inferuntur. Alterum, quæ citra iacturam pietatis, salvâque fide in utramque partem agitari possunt, quia nec revelata sunt, nec enim revelatis connexionem habent; idcòque nedùm ab imperitis, verùm & à doctis ignorari possunt, uti sunt illæ, quæ in scholis Theologorum Catholicorum hinc inde, salvâ fide, & pietate, etiam nunc disputantur.

III. Hic quaerit aliquis quos nomine *Ecclesie Patrum* intelligamus.

Ad hoc dico, tria requiri ad hoc, ut aliquis inter Ecclesiarum Patres habeatur. Primum antiquitatem, ut scilicet sit de numero illorum, qui seculo Apostolorum, aut vitorum Apostolicorum vicini, vel saltem non longè remoti fuerunt, quique propterea fidei plantandæ adlaboraverunt, vel pro eâ saltem tuendâ insudarunt. Juniores enim Doctores, cuncti in latâ quâdam significatione dici possunt Patres, propriè tamen potius Pedagogi dicuntur, *Pater enim est, qui primum generat, Pedagogus verò, qui jam nutum nutrit, & erudit* ita D. Thom. in c. 4. 1. ad Cor. lect. 3. super illa verba *Et si decem millia pedagogorum habeamus in Christo, sed non multos Patres. Dicit ergo* (ait D. Thom.) *Apostolus se patrem eorum in Christo, quia eis primum Evangelium prædicavit. Unde adsignans rationem ejus, quod dixerat, subdit* : nam in Christo Jesu per Evangelium ego vos genui. Id tamen non tollit, quingenti ab Apostolis, quique relatè ad illos sunt filii, respectu subsequentium fidelium, quos in Christo genuerunt, Patres dici possunt : unde D. Augustinus exponens illud Psalm. 44. *Pro patribus tuis nati sunt tibi filii, constitues eos Principes super omnem terram*, dicit, hos esse Episcopos, qui filii Apostolorum. Patres sunt succedentium populorum.

Secundò ad veram notionem Patris requiritur vera fides. Quare, qui ex præfatis priorum seculorum Doctoribus appetit, & pertinaciter, hoc est post Ec-

clesiæ definitionem, hæretici suæ, & permanere, Ecclesiæ Patribus adnumerandi non sunt; neque ex eorum auctoritate petendum est argumentum, nisi fortè in dirimendis fidei controversiis adducantur, ut traditionis testes. Non loquor tamen de his, qui in uno, vel altero errore versati sunt circa questiones fidei obscuras, & nondùm definitas, alioquin parati sententiam suam deponere, si Ecclesia in oppositum definiret. Quo pacto D. Cyprianus inter Patres summo loco habendus est; quia, esto in errore rebaptizantium hæreticos fuerit, paratus tamen erat retractare suam opinionem, si Ecclesia oppositum statuisset. Ità eum defendit S. August. lib. 1. de Baptismo cap. 4. Imò priusquam aliqua quæstio obscuritatem habens definiretur, necesse est, ut prius in utramque partem disputationibus, & altercationibus ventiletur. *Quomodo enim* (inquit perclaudatus Doctor) *potius ista res tantiis altercationum nebulis involuta ad plenarii Concilii luculentam illustrationem, confirmationemque perducere, nisi primò duntius per orbis terrarum regiones, multis hinc, atque hinc disputationibus, & collationibus Episcoporum pertractata conficeretur?*

Tertiò requiritur ad verum Ecclesiæ Doctoris characterem fidei conjuncta doctrina, non qualiscumque, sed excellens, quæque sibi jurem referat vitæ sanctitatem. Nam licet fidem necessariò non comitetur sublimis doctrina, nec sublimis doctrina inferat vitæ sanctitatem, in Ecclesiæ tamen Doctore omnia debent sociari. Patres enim Doctores in Ecclesiâ posuit Spiritus Sanctus, ut essent in ædificationem Corporis Christi, ac lucina, ad quæ fideles respicerent, tùm in agnoscendis fidei mysteriis, tùm in moribus componendis : oportet ergo, ut præditi sint sp. ciali, & eximiâ mysteriorum fidei cognitione, & rursus eximiâ erga Deum pietate, & caritate, qui enim fecerit, & docuerit. *hic magnus vocabitur in Regno Cælorum* : Matth. 5. v. 19.

Observandum denique est id, quod Patres scripserunt : An obiter tantum scripserunt, & quali aliud agentes; an verò pri-

primò, principaliter, & ex proposito de tali materia tractantes; & hoc, an sequel tantum, vel sæpè, & constanter affirmarint; sive dogmatice, & positivè docendo; sive disputativè, contentiosè contra hæreticos agendo: ut Anastasius contra Arianos, Basilii, Hilarii &c.: Augustinus contra Donatistas, Manichæos, Pelagianos, Arianos &c.: S. Leo contra Nestorianos, Eutichianos &c. Rursus observandum, quid de eorum doctrinâ in rebus Theologicis Ecclesia sanxerit, num illam approbaverit, vel saltem la dubiis eos consulerit &c. His omnibus prænotatis.

IV. Hæretici, licet Patrum auctoritatem, quàm eis obijciunt, flocci faciant; tamen, ut facilius fucum simplicibus faciant, suos errores auctoritate Patrum tegere aliquando studuerunt. Id maximè præstant moderni hæretici: Lutherus enim postquam omnes Patres damnavit erroris, ut diximus, non raro tamen eorum auctoritate se tueri conatur. Calvinus item in præfat. ad suas Instit., licet in Patribus suos nexos adesse adfirmet, & eorum scripta nobis servire quidem, sed non dominari debere dicat, conatur tamen ibidem, & alibi passim Patrum clypeo se munire. In id in synagoga confessionum Protestantium, post enumeratas varias in variis eorum Pseudo-Synodis Confessiones, adnectuntur etiam pro singulis articulis suæ doctrinæ testimonia veterum, qui Patres dicuntur. Verùm hoc est Patribus reverà illudere, non honorem deferre. Catholici verò omnes summo in honore Patres habent, tanquam sanæ doctrinæ custodes, & traditionis testes, eo modo, quo infra dicemus.

S. I. I.

Adfertiones statuntur.

V. Dico primò. Doctrina Philosophica, & purè humana nullam habens connexionem cum fidei dogmate, quæ in scriptis unius, vel plurium Patrum inveniantur, certum argumentum ex eorum auctoritate nobis non suppetat, sed solum tantum valet, quan-

tum ratio allata persuaserit, ità, ut, si ratio allata sit tantum probabilis, faciat argumentum probabile, si verò sit demonstrativa, demonstrativum.

Ratio est primò, quia Spiritus Sanctus non adfuit Ecclesiæ, aut ejus Doctoribus, ut Philosophi sint, sed ut doceant ea, quæ sunt ad consummationem Sanctorum, in adificationem Corporis Christi, ut docet Divus Paulus Ephef. 4. 12. & ut vanam philosophiam, & seductivam vitare fideles instruant, ut jam non sumus parvuli fluctuantes, & circumferamur omni vento doctrina &c., ut subdit idem Paulus v. 14.

Unde Patres non fuerunt solliciti in Philosophicis dogmatibus perscrutandis: quia Philosophorum libros, aut valere timebant, aut etiam interdum à lumine salubant, ut totos sese divini sapientiæ dederent. Gregorius quippe Nazianzenus, & Basilii tredecim annis, omnibus libris secularium remotis, solis divini scripturæ voluminibus operam dedisse, referuntur à Rufino lib. 2. hist. Eccles. cap. 9. Et Hieronym. lib. 3. comment. super ep. ad Galat. Plus (inquit) quàm quindecim anni sunt, ex quo in manus meas nunquam Tullius, nunquam Maro, nunquam Gentilium litterarum quilibet auctor accessit: etsi quid forte inde, dum loquimur, obrepit, quasi antiqui per nebulam somnii recordamur. Et infra de Andio Fidelium sui temporis sic ait: Quotus quisque nunc Aristotelem legit? quanti Platonem, vel libros movere, vel nomen? Vix in angulis otiosi eos sencer recolunt. Rusficani verò, & Piscatores nostros totus Orbis loquitur, universus mundus sonat. Audiant hæc, qui in Aristotelis evolvendis Philosophicis, Metaphysicisque questionibus totà vitâ occupati, factorum librorum nec titulum noverunt, eoque, si qui habent, vix unquam lectio- ne dignantur.

Insuper ex antiquis Patribus nonnulli Physicam, aut Metaphysicam, vel non habuere, vel certè leviter attigerunt. Alii verò magna ex parte fuerunt Platonici prius, quàm converterentur ad fidem. Ex quo fit, ut dum in philosophicis questionibus incidunt, aut vulgi, aut Rhetorum opiniones sequantur, aut etiam quas

quas à Platonis acceperant in Christianorum Scholas inducant; Unde viri docti errores fortè quosdam in Patrum scriptis notarunt, quod attinet ad humanam Philosophiam, quos persequi, nec vacat modò, nec expedit. Satis enim ex dictis apparet, in Philosophicis dicta Patrum, facienda tanti esse, quanti valet naturalis ratio, quam adducunt.

VI. Dico secundò. In rebus, quæ nec fidei dogmata sunt, neque ex his certò derivantur, argumentum sumtum ex communi etiam consensu SS. PP., est quidem probabilissimum, non tamen per se loquendo certum de fide est. Prima pars constat: quo enim majori auctoritatis pondere firmari potest probabilitas aliquos opinionis, quàm consensu tot virorum, sanctitate, & doctrinâ illustrium? Certè, qui contrarium opinari vellet, temeritatis notam vix effugeret.

Secunda verò pars probatur: nam in hujuscemodi quætionibus fidei summam nullatenus tangentibus, ac proinde hinc inde disputabilibus, Patres loquuntur, non ut cultores traditionis, neque ut testes doctrinæ Ecclesiæ (in quo casu posuit illos Spiritus Sanctus, ut Ecclesiæ Doctores) sed ut privati Doctores proprium sensum exprimentes; atqui Patres etiam communi consensu sic loquentes, citò faciunt argumentum probabilissimum, non ità tamen certum, ut vel fide sit tenendum, vel excludat omnem formidinem de opposito, homines enim sunt, & possunt errare; ergo &c.

Notò tamen, nullum fortè problemam inveniri posse, in cuius alterà parte omnes Sancti Patres consentiant, quin illud ad fidem spectet. Si namque est doctrina omnium Sanctorum Patrum, etiam in scripturis expressè non habeatur, est tamen signum evidens, vel ex scripturis necessariò deduci, vel esse saltem doctrinam ab Apostolis per traditionem relictam.

VII. Dico tertio. Auctoritas unius Patris, vel paucorum, etiam in rebus, quæ sacras litteras, vel doctrinam fidei concernant, non facit argumentum de fide, sed probabile tantum. Imò nec etiam ex maiori parte conveniant in aliquò eiusmodi re Patres, si tamen pauci alii, vel tantum unus, summæ tamen

auctoritatis, dissentiant, nisi fortè singularis huius, vel horum opinio sit ab Ecclesiâ reprobata.

Prima Pars est manifesta. Primò, quia multi Sanctorum Patrum aliqua dixerunt quorum oppositum postea, ut de fide definitum fuit, vel quia eorum tempore, veritas nondum sufficienter erat comperita, aut Ecclesiæ auctoritate firmata, ut de S. Cypriano dicit S. Augustinus lib. 1. de Baptismo cap. 18. Vel etiam, quia putabant, emergentes illas quæstiones ad doctrinam fidei minimè pertinere; unde D. Cyprianum volunt multi exillimasse; doctrinam de repabizandis hæreticis, non fidem, sed puram disciplinam concernere.

Secundò probatur: non enim plus auctoritatis tribuentum fidei Patribus, quàm ipsi sibi tribui voluerunt; sed noluerunt Patres sibi distributivè tantum, aut seorsim sumtis irrefragabilem tribui auctoritatem, nec majorem sibi fidem haberi voluerunt, quàm hominibus, doctis quidem, sed qui docendo errare potuerunt; ergo &c. minor probatur eorumdem Patrum testimonio. Hieronymus ep. 83. ad Hilar. 84. ad Magnum, recensitis Patribus, qui ante ipsum scripserunt, fatetur, se comparatione illorum imperitissimum. Epist. 43. ad Crescentem adversus Pelagianos; Si quid (inquit) in meo ingenio vitii repererint, proferant in medium. Aut enim bona erunt, & contradicam eorum calumnias; aut reprehensibilia, & confitebor errorem, malens emendari, quàm perseverare in pravitate sententia. Idem fatetur in Isaiâ cap. 19. 12. In Ezechiel. cap. 18. probato proprio sensu. Si quis autem (inquit) vel meliorem, vel alterum sensum potuerit reperire, qui contrarium inter se testimoniorum scandalum tollat, illius magis acquiescendum sententiâ est; quod repetit in e. 16. in e. 39., ubi sic concludit: Hucusque in Ezechiel Prophetam, Deo, ut optamus, & credimus, auxiliante, & apertiente os nostrum, loquuti sumus; non aliorum, si qui scripserunt, vel deinceps scripturi sunt, sententiam destruentes; sed adferentes qualicumque sunt nostra.

Præ omnibus verò modestiam suam expressit

pressit S. Augustinus in *lib. retractationum*, ubi emendavit, quae mendose scripserat in *lib. 4. de animâ cap. 1.* ad Vincentium Vici rem, quæ cum de d. Arinâ laudaverat. Item *lib. 1. de ordine*, ubi postquam *c. 9.* ostendit, humanam auctoritatem plerumque falli, *cap. 10.* subdit, nulle sibi credi, nisi docenti, & rationem reddenti; & *lib. 1. de Baptismo contra Donat cap. 3.* apertè dicit, omnia Episcoporum, & Doctorum scripta, solâ excepâ Divinâ Scripturâ, *perreprehendi*, non per quemlibet tamen, privatum d. Arinam (ut hæretici putant) sed per sermonem forè sapientiorum cuiuslibet in eare peritioris, & per aliorum Episcoporum graviores auctoritatem, doctioresque prudentiam, & per concilia. De suâ verò doctrinâ in *Proamio lib. 3. de Trinitate* sic dicit: Sanè eum in omnibus litteris meis non solùm pium lectorem, sed etiam liberum correctorem desiderem, multò maximè in his, ubi ipsa magnitudo quaestionis utinam tam multos inventores habere possit, quàm multos contradictores habet. Ne autem ex hoc hæretici putent, datam sibi libertatem, ut à quocumque quælibet Patrum scripta carpi, & reprehendi possint, audiunt quod sequitur: *Verumtamen, sicut lectionem meam nolo mihi esse deditum, ita correctorem nolo sibi. Ille me non amet amplius, quàm Catholicam Fidem; ipse non amet amplius, quàm Catholicam Veritatem. Sicut illi dico, noli meis litteris, quasi scripturis canonicis inservire, sed in illis, & quod non credebas, eum invenieris, incunctanter credo; in illis autem, quod certum non habbas, nisi certum intellixeris, noli firmiter retinere; ita illi dico, noli meas litteras ex tuâ opinione, vel contentione, sed ex divinâ lectione, vel incunctâ ratione, corrigere.* Nunc hoc Augustini monitum servaverit Lutherus, serventque ejus, & Calvini Grogales, judicet pios, & catholicus Lector.

Tertio probatur eadem prima pars ratione quasi à priori. Quilibet enim Sanctorum singulariter consideratus (his dumtaxat exceptis, qui libros canonicos ediderunt) spiritu, & scientiâ humanâ locutus est; ergo errare aliquando, etiam

in his, quæ ad fidem spectant, potuit; ergo si considerentur singuli Patres, veluti distributivè, & seorsim, aut secundum quoddam aliquem eorum pauci in aliquo conveniunt, firmum ex eorum auctoritate sumi non potest argumentum, sed solùm probabile. Et in hoc sensu locuti sunt Sanctus Augustinus, & Thomas supra relati *lib. 1.* dùm hic ultimus dicit *1. parti. quaest. 1. art. 8. ad 2.* ex auctoritate SS. PP., nimirum distributivè, & seorsim sanctorum, sumi argumentum solùm probabile. Cùm tamen eorum multitudine doctrinam cum admirabili sanctitate junxerimus, eorum auctoritatem ad tantum humanæ probabiliteris fastigium evasit, ut sicut imprudens hominis esset, paucorum tantum SS. Patrum auctoritatem prorsus regulâ assumere, ita illam despiciere, impudens omnino frontis esset. Quare Viri pietatis, & doctrinâ celebres eorum dictis apertè contradicere, & adversari non audent; sed si quis ab eis minus consonè dictum visum fuit, reverentius, ac benigne interpretari consueverunt.

VIII. Secunda verò pars, nimirum, quoddam nec sumi possit certum argumentum ex auctoritate majoris partis Patrum, si aliqui dissentiant, intelligenda est de illis quaestionibus, quæ fidem non tangunt, quæque salvâ fide in alterutrum defendi possunt. De quibus D. Augustinus *lib. 1. contra Julianum c. 6.* Alia sunt (inquit), in quibus inter se aliquando etiam doctissimi, atque optimi regulæ Catholicae defensores, salvâ fidei compage, non consonant, & alius alio de una re melius aliquid dicit, & verius. Si enim quaestio fidem tangit, vix invenietur aliqua propositio, quæ ab omnibus Patribus fuerit asserta, cumque unus, vel alter repugnat, quin horum doctrinâ ab Ecclesiâ fuerit reprobata.

Sic ergo explicata secunda pars probatur, quia cum Patres, magis licet consensione, aliquam doctrinam docent, & unus, aut alter (Ecclesiâ non contradicente) repugnat, firmum est, eam ad fidem non pertinere, & consequenter ex illis, licet pluribus, quæ loquuntur ut homines, non potest firmum trahi argumentum. Unde Vincentius Lirinensis com-

*monit. c. 28. antiqua (inquit) Sancto-
rum Patrum consensio, non in omnibus
dipina legis quasiuniversis, sed solum cer-
tè præcipue in fidei regula magno nobis
studio, & investiganda est, & sequenda.*
Hinc licet omnes ferè SS. Patres, tam
Græci, quam Latini doceant, mundi huius
partes omnes non eodem simul die,
sed multis potiùs succedentibus fuisse e-
ditas, ornatas, absolutas; communis ta-
men hic eorum consensus certitudinem
fidei non facit, uno D. Augustino in-
contrarium opinante, nimirum omnes,
qui dicuntur septem dies, fuisse unum-
diem, septempleritè præsentatum cogni-
tioni mentis Angelicæ, ac proinde om-
nia simul tempore fuisse edita, ornata,
& absoluta. Quam opinionem adèd pro-
babilem D. Thom. 1. part. quæst. 74.
art. 2. admittit, ut problematice utram-
que sententiam defendat. Item major Pa-
trum pars asserit, Moysen Dei naturam,
dùm in hoc mortali corpore viveret, a-
peritè, scè fide ad faciem non vidisse;
& tamen hæc sententia non pertinet ad
fidem, cùm oppositum teneat Divus Au-
gustinus lib. 21. de Genes. ad litteram.
cap. 27. & 28., quod & de Paulo in-
rapu asserit (D. Thom. dicente quæst.
10. de veritate art. 11. ad 2., ut in
hoc Judæorum legis, & doctor gentium
aquarentur) quamvis lib. 2. contr. Ma-
ximinum cap. 26., & tract. 55. in Joann.
oppositum dicere videatur Augustinus.

IX. Dico quærit. Unanimis SS. PP.
consensus in explicationem Sacræ Scri-
pturæ, & in re pertinente ad fidem,
boroque mores, est signum à p. stiori-
ri, & inf. libile t. si non un. di. s. g.
revelat. on's, idèdque certum, & ista. faga-
bile nobis sup. p. d. it argu. nentum. Con-
tra hæc ad. rtionem obtr. punt Prot. ista-
tes, ut vid. te est in Dol. æ. Calvinista
lib. de usu Patrum. Eam tamen omnes
Theologi Carnouri. av. d. sustinent: Ca-
nus lib. 7. de locis cap. 3. conclusio. 5.
& 6.: Dominic. à S. T. imit. Bibl. Theo.
log. lib. 2. sect. 3. cap. 6. concl. 4.: Na-
talis Alex. bistor. E. lef. secul. 2. differ.
tat. 26. §. 12., & 25. Dallæon refli-
lens; & quotquot de hâc materiâ Catho-
licè scripserit, uno exceptio Cajetano
Præfat. comment. in 5. libr. Moys., quem

acriter perstringit Canus; quamvis non
desint, qui Cajetanum benignè interpre-
tentur, volentes, Cajetanum locutum
fuisse, vel non de omnibus Doctoribus,
vel in materiâ fidem non tangente, vel
nondùm ab Ecclesiâ definitâ; quod indi-
care videntur ejus verba, dum ait: *nul-
lus detestetur novum Sacra Scriptura sen-
sum, ex hoc, quòd dissonat à prisceis Do-
ctoribus, se⁴ scrutetur perspicacitè tex-
tum, ac contextum Scriptura; & si qua-
drare invenerit, laudet Deum, qui non
alligavit expositionem Scripturarum Sa-
crarum prisceorum doctorum sensibus; sed
Scriptura ipsi integra, sub Catholica Ec-
clesiæ censura.* Verùm, quomodocumque
sit, conclusio posita communis est, &
Catholica, debetque intelligi de genera-
li Patrum consensu, accepto, non mathe-
maticè, adèd ut ne unus quidem desit,
sed moralitè: Cùm enim non omnium
omnino, qui sunt Patrum, scripta
habeamus, imò nec nomina sciamus, imò
aliqui eorum ab Ecclesiâ defecerint, im-
possibile esset omnium omnino consensum
explorare, aut aliquando invenire.

Hujus asser. tionis testes habemus primò
Patres ipsos, qui in rebus fidei provo-
care consueverunt ad veterum traditi-
onem, & arguere eos, qui ab eâ disces-
serunt. Primus est Irenæus lib. 3. cap. 3.,
& alibi, probans, doctrinam Apostolo-
rum per successiones Episcoporum perve-
nisse usque ad nos: Et cap. 2. hæreticos
a. guens, objurgat eos, quòd præsumant
plùs sapere. quàm Apostoli, eorumque
Successores, quai ipsi soli invenerint veri-
tatem. Secundus est Clemens Alexandr.
lib. 7. Stromat. pag. 762., ubi ait: *Glo-
riæ autem tenentur desiderio, qui ea, quæ
ex sua natura conveniunt sermonibus di-
vinitus inspiratis, tradita à Beatis Apo-
stolis, & Magistris, sua sponte fallaci
sapientia simulatione corrumunt per alias
traditiones, humanis doctrinis, resistentes
divina traditioni, ut hæresim constituent.*
Deinde ostendit, hoc fecisse hæreticos
ambitione ductis, ut aliquid dicerent,
non dictum ab aliis: Nam inter eos vi-
ros, qui tanti erant in Ecclesiasticâ co-
gnitione, quid restabat dicendum à Ma-
gistris, ubi gratiâ, aut Prædico. & si-
milibus, qui non sunt ingressi verâ viâ?

Mic

Nic deli-eavit Clemens vatum omnium hæreticorum, etiam recentium, quos omnes peperit humanæ gloriæ desiderium, & ad veteres asperandos impulit. Quid enim restabat dicendum à Luthero, aut Calvino, & similibus, si id, quod dixerant veteres, dixissent & ipsi?

Tertius Origenes in præfat. lib. 1. Periarcon: eodem (inquit) multi sunt, qui se putent sentire, qua Christi sunt, & eucarulliarum diversa à prioribus sentiant, servetur Ecclesiastica prædicatio, per successionis ordinem ab Apostolis tradita, & usque ad præsens in Ecclesiis permanens: illa sola credenda est veritas, qua in nullo ab Ecclesiasticâ discordat traditione; & homil. 29. in Matth. Quoties autem (inquit) hæretici canonicas profertunt scripturas, in quibus omnis Christianus consentit, & credit, videntur dicere: Ecce in donibus Verbum est veritatis. Sed nos illis credere non debemus, nec exire à primâ, & Ecclesiasticâ traditione, nec aliter credere, nisi quemadmodum per successionem Ecclesia Dei tradiderunt nobis. Hæc Origenes.

Idem Tertull. lib. de coronâ milit. c. 2. & 4. lib. de carne Christi c. 2. lib. de præscript. hæretic. cap. 27. 28. 29. Idem S. Athanasius epistol. ad Afros, ubi vocem homousion, quâ Arianum hæresim jugularunt, dicit, Nicænos Patres non invenisse sibi metipsis, sed à Patribus accepisse: Episcopi non sibi metipsis ad inventientes verba, sed habentes ea à Patribus testimonia conscripserunt, quod repetit libro de Synodi Nicæna decretis. Idem S. Hieronymus in cap. 22. Daniel. Imperitissimos vocans, qui Scriptura sancta intelligentiam absque Dei gratiâ, & doctrinâ majorem sibi vel maximè vendicant, S. Ambrosius lib. 2. de sâe ad Gratian. cap. 7. Scravimus igitur, ait, præcepta majorem, nec hæreticaria signacula ausi rudi temeritate violamus... Librum Sacerdotalem, qui nostrum resignare audeat, signatum à confessoribus, & multorum jam martyrio consecratum.

Accedit S. Augustinus, qui toto lib. 2. contr. Julianum, & præsertim cap. 9. & 10. argumenta Pelagianorum convellit, auctoritate Patrum Irenæi, Cypriani, Reticii, Hilani, Olimpî, Gregorî,

Ambrosii, Innocentii, Joannis, Basilii, Hieronymi: quod non fecisset certe, si argumentum ab omnium auctoritate Patrum certum non existimasset. Dico ergo sic. Cùm omnes Patres audio unum idem proferentes, non existimo, totidem hominum, quidem & doctrinarum, & sanctissimorum (sed tamen hominum...) me audire sententiam, sed Catholicæ Ecclesiæ, cujus illi fuere columnæ præcipue. Nec enim aliud viri illi omnes tanto consensu sensisse credendi sunt, quàm quod communiter Ecclesia Catholica sentiebat: ergo doctrinam omnium Patrum signum est, esse doctrinam Ecclesiæ Catholicæ; sed ex doctrinâ Ecclesiæ Catholicæ, utpotè infallibili, validissimum pro fide sumitur argumentum; ergo similiter ex doctrinâ omnium Patrum consensu probata.

X. Confirmo hoc. Certè majus privilegium concedendum non est multitudini fidelium, quàm multitudini, & collectioni Doctorum, & Pastorum: quia licet fideles laici quantitate numerici Pastores, & Doctores superent, ab his tamen quantitate virtutis, & scientiæ longè illi superantur, cum ab his illi docendi sint, ac regendi; atqui fideles simplices toto orbe diffusi collectivè sunt: errare nequeunt in credendo, aliâs tota erraret Ecclesia; ergo neque errare possunt omnes Doctores, & Pastores simul sumti, sive culpabiliter, sive etiam inculpabiliter, & per ignorantiam, docendo aliter, ac docendum esset: quia errantibus istis in docendo, errarent, & illi in credendo.

Urgeo hoc ex Apostolo 1. Cor. 12. & ad Epp. 4. 12. & 14. dicente: & ipse dedit quosdam quidem Apostolos, quosdam autem Prophetas, alios vero Evangelistas, alios autem Pastores, & Doctores ad confirmationem Sanctorum in opus ministerii, in edificationem Corporis Christi... ut jam non simus parvuli fluctuantes, & circumferamur omni vento doctrina, in nequitia hominum, in astutia ad circumventionem erroris; atqui si Sai celi, ac Doctores simul omnes toto Orbe diffusi, in iis, quæ fidem tangunt, errare possent, docendo, ut credendum, quod credendum non est, aut non credendum, quod credendum est, non solum

Idem non essent dati à Deo in adificationem Corporis Christi (Ecclesie) ut non circumferrentur fideles omni vento doctrina, ad circumventionem erroris sed potius ipsi errando causa essent fluctuationis, imò & erroris in populo Dei, quia populus tenetur sequi doctrinam suorum Pastorum, & Doctorum, dicente Christo Matth. 23. v. 3. Omnia ergo quaecumque dixerint vobis, servate, & facite; & Luca 10. v. 16. Qui vos audit, me audit. Ergo &c.

Item Pastores, & Doctores, quales fuere omnes Sancti Patres, dicuntur, Matth. 5. v. 13. sal terra, quia per eos condiendi sunt quodammodo populi, & v. 14. dicuntur lux mundi, quia eorum doctrinâ illuminanda est Ecclesia. Si ergo sal illud, ut ait Christus, insatuum fuerit, in quo salietur? idem, ut ait Augustinus lib. 1. de serm. Domini in monte c. 6.: qui erunt homines, per quos à vobis error auferatur, idem vos elegit Deus, per quos errorem auferat ceterorum? Item si lux non fuerit lucida, sed potius erroribus obscurata, quomodo totum Ecclesie corpus non erit tenebrosus?

Pulchrè ergo, & ad rem aptissimè Vincentius Lirinensis common. 1. c. 28. Quorum (inquit) beatorum Patrum sanctorum, Catholicumque consensum, ne quis sibi temerè contrariandum fortè arbitretur, ait in prima ad Corinthios Apostolus: & quosdam quidem posuit Deus in Ecclesia, primùm Apostolos (quorum ipse unus erat) secundò Prophetas (qualem in Actibus Apostolorum legimus Agalum) tertio Doctores, qui tractatores nunc appellantur, quos hic idem Apostolus etiam, Prophetas interdum nuncupat, eò quòd per eos Prophetarum mysteria populis aperiantur. Hos ergo in Ecclesia Dei divinitus per tempora, & loca dispensatos, quisquis in sensu Catholicis dogmatis numquam aliqui in Christo sentientes contemserit, non hominem contemnit, sed Deum &c.

XI. Hanc veritatem exemplo suo testata sunt Concilia, & Pontifices ipsi: quoties enim aliquid circa fidem occurrat determinandum, singulari diligentia præcedentium Patrum monumenta scruta-

• 44m. I.

tari consueverunt, & ubi concordēs illi inveniuntur, secundum eorum sententiam definitiones protulerunt. Concilium Nicænum primum, teste Athanasio ep. ad Afros supra laudatâ vocem homofion statuit, quia eam à Patribus accepit; atque Eusebius Cæsariensis testatur, ob eandem causam se eidem voci subscripsisse. Ità epist., quam refert Theodoretus distor. Eccles. lib. 1. c. 12. quandoquidem (inquit) nonnullos ex veteribus insignis Episcopos, & desertos scriptores in explicanda Patrie, ac Filii divinitate, hoc vocabulo consubstantialis usum esse cognovimus.

In Concilio Ephesino passim, & maxime ad. 1., ex relatis Patrum sententiis Nestorius damnatus est. Patres Concilii Chalcedonenfis ad. 1. & 4. profitentur, se regulam SS. Patrum amplecti, & maxime in allocutione ad Marianum Imperatorem, quæ habetur 3. p. Cons. Chals. c. 1. Justinianus Imperator in Concilio Constantinopolitano secundum tom. 3. Concil. Harduin. col. 58. sequimur autem (inquit) in omnibus SS. Patres, & Doctores Sancta Dei Ecclesia, idest Athanasium, Hilarium, Basilium, Gregorium Theologum, & Gregorium Nisenum, Ambrosium, Theophilum, Joannem Constantinopolitanum, Cyrillum, Augustinum, Proculum, Leonem. & omnia, quæ ab his de fide relictâ, & ad condemnationem hæreticorum conscripta, & exposita sunt, suscipimus. Quod repetitur in eodem Concilio collas. 3. solum. 71. iisdem ferè verbis, addendo alios Sanctos, & orthodoxos Patres, qui in sancta Dei Ecclesia rectam fidem irreprehensibiliter usque ad finem vita sua prædicaverunt. Quibus relictis in Concilio Lateranensi anno 649., Martinus Papa dixit: Manifestatur nobis ex his, quæ relictâ sunt, sive definita à Sancto quinto Concilio, condemnatum iste, & alienum Sancta Dei Ecclesia unumquemque, qui non suscepit verbo, & mentis omnes sanctas Synodos, & venerabiles Patres, cunctaque, quæ ab eis pro orthodoxa fide exposita sunt, in destructionem omnium hæresum. Idem Constantinopolitana tertia, seu sexta Generalis Synodus ad. 18. expresse proficitur, quod & septima Synodus, seu

2

Ni.

Niceæ secunda protektatur, dùm ad 7. decretum edidit pro cultu Imaginum contra Iconomachos his verbis: *sanctorum, nobilium, & divinorum Patrum doctrina insisteret &c.* Et infra: *hac est fides Apostolorum: hac est fides Patrum &c.* Opus erat percurrere omnia Concilia, quæ in suis decretis formandis semper ad Patres, eorumque dicta respexere. Qui plura desiderat, adeat Magist. Canum. lib. 7. de locis cap. 3. conclus. 5., & integrum Vincentii Lirinensis *communitorium* attentè perlegat.

Merito igitur Concilium Tridentinum sess. 4. hisce verbis veterum Conciliorum mentem, ac suam exprimens, *Ad overcenda petulantia ingenia decernit, ut uero sua prudentia innixus, in rebus fidei, & morum, ad adificationem. Doctrina Christiana pertineant, Sacram Scripturam ad suos sensus contorquens, contra eum sensum, quem tenuit, & tenet Sancta Mater Ecclesia.... aut etiam contra unanimum consensum Patrum, ipsam Scripturam Sacram interpretari audeat &c.*

§. III.

Solvuntur argumenta contra ultimam conclusionem.

Patrum auctoritatem enervare totis viribus conantur Heterodoxi, inter quos Rivetus, & Dallæus, sperantes, Patrum auctoritate de medio sublatâ, se traditiones non scriptas funditùs evertisse.

XII. Primò ergo obijciunt Augustinum lib. 11. *contra Faustum* cap. 5., & locis supra citatis §. 2. *hujus dubii*, quibus soli Scripturæ Canonice infallibilem tribuit auctoritatem; quæ autem ab aliis scripta sunt, non cum credendi necessitate, sed cum judicandi libertate legendi sunt: liberum ibi habet lector auditor judicium, quo vel approbet, quod placuerit, vel improbet, quod offenderit &c.; Ergo negat Augustinus tantam esse Patrum auctoritatem, ut illis dicentibus adhærere teneantur.

Respondet disting. conseq., ut illi's scorum, ac distributivè dicentibus &c., conc. consequentiam, illis collectivè, &

simul sumtis, nego consequentiam. Ponit ergo Augustinus differentiam inter Scriptores Sacros, scilicet Canonicos, & alios Doctores, quod cuilibet Sacro Scriptori scorum, & sigillatim summo cum necessitate credendum est, etiam si unus sit, ait enim: *In illa verò Canonica eminentia Sacrarum Litterarum, etiam si unus Propheta, scilicet Apostolus, aut Evangelista aliquid in suis litteris potuisse, ipsæ Canonis confirmatione declaratur, non licet dubitare, quid verum sit.* Cuilibet tamen Sancto Doctore, si unus, aut alter dicat, non ita credendum est, ut non liceat dubitare, quid verum sit. Non tamen loquitur Sanctus Augustinus de Sanctis Doctoribus collectivè acceptis, sed prout summo consensu aperte, frequenter, perseveranter Scripturam Sacram exponunt, aut dogma aliquod proponunt, asseruntque, ut ab Ecclesia Catholica creditum, & præcatum. Tunc enim traditionis testes sunt, & custodes, & vindices, & fides eorum est fides Ecclesie, cui credendum esse S. Augustinus testatur lib. *contr. op. fundam.* c. 5., & lib. 2. *contr. Crescentium* cap. 33., ubi hæc habet loquens de baptismo hæreticorum: *Quamvis hujus rei certè de Scripturis Canonice non proferatur exemplum, eorumdem tamen scripturarum etiam hæc in re à nobis tenetur veritas, cum hoc facimus, quod universa jam placuit Ecclesia, quam ipsarum scripturarum commendat auctoritas: ut quoniam Sancta Scriptura fallere non potest, quisquis falli metuit hujus obscuritate questionis, eandem Ecclesiam de illa consulat, quam sine ulla ambiguitate Sancta Scriptura demonstrat.*

XIII. Secundò obijciunt, & replicant. Nullum testimonium humanum apum est, facere ex se fidem indubitatam in rebus divinis; sed testimonium SS. PP., sive sigillatim, sive collectivè sumtorum, est merè humanum; ergo &c. Major videtur eena; labi enim, & errare hominis est, quod non tantùm singulari accidit, sed hominum plurium collectioni. Minor verò probatur. Singula Patrum testimonia humana sunt; Ergo & singula in unum collecta: non enim possunt esse alterius generis in unum collecta, quàm

quædam

cujus sunt per se singula; quia licet fortassis crescat auctoritatis gradus ob multitudinem attestantium, non tamen mutatur auctoritatis species.

Confirmatur. Testimonium PP. non idem verum est, quia ipsi dixerunt, sed quia, vel ratio ab illis adducta, vel scriptura, quam referunt, persuadet, esse verum; ergo eorum testimonium non per se sufficit ad fidem divinam ingenerandam. Antecedens patet, alioquin Testimonium Patrum à divino non distaret, si nullo rationis præsidio, vel auctoritatis indigeret. Et etiam probatur, cum enim fides sit certitudinis, & veritatis immotæ, non potest referri ultimò, nisi ad testimonium per se verum, & immotum, quale unicè est divinum: unde D. Augustinus hoc inter Christum, & Ecclesiam discrimen constituit *lib. 2. contr. Crescon. cap. 21.*, nimirum *Christum semper veraciter judicare, Ecclesiasticos autem judices, homines, plerumque falli.* Ità rivetur.

Respondetur primò, disting. minorem, testimonium Patrum est humanum, & doctrina, quam proponunt universi, & in qua consentiunt omnes, aut saltem maxima pars, non est humana, communis, & doctrina, quam proponunt &c., est humana, nego min. Licet ergo testimonium Patrum, etiam in dogmate fidei docendo, aut exponendo consentientium, humanum sit, dogma tamen, quod summo consensu docent, humanum non est, sed Apostolicum, & Divinum; non enim illud semper docuisset Ecclesia, nisi ab Apostolis accepisset, nec Apostoli tradidissent, nisi à Christo, vel à Spiritu Sancto edocui fuissent.

Quare aliter secundò respondeo disting. min., consensus PP. testimonium humanum est, quatenus Patrum est, conced. min., quatenus fides Ecclesiæ est, nego min. sicut enim regia diplomata, regiam auctoritatem non habent, prout à Ministris conscripta sunt, sed ut mandata regia continent, & ut regio sigillo sunt obsignata; ità Patrum sententiæ in ejusdem dogmatis affirmationem, diversis locis, atque temporibus consentientium, illudque, ut dogma fidei proponentium, per se spectatæ testimoniū hu-

mani vires non excedunt; sed ut continent doctrinam Ecclesiæ, & ut Ecclesiæ auctoritate receptæ, ac veluti sigillo obsignatæ, credendæ sunt, non Patrum, sed Apostolorum, atque Christi doctrinam continere.

Ad confirmat., omisso anteed., disting. conseq., eorum testimonium solitarie acceptum non per se &c., cor conseq., testimonium eorum consentiens, subdist., non per se sufficit à priori, & tanquam causa fidei divinæ, concedo consequentiam, non per se sufficit à posteriori, & per modum signi, nego conseq., testimonium ergo universale, & consentiens Patrum non est per se sufficiens, ingenerare fidem divinam per modum causæ, & à priori, est tamen signum, & argumentum, quo à posteriori colligimus, id, quod omnes SS. Patres, ut de fide proponunt, esse verè de fide, seu esse doctrinam ab Apostolis Ecclesiæ traditam, & à Christo acceptam. Rursus consensus Patrum traditionis index est, & argumentum certissimum; Scriptura verò Sacra docet, inesse traditioni divini testimonii pondus, & in rebus divinis esse supremæ auctoritatis, ac demum non esse accipendam, ut verbum hominum, sed ut verè est, verbum Dei.

Ad id, quod addit ex S. August., dico, cum vel loqui de Judiciis Ecclesiasticis, seorsum sumtis, non collectivè, vel in quæstionibus fidei: quo pacto falli possunt, judicando aliquem hæreticum, qui hæreticus non sit: quomodo Christus solus falli nequit; non verò in quæstionibus dogmatum; quo pacto Judices Ecclesiasticos collectivè sumtos errare non posse, idem Augustinus docet.

XIV. Tertiò obijciunt, & instant. Ut testimonio Patrum efficaciter uti possimus in rebus fidei, deberemus esse certi, illud verè esse testimonium Patrum, & non suppositum, & illorum sensus deberet esse nobis exploratus; atqui nec sumus certi, ea, quæ nomine Patrum circumferuntur, verè esse illorum, quorum esse dicuntur: cum multa, quæ à licujus Patris genuina opera putabantur, in dies, ut spuria, & supposita ab Eruditis respuantur. Similiter vel tem-

pore, vel imperitiâ, vel malitiâ, quæ ab illis scripta fuere, variis in locis immutata sunt, vel adulterata; quare in antiquitate nihil sanum, nihil incorruptum existere, prudenter timeri potest. Sensus pariter Patrum aliquando aded implexi sunt, atque intricati, ut vix ullus extrahi sensus certus possit. Ità Dallæus.

Respondetur negando min. intellectam de scriptis omnium Patrum. Etsi enim sint aliqui Patrum loci, quorum de Authore, vel sensu ambigi possit, ut sunt illi, qui vel ex supposititiis, vel dubiis veterum monumentis proferuntur, vel qui sunt ità obscuri, ut verus eorum sensus vix percipi queat: non tamen omnes, aut plerique tales sunt; & si qui sunt, à nobis non adhibentur, cum de summa fidei agimus. Rursus etsi dubium esse possit, an iste, vel ille liber sit hujus Auctoris, cujus dicitur esse, hoc tamen dubium esse nequit de tota Patrum collectione, vel de majore parte eorum. Quis enim dicat, omnes Patrum libros, aut etiam majorem partem illorum esse suppositam, vel falsatam? Hoc esset, omnibus veteribus monumentis in quacunque materia fidem derogare, & in summam antiquitatis obscuritatem homines deijcere. Cum ergo testimonium sufficiens in rebus fidei non sit unus vel alter ex Patribus, sed tota eorum collectio, aut saltem major pars, inde est, quod de testimonio Patrum, pro ut eo in rebus fidei utimur, & ad probandam Ecclesiæ traditionem assumimus, nullus sane mentis dubitare potest.

XV. Quartò obijciunt, & urgent, Patres vel narrant, ut testes, ea, quæ in sui seculi Ecclesia credebantur, aut gerebantur, vel, ut doctores, quod ipsi sentiant, exponunt; sed si quolibet ex his modis loquantur, eorum dictum falsi potest; ergo &c. minor pro prima parte probatur. Scire, quæ singulis seculis fuerit Ecclesiæ sententia, est cognitio facti, non juris, historię, non fidei, & dogmatist sed Patres in re facti, & historica falli poterunt, imò de facto multi errarunt; ergo &c. Pro secunda etiam parte probatur. Esto enim Patres, sancti fuerint, & docti, homines tamen fue-

runt; ergo in sua proferenda sententia, decipi poterunt: non enim habuerunt specialem Spiritus Sancti adfuentiam, qualem sortiti sunt librorum canonicorum Scriptores.

Respondeo, neg. maiorem pro utraque parte, intellectam tamen de omnibus collectivè, vel de majori parte, & de rebus fidem spectantibus, & cum ab Ecclesia probata fuerint Patrum dicta. Ad prob. min. pro prima parte dist. min., possunt falli in re facti, si sit merum, & simplex factum, conc. min., si sit factum conjunctum cum Jure, & à Jure indivisum, nego min. Quæstio facti est, an libri, qui ab Ecclesia leguntur, ut canonici, sint verè canonici; quæstio tamen meri facti non est, sed quæstionem juris involvens, an scilicet in judicando de authenticitate Sacrorum Librorum judicium Ecclesiæ sit infallibile: unde qui negat, Libros, qui in Ecclesia leguntur, esse canonicos, negat in Ecclesia esse firmum judicium de Libris Sacris. Sic quæ singulis seculis fuerit Ecclesiæ sententia, quæstio facti est, conjuncta tamen cum jure, nempe cum ista quæstione, quæ fuerit illis seculis vera fides. Quare si Patres universi, quando ut testes oculati, & approbati ab Ecclesia recitarent de fide Ecclesiæ sui temporis, errassent, sequeretur, & errare Ecclesiam, quæ illos ut testes sequitur.

Ad probat. secundæ partis respondeo ex dictis, probare quidem, singulos seorsim sumtos errare potuisse, non tamen omnes simul, cum docent fidei dogma: aliàs Ecclesia, quæ illos sequitur, erraret; hæc satis sint. Qui plura velit, adeat inter cæteros Natalem Alexandræ *bis. Ecclesiæ. secul. 2. tota dissertat. 16.*

XVI. Pro coronide hucusque dictorum observandum censeo, quod licet auctoritas unus, vel alterius ex Patribus, etiam in rebus fidem spectantibus, se sola non faciat argumentum infallibile, specialis tamen ratio habenda est illorum Patrum, quos Deus posuit quovis seculo in sua Ecclesia, ut errores, ac hereses eo tempore nascentes eliderent, sicut Ariani opposuit Athanasium, Hilarium, & alios; Pelagianos, Donatistas, Manichæis S. Augustinum, aliisque hæ-

recti.

reticis alios Doctores suâ providentiâ opposuit.

Quapropter, si pro divinitate Filii Dei contra Arianos agendum erit, consulendi erunt Athanasius, Hilarius, alique, qui causam hanc ex professo tractaverunt, & quorum doctrinam Ecclesia Catholica amplexa est; atque horum auctoritati magis deferendum, quàm eorum, qui rem solum obiter tetigerunt.

Eâdem ratione, quia S. Augustinus Gratiâ Dei contra Pelagianos strenuè propugnâvit, ejus auctoritas in causâ Gratiæ plurimi est faciendâ; quia quos Deus specialiter elegit ad alicujus erroris confutationem, speciali lumine illustravit ad Catholicam veritatem tuendam. Hinc S. Augustini doctrinam, maximè dùm de Gratiâ agit, Sedes Apostolica summo pretio semper habuit. Eam à detractoribus tutatus est (Augustino vix mortali vitâ functo) Cælestinus I. in *rescripto ad Episcopos Gallia*, ubi ait, cum *infra suspensionis* saltem rumore fuisse nunquam aspersum: *tanta scientia fuisse*, ut inter magistros optimos etiam à suis prædecessoribus semper haberetur. Causam Augustini non esse solum Prosperi, & Hilarii, qui pro magistro suo agebant, sed *universalis Ecclesiæ*, quæ quâcumque novitate pulsatur. Demum jubet, ut *improbis imposto silentio*, cesset impostum hujusmodi querela. Hoc Cælestini rescriptum celebrat S. Prosper lib. *advers. Colatorem* c. 11. Hormisdas etiam *epist. ad Possessorem Africanum Episcopum*, qui ipsum consuluerat, quid sentiret de Libro Faustî Galli Regienis Civitatis Episcopi, in quo de Gratiâ Dei agebatur, multis pro eo contententibus, aliis scandalum ab eo summentibus, Respondit, Faustî librum non recipi. Fixa esse à Patribus, quæ fideles sectari debeant, instituta. Et tandem concludit. *De arbitrio tamen libere, & Gratiâ Dei, quid Romana (hoc est Catholica) sequatur. & asseret Ecclesiâ*, licet in variis libris beati Augustini, & maximè ad Hilarium, & Prosperum, *præstè cognoscit; tamen in jeremiis Ecclesiasticis expressa capitula continentur* &c. Ex his apparet, sexto seculo doctrinam Sancti Augustini in materia de libero arbitrio, & Gratiâ Dei fuisse doctrinam

Ecclesiæ Romanæ, idest Catholicæ. Quod comprobatur quoque ex epitola Synodica Episcoporum Africanorum in Sardinia exsulum, data eodem seculo, quæ reperitur tom. 2. *Concil. column.* 1055, de Gratiâ Dei, & humano arbitrio scripta, in qua nu. 27. sic eos, ad quos scribant, adhortantur. *Præ omnibus studium gerite, libros Sancti Augustini, quos ad Prosperum, & Hilarium scripsit, memoratis fratribus legendos ingerere. Quorum mentionem beata memoria Hormisdæ Sedis Apostolica gloriosus Antistes, in epistola, quàm consulenti se sancti fratri, Confacerdotique nostro Possessori rescripsit, cum magno præconio Catholica laudis inseruit. Cujus hæc verba sunt. Deinde verba Hormisdæ mox laudata subijerunt. Sanctus Augustinus, ejus doctrinam secundum prædecessorum meorum statuta, Romana sequitur, & servat Ecclesiâ* (inquit Joann. 11. *epist.* 3. to. 2. *Concil. col.* 1190.) Unde Capitula à Sede Apostolica ad Concilium Arausicanum secundum transmissa, & ab hoc subscripta, & in Canones redacta, quæ gratiæ necessitatem concernunt, ferè omnia ex libris D. Augustini desunta sunt.

Merito igitur Clemens XI. suo Brevis dato Romæ 28. Jun. 1704., Joannæ Launoi libellum *traditionem* nuncupatum, quo S. Augustini nomen, & auctoritatem obscurare, ac elevare in iis, quæ gratiam spectant, conatus est, diris devovit, repertuniquè flammis aboliri, mandavit. Quem secutus Benedictus XIII. feliciter, & sanctè regnans contra calumniantes doctrinam SS. Augustini, & Thomæ, ac si hæc in Quesnellianis propositionibus à Clemente XI. in Bulla *Unigenitus* proscriptis damnata fuisset, in solamen utriusque Magistri Discipulorum, suis litteris in forma Brevis sub die sexta Novembris 1714. declaravit, SS. Augustini, & Thomæ inconcussa, & tutissima dogmata de gratia per se, & ab intrinseco efficaci, & de gratuita Prædestinatione ad gloriam sine ulla prævisione meritorum, nedum præfatâ Constitutione non esse damnata, sed eorumdem Discipulos jure merito gloriarî, esse & Verbo Dei, Summorumque Pontificum, & Conciliorum decretis, & Patrum dictis

con-

consona, districte inhibens, ut quis impostorem hoc nomine calumnias strueret, & diffensiones ferre audeat.

DUBIUM VIII.

Locus ab auctoritate Theologorum Scholasticorum.

§. I.

Aligua pramittuntur.

Scholasticæ Theologiæ ortum, ac progressum, ejusque utilitatem supra exposuimus. Modò investigamus, quantæ auctoritatis sit argumentum ab ea petitum, seu quanti faciendæ sit Theologorum Scholasticorum in re fidei, ac morum sententia.

Hic tamen, memento Lector, me, sicut & supra, Theologi scholastici nomine, seu scholæ doctrinæ intelligere eam, quæ ex sacrarum litterarum fundamentis deducta sit. Non enim Theologos illos (quos Theologi nomine vix digno reputo) hic intelligo, qui universas quæstiones Theologicas frivolis argumentis absolvunt, in quibus Sacrorum Bibliorum testimonia rarissima sunt, Conciliorum mentio nulla, nihil ex antiquis Patribus olent, nihilque ex gravi Philosophia quidem. Imò, quæstionibus verè Theologicis omissis, tori sunt in metaphysicis, vanisque aliis summæ animi contentionē agitandis, implentes hujusmodi commentariis codices; & tamen, si Diis placet [ut ait Cano lib. 8. de locis cap. 1.] Theologi Scholastici, vocantur, nec Theologi, nec Scholastici, sed Theologiæ, & Scholæ corruptores. Quod si hos solos damnasset Lutherus, Melancthon, Calvinus, culpandi propterea non essent. Theologum ergo scholasticum illum nuncupo, qui de Deo, rebusque divinis apud, prudenter, doctè & litteris, institutisque sacris ratiocinatur.

Porrò Theologos scholasticos ità usurpatos, esse in pretio habendos, jam supra ostendi; quod addè certum est, ut ex eorum contentu inferat Canus laudato loco, Lutherum, aliosque ejus gregales in omnes errores fuisse præcipites.

Principio namque (ait ille) quod erat facile, schola auctoribus contentis, schola quoque judicia contemserunt. His neglectis, mox necesse erat, Hieronymus, Augustinus, Gregorius, Ambrosius, Basilii negligenter, quos Theologi recentis dogmatum suorum auctores habebant. At antiqui Sanctis possibilibus, defectui quoque habita sunt eorum concilia. Unde consecutum est, ut & libros quosdam Canonicos, & Ecclesiasticam auctoritatem, Lutherani contemnerent. Adèd verum illud est, qui minima negligit, paulatim desinit. Absit invidiam verbo. Nec enim minima schola auctoritas esse potest, quam parvi facere nemo sine fidei discrimine posset. Ità Canus, attentè hæc in re audiendus.

Posiunt Scholastici Doctores, ut de Patribus diximus, sumi vel sigillatim, & seorsim; vel collectivè, & simul; sed de eorum doctrinis, in quibus inter se discordes sunt; vel de iis, in quas omnes concordè sententiâ conspirant. His ergo præhabitis

§. I I.

Statuuntur assertiones.

II. Dico primò. Theologorum Scholasticorum etiam multorum testimonium, si alii viri docti contrarium asserunt, neque Ecclesia quidquam statuit, non plus valet ad faciendam fidem, quàm vel ratio ipsorum, vel gravior auctoritas comprobabit. Ità Canus laudatus c. 4. qui addit: In scholastica disputatione plurium auctoritas obnuere Theologum non debet; sed si paucos viros modo graves secum habet, poterit sanè adversarum plurimos stare, non enim numero hac judicantur, sed pondere. Et post pauca. Quo loco sanè arguendi sunt scholastici nonnulli, qui ex opinionum, quas in schola acceperunt, præjudiciis, viros aliàs Catholicos notis gravioribus inveniunt, idque tantâ facilitate, ut meritò videantur... nec enim si quid, aut Scoticis, aut Thomisticis pronuntiatis contrarium est, error illud est. Cum enim admittrantur ab Ecclesia utriusque partis, sed scholæ placita propria, tanquam probabilia, ccc-

cenſurâ dignus poſſet exiſtimari, qui alterius ſcholæ dictis aliquam cenſuræ notam inurere vellet, niſi quid contra illam ab Eccleſia definitum fuiſſet.

III. Dico ſecundò. Ubi Theologi Scholaſtici ſummo conſenſu docent, aliquam doctrinam ex principiis fidei deduci, uſque aded probabile, imò & firmum fundant argumentum, ut illi doctrinæ reſragari, temerarium, imò hæreſi proximum ſit. Hoc probo primò. Nam in quacumque arte Peritis credendum eſſe, ratio demonſtrat: nec enim ſanus crederetur, qui omnibus nautis in navigandi ratione non crederet; ſed judicare, aliquam doctrinam deduci, & eſſe connexam eum principiis fidei, Theologorum ſcholaſticorum ars eſt; ergo, qui omnibus Theologis aſſerentibus aliquam doctrinam neceſſariò connecti, & deduci ex principiis fidei, reſragaretur, vel non ſanus, vel temerarius eſſet. Ac inſuper, quia qui negat doctrinam deductam ex principio fidei, videtur virtualiter negare principium fidei, ex quo deducitur; idè etiam hæreſi proximas eſſet.

Secundò probatur. Quotiſcumque Theologi Scholaſtici cuiſcumque ſcholæ, qui magnâ ſerè ubique diſſenſione conſentiant, in una aſſerenda concluſione concordant, argumento eſt, illam aded clarè ex ſuis principiis deduci, ut negari non poſſit; Non enim Doctores in ſa- crationes diſſecti in unam veritatem conſpirent, niſi ſua claritate illos captivaret; ergo, qui vellet contrarium ſentire, temerè, & ſine ullo fundamento procederet, hæreſisque ſuſpicionem non eſſugeret. Eò vel maxime, quòd tanta concordia inter Doctores, qui ordinariè, & naturaliter in contraria ſtudia ſeruntur, potiùs, quàm humanum, divinum opus par eſt credere. Non abſimili modo, quo mirabile fuit, ac divinum, quòd ſeptuaginta duo ſenes (ut aliqui autumant) diverſis cellulis incluſi unanimis conſpirant in eadem adoranda Sacre Scripturæ Verſione.

Huic aſſertioni pondus accedit ex *Cle- ment. unica de ſumma Trinitate*, ubi Patres Concilii Viennenſis ſtatunt, opinionem illam, quæ dicit, tam parvulis, quàm adultis conferri in Baptiſmo infor-

mantem gratiam, & virtutes, tanquam probabiliorẽ, & Doctorem modernorum Theologiæ magis conſonam, & concordem, forè à Catholicis eligendam. Si ergo in re, quæ olim inter ipſos etiam Theologos Scholaſticos controverſa fuerat, opinio concors juniorum tanti apud Patres in Concilio fuit; quandò magis nos res omni tempore à ſchola præſcriptas tenere, ac revereri debemus. Dùm enim omnes conſentiunt, veritatem aliquam cum principiis fidei connecti, non datur ampliùs fundamentum prudens contrarium opinandi, quia certò conſtat opoſitum; opinio autem de uno eſſentialiter ſupponit, non eſſe certum opoſitum.

IV. Dico Tertiò. Concors omnium Theologorum Scholaſticorum toto Orbe diſfuſorum ſententia in re fidei, aut morum, ita firmum præbet argumentum, ut ei contradicere hæreticum ſit, vel ſaltem hæreſi proximum. Probatur primò. Nullum dogma reperitur, quòd eadem mente, & ore Scholaſtici omnes certò, ac ſimiliter aſſeruerint, quin idem in univerſum Eccleſiam teneat, eorum auctoritate mota; & quòd apertè ex Sacris Literis, vel ex Apoſtolorum traditione, vel ex Conciliorum, aut Pontificum definitionibus non habeat certam originem. Quòd ſi aliquid in contrarium invenire poſſunt Hæretici, præſerant, & taceamus. Ergo qui ejuſmodi omnium Scholaſticorum aſſerto reſragatur, contradicit Eccleſiæ univerſæ, & vel repugnat Sacris Literis, vel Apoſtolorum traditioni, vel Conciliorum, Pontificumque decretis.

Secundò prob. Si qua in quæſtione univerſi Theologi idem omnino concipiunt, proſeçdò, ſi in eo errant, Eccleſiam item errandi periculo exponunt, quia ſive qui conſeſſiones excipiunt, ſive qui conciones ſpargunt, ſive qui ut Paſtores fideles ſibi commiſſos docent, omnes inſtruant in rebus fidei, & morum, pro ut à ſchola accipere; ergo ſi tota ſchola erraret, totus populus erraret, & Eccleſia communem errorem diſſimulans, omnes Chriſti fideles ſuo ſilentio deciperet. Error enim cui non reſiſtitur, approbatur: & veritas, cum non de-

defenditur, opprimitur; ut ait Innocentius 83. *dist. cap. Error,* & Felix III. ad Acacium. Quid si ita esset, Deus Ecclesiæ suæ deficeret in necessariis. Quid enim salutaris eiset populus imperitus, nisi eos sequi, quos pro illo tempore Ecclesiasticæ Doctrinæ Magistrus accepit? Erraret ergo populus, erraret, vel saltem errori consentiret Ecclesiæ; quomodo ergo staret Christi promissio?

Confirmatur. Cùm Dominus dixit; *qui vos audit, me audit: qui vos spernit, me spernit*, Lucæ 10. v. 16. Item cùm Paulus ad Ephes. 4. dixit, quod Deus posuit in Ecclesiâ alios Pastores, & Doctores in opus ministerii, in ædificationem Corporis Christi, donec occurramus omnes in unitatem fidei in virum perfectum, ut jam non simus parvuli fluctuantes, & circumferamur omni vento doctrinæ in nequitia hominum, in astutia, ad circumventionem erroris, non modò ad primos Theologos, & Doctores, hoc est Apostolos, verba illa referebat, sed ad Doctores etiam in Ecclesiâ futuros, quandiu pascendæ essent oves in scientia, & doctrinâ; ergo sicut qui communem Theologorum Christo immediatè succedentium vocem audiebat, Christum audiebat, qui eam contemnebat. Christum contemnebat; ita qui Theologos juniores antiquis succedentes audit, Christum audit, qui spernit, Christum spernit. Similiter sicut primi Doctores, & Pastores positi fuerunt in ædificationem Ecclesiæ, ne simus, ut parvuli fluctuantes omni vento doctrinæ, ne circumveniamur errore; ita positos fuisse doctores, illis per secula sequentia prioribus succedentes, erendum est. Quandiu enim Christi Corpus, hoc est Ecclesiâ fuerit, ad divinam procuratorem pertinebit, ut ii, qui in Ecclesiâ Sacræ Doctrinæ Doctores habentur, tanquam à Deo positi veritatem in fidem teneant, ne populus parvulorum more circumferatur, & ab errore circumveniat. Sed qui antiquis successerunt, & qui modò in Ecclesiâ, ut Doctores habentur, sunt Theologi Scholastici; ergo horum concursus sententia in fide firma esse debet, sicut firma esse debet fides totius Ecclesiæ.

V. Dices, magnam esse differentiam

inter veteres Doctores, & modernos Theologos. Illi enim docti erant, & simul sancti; isti non ita. Illi, id est Apostoli, habebant adiutentiam Spiritus, qui eos docebat, ita, ut neque omnes, neque singuli errare possent; isti nec sigillatim, nec simul sumitis adiutentiam Spiritus promissam legimus. Latum ergo discrimen est inter hos, & illos, ut illis credere teneamur, istis non.

Respondeo primò, me non intendisse, Juniores Theologos præfere illis æquare. Scio, quantum antiquitati deferendum sit, quantum sanctitati. Scio, Apostolos accepisse Spiritum Sanctum, & quidem singulos. Hoc de scholasticis non audeo dicere. Post Apostolos veteres Patres habeo, & veneror, ut traditionis testes, ut Patres fidei, ut Processores, & Doctores primarios Ecclesiæ. Posteriores verò, & juniores agnosco, ut discipulos; qui tamen dùm eadem docent, quæ à suis Patribus acceperunt, sunt in eorum virtute, & loco subrogati, quia & eam annosa arbus succiduntur, in eorum robore tenera virgulta succrescant, ait D. Gregor. lib. 36. moral. cap. 17. Sicut ergo Sanctorum veterum consensus, ut Dubio præcedente dictum est, non in omnibus questionibus sequenda nobis, & tenenda est, sed solum in fidei regula; ita Juniorum Theologorum concursus sententia nun in omnibus questionibus, sed iis solum, in quibus concorditer docent ex scripturis, vel traditione, & Patribus, vel ex Conciliorum, aut Pontificum auctoritate, quænam sit fides Patrum, Ecclesiæ, Christi. Eto enim non asseram, Scholasticis Theologis, dùm concorditer loquuntur, immediatè adesse præsentiam Sancti Spiritus, eam adesse toti Ecclesiæ fatendum est; quæ eùm in his rebus audire solet, & consulere Theologos, eorumque concordiam sententiæ veluti manuduci, & disponi ad definiendum, ut in Florentino, & Tridentino Conciliis factum est; sequitur consequenter, saltem mediatè, concordiam omnium Theologorum non esse opus prorsus humanum. Eò vel maxime, quia ordinariè, & naturaliter in contraria studia ferri solent.


Ecclesiâ ergo quavis ætate, & tempore

poro, quasi corpus quoddam spirituale, & mysticum, perfectum, & absolutum fuit, & erit usque ad consummationem seculi. In eo debent esse omni tempore oculi, ac cetera membra, Spiritusque veritatis instar animæ, omnia pro ejusque conditione vegetans; oculi nimirum, ut manus, pedesque regant, & ducant, ne fluctuent, circumferantur, circumveniantur errore. Cùm ergo hujus mystici corporis oculi, & lumina, Doctores sint, qui in Ecclesiâ, quovis tempore fuerunt, ad providentiam Spiritus, cujus est hoc corpus fervare, pertinebit nunquam permittere, ut concordii sententiâ omnia membra in errorem inducant.

Respondeo secundò, Infantiam hanc, quæ ex hæreticorum officinâ prodit, spiritum Pharisaicum sapere, qui, teste Christo Matth. 23. v. 30., dicebant, si fuissimus in diebus Estrum ustrorum, non essemus socii eorum in sanguine Prophetarum. Sic dicunt moderni Protestantæ (ait Canus laudatus) Si essent Scholastici Doctores, quales erant Hilarius, Hieronymus, Basilus, sequeremur eos. Si in diebus Augustini, Ambrosii, Hieronymi fuissimus, non essemus socii Manichæi, Novati, Vigilantii, Pelagii, Joviniani. Ipsi tamen optimè aptatur Christi responsum v. 31. Testimonio estis vobismetipsis, quia filii estis eorum, qui sanctos antiquos contemserunt, quorum errores ad inferis excitastis, ut fuscò ostendi in Verâ Ecclesiâ tom. 1. cap. 9. §. 3. Qui ergo Juniores Theologos contemnitis, eadè auctorità veteres Patres contemneretis, sicut eos de facto contemnit Lutherus, ut §. 1. dubii præcedentis ostendi. Bene ergo, ait Chrysostomus, scû quisquis alius auctor operis imperfecti super Matth. hom. 40. Cùm audieris aliquem beatificantem antiquos doctores; proba, qualis est circa suos doctores. Si enim illos, cum quibus prois sustinet, & honorat, sine dubio illos, si cum illis vixisset, honorasset; Si autem suos contemnit, si cum illis vixisset, illor contemnisset. Tandem contra Protestantæ urget hæc instantia. Si juxta vos cuique fidei erret, discernendo verum à fab-

so: Quare iste idem Spiritus non aderit omnibus Ecclesiæ Catholice Doctoribus, dùm concorditer aliquid ad fidem pertineus docent, eùm Christus dicat Matth. 18. v. 19. 20. Si duo ex vobis consenserint super terram, de omni re, quæcumque petierint, fiet illis à Patre meo, qui in Calis est. Ubi enim sunt duo, vel tres congregati in nomine tuo, ibi sum in medio eorum? Si ergo adest dignatur, ubi duo, vel tres fuerint: quantò magis non deest, ubi plures convenerint Sacerdotes? Ità Sanctus Gregorius lib. 7. epistol. 121., modò lib. 9. epistol. 106.

Quæ hæcenus dicta sunt de Scholasticis Theologis, applicanda sunt Academicis, sive Universitatibus ex præfatis Doctoribus congregatis. Quod enim omnes Universitates, vel Academicæ toto Orbe diffusæ unanimiter docent, vel tanquam quid certò ad fidem pertineus, vel ex fidei principiis consequens, ità certum debet haberi, ut hæreticam sit primum negare, hæresi verò proximum negare secundum. At si illud doceant tanquam probabile tantum; vel si una, vel altera Academia illud doceat, alterâ; vel aliis contradicentibus, tunc, ut merè probabile haberi debet: Una enim Academia, præsertim si sit clara, & illustis (in re tamen, cui Sedes Apostolica non contradicat) sufficit ad faciendam opinionem probabilem. Unde Caramuel lib. 1. Theologia fundamentalis, fundam. 5. per totum, & præsertim §. 24. hanc materiam fuscè pertractans, statuit sequentem regulam. Modò nec in fidem, nec in Catholicam, totoque Orbe receptam morum doctrinam impingat in materia Politicâ; quidquid exteri Ecclesiæ, aut seculares sentiant, dicant, ut, unusquisque teneatur defendere jura sua patria.



DUBIUM IX.

Locus ab auctoritate Juris Pontificii
Doctorum.

6. I.

*Theologi, & Canonici invicem
comparantur.*

SAcra Theologia, & Canonum scientia comparantur invicem, sicut quasi superior, sed subalternans, & inferior, sed subalternata; quatenus principia, & fontes, unde Ecclesiæ decreta sua, & canonice sanctiones erant, sunt vel principia, vel conclusiones Theologicæ facultatis, cujus est cognoscere, & judicare, quæ à Deo sunt revelata, quæ his sunt vel consequentia, vel repugnantia. Quamobrem utraque sæpè in idem obiectum materiale concurrunt, quamvis diverso modo. Quia Theologia illud magis inspicit propter veritatis cognitionem, & dùm actiones humanas dirigit, eas respicit potius in communi, tradendo regulas generales pro foro conscientie, & dùm de iis etiam in particulari judicat, de iis judicium profert relatè ad forum internum, & prout causa inter Deum versatur, & hominem. Canonum verò scientia principaliter practica, & de actionibus, non tam in communi, quàm in particulari, applicando eas ad hic, & nunc, & ut pertinent ad judicia, respicit actiones humanas, ut forum exterius præcipue concernunt, ac inter homines, & homines exercentur. His stantibus. Quæri solet, quanam præferenda sit auctoritas in aliquo negotio, nàm Theologorum, nàm Canonistarum? Quia in re est opinio Alvari Pelagii lib. 2. de planctu Ecclesiæ cap. 20., & Hostiensis c. Penultimo de mate, & qualitate ordinandorum, decentium in materia simoniæ, usurarum, & ubi de peccato agitur, standum esse decisioni potius Canonistarum, quàm Theologorum: & Joannis Rojæ 2. 3. de hæreticis volentis, materiam dogmaticam, si nondùm decisa sit, spectare quidem ad Theologos, ut si decisa sit, ejus co-

gnitionem spectare ad Canonistas; quia, tales definitiones Ecclesiæ in corpore Juris Canonici continentur. Hoc tamen non obstante.

II. Dico primò. In rebus ad fidem pertinentibus præferenda est auctoritati Canonistarum auctoritas Theologorum. Probatur, quia Summi Pontifices, & Concilia, quorum decreta, & sanctiones Jus Pontificium concludit, nihil, quod ad fidem spectare videatur, unquam ex sensu suo, desinierunt, sed ex Sacris Litteris, & Apostolorum traditionibus, quæ sunt propria Theologiæ principia; ergo ejusmodi rerum perfecta, & tuta intelligentia à Theologia, non à Canonistis petenda est, & à Theologis instrui debent Canonistæ: cujus defectu sæpissimè hallucinati sunt Juristæ, ut satis apparet ex illius expurgatione tempore Gregorii XIII. factâ.

III. Dico secundò. Etiam in iis, quæ concernunt Jus naturale, & divinum, si ve quæ ad mores per dicta Jura regendos pertinent, Theologorum auctoritas Canonistarum placitis præferenda est. Constat eadem ratione: Nam ea, quæ spectant ad Jus naturale, & divinum, complectens veterem, & novam legem, originaliter determinari debent ex principis, & fontibus Theologicis; sed agnoscere, ac interpretari propria principia, & judicare de iis, quæ illa consequuntur, potius, ac rectius potest facultas illa, cujus sunt propria, quàm, quæ ea accipit solum, & à scientiâ superiori supponit judicata, & probata; ergo de iis, quæ legem naturalem, & divinam concernunt, determinare, potius ad Theologum spectat, ejusque judicio, ut tutiori standum est, quàm Canonistæ.

Propterea D. Thomas quodlib. 21. art. 9. ad 1. eum sibi objecit auctoritatem plurium, & magnorum Juristarum decentium, concedentem, vel stantem cum excommunicato peccare mortaliter, respondit: *Opinio Decretistarum non est vera, quia ipsi plures assentiunt in his, & sequuntur jus humanum, quàm divinum, eum plures sit assentiendum Juri Divino, quàm Humano; & ideo melior est opinio aliorum, qui dicunt contrarium.* Dominicus etiam solus in 4. dist. 23. quæst. 2. art. 2.

ap. 2. referens errorem Joannis, qui super Canonem *Accidens dist.* 50. asserit, Clericum degradatum non retinere ordinem, nec consecrere Sacramentum, respondet: *Glisfiores isti, quales in Jus divinum falem mittunt, cruentantur.* Adde verum est, quod in iis, quæ pertinent ad Jus Divinum, magis Theologi, quam Canonistis deferendum est.

IV. Dico tertio. Ubi agitur de Legibus purè Ecclesiasticis, per quas nimirum determinatur circumstantiæ Juris naturalis, & divini, ut de Ministrorum officiis, de decimis persolvendis, de penis, & censuris, aliisque sexcentis hujus generis, ut iis, quæ ad forum Ecclesiasticum, causasque, & lites illius pertinent; Canonistarum sententia præferenda est. Probat. In quâcumque enim materiâ, seu facultate à Peritis illius facultatis judicium desumendum est; sed omnia prædicta in Jure Canonico tractantur, & discutuntur; ergo quoad illa Canonistis potius, quam Theologis addibenda est fides. Quare D. Thom. *quodlib.* 9. *art.* 15. tractans illam questionem, an liceat alicui plures præbendas habere simul: & exoritur controversiâ an lex abrogetur per consuetudinem contrariam, vel non, subjungit S. Doctor: *Hæ controversia Juris est relinquenda.*

Porrò, quia Theologia pro eâ parte, quâ practica est, maximam habet connexionem cum Jure Canonico, infert Canonus, Theologo, præsertim ei, qui ad animarum curam est destinatus, maxime utilem fore, & quasi necessariam Canonum notitiam. Nam quemadmodum (ait Canon *lib.* 2. *c.* 6.) non est in Abbatem eligendus, nisi qui ante fuerit in regula competenter instructus, ut *c.* *Officii de electione* Innocentius tradit: Itâ nec cura quidem Ecclesiam gubernandi est ei committenda, qui Ecclesiasticas regulas nescit. Theologus igitur, qui vel Episcopus, vel Parochus futurus est, nisi Canones ante didicerit, quibus fideles debent in Christianâ Religione, & Ecclesiæ ceremoniis instrui, non habebit profectò ad rem bene publicam gerendam. Theologiæ officinam satis instructam. Atque ideo Sacerdotes in Cœlestium, Leo-

ne, Augustino, septimâ Synodo, Concilio Carthaginiensi tertio, Toletano quarto, ut refert Gratianus *dist.* 28. *c.* 61., Canonum Ecclesiasticorum notitia isentatur.

Theologi insuper à Summo Pontifice, & Episcopis adscribuntur, non solum ad prædicationis officium, sed etiam ad confessiones audiendas, ad poenitentias injungendas; quod vix bene præstari potest sine canonum notitiâ, pro solvendis casibus circa excommunicationes, suspensiones, irregularitates circa matrimonium ejusque impedimenta, circa simoniam, vota, perjuriam, usuram, furta; quæ si Theologus ignoret, quomodo officii sui partes implebit, quomodo judicare poterit? ignorabit autem, falsumque judicium proferet, nisi Canones Ecclesiasticos in talibus materiis eolverit. Alia plura videri possunt apud Canonum laudatam.

§. I I.

Resolutiones dubii.

V. **J**us Pontificium, seu Canonicum, vocamus Jus illud, quod in decreto Gratiani, & Decretalibus continetur; de cujus origine, ac divisione in *tract.* de *justitiâ*, & *Jure* (si Deus dabit) dicemus. Nunc autem tantum ea degustabimus, quæ ejus auctoritatem concernunt, quantum scilicet certitudinem habet, at probatio Theologica ab illo desumta. Pro cujus explanatione.

Adverto, in decreto (cujus auctor est Gratianus) quatuor species auctoritatum reperiri. Prima est Sanctorum Patrum, Conciliorum tam Generalium, quam Particularium, & Summorum Pontificum. Secunda ipsius Gratiani compilatoris hujus voluminis. Tertia ejusdem *Palea*, de quo variè sentiunt Doctores. Multi ea capita, in quibus res inane, tenues, & modicæ utilitatis continentur, paleæ nomine vocitari crediderunt. Alii *Paleam* volunt fuisse quandam Protopalcam Cardinalem, & Collectioni Gratiani capitula adjunxisse. Nonnulli sentiunt *Paleam* fuisse Gratiani dispersulam, & sui auctoritate inseruisse huic Volumini capita aliqua, nec authentica, nec ullam fidem.

scientia. Abi tandem, ut Barbosa, in præmio decreti Gratiani putant, Palcas pil. aliud esse, quam additiones, marginales primò notatas, & forè ab ipso Gratiano nonnullas, ut in relegendo à se. composita fieri solet, quas deinde libriorum quidam omiserint, alii in corpore, & contextu conjunctum cum prioribus capitulis interdum, interdum verò cum aliquo discrimine posuerint. Quarta species est auctoritas Juris Civilis, vel secularium Principum, quorum multæ leges huic volumini insertæ reperiuntur. His suppositis.

VI. Dico primò. Argumentum sumtum ex auctoritatibus SS. PP., Conciliorum, Summorumque Pontificum in decreto contentis, si concernat materiam, & definitiones fidei, eam habet firmitatem, quam supra diximus, habere argumenta sumta ex Patribus, Conciliis, ac Summis Pontificibus. Conclusio hæc regulanda est, & probanda ex supradictis.

VII. Dico secundò. Si præfatæ auctoritates pertineant solum ad Ecclesiastica decreta respectantia disciplinam, ac mores, quæ propriè dicuntur, & sunt leges humanæ, certam quidem facere possunt probationem Theologicam, non tamen certitudine fidei; mutati enim possunt; & maximè, si fuerint rerum dumtaxat particularium, merique facti nullum jus involventis. Est autem Summus Pontifex in condendis legibus ad statum Universalis Ecclesiæ spectantibus errare non possit, non tamen hujusmodi leges equiparari possunt fidei definitionibus, quæ firmæ prorsus, ac immutabiles sunt.

VIII. Dico tertio. Tres aliæ auctoritatis species, nimirum ipsius Gratiani compilatoris, Palcas, & Juris Civilis, secularium Principum non possunt facere ex se certam probationem, ad aliquis controversæ Theologicæ decisionem. Primò, quia Gratianus, & Palca. non aliam habent auctoritatem, quam Doctoris privati. Secundò, quia leges civiles insertæ in decreto, ne quidem Juris Canonici vim habent, aut auctoritatem: Gratianus enim, qui eas inseruit, talem non habuit potestatem. Et hoc ve-

rum est, etiam tales leges civiles sint Clericis, & Ecclesiis favorabiles; talis enim favor nihil suffragatur ad suppleendum in concedente facultatis defectum. cap. Ecclesia 3. *Maria de Constitutionib.* Intellige tamen, ut dixi, per se, & nisi prædictæ leges essent per aliquem Canonem à Summis Pontificibus receptæ, & approbatæ, quia eo ipso suscipiunt vim legis canonice, ut optimè advertit gloriæ capite mox citato. *Quod aliàs est infirmum, confirmatio Papa facit firmum.*

IX. Dico quariò. Quod de volumine Decreti, idem proportionaliter asserendum est de alterâ Juris Pontificii parte, sex Decretalium libros, Clementinas, & Extravagantes comprehendente, quibus addi potest Bullarium; in quibus omnibus, ut sunt multæ Constitutiones spectantes ad particulares etiam communitates, imò & casus ad Personas: ita aliæ sunt spectantes ad regimen Civile, ac Politicum status Ecclesiastici, aliæ ad fidei dogmata, aliæ tandem ad universalis Ecclesiæ regimen in moribus. Pro hujusmodi ergo diversitate materie argumenta ab earum auctoritate desumpta, majorem, vel minorem in probationibus Theologicis certitudinem efficiunt. Si enim pertineant ad fidem, & mores, totam Ecclesiam dirigendo, faciunt certitudinem omnimodam; quia his Papa, & Concilia Generalia infallibilitatem habent, ut supra dictum est. Si tantum Politiam externam, & Ecclesiæ, seu Ecclesiasticorum gubernationem respiciant, non efficiunt certitudinem prorsus indubitatam; sicut si respiciant solam materiam facti particularis eum Jure non connexi; quia et si facta, tunc Pontificum, tunc Conciliorum Generalium universim approbata sunt, cum sine maximo judicio nihil statuant, in his tamen omnimodà infallibilitatem non gaudent.

Rursus, circa decreta Pontificia spectantia ad fidem, & bonos mores, attendendum, an illa à Pontifice, tanquam à publico totius Ecclesiæ Magistro, emanarint, an verò, ut à privato Doctore; quia si emanarint à Pontifice primo modo, certitudinem omnimodam faciunt, & de fide, secus verò, si procedant à Pontifici.

tificæ secundo modo, nimirum, ut docent, quid ipse, vel alii sentiant, ut fecit Nicolaus I., cum dixit, Baptismum collatum in nomine solius Christi valere, ubi cum Ambrosio sensit.

Obseruandum etiam est, an Pontifex aliquid jubeat, an verò tenendum, vel credendum statuat; qui enim solum jubet, non facit esse de fide, & qui contra jussum facit, peccare quidem potest, sed non errabit in fide. Hinc ab hæresi excusatur Sanctus Cyprianus, cum Stephano Papæ in materiâ de rebaptizandis hæreticis restitit, quia Pontifex in suâ epistolâ nihil definiuit, sed præcepit solum, quid, donec res definitur, agi oporteret, Imò etiam à peccato excusari potest, quia probabili ignorantia id fecit.

In probationibus Theologicis ex Jure Canonico solent aliquando asserri regulæ Juris, quæ in fine 6. decretalium collocantur, quarum auctor fuit Bonifacius VIII., quæ quidem non sunt, nec faciunt jus, sed ex jure sumuntur, tanquam notæ brevissimæ eorum, quæ spatium trahuntur in jure; & ab aliquibus definiuntur *generale axioma, sed pronuntiatum, ex cujus notitiâ, & veritate multus facti species definire licet*, v. g. cum alibi traditum esset: Perjurum ad dicendum testimonium non esse admittendum ob suspicionem perjurii; item marito sevientem non esse facile relictandam uxorem; ab eo digressam ob timorem sevitæ sumpta est occasio condendi hanc regulam: *Semel malus semper presumitur esse malus*. Hinc etiam in Jure Civili cum statutum esset, ut pisces maris, vel fluminis publici occupantibus concederentur, item lapilli in littore maris inventi, sicut & aves, cum ista in nullius bonis sint, generalis orta est regula: *Quod nullius est, naturali ratione conceditur occupanti*. Si ergo una ex his regulis in Jure Canonico contentis assumatur ad probationem Theologicam, quaeritur cujus sit habenda auctoritas.

X. Dico quoniam. Regulæ Juris magne esse auctoritatis in rebus præsertim moralibus, si rectè; & cum suis limitationibus intelligantur. Sunt enim veluti penus quædam, in quâ totius serè Juris

Canonici doctrina delitescit, & ad hocque viam aperitur, de quavis causa confestim, & ex tempore respondendi; Ac insuper tam firmum suppeditant argumentum, ut nisi ostendatur, contra eas jus militare, vel rationem contrarium suadere, vel non bene applicari materiæ, de quâ agitur, eis contradici non possit. Hinc ait glossa, potiorrem esse ejus causam, pro quo militat regulæ debet enim adversarius ostendere rationem, quare in illo casu regula non loquatur.

XI. Præter hæc dicta, ad Jus Canonikum reducuntur, & à Theologo in suis disputationibus assumuntur aliquando decreta Sacrar. Congregat. D. D. Cardinalium, & decisiones Sac. Rotæ: de his etiam quaerendum est quanti ponderis sint, & auctoritatis.

Obseruo, quod ante annos octingentos Romani Pontifices ad graviora negotia consultanda cogere solebant Concilia, quæ Nationalia vocabant, istique Italici Episcopi intererant, & insuper etiam Presbyteri Cardinales. Verùm Italia Concilia, quod vel bellorum incurfionibus, vel aliis de causis tam sæpe forte convocari non possent, omitti ceperunt, itaque res ad Cardinalium cætum redacta est, qui, partito munere variis in Congregationibus, res primùm discutit, deinde ad Summum Pontificem deferunt. Hinc talium Congregationum decreta possunt considerari, & quatenus præcisè ab ipsis Congregationibus procedunt, & quatenus illis accedit approbatio, & confirmatio Summi Pontificis; & insuper quatenus sunt in materiâ fidei, vel in aliâ materiâ purè Ecclesiasticâ. De his ergo quaestio est, quante sint auctoritatis, ubi ad probationem Theologicam assumuntur.

XII. Dico sexrò. Decreta Congregationis fidei, & morum ex se, & ut à Congregatione ipsâ procedunt, multi quidem sunt facienda, sed non prebent Theologo firmum, idest infallibile argumentum. Explicandum est hoc assertum. Dixi *ex se*, quia ubi talia decreta in materiâ fidei, aut morum à S. Congregatione edita, adhibitis præcisè omnibus necessariis discussionibus, semel à Summo Pontifice approbarentur, & proponerentur universali Ecclesiæ, si essent

sunt in materiâ fidei, ut credenda, & si essent in materiâ morum universalem Ecclesiae statum respiciente, ut tenenda proculdubio certa omnino essent.

Dixi insuper multi esse faciendâ, & jure. Nam præterquamquod multi ex Cardinalibus doctissimi sunt, habent insuper singuli suos consiliarios viros omni scientiarum genere clarissimos: sicut enim in Conciliis, præter Episcopos, Theologi sunt, qui materias examinant; ita in Congregationibus, præter Cardinales, sunt Consultores. Igitur eorum declarationes non possunt non esse magni ponderis, & probabiliores contrariis aliorum Doctorum opinionibus: imò forte tantæ auctoritatis, quantæ sunt decreta Concilii Nationalis, in cujus vires sunt subrogatæ, ut dicebam. Quare omnes saltem in suo externo obediunt tenentur, non obstante quæcumque opinionum probabilitate.

Tertia verò, & principalis pars, nimirum, quod non præbeant Theologo argumentum infallibile, probatur. Nam Cardinalium Congregationes neque ex se, nec virtute à Summo Pontifice acceptæ, gaudent privilegio infallibilitatis; ergo eorum decreta &c. Anteced. pro primâ parte est certum. Privilegium namque infallibilitatis in rebus fidei, & morum definiendis soli Summo Pontifici convenit, & Conciliis Generalibus ejus auctoritate congregatis, ut dictum est. Altera etiam pars prob. ex Bullâ Sixti V. de institutione eorundem Congregationum anno 1588. edita, quæ incipit *Immensa*, ubi agitur de Congregatione octava pro executione, & interpretatione Concilii Trid. §. 8. habenturque hæc verba. *Et cum ad singularem Romani Pontificis auctoritatem tantummodo spectet, Generalia Concilia indiesse, confirmare, interpretari, & ut ubique locum serventur, curare, ac præcipere. Eorum quidem decretorum, quæ ad fidei dogmata pertinent, interpretationem nobis ipsi reservamus. Cardinalibus verò Præfatis interpretationi, & executioni Concilii Tridentini, si quando in his, quæ de morum reformatione, disciplinâ, ac moderatione, & Ecclesiasticæ Judicii, aliisque hujusmodi statutis sunt, dubietas, aut difficultas emer-*

rit, interpretandi facultatem, vobis tamen consultis, impartimur. Ex quibus constat, Sixtum non dedisse facultatem Cardinalibus decidendi dubia in materiâ fidei, sed solum in concernentibus reformationem morum, disciplinam, in judiciis circa casus particulares, ipso tamen semper consulto.

Ratio autem est, quia potestas judicandi, & definiendi in materiâ fidei, & proponendi articulos ejus, qui totam Ecclesiam ad credendum obligent, alligata est dignitati Supremi Capitis, Pastoris, & Doctoris Ecclesiae, cui soli à Christo promissa est specialis adfinitia Spiritus Sancti, ne in rebus fidem, & mores totius Ecclesiae concernentibus, errare possit; ergo sicut non potest delegare alterum, ut sit Ecclesiae Supremum Caput, Pastor, & Doctor, nec Spiritus Sancti adfinitiam in alterum transferre; ita nec potest facultatem formandi decreta fidei alteri delegare, aut communicare.

Hinc Congregatio S. Inquisitionis, auctoritate sibi à Summo Pontifice commissâ, potest quidem, quos Ecclesia hæreticos dixit, sive articulos, sive homines ultimâ sententiâ condemnare; ab eâ tamen controversia aliqua fidei decidi non potest, ita, ut transeat in articulum fidei, & qui dissentiant, immediate sint hæretici, ex vi præcisæ judicii S. Congregationis. Similiter Congregatio pro Indice librorum prohibitorum habet quidem à Summo Pontifice auctoritatem prædictam interdicendi libros, non autem illos condemnandi, nisi contineant doctrinam jam ab Ecclesiâ proscriptam. Quo casu Congregatio non facit, quod aliqua propositio, aut Liber sit hæreticus, sed tantum præstat, quod Liber, qui aliunde erat hæreticus, pro tali ab omnibus cognoscatur, & vitetur. Hæc enim est differentia inter Librum interdicere, & condemnare, loquendo de condemnatione infallibili: quod hæc, ut dixi, fundatur in Privilegio infallibilitatis, ita Summi Pontificis proprii, ut illud alteri prorsus communicare non possit; secus verò de potestate, vel auctoritate interdictionum. Videri potest Dominie. à SS. Trinitate. Biblioth. Theolog. lib. 3. sect. 6. cap. 24. rem hanc adundè pertrahens.

XIII. Jam ad auctoritatem Rotæ Romanæ fiat transitus. Per Rotæ Romanæ auditorium intelligitur toto orbe celeberrimum, ac notum Tribunal, seu Collegium, quod Romæ ex duodecim diversarum Nationum, ac Provinciarum Auditoribus, juxta Bullam Sixti IV., pro dicendo jure, & iustitiâ administranda, quibuscumque Personis ad Sedem Apostolicam undique confluentibus, coalescit. Olim enim istarum cuasas Summus Pontifex in Capellâ audiebat, adhibitis tamen in eorum expeditionibus Jurisperitis, qui à loco audientis disti fuerunt Capellani, vel etiam simpliciter, & absolute Auditores, quod ad audiendum, & referendum duntaxat essent deputati, ac deinde secundum eorum relationem Summus Pontifex respondebat. Hinc emanaverunt decretales epistolæ, & magna Juris Canonici pars. Gravioribus postea negotiis haud permittentibus, ut Summi Pontifices omnes causas per se ipsos audirent, aut etiam relatas cognoscerent, ac terminare possent, ceperunt deinceps plenam, ac definitivam illarum discussionem præfatis Capellanis, & Auditoribus committere, qui jam communi vocabulo *Auditores Rota* dicuntur; quia in orbem sedentes controversias ad ipsos delatas rotant, discutunt, & decidunt. Ita ex Gregorio Tholosano *lib. 15. synag. Juris univ. cap. 41.* Modò, quantæ sint auctoritatis in Theologicâ probatione hujus Tribunalis decisiones, quærimus ad rem nostram.

XIV. Dico septimò. Sacræ Rotæ decisiones non excedere ex se terminos probabilis. Probatur primò, quia hæc solum sunt doctrinales, ut ex communi sententiâ docet Nicolaus Garfias in *præfat. ad tract. de Beneficiis*, idèque non sunt necessariae, nec infallibiles in jure dicendo, neque constituunt jus, nisi quoad partes, inter quas judicatur. Unde Cardinalis Alexander, qui fuit Auditor Rotæ decisiones (inquit) *nostra non sunt jura, & idè possunt reprobari.* Et Barbosa in *cap. 2. de litis contestatione* asserit, communem opinionem esse majoris auctoritatis, quàm sit Roma, contra Imolam contrarium asserentem. Secundo, quia, hujusmodi decisio-

nes quandoque inveniuntur oppositæ, & contrariæ, vel pro diversitate Auditorum Sacram Rotam componentium successivè, & diversas sententias à præfatis oribus tenentium; Vel etiam, quia iidem, ceteroquin sapientes, & docti, fidei tamen in dies sapientiores, ac majori adhibitis diligentia doctiores, primam in melius sæpe mutant sententiam.

Nunquam tamen propterea contemnendæ sunt, imò multi semper faciendo hujusmodi Rotæ decisiones, cum exeant magnâ semper præhabita causæ ventilatione, & discussione, adhibitis etiam, ubi opus est, viris omni scientiarum genere clarissimis. Unde in eo saltem, in quo declaratio, aut decisio fieri debet, esse infallibilis non habeatur, haberi tamen debet per modum Juris, ac legis directivæ ad aliquis controversiam in simili materiâ definitionem; & in probationem potest adduci, ut medium magis, vel minus probabile.

XV. Tandem de communi Juris Canonici Doctorum auctoritate agendum est. Hi enim ex Jure Canonico, ut ex fonte, multas conclusiones intulerunt, illud commentariis, & notis ad perfectam intelligentiam illustrarunt. Et quidem in his, quæ ad fidem pertinent, vel etiam ad mores, quatenus vel ratio naturalis, vel Lex Evangelica de hujusmodi præscribit, Jurisconsultorum auctoritas parum, & sæpe nihil Theologo conferre potest. In aliis tamen nemini dubium est, quin prodesse valeat; maxime quoad confessionem, ministrationem Sacramentorum, eorum Ritus, circumstantias loci, temporis, modi; hæc enim per Sacros Canones explicatius traduntur. Sicut etiam de moribus Ecclesiæ, & aliis legibus, de poenis contra transgressores earum, de concernentibus Episcopos, Archidiaconos, Primicerios, Episcoporum Vicarios, Sedis Apostolicæ Legatos &c.

XVI. Dico ergo ultimò, Concordant omnium Juridarum, seu Canonistarum sententiam in Legum Ecclesiasticarum interpretatione, adeò firmum præbere argumentum, ut illi refragari temerarium sit. Ita Causa *lib. 3. cap. 7. cons. 9.* Et probatur primò, quia doctissimis quibusque in arte suâ fidem habere opus est.

Se.

Securè, quia eùm Ecclesiæ Judices, & Ministri concordem omnium Canonistarum sententiam amplectuntur, & Ecclesiæ talem usum approbet, videtur quoque eorum intelligentiam approbare. Tertio, quia alienum à conjecturâ non est, Christum Dominum Juris hujus Peritis quodammodo etiam adesse in legum Ecclesiasticarum interpretatione, ne omnes errent. Cùm enim Sacri Canones, infligante Spiritu Sancto, ad Ecclesiæ sint utilitatem editi, ut Damasus Papa definiit, consentaneum est, ut Ecclesiæ, cui Canones illi sunt necessarii, quibus in religione, & moribus contineatur, Interpretes sanos à Deo receperit. Quid enim prodesse leges mortuæ, nisi Respublica vivos Interpretes haberet, qui rectum earum sensum assequerentur?

In his verò, in quibus non omnes concordant sunt, quinam, ut magistri probabiliore, præferendi sint, dicam: ceteris paribus, majori in pretio videri habendos esse illos, qui Ecclesiasticâ aliquâ dignitate insigniti fuerint: ut sunt Innocentius IV., Guido Grassus, sed Guido Papa, qui Clemens IV., alique Summi Pontifices. Nos excipiunt de Cardinalibus Hostiensis, Cameracensis, Turrescremata, Cusanus, Jacobatius, ac similes. Ex Archiepiscopis Panormitanus, sed Nicolaus de Tudeschis. Ex Episcopis Durantes, qui fuit Episcopus Mimatensis. Quisquis enim prudens existimabit, per se loquendo, in his, quæ ad Ecclesiasticos Canones spectant, ob peritiam majorem, & experientiam, plus deferendum esse iis, qui in dignitate Ecclesiasticâ constituti fuerunt. Eadem ratione plus deferendum esse Clericis per se, quàm secularibus, & maxime quoad proximum; plus etiam Canonistis, quàm Theologis purè speculativis. Omnibus tamen præferendos censebam illos, qui simul Canonistæ, & Theologi fuerunt, ut de Cardinalibus Hostiensis, Turrescremata, Cusanus, & alii.



DUBIUM X.

Locus à rationis naturalis, & scientiarum naturalium, & Philosophorum auctoritate.

§. I.

Resolutio prima partis.

Locus iste (ait Canus lib. 9. cap. 1.) *quamquam non est Theologia proprius, sed alienus, magis tamen est, & eùm ab scholasticis reliquis, eùm à D. Thoma familiâ exultus uberrimè.*

Principio autem in hujus loci tractatione duos errores contrarios fugere debemus. Unum eorum, qui nimium rationi naturali tribuentes, ab eâ semper sua ducunt argumenta, ut Scripturam Sanctam, & Sanctos Patres ne legissæ quidem videantur. Alterum eorum, qui solis Sacrarum Litterarum testimoniis, aut interdum etiam Scriptorum veterum, omnia definiunt, ab argumentis naturæ hand aliter abhorrentes, quàm si essent Theologiæ adversa, & inimica. De his diximus *sup. qu. 1. dub. 1. & 3.*, ubi antiquitatem, & utilitatem Theologiæ Scholasticæ demonstrantes, ad usum Theologicos utilem esse rationem naturalem, si certis limitibus contineatur, ostendimus. Ne igitur eadem repetamus, ad ibi dicta tyronem remittimus. In præsens ergo solum examinabimus, quanti pro argumento Theologico ratio naturalis faciendi sit.

Suppono ut certum, naturæ argumentationes alias esse certas, incertas alias. Certæ sunt, quas dialectici *demonstratio-*nes vocant, hoc est, quæ ex peripheis, & exploratis principiis aliquid certo, ac evidenter consequuntur. Incertæ verò, quæ licet probabiles sint, nullam tamen habent suadendi necessitatem.

II. Dico. Eòd aliquando ex ratione naturali conjunctâ cum fide certum Theologus sumere possit argumentum, plerumque tamen argumentum ex ratione naturali desumptum, Theologo infirmum est. Nec tamen non infirmior, rationem natu-

ralium

saltem firmum posse præbere argumentum ad probandum de Deo aliqua, naturali lumine cognoscibilia; ut enim optime observat Magister Canus lib. 9. c. 3. firmum argumentum est illud, quod est. 17. iudicatur à Divo Paulo: In Deo vivimus, movemur, & sumus: ergo Deus non longè est ab unoquoque nostrum. Firmum etiam est illud, quo ad probandum in Deo scientiam, & providentiam. Psalm. 93. dixit David: Qui plantavit aurem, non audit? aut qui finxit oculum, non confidat? ac si dicat; Deus plantavit aurem; ergo audit; finxit oculum; ergo considerat. Et Apostolus Roman. 1. cum rationes à naturâ profectas manifestas esse dixisset, tunc demùm ad Deum Auctorem eas revocavit. Quod notum est Dei (inquit) manifestum est illis, id est Deus illis manifestavit. At quomodo? Num per Angelos? Num per Prophetas? Num per Apostolos? Minime id quidem. Sed invisibilia ipsius (ait) à creatura mundi: per ea, quæ facta sunt, intellecta conspiciuntur, sempiterna quoque ejus virtus, & divinitas, ita, ut sint inexcusabiles, quia eum cognovissent Deum, non sicut Deum glorificaverunt, aut gratias egerunt. Ex creaturis ergo naturaliter cognitum certum sumitur argumentum ad probandum Deum esse, ac sempiternam habere virtutem, nec non divinitatem, ita, ut inexcusabiles sit, qui eum cum sic cognoverit, ut Deum non glorificat. Hinc si Philosophi gentiles circa ea, quæ de Deo ratione naturali investigabilia sunt, erraverunt, id non insufficientiæ rationis naturalis, sed eorum vitio, ac menti depravate tribuendum est. His præ declaratione suppositis.

Prima pars conclusionis probatur in discursu, cujus altera præmissa est revelata, altera naturaliter evidens. Talis enim discursus verè, & propriè est demonstratio Theologica: id enim docet B. Thom. 1. p. quasi. 1. art. 2. ad 2. dicens: Utitur tamen S. doctrina etiam ratione humanâ, non quidem ad probandum fidem (quia per hoc tolleretur meritum fidei) sed ad manifestandum aliqua alia, quæ traduntur in hæc doctrinâ. Et 2. contingens. c. 4. dicit, quod Theolo-

Tom. I.

gia quasi principali Philosophia humana deservit: Et ego interdu ex principiis Philosophia humana sapientia divina procedit. Rursus: quia talis discursus, & illata per illum conclusio ad nullam aliam pertinet disciplinam. Terriò, quia conclusio deducta ex una præmissâ de fide, & alterâ naturaliter evidente semper est virtualiter revelata; ergo semper est verè, & propriè Conclusio Theologica. Antecedens probatur in hoc discursu: omnis homo est redemptus à Christo: Petrus est homo: ergo Petrus est redemptus à Christo: in quo hæc conclusio, cum virtualiter continetur in ista revelata, omnis homo est redemptus à Christo, dicitur virtualiter revelata.

Secunda verò pars probatur. Nam, exceptis paucis principiis evidentibus, scientiæ naturales probabilia tantum docent; sed propositiones probabiles, etiam si conjungantur cum propositione divinitus revelata, non possunt assensum certum parere (qui solus Theologicus est) sed tantum probabilem; ergo &c. Minus videtur certa: talis enim est assensus conclusionis, qualis est connexio mediæ termini cum extremis propositionum; sed in discursu habente unam aliquam præmissam probabilem tantum, & alteram revelatam, earum extrema solùm probabiliter, & opinative conjunguntur cum medio termino; ergo non potest concludi, nisi conclusio probabilior certa: quia conclusio sequitur debiliorem partem, & bonum ex integrâ causâ, malum verò ex quocumque defectu.

Major verò principalis suadetur ex tantâ in Philosophicis opinionum, imò & systematum varietate, quâ sit, ut scientiarum naturalium esset, pro majori parte, sint tantum probabilia, & opinabilia; quod discurrendo per singulas scientias naturales ostendit Dominicus à SS. Trinitate Biblioth. Theologica lib. 2. sect. 5. cap. 9. Inter Philosophos enim modò sunt, qui Platonis placita sequuntur, alii, qui adhaerent Democrito: circa atomorum positionem, & Aristotelem à scholis exulare totis nîbus conantur. Horum alii Cartesium laudant, alii Gassendium ad sydera extollunt, gloriantes, se suis atomis de rebus nativibus melius

B b

phi

philosophari. Alii sunt adherentes Chymicis, qui se solos veros Philosophos venditant, veraque rerum principia ex rerum dissolutione se invenisse existimant. Inter Peripateticos etiam quanta scholasticum, ac placitorum diversitas! adde, ut verum esse experimento comprobemus dictum *Ecclesiæ cap. 3. vers. 11.* Deus mundum tradidit disputationi eorum, ut non inveniat homo opus, quod operatus est Deus ab initio usque ad finem. Hinc discursus iste omnis homo habet tantam, unam formam substantialem; Christus est homo; ergo Christus habet tantam unam formam substantialem est merè opinativus, nec verè Theologicus: quia prima præmissa naturalis est merè probabilis, cum Scotus opinetur oppositum.

Objectiones, quæ contra hunc locum, facere possent, ex parte à nobis propositæ sunt, & solutæ supra qn. 1. dubio 2. & 3., ex parte videri possunt expugnæ à Magist. Cano lib. 9. c. 9.

§. II.

Locus ab auctoritate Philosophorum.

III. **Q**uanti auctoritas Philosophorum à Theologo faciendâ sit, ex dictis §. præcedenti apparet. Si namque naturalis ratio, & scientiæ naturales locus Theologiæ extraneus sunt, nec ipsi firmum per se præbere possunt argumentum; multò magis hanc sortientur conditionem talium scientiarum Professores. Quare ad rem hanc D. Thom. opusc. 10. mihi (inquit) videtur tutius esse, ut hæc, quæ Philosophi communis sentierant, & nostra fidei non repugnant, neque sic esse afferenda, ut dogmata fidei... neque sic esse neganda, tanquam fidei contraria.

Quomodo autem in rebus fidei Philosophis fidere possimus, quos gravissimis erroribus scimus fuisse implicatos, ut ostendit S. Augustinus epistol. 56. modò 112. ad Discedum; qui insuper ingenuè confessi sunt, se probabiliter tantum fuisse philosophatos? Democritus, & Empedocles nihil verè à nobis sciri, testati sunt. Socrates, se tantum aiebat scire, quod nihil sciret. Imò ne id quidem sci-

ri posse, docuit *Arcesilaus* *Anaxagoræ* cum suis putat, omnem, quam vocamus scientiam, puram esse opinionem. Et Plato sub nomine Socratis determinatum, ac certum circa Philosophicâ esset suspendi assensum, iubebat. Quia in se licet modum excesserit, omnem proinde scientiam de medio tollentes, nos tamen docuerant, quantam eorum didiciis tribuere debeamus auctoritatem. Imò ipsemet Aristoteles, cæteroquin contra præfatos Philosophos acerrimus scientiarum defensor, sæpè etiam fateatur, se probabiliter dumtaxat philosophari, ut 3. *Philos. text. 32.*, 3. *Physic. text. 70.*, libi 2. de *Cælo text. 27. & 60.* Et nullam, quæ sit vera, & rigorosa demonstratio, in omnibus libris ejus reperiri, scribit *Possevinus lib. 13. Bibliotheca selecta cap. 10.* Et licet aliquæ afferrentur, non concluderent, doctrinam Aristotelis simpliciter esse scientificam. Dari ergo scientiam, certum esse debet; at dari scientiam, rarissimum.

IV. Neque tamen quis putet, hoc discursu me tendere ad omnem Philosophis auctoritatem eripiendam. Fallitur enim. Imò si quid habent boni, ac veri, ab illis ut injustis possessoribus tanquam nostrum repetendum est, & in usum nostrum vindicandum. Hoc enim monet nos *Augustinus lib. 2. de Doctr. Christ. cap. 40.* Philosophi autem (inquit) qui vocantur, si quæ foris vera, & fidei nostræ accommodata dixerunt, maxime Platonici, non solum formidanda non sunt, sed ab eis etiam tanquam injustis possessoribus in usum nostrum vindicanda. Sicut enim *Ægyptii* non solum *Idola* debebant, & onera gravia, quæ populus *Israel* detestaretur, & fugeret; sed etiam vasa, atque ornamenta de auro, & argento, & vestem, quæ ille populus exiens de *Ægypto*, sibi potius tanquam ad usum meliorem elanculo vindicavit, non auctoritate propriâ, sed præcepto Dei... sic doctrina omnes gentilium, non solum simulata, & superstitiosa fumenta, gravesque sarcinas supervacuæ laboris habent, quæ unusquisque nostrum ducere Christo de societate gentilium exiens debet abominari, atque deviare: sed etiam liberales disciplinas, ut sui veritatis aptiores, & quadam morum præ-

præcepta utilissima dominant, deque ipso uno Deo colendo nonnulla vera innuuntur apud eos: quod eorum tanquam aurum, & argentum, quod non ipsi insituerunt, sed de quibusdam quasi metallis divina providentia, qua ubique infusa est, eruerunt, & quo perverit, atque injuriis ad obsequia demonum abutuntur, eum ab eorum misera societate sese animo separat, debet ab eis acceptare. Christianus ad usum justum prædicandi Evangelii. Videri quoque illorum, id est hominum quadam insinuat, sed tamen accommodata humane societati, quæ in hæc vitæ carere non possumus, accipere, atque habere licuerit, in usum convertenda Christianum: Nam quid aliud fecerunt multi boni fideles nostri? Nonne adspiramus, quanto auro, & argento, & velle suffragineatui exierit de Ægypto Cyrianus doctor suavissimus, & martyr beatissimus? Quanto Lactantius, quanto Vitorinus, Optatus, Hilarius, ut de divitiis taceam; quanto innumerabiles Grati! Quod prior ipse fidelissimus Dei famulus Moyses fecerat, id quo scriptum est, quid eruditus fuerit omni sapientiâ Ægyptiorum. Hucusque acutè, & eleganter S. Augustinus.

Insuper Philosophi græciæ, si quid rectè scripserunt, hoc à Moysè, & Prophetis habuerunt, idèque dum ea, quæ nostra sunt, venditabant tanquam sua, vocantur fures à Clemente Alexandrino lib. 6. Stromat. pag. 530. Pythagoram non solum fuisse discipulum cujusdam Nazarii, quem aliqui putant fuisse Exechielem, scribit idem Clemens lib. 1. Stromat. pag. 304. Sed ex Moysè ipsum, & qui ab eo sunt cognominati, multa susceperat esse, testatur lib. 3. pag. 360. Imò Divus Ambrosius, Pythagoram censet genere fuisse Hebræum. Certè fuisse circumcisum tradit Clemens lib. 1. pag. 302. De Aristotele Clemenis peripateticus testatur, se nosse quendam Judæum, cum quo versatus est Aristoteles. Ità Clemens lib. 1. pag. 304, & Josephus lib. 1. contr. Apionem. Platonem verò non solum à Pythagora, sed à nostris etiam doctrinam accepisse, asserunt. Clemens Admonit. ad gentes pag. 46. ex Moysè lib. 3. Stromat. pag. 360. August. lib. 3. de Doctr. Christ.

cap. 13., & lib. 2. de Civit. Dei cap. 11., quamvis concludat, Platonem nec Jeremiam audire, nec libros sacros legere potuisse; contendit tamen multa ab hebræis hausisse, quod Ambrosius multis argumentis suadet: & Plato ipse in Timæo ingenue fatetur. Cum ergo, inquit Canus lib. 10. cap. 6., ea, quæ à Philosophis rectè, & sapienter dicta sunt, nostris nos disputationibus inseruerimus, repetemus nostra, non aliena mutuabimur.

V. Sciriè tamen Philosophorum dicta in quæstiones Theologicas sunt transfrenda, & ex necessitate potius, quam voluntate, ut si nobis opponantur, possimus de iis judicare, & eos convincere; quæ ratione dicit Hieronymus in cap. 1. Daniel. relatus diss. 37. c. Qui de memorat, tres Fueros sapientiam Babyloniorum discere: non ut sequantur, sed ut convincant: quomodo, si quispiam adversus Mathematicos velit scribere imperitus mathematicis, visui pateat: & adversus Philosophos disputans, si ignoret dogmata Philosophorum.

Eorum etiam auctoritatibus uti possumus, ut eos (ut ajunt) ad hominem convincamus, & eorum principia in causam nostram veramus. Sic Divus Paulus ad. 17. v. 28. Arati Poetæ dicto usus est ad probandum, Deum, nedum nobis esse, intimè conjunctum tanquam omnium opificem, sed insuper tanquam nostrum parentem: & hoc, quia Apostolus non fidelibus loquebatur, sed Ethnicis, & quidem litteratis, apud quos suorum auctororum testimonia valere debebant. Quod exemplum non favet Concionatori, aut Theologo, si fideles alloquentes profanum dictum usurparet.

Dicta etiam Philosophorum usurpanda sunt, ut veritas Christiana etiam testimoniis adversariorum congruere appareat. Sic Magos syderum adoratores per sydas ad sui adorationem Christum traxit. Hoc enim ait Chrysostomus homil. 6. in Matth. Ad majorum Dei gloriam pertinebat, si virtus ejus, etiam inimicorum testimonio panderetur: & si ipsi quoque gentilitatis magistri consonam proferrent de veri Dei potestate sententiam. Gentilium tamen testimonium servit quidem.

ad eorum falsitates evidentiùs improbandas, cum non solum à nobis, sed ab ipsismet, velint, nolint, ut mendacia improbeatur, non tamen ad auctoritatem eorum amplectendam, ut ait D. Augustinus lib. 13. contra Faustum cap. 15. *Syllila porrò, vel Sybilla, & Orpheus, & nescio quis Hermes, & si qui alii vates, vel Theologi, vel Sapientes, aut Philosophi gentium de Filie Dei, aut de Patre Deo vera pradixisse, seu dixisse perhibentur: valet quidem aliquid ad paganorum veritatem revincendam, non tamen ad illorum auctoritatem amplectendam, cum illum Deum nec colere ostendimus, de quo nec illi tacere potuerunt.* Ceterum si dicta Philosophorum nullo modo juvent Catholicam Veritatem, nec revocant paganorum falsitatem, nec fidem impugnent, eorum studio vacare vero Theologo supervacaneum est; illudque reprehendi D. Augustinus epist. 56. nunc 218. in Dioscoro, qui, obstrepentibus undique Arianis; Eunomianis, Macedonianis Cataphrygibus, Donatistis, Manichæis, Anaximenis, Aoxagoræ, aliorumque Philosophorum studio vacabat. *Vide, inquit, atque ausulta, utrum aliquis adversis nos de Anaximene, & Anaxagora preferat aliquid: quande jam me ipsorum quidem multò recentiorum, multùmque loquacium Stoicorum, aut Epicureorum cineres caleant, unde aliqua contra fidem Christianam scintilla excitetur; sed circuli, atque conventicula partim fugacia, partim etiam audacter promissa, vel Donatistarum, vel Maximianensium, vel Manichaorum, vel etiam ad quorum greges, turbamque venturus es, Arianorum, Eunomianorum, Macedonianorum, Cataphrygarum, cæterarumque pestium innumerabiliter percrepant: quorum omnium errores, si cognoscere piget, quid nobis est propter defensionem Christianæ Religioni? quærere, quid senserit Anaximenes, & olim sopitas lites inani curiositate recoquere, cum quorundam etiam hæreticorum, qui nomine Christiano gloriari soluerunt, ut Marcionitarum, & Sabellianorum, multorumque præterea jam distendunt, questioneque sileantur? Num huiusmodi increpatio aptari possit nostris xvi Theologis non paucis, qui uni-*

cè iocenti quid senserit Aristoteles, quid Scotus, quid D. Thomas, in rebus incertè opinabilibus, ac nullius ponderis, impudè perstrepere sinunt, & Christi Ecclesiam lætare? Lutheranos, Calvinistas, Anabaptistas, iudica prudens lector. Cum Augustino istis dicam. *Tamen si opus est veritati adversantes præfocere aliquos, & pertrahatas habere sententias, de hæreticis potius, qui se Christianos vocant, quàm de Anaxagora, & Democrito, nobis cogitandum fuit.* Utinam hoc Augustini monitum studiosis juventutis animis altè insignitur! Ad rem ergo veniens.

VI. Dico. Philosophorum omnium una eademque confessio certam fidem facit philosophici dogmatis. Quod eoim in aliis artibus valet, ut auctores probati tantum apud eos, qui eam artem sequuntur, auctoritatis habeant, ut inde nisi temerè discedi queat? id cur in Philosophiâ non valebit, ne habentes quos sequantur in rerum naturalium cognitione, vario Discipuli versentur errore? Si in omni disciplinâ, & arte oportet addiscentem credere, ut & Aristoteles idem prudenter admonuit, & Theodoretus lib. 1. de curand. Græc. affectionibus magnâ exemplorum vi patecunt in philosophicâ certè scientiâ perdiscentiâ, scientiæ ejusdem Professoribus, in eandem præfæctim sententiam conspirantibus, fidem habeamus oportet. Deus ergo in quocumque rerum ordine, ut summus Provvisor, dedit leges, & qui leges interpretarentur. Apud Judæos, ubi erexit quasi divinæ scientiæ gymnasium, dedit Rabbinos, qui legem interpretarentur; apud Christianos Evangelicæ Doctrinæ Academijs esse voluit, idcirco dedit Apostolos, Evangelistas, Pastores, Doctores; ergo, cum universis gentibus edocendis naturæ leges, ac disciplinas edidit, ejusmodi legum, ac disciplinarum Magistros instituit: quare Clemens Alexandr. lib. 8. Strom., ait, Græcis à Deo Philosophiam velut proprium testamentum esse datam. Si ergo ad ejus summam providentiam pertinet, non permittere, ut omnes in Læge sive Mosaicâ, sive Evangelicâ interpretandâ errarent; ita verosimile est, eam non permittere, ut in eipondendis naturæ legibus, aut in Dei cognitione, aut in virtute, ac

mo-

morum regulâ, omnes Magistri, idest Philosophi hallucinantur; quæ res effectit, ut juxta Pauli sententiam *Roman. 1.* Gregæ fuerint inexcusabiles: excusabiles autem fuissent, si eorum Præceptoris omnes à veritate deviasent.

VII. Dico secundò. Si de unius, vel alterius Philosophi scilicet sermo sit, quod quisque doctior, & gravior est, eò illius est probabilior auctoritas, & fides dignius testimonium: Nulli tamen Theologos ita se se adjudicare debet, ut ab eo ne latum quidem unquam putet discendum. Non enim æquum est, ut apud Christi discipulos tantum unius Ethnici auctoritas possit, ut etiam sine ratione vincat. Refert cerè in quâcumque arte plurimum, unum in illâ excellentem auctorem legere, quem sequaris; nullas tamen quamvis eruditus, ut olim Pythagoras suis discipulis, sentiendi sibi, aut dissentienti auctor futurus est. Nemo illorum fuit, qui non ut homo hallucinaretur. In multis erravit Plato, erravit Aristoteles, erravit eorum quilibet. Præterea quæ primatum inter Philosophos habere debeat, quisve proinde ille sit, cui tutius adherere debeat, adhuc incertum est. Augustinus, ceterique veteres Platoni detulere multum. D. Thomas summum, & cum eo universa Theologorum schola, putat Aristotelem. Nullos esse Christianæ Theologiæ magis concordēs, quàm Platonios, putat Augustinus. Plato siquidem fuit ex Hebræis Philosophus ut supra dictum est. Imò verò, inquit D. Thom., Peripateticorum doctrina Christiano dogmati consentit plurimum. Clemens enim Alexandr. *lib. 5. Stromat. pag. 395.* refert, Aristobolum multis libris probasse Philosophiam Peripateticam ex lege Moysiâ, & aliis dependisse Prophetiis.

Verùm D. Thomæ sententia (esto à recentioribus quibusdam impetita) omnium penè gentium multorum (seculorum usu probata est. Platonem enim jam à multis annis vix in angulis homines otiosi legunt. Aristotelem verò magno consensu Orbis Academici resonant per antonomasiam Philosophum, hoc est inter Philosophos Principem. Jure igitur illam amplectimur, cujus de laude om-

nium est fama consentiens, Divo etiam Thomæ in hoc cum omnibus ferè scholasticis adheremus: in illis tamen, in quibus non discordat à Religione Christianâ: sicut nec improbabimus Platonis Philosophiam, quando fidei dissonantia non docet; magis tamen Aristotelem sequimur, tum quia de naturalibus melius disserit, tum quia modus ejus philosophandi melius servit explicandis Fidei nostræ Mysteriis.

VIII. At dices; Aristotelem his solis novissimis, ac miseris seculis Theologos adoptasse; Platonem verò melioribus seculis principem locum obtinuisse; cum Patres priorum seculorum Platonici fuerint, non Peripatetici.

Respondeo, falli sic opponentem. Refert enim Eusebius *lib. 7. hist. cap. 31.* Diocletiano imperante, rogantibus Alexandrinis, ab Anatolio egregio Philosopho institutum fuisse in eâ urbe celeberrimam Peripateticam Academiam ad normam Platonicam, quæ Athenis florebat. Tunc autem ibi, ac eo seculo viri Apostolici vivebant plurimum; non ergo omnes erant Platonici, sed alii Peripatetici. Sed ut ut res sit, certum est, ex quo Theologi etiam philosophari cœperunt, atque Philosophiam in famulatum Theologiæ advocare, meliorem, & aptiorem, fideique obedientiorem invenerunt Peripateticum philosophandi modum, quàm Platonicum, aliove, ut Cartesianum, & similes.

§. III.

Locus à Juris Civili auctoritate.

IX. Juris Civili facultatem in multis viro Theologo commodam esse, certum judico. Ei enim, ut vidimus, Canonica scientia est necessaria; sed huic peritia legum etiam Civilium: ad eam conjuncta, & colligata est, ut vix altera possit separari; ergo à Theologo, cui Jus Pontificium familiare esse debet, non erit Juris Civili cognitio aliena. Hinc S. Augustinus non improbat, si terreat Imperii leges in suum adiutorium hæretici assumant. Multò ergo magis probandum erit Theologus, si ad hæreticos undeque-

dequaque vincendos, adversus eos legum civilium auctoritatem adseverit. Quare S. Augustinus contra Donatistas, qui nolebant legibus imperialibus corrigi, scripsit inter alia librum ad Bonifacium, seu *epist.* 185., ubi *cap.* 7. exemplo Pauli ostendit, ad tuendam Ecclesiam, bonum esse auxilium petere ab Imperatore; & prius laudaverat Theodosii legem hæreticis multam decem librarum auti statuentem.

Nedum autem ad hæreticos revincendos, sed & ad fidelium animas dirigendas Juris Civilis cognitio necessaria est. Quomodo enim Theologus sine confessionibus excipiens, sine aliunde consultis satisfacere poterit casibus, & questionibus de Justitiâ & Jure, de pactis, de stipulationibus, exterisque contractibus, de rerum dominio, de præscriptione, donationibus, testibus, aliisque similibus, nisi ea, quæ in talibus rebus à viris in utroque Jure clarissimis dicta sunt, aliquantè noverit? esto enim justum inter & iniustum dignoscere, Philosophorum, ac D. Thomæ libris Theologus adjutus possit; at id solum faciet in genere, in specie autem, & in praxi sine juris aliquâ peritiâ non faciet.

X. Dico ergo. Argumentum, quod à jure Civili docetur quamvis nec certum, nec exploratum sit, probabilissimum tamen est, maxime illud, quod à legibus Christianæ Reipublice usu probatis Theologus accipit. Ità Canus *lib.* 10. *cap.* 9. dicens, non enim sine divino nutu hujusmodi leges Romanis esse datas, credendum est. Quin divinitus per ora Principum promulgatas, fuisse Joann. VIII. prædicat: & Augustinus inquit, humana jura per Imperatores, ac Rectores seculi Deum, humano generi distribuisse. Hæc Canus. Hinc Salomon Prov. 16. v. 10. *divinatio*, inquit, *in labiis Regis, in judicio non errabit ut cyrus*. Ad Dei ergo procurrationem pertinuit, ut numine quodam Legum latores affluerentur, & quoad reipublicæ moderationem ea scripta præscriberent, quæ essent iusta, atque legitima. Quamobrem si Theologus ex illis argumentum sumat, nihil abhorrebit à professionis sue instituto, & non

certo, probabiliter argumentabitur.

Hic tamen de Jure Civili loquor, non de in tali jure peritis, & interpretibus, maxime recentioribus, qui ad lites non finiendas, sed protrahendas in immensum cesserunt. Jus Civile, ac leges sub eo contentas, quas in republicâ benè institutâ longus usus probatas reddidit, scitu utiles Theologo judico. Jus enim Civile à pluribus Philosophis graviter, prudenterque editum fuit, illud etiam, non nisi graves, prudentesque Philosophi olim interpretabantur. Postea verò quàm facultas hæc in eorum manu esse, coepit, qui nullâ Philosophiâ, nullâ gravi disciplinâ præviè instructi, & ornati eam accesserunt, soli captando lucro intenti, illius potius splendorem obscurarunt, ac fidei detraxerunt. Novitios ergo Jure Consultos in usum Theologiæ non vendico. Sed id dico, civiles leges, eas maxime, quæ Christiani populi usu, & more consecratæ sunt, Theologo ad argumentandum esse utiles.

DUBIUM XI.

Locus ab Historiæ humanæ auctoritate.

S. I.

Historia humana Theologo utilis.

Tanta est viro Theologo Historiæ percurrendæ utilitas, imò dixerim necessitas, ut rudes omnino Theologos esse, in quorum lucubrationibus historia muta est, omnes verè docti consentiant: & insuper neminem in quâcumque materiâ verè eruditum fore, cui res olim gestæ, notæ non sint. Multa enim nobis à thesauris suis historia suppeditat, quibus si careamus, & in Theologia, & in quolibet aliâ fermè facultate, inopes sæpe numero, & indocili reperiemur; quod sanè indicant hi, qui ex ejus ignoratione in turpes errores lapsi fuerunt.

Nec Sacræ solum, aut Christianæ cognitioni, verum & prophætiæ, & eticæ, Theologo utilis est. S. Augustinus *lib.* 20. de *Doctr. Christianâ cap.* 18. triplicem etiam huiusmodi ad intelligentiâ

scri-

Scripturæ Sacræ plurimum conferre tradit : offenditque & ex earum variâ intelligentiâ quosdam circa Scripturas de statu Christi variè opinatos fuisse, ut Irenæum, qui Christum passum fuisse asserit quadragenariæ majorem, & prope quinquagenariæ lib. 2. *advers. hæres.* 39. & 40. nunc cap. 22. Tertulianum, qui lib. *advers. Judæos* cap. 8. scribit, Christum habuisse annum quasi 30., cum pateretur, secutus Clement. Alexandr. lib. 1. *Strom.* pag. 340., cui adhæsit Lactantius lib. 4. *divin. Instit.* cap. 10., cuique favit Augustinus ipse lib. 28. de *Civit. Dei* cap. ultimo, omnesque alii, qui Christum passum fuisse volunt, duobus Geminis Consulibus. Ex ignorantie historiæ ethnicæ Erasmi tenebras, quas Evangelista scribit in morte Christi effusas super universam terram, eas super Judæam tantum fusas intelligit, eò quod nullus Latinus, aut Græcus Scriptor ejus meminerit : Si namque Historiam Ethnicam legisset, aliter tenebras illas interpretatus fuisset ; Phlegon enim Olympiadum supputator egregius, in tertio decimo libro ita scribit : *Quarto autem anno 202. Olympiadis magna, & excellens inter omnes, quæ ante eam acciderant, defectio solis facta est. Dies horâ sextâ ita in tenebras noctem versus, ut stella in Cæle visa sit, terraque motus in Bitunia Nicæa urbis multas ades subverterit.* Quod referunt Chronicon Alexandrinum ad ann. Tibærii 59., S. Hieronymus in *Chronico*, & ante omnes Eusebius in *Cronico*, ubi annum illum cum Passione Dominicâ concurrisse ostendit. Quod præstitit Origines lib. 2. *contr. Celsum*, dicens de defectu solis sub Tiberio Cæsare, quo imperante Jesus coustitit Crucifixum, & de quo magnus ejus temporis motibus Terra scripsit, etiam Phlegon in 12. ut opinor, *Chronicor.* Hoc argumento Lucianus Præbyter Antiochenus, vir moribus, & eruditione præcipuus, enim gentibus de Fide Christianâ disputans usus est, ut refert Baron. ad ann. 34. num. 110. *Requerite* (inquit) *in aequalibus vestris, & invenietis, temporibus Pilatæ, Christo patente, fugato sole, interruptum tenebris diem.* Et Tertullianus in apologet. cap.

22. *eadem* (inquit) *momento dicit, meo diem Orbem signante Sole, subducta est. Deliquimus utique putaverunt, qui ita quoque super Christo prædicatum non sciunt : & tamen cum mundi casum relatam in archiviis vestris habetis. Quod etiam fuisse à Sybillâ prædictum, testis est Lactantius lib. 4. *Divin. Instit.* cap. 19. Quomodo ergo negasset Erasmus, nullum latinum, aut græcum Scriptorem hujus rei meminisse, si hæc legisset.*

Sapienter ergo S. Augustinus lib. 2. de Doctrinâ Christianâ cap. 28. laudat 4. *Quidquid igitur* (inquit) *de ordine temporum transactorum indicat ea, quæ appellatur historia, plurimum nos adiuvat ad sanctos libros intelligendos, etiam si præter Ecclesiâ puerile eruditione discatur. Nam & per Olympiadas, & Consulum nomine multa sapè queruntur à nobis, & ignorantia Consulatus, quæ natus est Dominus, & quo passus est, nonnullos cogit errare, ut putarent quædraginta sex annorum ætate passum esse Dominum Græc., & infra de utilitate autem historia, ut omittam Græcos, quamvis noster Ambrosius quæsiemem solvit ealumniatibus Platonis lectionibus, & dilectionibus, qui dicere ausi sunt, omnes Domini nostri Jesu Christi sententias, quas mirari, & predicare coguntur, de Platonis libris cum didicisse, quoniam longè ante humanum adventum Domini Platonem fuisse, negari non potest. Nonne memoratus Episcopus consuetatâ historiâ gentium, cum reperisset, Platonem Jerusalem temporibus profectum fuisse in Ægyptum, ubi Prophetæ ille tunc erat, probabilis esse ostendit, quid Plato potius nostris litteris per Jeremiam fuerit imbutus, ut illa posset docere, vel scribere, quæ jure laudantur ? ... Itâ consideratis temporibus, sit multa credibilis, ipsos potius de litteris nostris habuisse quæcumque bona, & vera dixerunt, quàm de Platonis Dominum nostrum Jesum Christum, quod dementissimum est, credere.*

II. Utilis etiam valde est ad disputandum contra inimicos Fidei rerum gestarum historia. Tertullianus in apologetico capite 3. ex ipis Romanorum historiis probat, persecutores Christianorum se-

vos,

vos, crudeles, pessimos fuisse: consulti-
te (inquit) commentarios vestros. Illie
reperietis primum Neronem in hanc se-
ctam, maximè Roma orientem, Casariano
gladio ferocisse, sed tali dedicatore; dam-
nationis nostræ etiam gloriamur. Qui enim
fecit illum, intelligere potest, non nisi gran-
de aliquod bonum à Nerone damnatum.
Quasi diceret: hoc ipsum, quod primus
Christianæ Religionis damnator fuit Ne-
ro, probat, eam esse bonam, ac sanctam;
homo impius, ac in solâ scelerâ pronus,
nec nisi malum approbans, non damna-
set eam, nisi esset bona.

Pergit Tertullianus, ex eadè histo-
riâ probando, è contra Principes, qui
apud Romanos fuerunt sapientes, Christiani
non pepercisse, imò verò eis patrocinium
dedisse: Ceterum de tot exinde Principi-
bus usque ad hodiernum, divinum, hu-
manumque sapientibus editè aliquem de-
bilitatorem Christianorum. At nos è con-
trario edimus prosectorem. Ponitque exem-
plum in M. Aurelio, qui ob acceptum
precibus Christianorum beneficium, eos
omni metu liberavit, eorum delatores
damnavit, voluitque, ut omnes palam,
liberèque f'rentur, ac disseminarentur
ubique, ac si diceret: Viri apud vos sa-
pientes Religionem Christianam probant;
ergo bona est: id enim ut bonum proban-
dum est, quod viri sapientes probant.

Tertio exinde probat, leges, quas con-
tra Christianos Imperatores tulere, esse
impias, quia à viris impiis latas. *Qua-
res ergo leges ista, quas adversus nos sa-
piens exercent impii, iniusti, super-
bi, vani, dementes? Quas Trajanus ex
parte frustratus est, vetando inquiri Chri-
stianos &c.*, ac si diceret, si virtus vitio
contraria est, boni Imperatores, quales
Vespasianus, Pius, Aelius verus sustine-
re placita Christianorum nequivissent, si
quid in eis turpe, ac noxium comperis-
sent. En quomodo ex ipsi Ethichorum
ludis probat Tertullianus veritatem Re-
ligionis Christianæ. Quo argumento et-
iam uti possumus ad probandam contra
hæreticos veritatem Religionis Catholi-
cæ, quam soli viri impii, & in moribus
peravi persecuti sunt.

Quarto in lib. ad Scapulam cap. 3.
multarum rerum gestarum exemplis uti-

tur, ut persuadeat, ob vexatos Christianos, multos Gentilium Præfides tristes
exitus habuisse. Quo argumento Tertul-
lianus intendit, Scapulam Africanæ Pro-
vinciæ Præsidem à persequendis Christianis
deterrere, & sic agere potius causam
Ethichorum, qui persequentes destruebantur,
quàm Christianorum, qui in
persecutione edificabantur: *Parce ergo
(inquit) tibi, si non nobis. Parce Car-
thagini, si non tibi.... nec tamen de-
ficies hac seclâ, quam tunc magis adifi-
cari scias, cum cadi videtur.*

Nec Tertullianus solus. Cyprianus li-
bre de Idolorum vanitate Idolorum om-
nium vanitatem historiarum commemora-
tione coarguit. Hieronymus lib. 5. ad-
vers. Jovinianum quot, quàmque varias
etiam prophanas, historias in commen-
dationem virginitatis, & castitatis com-
memorat? Eusebius lib. 5. hist. cap. 6.,
lib. 2. cap. 2., lib. 3. cap. 7., & alibi
ex historiis humanis Judæos, Paganos-
que confutat. Ergo historia nedum Ec-
clesiastica, sed Ethnica etiam ad fidei
hostes revincendos utilisima est.

f. I I.

Historia humana in Theologicis auctoritas.

III. **U**T historiarum humanarum auctorita-
tem conciliemus, illud à prin-
cipio statuendum est, necessarium esse,
homines hominibus credere, nisi vita-
pendum more degenda sit. Hanc rem
(ait Canus lib. 11. cap. 4.) Theodo-
retus lib. 1. de curandis grac. affect.,
& Augustinus lib. de fide rerum, qua non
videntur, & lib. de utilitate credendi
late prosecuti sunt, ubi cap. 12. S. Au-
gustinus sic arguit. *Quare enim, si quod
nescitur, credendum non est, quomodo
serviant parentibus liberi, eosque mutuâ
pietate diligant, quæ parentes suos esse
non credant: non enim ratione ulla pos-
sibile sciri potest: sed interpositâ matris au-
thoritate de parte creditur, de ipsâ vo-
cà matre plerumque nec matri, sed ob-
stetricibus, nutricibus, famulis: & con-
cludit, nihil omnino humana societatis
incolumè remanere, si nihil credere sta-*
tuer-

zamus. Pergit verò ostendens, si credendum est, magis credendum esse sapientibus, & qui sapientiâ caret, non. querere sapientem, nisi sapientem esse credat; quæ consonant cum vulgari Aristotelis effato: in omni facultate, & doctrinâ oportere addiscentes credere; fides enim præcedit scientiam, scientia autem fidem subsequitur. Unde qui fidem ex humanis animis evellere conatur, nedum stultus esset, sed omni intelligenti clauderet viam; quid enim cognoscere possemus, si ea, quæ videntur alii, negaremus esse, quia ipsi non videntur? Videndum est, quomodo sit credendum maxime à Theologo Historicis referentibus, & quantæ auctoritatis sit eorum dictum.

IV. Dico primò. Nullus Historicus, præter Auctores sacros, idoneus est per se ad faciendam certam in Theologicis fidem. Assertio hæc cuique est manifesta, omnis enim historicus, præter Auctores sacros, homo est, loquitur ut homo, & spiritu proprio, seu humano; ergo potest falli, & fallere. Insuper nec omnia, quæ scribit, propriis oculis vidit, sed ex aliorum dicto, à quibus facile poterit decipi, multa accepit. Quare non procul à vero Flavius Vopiscus Aureliano ait, *neminem scriptorum, quantum ad historiam pertinet, non aliquid esse mentitum*; eique à Julio Tiberiano porrectâ maris responsum fuit, *scribe ut libet, securus quod velis dicere, habiturus mendaciorum comites*.

V. Dico secundò. Historici graves, & fide cigni, quales nonnulli sine dubio, & in Ecclesiasticis, & in secularibus fuer, probabile argumentum suppeditant Theologo, cum ad ea, quæ sua sunt corroboranda, tum ad falsas adversariorum opiniones revincendas. Hæc assertio non minus est explorata. Non enim est hominis bene instituti, & ad vitam humanam rectè compositi, viro gravi non credibilem assertenti non credere. *Romæ credibilem dixi*, quoniam quædam interdum ab Historicis, cæteroquin gravissimis (ut fortè à Plinio) referuntur, quæ, cum vix credibilia sint, si ea fuisse negemus, non idèò historiæ auctoritatem lædimus. Uterque igitur, & qui credit

*citò, levis certe est Ecclesiastici 19. v. 4., & qui nimis tardus est ad credendum, jure reprehenditur. Nam & est qui emittit verbum certum enarrans veritatem; est qui nequiter humiliat se, & interiora ejus plena sunt dolo Ecclesiastici c. 19. v. 23. Multò verò magis reprehensione dignus est eo, qui citò credit, ille, qui pertinaciâ quâdam refugit credere, maxime Auctoris probatis, & gravibus. Si namque in ore duorum, vel trium testrum fiat omne verbum Matth. 18. v. 16., & hoc sufficit ad vincendum in judicio reum; cur adversus rem, pluribus testibus, ut olim gestam, comprobata constantibus, Theologus, vel quis alius conserget? Eò vel maxime, quòd testimonia ex veritate sumpta potentiora ad probandum sunt, quia ea sola, ut ait Fabius, criminibus odii, gratiæque vacant. Quare Innocent. 1. 20. dist. 84. c. de quibus statuit, quòd si neque in libris canonicis invenias veritatem, *Canones Apostolica Sedis intueri. Si nec in illis, ad Catholica Ecclesia historias Catholicas à Dilectis Catholicis scriptas manum mitte*.*

Hinc non possum non improbare quorundam audaciam, ne dicam impudentiam, qui criticam, plusquàm par est, præfidentes hæc nostrâ ætate, res, quas esse gestas gravissimi auctores testati sunt in dubium vocant, & etiam negant. Quòd si idoneas causas, probabilesque redderent, audiendi fortasse essent. Cum verò aut reddant nullas, aut nullius, vel parvi momenti, contemnendi sunt, ut qui communem omnium sensum exuerint, humanorum judiciorum potissima instrumenta, hoc est, hominum gravium testimonia rejecerint, & historiam, lucem veritatis, neglexerint.

VI. Dico Tertiò. Si omnes probati, & graves Historici in eandem rem gestam concurrant; tunc ex horum auctoritate certum ducitur argumentum, ut Theologica dogmata firmâ ratione constituentur. Sic Petrum Romæ & fuisse, & collocasse Sedem, & pro Christo martyrio coronatum fuisse, omnes graves historici tradunt, tota credit antiquitas, & ex hoc certò probamus, Romanum Episcopum Petro in Episcopatu, & in Supremi totius Eccle-

Sic Pastorum dignitate succedere. Sic Concilium Nicænum tempore Constantini coactum, & à Silvestro I. Ecclesiae Pontificis comprobatur, historici quique gravissimi prodidere. Ex hoc arguimus certò, Concilii Nicæni statuta certa esse, quia certum est, Synodum Ecclesiae Generalem, Romano Pontifici probante, errare non posse. Generalem verò fuisse, nos docet historia, quā habemus, ei universitatem Pastorum non defuisse. Plurima ejusmodi sunt, quae communi historicorum consensione firmata, certa nobis dant argumenta ad Theologicos discursus.

Quis enim, nisi stultus, non modò negare, sed etiam in dubium vertere, quae omnes asserunt contigisse, audebit? Quid enim stultius, quàm si crocodilos, qui in Nilo sunt, aut alia genera monstruosa, belluarum, quae in mari gignuntur, quaeque esse omnes testantur, nulla esse dicamus, quia nuquam vidimus? Si de medio tollimus id, quod nobis historiae omnes, & testes graves asserunt, negabimus etiam Indias esse; & qui Mediterranci sunt, nec unquam mare, aut naves viderunt, mare, & naves esse, negare poterunt; dari Leones, Phantheras, Elephantes, ut fabulas deridere. Itā planè hæc omnia sequentur, si quod omnes historici asserunt, ad nos revincendos non sufficiat. Benè ergo scripsit Josephus lib. 1. contra Appionem: *Vera historia indicium est, si de eisdem rebus omnes eadem dicant, atque conscribant.* Et Sanctus Augustinus lib. 1. de moribus Ecclesiae Catholicae c. 29. Si salum dicatur, quod omnes narrant historiae, consequetur, inquit, omnium litterarum summa perverſo, & omnium, qui memoria mandati sunt, librorum abolitio, si quod tantā populorum religione, roboremus est, tantū hominum, & temporum consensione firmatum, in hanc dubitationem adducitur, ut ne historia quidem vulgaris fidem possit, gravitatemque obtinere.

S. III.

Regula discernendi inter Historicos.

VII. Prima regula sumitur ex hominum honestate, atque integritate.

te, quae omnino locum habet, cām, quae narratur historici, ea, vel ipsi viderunt, & se vidisse testantur, vel ab his, qui viderunt, acceperunt. Pleraque hujusmodi invenimus in *epistolis* Cypriani, Ambrosii, Hieronymi, Augustini, in *libris* quoque hujus *de Civitate Dei*, in *Dialogis* Gregorii, & in omnibus ferè *Doctrinæ Ecclesiae scriptis*: in iis enim, quae isti aut ex visu proprio, aut ex dicto eorum, qui viderunt, viri aliouin integerrimi, & sancti, mendacium ali-quod suspicari, grande piaculum est. Quā in re Erasmus, & Heterodoxi recentiores sæpe errarunt; quid enim licentius, ac immoderatiùs dici potuit, quàm Hieronymum asserentem Matthæi Evangelium Hebraicum se vidisse, imò illud describendi copiam habuisse, in hoc virum sanctissimum, ac doctissimum mentiri?

Regula hæc in prophanis quoque historicis locum habet. Quædam enim Julius Cæsar, quædam Suetonius, quædam Cornelius Tacitus, quædam Plutarchus narrant, quae auctores ipsi partim oculis conspexerunt, partim acceperunt ab his, qui ea præſentes aspexerant. In hisce verò auctoribus, tametsi pietatem, veraque virtutum officia spectare non licet, licet tamen probitatem quandam, bonitatemque naturæ conjicere. Quidam enim aut veritatis amore inducti, aut ingenui pudoris verrecundiā, usque aded à mendacio abhoruerunt, ut jam pudendum fortasse sit, historicos gentium quosdam veraciores fuisse, quàm nostros; qui sæpe studio partium nimium additi, aut vera ex odio tacuerunt, & tacent, aut ex nimio amore aliqua non vera, & aliquando inepta, & puerilia iis, de quibus scribunt, affingunt. Et hoc, non de prophanis solum, sed etiam de aliquibus sacris historicis dico. Dolenter (inquit Canus lib. 11. c. 5. non longè à fine) hoc dico posito, quam consuetudine, multò à Laetio securius vitas Philosophorum scriptas, quàm à Christianis vitas Sanctorum; longèque incervaptius, & integrè Suetonium res Cæsarum exposuisse, quàm exposuerint Catholicos, non res dico Imperatorum, sed Martyrum, Virginum, & Confessorum. Quò factum est, ut dū salus, mendacibus,

cibus, & plerumque vanis, ac ineptis præsertim revelationibus, & miraculis, mentes mortalium ad Sanctorum cultum accendere voluere, nil aliud egerint, quam ut veris propter falsa adimatur fides, vera æquè, ac falsa ab hæreticis rideantur, & quæ severè ab auctoribus planè veracibus edita sunt, ea etiam revocentur in dubium.

Nec novum est, nostrisque solis temporibus captum est, veras Sanctorum narrationes fabulis intermixtis contaminari; multa Sanctorum acta ità interpolata reperit Gelasius I., quæ proinde in Concilio septuaginta Episcoporum reprobat, atque spuria, vel suspecta à legitimis, & genuinis separavit. Hoc ideo monitum volui Lectorum, ut à quorundam falsà imaginatione caveat, qui res Sanctorum præclare gestas non se putant egregiè exposituros, nisi eas fidei revelationibus, ac miraculis adornarint: dumque studio erga sanctum plus æquo ab ipsi, illum extollere supra ceteros putant, Ecclesiæ Christi vehementer incommodant, impiis non levem subfannandi occasionem præbent, piis verò lacrymandi.

Hinc secunda regula pro historiæ judicio erit, ut eos historicos reliquis antiferamus, quos ingenii severitati quandam prudentiam adjunxisse, & ad eligendum, & ad judicandum cognovimus; quos insuper ad scribendum excitatos fuisse amore veritatis, non complacendi, aut adulandi genio. Et hoc locum habet nedum in rebus, quas nec Scriptores viderunt, nec ab iis qui viderant accipere; sed etiam in iis, quas ipsi videre potuerunt, vel dum viverent, contingerunt.

Unde colliges primò, minorem fidem per se sibi meritò conciliare historicos illos, qui stipendia à Principibus; vel aliis accipiunt, ut eorum facta enarrant, vel in eorum obsequio commorantur. Dixi per se, nam et illa, quæ pertinent ad talem Principem possint esse illis magis nota; prudenter timere possumus, ne potius adulationis, quàm veritatis amore conscripserint. Cautè ergo legendi sunt: & observandum, quomodo se gerant in scribendo. Si enim, quæ aliquis minis rectè gessit, recenscat late historicus, omis-

vel leviter pertractatis illis, quæ honorifice gessit, ac laudabiliter, licet hæc fuerint multa, & insignia, illa verò pauca, & levia: vel viceversà narret solum laudabilia, quamvis pauca, eaque extollat ut magna, prætermittit minus laudabilibus, quamvis hæc nec pauca fuerint, nec occulta; Hic meritò in suspicionem venit, ne simulatè, & passione odii, aut amoris aut adulandi animo potius, quàm amore veritatis conscripserit. Cautè propterea legendi sunt, qui de aliquo errore, vel hæresi suspecti, illius hæresis, vel illius auctorum historias narrant, diminuti enim esse solent in iis, quæ contra se militant, effusi autem in iis, quæ sibi favent: & plerumque sibi solum favorabilia plus nimio extollunt, & aliqua falsa comminiscuntur.

Secundò. Minor quoque fides habenda est illis historicis, qui quæcumque à quolibet sermè ad se delata, nullo habita delectu, in annales suos congerere soliti sunt.

Tertiò. Tandem minorem certitudinem, ac probabilitatem per se habent scribentes illa, quæ suo non contingerant tempore, nam sic ex famâ, audituque multa necesse est ut proferant. Hæc indicavit Card. Baronius ad an. 34. num. 177. his verbis. *Non parum certè interest in veritate historica disquirenda, auctorum, qui res gestas scripserunt, quo vixerint tempore, cujusque fuerint eruditione, atque existimationis, habere rationem: potissimumque, si hujusmodi scriptores rerum perspettarum, ac eorum auctoritate editarum, pietatem, ac virtutem, eum doctrinâ, & veritate conjunxerint, ut plaudè digni sint. quibus fides integre addibetur: soli sint, quibus ceteri assensuantur: soli denique sint, quibus reliqui qua scriverint, vel scripserint, tanquam ab eis accepta referant.* Licet autem historici, qui scripserunt ea, quæ suo contigerunt tempore, regulariter majorem fidem mereantur; Interdum tamen potest esse veracior historia scripta ab illis, qui postea scripserunt, eò, quòd cogi aliquando possunt historici ad reticenda multa, licet publica, vel semipublica, viventibus Principibus, ac aliis, quorum facta præsentia scribantur. Insuper

dùm scribunt ea, quæ suo quidem tempore contigerunt, in remotissimis tamen locis acciderunt, idcirco fieri potuit, ut mendacissima ad eos delata fuerint, quæ detecta, à posterioribus fuerint scriptoribus emendata. Vel tandem quoddam res præfentes scripserunt, eas, ut supra dicebamus, non ex veritatis amore, sed prout eos animi affectio ferebat, exaraverint.

Tertia regula est. Si cui historico auctoritatem Ecclesia tribuit, hic procul dubio dignus est, cui nos etiam auctoritatem adjungamus. Contra verò, cui Ecclesia derogavit fidem, ei quoque nos meritò fidem derogabimus. Porro, cùm Gelasius Papa historiam de vitis Antonii, Pauli, Hilarionis, à S. Hieronymo conscriptis, cum omni honore suscepit, & collaudaverit Orosium, & Silvestri Acta, sicut & Eusebii Chronicon non repudiaverit, ea & nos suscipimus, nec repudiare debemus; & si quis alias historias reperimus, ab Ecclesiâ vel collaudatas, vel non repudiatas. E contra verò cùm idem Gelasius inter Apocrypha amandaverit Clementis libros octo, Acta Andræ, Philippi, Petri, Thomæ nominibus falsò edita, librum de infantia Salvatoris, alterum de ejus Nativitate, librum Pastoris, Acta Theclæ, & Pauli, aliaque ejusmodi, idcirco hæc omnia tanquam nullius auctoritatis à Theologo habenda sunt.

VIII. Dices. Gelasius inter Apocrypha rejectit etiam Eusebii historiam, & tamen ex eâ Theologus sæpe sumit argumenta.

Respondeo, Eusebii historiam à Gelasio partim approbari, partim improbari; approbatur ob rerum notitiam singularem; improbatur ob Jesu ad Abgarum epistolam ab eo relatum, quam ibi Gelasius rejectit, ut Apocrypham; ob nimias Origenis laudes; & ob Ariani dogmatis fuliginem, quâ aliquando historiam suam maculat, & Arianorum patrocinium. Unde Sanctus Hieronymus ep. ad Pammachium, & Oceanum: *Ecclesiasticam* (inquit) *pulebrè Eusebii historiam tenuit, sed impietatis Arii a-*

peritissimus propugnator est, & epist. ad Ctesiphontem de Eusebio, quem (inquit) fuisse Arianum nemo est, qui nesciat. Quare cum Synodo VII. actione 6. testimonium Eusebii esset prolatum, Epiphanius respondens, *Eusebii* (inquit) *Pamphili in testimonium ducitur, qui ab omni Ecclesiâ Catholica noscitur Patronus esse Arii hæreticos, quemadmodum in omnibus conscriptis suis, expositionibusque continetur &c.* Ex hac ergo parte Eusebius jure, ejusque historia improbat, dùm ait, *Historia Eusebii Pamphili Apocrypha.* Ex alia verò eam probaverat dicens, *Chronicon Eusebii Cesarientis, atque ejusdem Historiæ Ecclesiasticæ libros, quamvis in primo narrationis sua libro tepuerit (errorem Arianum scilicet ferendo) & postea in laudibus, & excusatione Origenis unum composuerit librum: propter rerum tamen notitiam singularem, qua ad instructionem pertinent, usquequaque non dicimus renuendos.* Ejus propterea usus est testimonio Vigilius instituto. Et Pelagius II. epist. 3. ad Eliam Aquilejensem, & aliorum Episcopos *Utra Eusebii historiam i pensè commendavit his verbis: Quid namque in Hæresibus Origene deterius, & quid in Historiographis inveniri Eusebio honorabilius potest? Et quis nostrum nescit, in libris suis quantum Origenem præconis Eusebii attollat? sed quia Sancta Ecclesiâ suorum fidelium corda benignius, quàm verba discribitur pensat, nec in hæreticis sensum proprium testatio Eusebii absolvere potuit; nec rursum Eusebium laudatū Origine culpa dampnavit.* Ecce quomodo absque uliâ contrarietate unus Pontificum Eusebii historiam laudat, quam alter condemnarat. Imò uterque, quæ sana sunt laudat, quæ verò suspecta uterque damnat. Plura hic laudatus Canus de historiâ, ac historicis congerit, Criterium eorum faciens, & semper eruditè. Nos in locis his Theologicis factis, superque studiosum detinuimus. Qui plura optaret, Canus adeat: Nos interim è v. tribulo ad interiora Theologiæ transibimus.

Tomus Primi I. Partis finis.

I N D E X

Eorum, quæ in hoc Primo Tomo **L. Partis**
visa sunt notatu digna.

A.
Academia Parisiensis. Vide *Parisiensis*. *Academiæ* auctoritas. pag. **185.**

Adrianus II., quid senserit de Honorio? **165.**

Adrianus VI. an erraverit? **163.**

Agathonis Papæ epistola damnat Monothelitism, infallibilitatem asserit, eamque sexta Synodus probat. **151.**

Apostoli tempore Passionis fidem non amiserunt; & dato, quod amiserint, Ecclesia errare in fide non potest. **113.**

Arianorum tempore erat Ecclesia. **110.**

Ariminense Concilium an erraverit? **127.**

Articulus fidei non est idem ac dogma fidei. **46. 47. 48.**

Atheæ propositio. **42.**

Augustinus Romani Pont. infallibilitatem non destruit **148. 156.**, nec Patrum auctoritatem. **178.** in materiâ gratiæ multi faciendû. **181.**

B.
Basiliense Concilium in iis, quæ statuit contra Papam, quanti sit faciendum **165.**, à quo tempore desierit esse legitimum: quomodo ab Eugenio approbatum? **166. 167.**

Basilii prudenter indulsit silentium de Spir. S. divinitate Macedonianis, non, tamen Honorius de unâ, vel duplici operatione in Christo Monothelitism. **119. 130.**

Biblia quomodo à Clemente VIII. emendata. **161.**

Bonifacius VIII. ejus Constitutio non fuit à Clemente V. abrogata. *ibid.*

C.
Canonista cum Theologis comparati. **186.** quorum auctoritas, & in quibus præferenda sit? *ibid.* Canonici. Jus quibus partibus constat? *ibid.* quantæ auctoritatis sit in rebus Theologicis? **188. 189.** Canonistarum sententia quale argumentum præbeat? **191.**

Canus Melchior laudatur. **84. 101. &c.**

Catholica modò est Ecclesia. **115.**

Censura propositionis ad quem spectet? **44.**

Certitudo, quæplex? **70.**

Christus Ecclesiæ non deest. **124. 125.**

Cælestinus III. in materiâ separationis conjugum causâ heresis ut Doctor privatus locutus est. **160.**

Concilia. Quid tenendum sit ut in eis definitum. **29.** Quid sit Concilium. **126.**

Quæplex. **127.** Ex quibus constare deb. at? **126.** Generalia nec convocata, nec confirmata à Rom. Pontif. firmum argumentum dare non possunt. **118.** nec, nisi convocata, si ab eo confirmata non sint. **129.** bene tamen, si convocata, & simul confirmata ab eo sint. **130. &c.**

Pastores omnes congregati errare non possunt. **121. 122.** &c. id non negant Patres. **126.** neque factis probatur. **126.**

127. &c. Quid de Concilio Generali per Papæ Legatos celebrato? **131. 132.**

Concilia non Generalia à Rom. Pontif. non probata pro fide certum argumentum non præbent. **131.** bene tamen, si probata sint. **132.**

Concilia Judaica an erraverint. **125.**

Concilia Patres verè Judices sunt. **135. 136.**

Concilia auctoritas in quo diff. rat ab auctoritat. Scripturæ? **137. 138.** &c. non lædit Papæ infallibilitatem. **153. 154. 155. 165. 166. &c.**

Conclusio Theologica. **2. 60. 61. 62.**

Congregationum Decreta quantæ sint auctoritatis? **182. 190.**

Conimbriciense Academia pro Papæ infallibilitate. **169.**

Constantinopolitanum III., seu Synodus VI. an erraverit? **158. 159.** an ejus acta fuerint corrupta? *ibi.* Tutius est, non errasse, nec damnaſſe Honorium. Papam ut Hæreticum. **129.**

Constantiense Concilium circa superioritatem ejus ad Papam exponitur. **118. 119.**

S. Cyprianus Rom. Pontificis infallibilitati non obstat. **149. 151. 156.**

D.

Damasus Papa petiti fieri Synodum. Generalem ad condemnandum Macedonium. 154.

Decretalium libri quale argumentum præbeant. 133. 139.

Decretum Gratiani quibus auctoritatibus constet, quid *Palea* nomine 187. quanti sint faciendæ? 188.

Dialectica Theologo non indigna. 23. 24.

Doctrina Sacra homini necessaria. 4. &c. quid per eam intelligat D. Th. 6. purè Theologica, quæ sit? 33. &c. nociva fidei quomplex? 36. 37. &c.

Dogma Fidei quid sit? 25. 26. Debet esse ab Ecclesiâ propositum. ib. 27. quibus notis discernatur? 27. 28. an omne dogma Catholicum sit fidei dogma, & hoc, an sit articulus fidei? 44. &c. dogma non idem est ac doctrina. 45.

Ecclēsia. Eius propositio ad credendum requiritur. 25. 26. nec circulus vitiosus committitur. 27. *Ecclesiæ* nomine quid veniat? 28. 29. 101. 103. Romana Ecclesiâ veritatis magistra. 30. quid sit Ecclesiâ? 102. 103. ab eâ certum trahi potest argumentum. 104. hæretici resutantur. 104. 105. nunquam tota defecit. 107. ad 110. &c. Vera Ecclesiâ monstrari potest ib. & ad 110. Arca est, & Ovile. 111. in quo oves sunt, & hædi. 112. Ecclesiâ quomodo sancta 113. 119. ad eam pertinent peccatores fideles, quomodo? 113. Græca schismatica non est vera. 114. mortuo Summo Pontifice adhuc perseverat. 115. est etiam nunc verè Catholica. ib. 116.

Elutherius quid egerit circa Montanistas. 117.

Eliberitanum Concilium non erravit. 126. 127.

Elia tempore monstrari Ecclesiâ poterat. 107.

Epheſinum II. Concil. erravit. 126.

Extrema propositio, quæ sit. 30. erroris proxima. 40. errore sapiens? 45.

Errores. Varii errorum gradus. 36. &c.

Engenius IV. non præfere iudicio Papæ iudicium Ecclesiæ. 164.

Fides Theologiâ gignitur, nutritur, defenditur. 7. 8. Non obſcuratur Scho-

lastica. 23. 24. Fidei dogma quid sit? 25. &c. Fidei articulus quid sit? 40.

Francfordienſis Synodus erravit errore facti. 130.

Gallicanus Conventus Rom. Pontifici asserit infallibilitatem. 145. 146.

Gelasius Papa quomodo inter Apocrypha rejiciat Eusebii historiam? 204.

Græci Ecclesiâ schismatica non est vera. 114. 115.

S. Gregorius in causâ Cælibatus Subdiaconorum Siciliæ non pugnat cum Pelagio II. 160.

Hæretica propositio, quæ 138. Hæresim sapiens? 40.

Hierosolymitanum Concilium norma aliorum, ex quibus constitit? 117.

Hispalenſis Academia pro Papæ infallibilitate. 169.

Historia humana, ejus utilitas. 198. 199.

100. ejus auctoritas in Theologicis. 200.

201. regulæ discernendi inter historicos. 201. 202.

Homo non deterior brutis, esset suum finem per se nequeat attingere. 5.

Honorius Papa damnatus, non ut hæreticus. 129. 130. non tamen excusatus. ibid. & 132. 165.

Hypoſtaſum utrum controversia. 152. 153.

Impia propositio. 43.

Infalibilitas Rom. Pont. Vide Rom. Pont. per omnia secula probatur. 151.

152. eam non evertunt Pont., & Concilia. 161. 163. &c. nec Academia. 163. 169.

Injuriosa propositio. 43.

Innocentius I. quomodo petiti Synodum? 154. 155.

Innocentius IV. de formâ Sacrament. quid senserit? 160. 161.

Joannes XXII. non asserendo, sed opinando dixit. 159. non contradicit Nicolao IV. de Paupertate FF. Minorum. 161. 163.

Irenæus Rom. Pontif. infallibilitatem asserit. 150.

Judaica propositio. 43.

Jus Canonium. Vide *Canonista*, *Decretum*, *Decretales*.

Jus Civile, an serviat Theologo? 197. 198.

La-

L *Atraniensis V.*, quid senferit de Concilio Basileenfi? [167.](#)
S. Leo Papa *L.* quanti factus à Concilio Chalcedonenfi. [151.](#) quare petit illam Synodum? [153.](#) [154.](#)
Leo II. non damnat Honorium ut hæreticum. [165.](#)
Leo X. Concilium Basileenfe vocat Conciliabulum. [167.](#)
Liberius Papa cur petit Concilium à Constantio? [154.](#) non fubfcripfit formulæ hæreticæ. [158.](#)
Lori Theologi, qui, & quot? [84.](#) quomodo ex iis Theologus argumentetur? [85.](#)
Lovanienfis Academia Papæ infallibilitatem afferit. [163.](#) [169.](#)
Lutherus Patres contemnit. [170.](#)

M *Acedonians* filentium de divinitate Spiritus Sancti prudenter indultit S. Baſilius. [150.](#)
S. Maximus Honorium ab hærefi defendit. [152.](#)
Monothelitis an Honorius *L.* confenferit? [158.](#)

N *Naturalis* ratio non fufficit homini ad ultimum finem attingendum. [4.](#) [5.](#)
Necelfarium. Quotuplex? [3.](#) [4.](#)
Nicæna II. Synodus non erravit. [130.](#)

O *Ecumenicum* Concilium quale? [117.](#)
 Certam fidem facit, à Papâ tamen confirmatum. [120.](#)

P *Agana propofitio*. [43.](#)
Paphnutii hiftoria fufpecta. [135.](#) [136.](#)
Parifienfis Academia non tota, nec femper Papæ infallibilitatem negavit. [167.](#) [168.](#)
Paffores omnes errare non poffunt. [106.](#)
 107. 121. 122. in Concilio Iudices funt. [131.](#) [136.](#)
Patres. Eorum concors fententia circa Scripturam tenenda eft. 31. 32. eorum auctoritas à Luthero depreſſa. [170.](#) qualiter fentiant S. Auguſt., & D. Thom. *ibi*. Quæ requirantur ut aliquis fit Eccleſiæ Pater? [171.](#) Quale argumentum ex Patribus, five diviſim, five collectivè acceptis ſumere poſſit Theologus? [172.](#) ad [178.](#) funt teſtes Fidei, & Do-

ctrinæ Eccleſiæ [179.](#) eorum ſcripta, omnia ſaltem, non cadunt ſub dubio. [179.](#) [180.](#) *pluris* auctoritatis ii funt, qui de aliquo dogmate ex profeſſo ſcripſerunt. [180.](#) [181.](#)
Paulus IV. Romanos Pontifices non declarat fallibiles. [163.](#)
Pelagius II. quomodo excuſet Vigilium? [149.](#) non pugnat cum Gregorio *L.* [160.](#)
S. Petrus. Quomodo ſuper eum ædificatur Eccleſia præ ceteris Apoſtoliſ? [143.](#) [144.](#) quomodo Perſonam Eccleſiæ gerebat? *ibid.* à D. Paulo reprehenfus. [146.](#) [147.](#) vitio converſationis, non dogmatum. *ib.* & [148.](#) primum hæreticum damnavit. [150.](#)

Philophi Gentiles, quia ſine Theologiâ, erraverunt. [4.](#) [5.](#) eorum auctoritas an Theologo ſerviat? [194.](#) [195.](#) quomodo adhibenda? [195.](#) quam fidem faciat? [196.](#) [197.](#)
Pontifex Romanus. Vide *Romanus Pontifex*.
Poſitiva Theologia. [5.](#) [8.](#) antiqua. [11.](#) utilitas. [15.](#) [16.](#) ad obſcura Scripturæ loca. [16.](#)
Propoſitio hæretica, erronea &c. [38.](#) & c. pium aurium offenſiva. [42.](#) malè ſonans. *ibid.* ſimplicium ſeductiva, ſchiſmatica &c. *ibid.* improbabilis. [43.](#)
Proſtantes Scripturam eſſe in aliquibus obſcuram, negant. [16.](#) [17.](#) Scholaſticos oderunt. [59.](#) ad [59.](#)

R *Ratio* naturalis qualiter ſerviat Theologo? [192.](#) [193.](#)
Regularum Juris, quis auctor, qualis auctoritatis? [187.](#) [188.](#)
Romanus Pontifex dat Conciliis firmitatem. [118.](#) *&c.* ſequens, ut privatus Doctor non eſt infallibilis. [159.](#) [160.](#) Infallibilis in rebus fidei, & morum totius Eccleſiæ proponendis. [139.](#) [140.](#) *&c.* Scripturâ probatur *ib.* [140.](#) [141.](#) exemplo Synagogæ. [141.](#) [142.](#) ex D. Thomâ. [144.](#) ex Gallicano Conventu. [145.](#) hoc privilegium antiquæ Eccleſiæ non fuit ignotum. [150.](#) ſacrum Viſtoris, & Stephanî. [151.](#) cur petierint Synodos convocari? [153.](#) [154.](#) etiamſi eorum iudicium ſit infallibile. *ibid.* ſuppoſita Romanorum Pontificum errata, & repugnantès definitiones. [157.](#) [158.](#) &c. non ſc

se pronunciant fallibiles. 162. 163. nec Concilia eos fallibiles declarant. 165. distinctio inter Romanam Ecclesiam, & Romanum Episcopum non probatur. 163. 164. an errare possit errore Personæ? 164. ejus infallibilitatem Parisiensis Academia, nec tota, nec semper denegavit. 167. 168. eam aliz Academicæ profitentur. 168 169.
Nota Rem. Auditorium unde ortum, cur sic dictum, & quantæ auctoritatis? 192.

S

Sapientia quid sit? 75.
Scandalosa propositio quæ sit? 41.
Schismatica propositio. 41.
Scholastica Theologia. 3. 2. ejus antiquitas. 11. &c. quovis tempore in usu. *ibid.* &c. eâ usi Christus, Paulus, Patres. *ibid.* 11. &c. quomodo Damascenus, & Petrus Lombardus ejus auctores sint? 13. non reprobatur à Patribus. 14. nec à Paulo. 15. utilis. 18. &c. defenditur usus, abusus damnamur. 18. ad 12.

Scholastici. Vide Theologi.
Scientia quid, quotuplex? 49.
Scriptura Sacra in quibusdam obscura. 16. 17. 18. verus illius sensus, à quo accipiendus? 16. 27. &c. quid? 86. quotuplex sit? 87. varii ejusdem sensus. 88. 89. &c. ex litterali valde arguitur. 92. aliquando etiam ex mystico. *ibid.* ex accommodatio nunquam. 93. variz editiones. 94. 95. ex quâ firmum trahatur argumentum? 97. ejus auctoritas auctoritate Conciliorum major est. 137. &c.

Sensus Sac. Scripturæ. Vide *Scriptura*.
Simplicium seductiva. 42.

Siricius Papa quomodo remiserit Bonosum ad Concilium? 153. 154. 155.

Stephanus I. Papa veritatis assertor. 150. 151. ejus controversia cum S. Cyriano non obest Romani Pontif. infallibilitati. 151. non est lapsus in errorem extremum. 158.

Stephanus II. an validum judicaverit Baptistima in vino collatum? 161.

Synagoga, esto defecit, non deficit Ecclesia. 110. 111.

T

T *Itineraria* propositio, quæ sit? 41.
Theologi. Nomen. 1. apud Paga-

nos quotuplex? 1. apud Christianos. 2. 3. homini necessaria. 4. &c. etiam ad res naturales vestigandas. 5. 6. ad salutem quomodo? 7. 8. Positiva, & Scholastica. 3. discrimen inter utramque. 8. &c. antiquitas utriusque. 11. &c. Scientia est. 30. in Viatore. 30. 31. et si actus non evidens. 32. 33. subalternatur Scientiæ Dei, & Beatorum minus propriè. 55. manebit in Patriâ. 16. quomodo evacubitur? 17. est supernaturalis solum extrinsecè. 19. &c. ejus objectum est supernaturale solum radicaliter. 64. 65. est speculativa simul, & prædica. 66. 67. &c. certior, & dignior aliis scientiis. 70. 71. &c. est sapientia. 75. 76. habet pro objecto quod Deum ut Deum. 77. pro objecto quo divinam mediatam revelationem. *ibid.* 81. alia ut objecta materialia. 77. 80. est argumentativa. 81. circa principia quomodo se gerat? 81. 82. 83.

Theologici loci. Vide *loci*.

Theologi Scholastici nomine quid? 121. in pretio habendi. *ibid.* auctoritatis quantæ sint divisi, & collectivè? 183. veteres, & moderni. 184. qui recentiores spernit, sperneret, & veteres. *ibid.* cum Canonistis comparati. 186. 187.
S. *Thema* mens in suâ summâ. 1. circa Rom. Pontificis auctoritatem, & infallibilitatem. 144. de D. Petro reprobens à D. Paulo. 148.

Traditio multiplex est. 97. 98. 99. regulæ pro discernendâ unâ ab aliâ. 100. ex quâ firmum argumentum sumatur? 101. 102. ad hæreticos confutandus major vis in traditione, quàm in scripturâ. *ibid.* quæ tenenda sit? *ibid.* 122.

V

V *Istus I.* Papa in causâ Quartodecimorum. 152. firmat Rom. Pont. infallibilitatem. *ibid.* non excommunicavit Arianos. *ibid.* 157. 158.

Vigilius Papa in causâ trium Capitulorum. 149.

Z

Z *Ozimus* non favit Cælestino. 158. 159.